

PURCHASE

THE SUMANGALA VILASINI

PURCHASED

Pali Text Society

THE
SUMAṄGALA-VILĀSINĪ,
BUDDHAGHOSA'S COMMENTARY
ON THE
DĪGHA-NIKĀYA

EDITED BY
W. STEDE, PH.D.
FROM MATERIALS LEFT UNFINISHED BY
T. W. RHYS DAVIDS AND J. ESTLIN CARPENTER

PART III.
(SUTTAS 21-34)

London
PUBLISHED FOR THE PALI TEXT SOCIETY
BY

LUZAC & COMPANY LTD.
46 GREAT RUSSELL STREET WC1B 3PE

1971

P
294.3823
T595 A.A.A.N
V.3

First published . . . 1932
Reprinted. . . . 1971

SBN 7189 0713 2

© Pali Text Society

THE ASIATIC SOCIETY

CALCUTTA 700016

Acc. No. 49387

Date. 17. 11. 88

SL. no. 381250

Printed in England by Stephen Austin and Sons Limited, Hertford

PREFACE TO THE SECOND EDITION

With the publication of this third and last volume of *Sumaṅgalavilāsinī*, there are now available in roman script all three vols. of D, all three vols. of its translation (Dialogues of the Buddha in SBB), all three vols. of its Comy. (DA), and all three vols. of a sub-commentary, *Linatthapakāsinī* (DAṬ).

This 2nd edn. of DA III has had a number of corrections made to the text throughout as was done in vols. I and II. Again, like them, it has been furnished with the two Appendixes : Appendix I shows some variant readings from K (the Siamese printed edn.) and DAṬ, the latter having been kindly supplied by Dr. Lily de Silva, editor of the 3 vols. of DAṬ ; Appendix II gives the references and parallel passages I was able to find. Those traced by Dr. Stede have been left, as shown by him, on the relevant pages, and have not been repeated in the Appendix. This is of quite formidable proportions. Again it must be emphasized, however, that source-material is available now, together with various tools for tracing it comparatively rapidly, that were not available in 1932, the year of the original edition.

Moreover, as a study of the Commentaries to the Pali Canon comes to be regarded as having its own importance, so it will be necessary for editors in the future, as in the past, to record as many as possible of the allusions and references that the Commentaries make to canonical and other works, besides tracing parallel or comparable passages in other Commentaries.

I. B. HORNER.

CONTENTS

SUTTA		PAGE
XXI. SAKKA-PAÑHA-SUTTA-VANÑANĀ	- -	697
XXII. MAHĀ-SATIPATTHĀNA-SUTTA-VANÑANĀ	- -	741
XXIII. PĀYĀSI-SUTTA-VANÑANĀ	- -	807
XXIV. PĀṬIKA-SUTTA-VANÑANĀ	- -	816
XXV. UDUMBARIKA-SUTTA-VANÑANĀ	- -	832
XXVI. CAKKAVATTI-SUTTA-VANÑANĀ	- -	845
XXVII. AGGAÑÑA-SUTTA-VANÑANĀ	- -	859
XXVIII. SAMPASĀDANIYA-SUTTA-VANÑANĀ	- -	873
XXIX. PĀSĀDIKA-SUTTA-VANÑANĀ	- -	905
XXX. LAKKHAṆA-SUTTA-VANÑANĀ	- -	918
XXXI. SIGĀLAKA-SUTTA-VANÑANĀ	- -	941
XXXII. ĀṬĀNĀṬIYA-SUTTA-VANÑANĀ	- -	960
XXXIII. SAṄGĪTI-SUTTA-VANÑANĀ	- -	971
XXXIV. DASUTTARA-SUTTA-VANÑANĀ	- -	1053
INDEX	- - - - -	1065

SUMANGALA-VILĀSINI.

VOLUME III.

XXI.

SAKKA-PAÑHA-SUTTA-VANÑANĀ

1. *Evam me sutan ti Sakka-pañhaṇ.* Tatrāyaṇ anuttāna-pada-vanñanā.

Ambasaṇḍā nāma Brāhmaṇa-gāmo ti so kira gāmo Ambasaṇḍānaṇ avidūre nivittḥo Ambasaṇḍo tv' eva vuccati.

Vediyake pabbate ti so kira pabbato pabbata-pāde jātena maṇi-vedikā-sadisena nīla-vana-saṇḍena samantā parikkhitto tasmā Vediya-pabbato tv' eva saṅkhaṇ gato.

Indasāla-guhāyan ti pubbe pi sā dvinnāṇ pabbatānaṇ antare guhā. Indasāla-rukkho o' assa dvāre, tasmā Indasāla-guhā ti saṅkhaṇ gatā. Atha naṇ kuḍḍehi¹ parikkhipitvā dvāra-vātapānāni yojetvā supariniṭṭhita-sudhākamma-mālākammalatākamma-vicittaṇ leṇaṇ katvā Bhagavato adaṇsu. Purimavohāra-vasen' eva pana Indasāla-guhā tv' eva naṇ sañjānanti. Taṇ sandhāya vuttaṇ *Indasāla-guhāyan* ti.

Ussukkaṇ udapādī ti dhammiko ussāho uppajji. Nanu ca esa abhinhaṇ dassāvī Bhagavato, na so devatā-sannipāto nāma atthi. Yatthāyaṇ na āgata-pubbo Sakkena sadiso appamāda-vihārī deva-putto nāma n' atthi. Atha kasmā Buddha-dassanaṇ anāgata²-pubbassa viya 'ssa ussāho udapādī ti? Maraṇa-bhayena santajjitattā. Tasmiṇ kira samaye āyu parikkhiṇo. So pañca pubba-nimittāni disvā: Parik-

¹ B kuṭṭehi.

² SS agata°.

khīṇo dāni me āyū ti, aññāsi. Yesañ ca deva-puttānaṃ maraṇa-nimittāni āvi-bhavanti, tesu ye parittakena puñña-kammena devaloke nibbattā te: kuhin nu kho idāni nibbattis-sāmā ti, bhaya-santāsaṃ āpajjanti. Ye kata-bhīru-ttāṇā bahuṃ puññaṃ katvā nibbattā, te attanā dinnāṃ dānaṃ rakkhitaṃ sīlaṃ bhāvitaṃ bhāvanañ ca āgama: Upari-devaloke sampattiṃ anubhavissāmā ti, na bhāyanti. Sakko pana deva-rājā pubba-nimittāni disvā, dasa-yojana-sahassaṃ deva-nagaraṃ yojana-sahass' ubbedhaṃ Vejayantaṃ, ti-yojana-sati-kaṃ Sudhamma-deva-sabhaṃ, yojana-sat' ubbedhaṃ Mahā¹-pāricchattaṃ, satthi-yojanikaṃ paṇḍu-kambala-sil' āsanaṃ aḍḍha-tiyā-nāṭaka-koṭiyo, dvīsu devalokesu deva-parisaṃ, nandana-vanaṃ cittalatā-vanaṃ missaka-vanaṃ phārusaka-vanaṃ ti: evaṃ sabba-sampattiṃ oloketvā: Nassati vata bho me ayaṃ sampatti ti, bhayābhibhūto ahosi. Tato: Atthi nu kho koci samaṇo vā brāhmaṇo vā loka-pitā Mahābrahmā vā yo me hadaya-nissitaṃ soka-sallaṃ samuddharitvā imaṃ sampattiṃ thāvaraṃ kareyyā ti, olovento kañci adisvā puna addasa: Tiṭṭhām' ahaṃ mādisānaṃ sata-sahassānam pi uppannaṃ soka-sallaṃ Sammā-Sambuddho uddharituṃ paṭibalo ti, ath' evaṃ parivitakkentassa *Tena kho pana samayena Sakkassa devānam Indassa ussukkaṃ udapādi Bhagavantaṃ dassanāya.*

Kahan nu kho Bhagavā viharatī ti katarasmiṃ janapade katara-nagaraṃ upanissāya kassa paccaye paribhuñjanto kassa amataṃ dhammaṃ desayamāno viharatī ti.

Addasā kho ti addakkhi paṭivijjhi.

Mārisā ti piya-vacanam etaṃ devatānaṃ, pātiyekko vohāro niddukkhā ti pi vuttaṃ hoti. Kasmā pan' esa deve āmantesi ? Sahāy' atthāya. Pubbe kir' esa Bhagavati Salaḷa-ghare viharante ekako va dassanāya agamāsi. Satthā: Aparipakkaṃ tāv' assa ñāṇaṃ, katipāhaṃ pana atikkamitvā mayi Inda-sāla-guhāyaṃ viharante pañca pubba-nimittāni disvā maraṇa-bhaya-bhīto dvīsu devalokesu devatāhi sādḍhiṃ upasaṅkamitvā cuddasa pañhe pucchitvā upekkhā-pañha-vissajjanāvasāne asītiyā devatā-sahasseehi sādḍhiṃ sot' āpatti-phale patitṭṭha-hissatī ti, cintetvā okāsaṃ na akāsi. 'So mama pubbe

pi ekakassa gatattā Sattharā okāso na kato addhā me n' atthi magga-phalassa upanissayo, ekassa pana upanissaye sati cakkavāla-pariyantāya pi parisāya Bhagavā dhammaṃ deseti yeva, avassaṃ kho pana dvīsu devalokesu kassaci eva upanissayo bhavissati, taṃ sandhāya Satthā dhammaṃ desesati, taṃ sutvā aham pi attano domanassaṃ vūpasamessāmi¹ ti cintetvā sahāy' atthāya āmantesi.

Evaṃ bhaddan tavā ti kho cakkavālā¹-pariyantā¹ devā Tāvatiṃsā ti: Evaṃ hotu Mahārājā! Gacchāmi ahaṃ Bhagavantaṃ dassanāya. Dullabho Buddh' uppādo. Bhaddaṃ tava yo tvaṃ: 'Pabbata-kīḷaṃ gacchāmi' ti avatvā, amhe evarūpesu tñānesu niyojesi ti, *paccassosun* tassa vacanaṃ sirasā sampañcchiṃsu.

2. *Pañcasikhaṃ Gandhabba-puttaṃ āmantesi* ti devatā va āmantetvā² imaṃ kasmā viṣuṃ āmantesi? Okāsa-karaṃ atthaṃ. Evaṃ kir' assa ahosi: Dvīsu devalokesu devatā gahetvā dhurena paharantassa viya Satthāraṃ upasaṅkamituṃ na yuttaṃ. Ayam pana Pañcasikho Dasabalassa upaṭṭhāko vallabho icchit' icchita-kkhaṇe gantvā pañhaṃ pucchitvā dhammaṃ suṇāti. Imaṃ purato pesetvā okāsaṃ kāretvā iminā kat' okāseṇa upasaṅkamitvā pañhaṃ pucchissāmi ti, okāsa-karaṃ atthaṃ āmantesi.

Evaṃ bhaddaṃ tavā ti so pi: 'Evaṃ Mahārājā hotu. Bhaddaṃ tava yo tvaṃ: Ehi mārisa uyyāna-kīḷ' ādīni vā naṭṭa-samajj' ādīni vā dassanāya gacchāmi ti, avatvā: Buddhaṃ passissāmi, dhammaṃ sossāmi ti, vadaṃ³ ti dalhataṃ upatthambhento, *devānam Indassa* vacanam *paṭissutvā, anucariyaṃ* sahacariyaṃ ekato gamaṇaṃ⁴ *upāgami*.

Tattha *Beluva-panḍun* ti beluva-pakkaṃ viya paṇḍu-vannaṃ. Tassā kira sovaṇṇamayaṃ pokkharāṃ, indaṇḍamayo daṇḍo, rajatamayā tantiyo, pavālamayā veṭhakā, vīṇā-pattakaṃ gāvutaṃ, tanti-kandhanaṭṭhānaṃ gāvutaṃ, upari daṇḍako gāvutaṃ ti ti-gāvuta-ppamāṇā vīṇā. Iti so taṃ vīṇaṃ ādāya, sama-paññāsa⁴ mucchanāhi mucchetvā agga-nakhehi paharitvā madhuraṃ gīta-ssaraṃ nicchāretvā, sesa-deve Sakkassa

¹ B omits.

² SS gamana-gamaṇaṃ.

³ MSS. āmantetu.

⁴ SS samāya.

gamana-kālaṇ jānāpento ekam-antaṇ aṭṭhāsi. Evaṇ tassa gīta-vādita-saññāya sannipatite deva-gaṇe *Atha kho Sakko devānam Indo . . . pe . . . Vēdiyake pabbate paccuṭṭhāsi.*

3. *Atiriva obhāsajāto* ti aññesu¹ aññesu¹ divasesu ekass' eva devassa vā Mārassa vā Brahmuno vā obhāsena obhāsajāto hoti. Taṇ divasaṇ pana dvīsu devalokesu devatānaṇ obhāsena atiriva obhāsajāto eka-pajjoto sahassa-canda-suriya-uggata-kāla-sadiso ahosi.

Parito-gāmesu manussā ti samantā gāmesu manussā. Pakati-sāyam-āsa-kāle yeva kira gāma-majjhe dārakesu kiṇantesu tattha Sakko agamāsi. Tasmā manussā passitvā evam āhaṇsu: 'Nanu majjhima-yāme devatā Bhagavantaṇ upasaṅkamanti. Ayaṇ kasmā paṭhama-yāmassāpi purima-bhāge yeva āgato' ti? Maraṇa-bhayen' eva tajjitattā ti.

Kiṇ su nāmā ti, kin nu² nāma bho etaṇ? Ko nu kho ajja Mahesakkhū devo vā Brahmā vā Bhagavantaṇ pañhaṇ pucchituṇ dhammaṇ sotuṇ upasaṅkamanto kathaṇ su nāma bho³ Bhagavā pañhaṇ vissajjessati, dhammaṇ desessati, lābhā amhākaṇ yesaṇ no evaṇ devatānaṇ kaṅkhā vinodako Satthā avidūre vihāre vasati ye mayaṇ labhāma thālaka-bhikkham pi kaṭacchumatta-bhikkham pi dātun? ti, *saṇviggā lomahaṭṭhajātā* uddhagga-lomā hutvā dasa-nakha-samodhāna-samujjalaṇ añjalaṇ sirasi⁴ patitṭhapetvā namassamānā aṭṭhaṇsu.

4. *Durupasaṅkamā* ti duppayirūpāsiyā. Ahaṇ sarogo sadoso samoho, Satthā vīta-rāgo vīta-doso vīta-moho, tasmā duppayirūpāsiyā *Tathāgatā mādisena.*

Jhāyī ti lakkhaṇūpanijjhānena ca ārammaṇūpanijjhānena⁵ ca⁵ jhāyī, tasmim yeva jhāne ratā ti *jhāna-ratā.*

Tad-anantaraṇ paṭisallīnā ti tad-antaraṇ paṭisallīnā sampati-paṭisallīnā ti vā. Tasmā na kevalaṇ *jhāyī jhānaratā* ti durupasaṅkamā, idāni-m-eva paṭisallīnā ti pi durupasaṅkamā.

Pasādeyyāsi ti ārādheyyāsi, okāsaṇ me kāretvā dadeyyāsi ti vadati.

Beluva-paṇḍu-vīṇaṇ ādāyā ti nanu pubbam eva ādinnā ti?

¹ B only once.

⁴ B sirasmiṇ.

² B su.

⁵ SS omit.

³ SS so.

Āma¹ ādinna²-magga-gamana-vasena pana aṇsa-kūṭe laggitā idāni naṇ vāma-hatthe ṭhapetvā vādana-sajjaṇ katvā ādiyi. Tena vuttaṇ ādāyā ti.

Assāvesi ti sāvesi.

Buddūpasanhitā ti Buddhaṇ ārabha Buddha-nissayaṇ katvā pavattā ti attho. Sesa-padesu pi es' eva nayo.

5. *Vande te pitaran bhadde Timbaruṇ suriya-vaccase*³ ti ettha suriya-vaccasā³ ti suriya-samāna-sarīrā. Tassā kira deva-dhitāya pād' antato rasmi utṭhahitvā kes' antaṇ ārohati, tasmā bāla-suriya-maṇḍala-sadisā khāyati. Iti naṇ: Suriya-vaccasā³ ti, sañjānanti. Taṇ sandhāy' āha: 'Bhadde suriya-vaccase, tava pitaran Timbaruṇ gandhabba-deva-rājānaṇ vandāmi' ti.

Yena jātā si kalyāṇi ti yena kāraṇabhūtena yaṇ deva-rājānaṇ nissāya tvaṇ jātā kalyāṇi sabb' aṅga-sobhane.

Ānanda-jananī mamā ti mayhaṇ pīti-somanassa-vaḍḍhanī.

*Vāto va sedakaṇ*⁴ kanto ti yathā sañjāta-sedānaṇ seda-haraṇatthaṇ vāto iṭṭho hoti kanto manāpo evaṇ ti attho.

*Pānīyaṇ va pipāsino*⁵ ti, pātuṇ icchantassa pipāsato pipā-sābhībhūtassa.

Āṅgīrasī ti aṅge rasmiyo assā ti āṅgīrasī; tam eva ārabha ālapanto vadati.

Dhammo arahatām iva arahantānaṇ nava-lokuttara-dhammo viya.

Jighacchato ti bhuñjiṭu-kāmassa khudābhībhūtassa.

*Jalantam iva vārinā*⁶ ti yathā koci jalantaṇ jātavedaṇ uda-kumbhena nibbāpeyya, evaṇ tava kāraṇā uppannaṇ mama kāma-rāga-pariḷāhaṇ nibbāpehi ti vadati.

Yuttaṇ kiṇjakka-renaṇā ti paduma-kesara-renaṇā yuttaṇ.

Nāgo ghammābhitatto vā ti ghammābhitatta-hatthi viya.

Ogahe te thanūdarāna ti yathā so nāgo pokkharāṇi ogahe tvā pivitvā agga-sonḍamattaṇ paññāyamānaṇ katvā nimuggo sukhaṇ sātaṇ vindati, evaṇ kadā nu kho te than' udaraṇ

¹ SS. omit.

² B °vacchase and °vacchasā.

³ B pipāsato.

⁴ B ādinā.

⁵ SS sedanaṇ; B sedataṇ.

⁶ DT varinā.

thana-vemajjhaṇ ca¹ udarañ ca otaritvā ahaṇ sukhaṇ sātaṇ paṭilabhissāmī ti vadati.

*Accaṅkuso va nāgo va jitaṃ me tutta-tomaraṇ
Kāraṇaṇ nappajānānāmi sammatto lakkhaṇūrasā.*²

Tuttaṇ vuccati kaṇṇa-mūle vijjhana-aya-kaṇṭako,³ *tomaraṇ* ti pād' ādisu vijjhana-daṇḍa-tomaraṇ, *aṅkuso* ti matthake vijjhanaka-kuṭila-kaṇṭako. So ca nāgo pabhinna-madattā accaṅkuso hoti, aṅkusaṇ atīto hoti, aṅkusena vijjhiyamāno pi vasaṇ na gacchati. So: Jitaṇ mayā tutta-tomaraṇ, so 'haṇ aṅkusassāpi vasaṇ na gacchāmī ti, mada-dappena⁴ kiñci kāraṇaṇ na bujjhati. Yathā so accaṅkuso nāgo: Jitaṇ me tutta-tomaraṇ ti, kiñci kāraṇaṇ nappajānāti, evaṇ aham pi lakkhaṇa-sampanna-ūrutāya lakkhaṇ' ūruyā sammatto pamatto ummatto viya kiñci kāraṇaṇ nappajānāmī ti vadati. Atha vā accaṅkuso va nāgo aham pi sammatto lakkhaṇ' ūruyā kinci tato virāga-kāraṇaṇ nappajānāmi. Kasmā? Yasmā tena nāgena viya jitaṃ me tutta-tomaraṇ na kassaci kiñci¹-vadato vacanaṇ ādiyāmi.

*Tayi gathita*⁵-citto 'smī ti bhadde lakkhaṇ' ūru tayi paṭibaddha-citto gedhiṭṭa⁶-citto vā gedhaṇ ajjhupeta-citto.

Cittaṇ viparināmitaṇ ti pakatiṇ jahitvā ṭhitaṇ.

Paṭigantaṇ na sakkomī ti nivattitaṇ na sakkomi.

Vaṅka-ghasto va ambujo ti baḷisaṇ gilitvā ṭhita-maccho viya. Ghaso ti pi pāṭho, ayam ev' attho.

Vām' ūrū ti vām' ākārena saṇṭhita-ūru, kadali-kkhandha-sadisā ūrū ti vā attho.

Sajā ti āliṅga.

Manda-locane ti itthiyo na tikhiṇaṇ nijjhāyanti mandaṇ ālocenti olokenti. Tasmā manda-locanā ti vuccanti.

Palissajā ti sabbato bhāgena āliṅga.

Etam me abhipatthitaṇ ti etaṇ mayā abhinhaṇ patthitaṇ.

Appako vata me santo ti pakatiyā mando samāno.

Vellita-kesiyā ti kesā muñcitvā piṭṭhiyaṇ vissatṭha-kāle

¹ B omits.

² B °daṇḍako.

³ B gedhiṭṭa°.

⁴ B °ūruyā.

⁵ B °dabbena.

⁶ SS gathita°.

pana sappo viya vellentā¹ gacchantī ti. Taṇ assā ti vellita-kesī, tassā vellita-kesiyā.

*Aneka-bhāgo*² *sampādī* ti aneka-vidho jāto. Aneka-bhāvo³ ti vā pātho.

Arahante va dakkhiṇā ti arahantam hi dinna-dānaṇ viya nāna-ppakārato pabbhinno.

Yam me atthi katan puññaṇ ti yaṇ mayā katan puññaṇ atthi.

Arahantesu tādīsū ti tādi-lakkhaṇa-pattesu arahantesu.

Tayā saddhiṇ vipaccatan ti taṇ sabbaṇ tayā saddhim eva vipākaṇ detu.

Ekodī ti ekībhāvaṇ gato.

Nipako sato ti nepakkaṇ vuccati paññā. Tāya samannā-gato ti nipako, satiyā samanāgatattā sato.

*Amataṇ muni jigīsāno*⁴ ti yathā so Buddha-muni amataṇ nibbānaṇ jigīsati pariyesati, evaṇ tam ahaṇ suriya-vaccase⁵ jigīsāmi pariyesāmi. Yathā vā so amataṇ jigīsāno esanto gavesanto vicarati evāhaṇ taṇ esanto vicarāmi ti pi attho.

Yathā pi muni nandeyya patvā sambodhiṇ uttaman ti yathā Buddha-muni bodhi-pallaṅke nisinno sabbaññutaṇ ñāṇaṇ patvā nandeyya tusseyya.⁶

Evaṇ nandeyyā ti evam eva aham pi tayā missībhāvaṇ gato nandeyyaṇ pīti-somanassajāto bhavēyyaṇ ti vadati.

Tāhaṇ bhadde vareyyāhe ti ahe ti āmantanaṇ, ahe bhadde suriya-vaccase⁵ kiṇ Sakkena devānam Indena dvīsu devalokesu deva-rajjaṇ gaṇhasi suriya-vaccasaṇ⁵ ti evaṇ vare dinne deva-rajjaṇ pahāya suriya-vaccasaṇ⁵ gaṇhāmi ti. Evaṇ taṇ ahaṇ vareyyaṇ icchēyyaṇ gaṇheyyaṇ ti attho.

Sālaṇ va na ciraṇ phullaṇ ti tava pitu nagara-dvāre na ciraṇ pupphito sālo atthi. So ativiya manoharo, taṇ na ciraṇ phullaṇ sālaṇ viya.

Pītarāṇ te sumedhase ti ativiya sassirīkaṇ tava pītaram pi.

*Vandamāno namassāmi namo*⁷ karomi.

Yass' as' etādisī pajā ti yassa asi⁸ etādisī dhītā.

6. *Saṇsandatī* ti Bhagavā⁹ kasmā gīta-saddhassa c' eva vīṇā-

¹ B vellantā.

⁴ BS¹ jigīsāno (and jigīsati).

⁷ B namo namo ti.

² B °bhāvo.

⁵ B °vaccase.

⁸ SS ādisi.

³ B °bhāgo.

⁶ B toseyya.

⁹ B omits.

saddassa ca vaṇṇaṇ katheti ?¹ Kiṇ Bhagavato tattha sārāgo atthi ti ? N'atthi chaḷaṇṇ' upekhāya upekhako Bhagavā etādisesu thānesu kevalaṇ iṭṭhāniṭṭhāni jānāti² na² tattha² rajjati ?² Vuttam pi c' etaṇ: Saṇvijjati kho āvuso Bhagavato cakkhuṇ, passati Bhagavā cakkhunā rūpaṇ, Bhagavato chandaraṅgo n' atthi, suvimutta-citto Bhagavā. Saṇvijjati kho āvuso Bhagavato sotaṇ ti ādi. Sace pana vaṇṇaṇ na katheyya Pañcasikho: Okāso me kato ti, na jāneyya. Atha Sakko: Bhagavatā Pañcasikhassa okāso na kato ti, devatā gahetvā tato paṭinivatteyya, tato mahājāniko bhaveyya. Vaṇṇe pana kathite: Kato Bhagavatā Pañcasikhassa okāso ti, devatāhi saddhiṇ upasaṅkamitvā pañhaṇ pucchitvā vissajjanāvasāne asīti-sahasseehi devatāhi saddhiṇ sot' āpatti-phale patitṭhahissati ti, ñatvā vaṇṇaṇ kathesi.

Tattha *kadā saṇyūlhā* ti kadā ganthitā pi piṇḍitā.

Tena kho paṇḍhaṇ bhante samayenā ti tena samayena tasmiṇ tumhākaṇ sambodhi-pattito paṭṭhāya² aṭṭhame sattāhe.

*Bhaddā nāma suriya-vaccasā*³ ti nāmato Bhaddā, sarīra-sampattiyā suriya-vaccasā.

Bhaginī ti vohāra-vacanaṇ etaṇ deva-dhītā ti attho.

Para-kāminī ti paraṇ kameti *abhikaṇkhati*.

7. *Upaṇaccantiyā* ti naccamānāya. Sā kira ekasmiṇ samaye cātummahārājika-devehi saddhiṇ Sakkassa deva-rājassa, naccaṇ dassan' atthāya gatā, tasmiṇ ca khaṇe Sakko Tathāgatassa aṭṭha yathā-bhucce vaṇṇe payirudāhāsi. Evaṇ tasmiṇ divase gantvā naccanti assosi.

8. *Paṭisammodatī* ti: Saṇsandati kho te ti, ādini vadanto Bhagavā sammodati, Pañcasikho paṭisammodati, gāthā bhāsanto Pañcasikho sammodati, Bhagavā⁴ paṭisammodati.⁴

Āmantesī ti jānāpesi. Tassa kir' evaṇ ahosi: Ayaṇ Pañcasikho mayā kammena pesito attano kammaṇ karoti. Evarūpassa Satthu santike thātvā kāmaṇ guṇūpasanḥitaṇ ananucchavikaṇ kathaṇ⁴ katheti. Naṭṭā nāma nillajjā honti. Kathento kathento⁴ vippakāram pi dasseyya. Handa naṇ mama kammaṇ jānāpemī ti, cintetvā āmantesi.

¹ B kathesi.

² B vacch'.

³ SS omit.

⁴ B omits.

Evañ ca pana Tathāgatā ti dhamma-saṅgāhaka-therehi ṭhapitaṇ padañ.

Abhivadanti ti abhivādana-sampañcchanena vandita¹-vacanena vadanti. *Abhivadito* vuḍḍhi²-vacanena vutto.

9. *Urundā³ sampādī* ti mahantā vivaṭṭā⁴ ahosi.

Andhakāro guhāya āloko udapādī, ti yo pakatiyā guhāya andhakāro so antarahito āloko jāto. Sabbaṇ etaṇ dhamma-saṅgahakānaṇ vacanaṇ.

Cira-paṭikāhaṇ bhante ti cirato ahaṇ, cirato paṭṭhāyāhaṇ dassana-kāmo ti attho.

Kehici kehici kicca-karaṇīyehī ti devānaṇ dhītā ca puttā ca aṅke nibbattanti, pāda-paricārikā itthiyo sayane nibbattanti, tāsāṇ maṇḍana-pasādhana-kārikā devatā sayanaṇ parivāretvā nibbattanti, veyyāvaccakarā anto-vimāne nibbattanti. Etesaṇ atthāya aṭṭa⁵-karaṇaṇ n' atthi. Ye pana sīm' antare nibbattanti, te: Mama santikā ti, Tava santikā ti, vinicchetuṇ asakkontā aṭṭaṇ⁵ karonti, Sakkaṇ deva-rājānaṇ pucchanti. So yassa vimānaṇ āsannataraṇ tassa santikā ti vadati. Sace dve pi samatṭhāne honti, yassa vimānaṇ ullokento⁶ ṭhito,⁶ tassa santakā ti vadati. Sace ekam pi na ulloketi,⁷ taṇ ubhinnaṇ kalaha-pacchedan' atthaṇ attano santakaṇ karoti, kiḷ' ādini pi kiccāni karaṇīyān' eva. Evarūpāni karaṇīyāni sandhāya *kehici kehici kicca-karaṇīyehī* ti āha.

Salalāgārake ti salalāmayanaṇ-gandha-kuṭiyaṇ.

10. *Aññatarena samādhinā* ti tadā kira Bhagavā Sakkass' eva aparipākagataṇ⁸ ñānaṇ viditvā okāsaṇ akātu-kāmo phala-samāpatti-vihārena nisīdi. Taṇ esa ajānanto *aññatarena samādhinā* ti āha.

Bhuñjati⁹ ti ca nāmā ti Bhuñjati⁹ ti tassā nāmaṇ.

Paricārikā ti pāda-paricārikā deva-dhītā. Sā kira dve phalāni pattā, ten' assā devaloke abhirati yeva n' atthi, niccaṇ Bhagavato upaṭṭhānaṇ āgantvā añjaliṇ sirasi ṭhapetvā Bhagavantaṇ namassamānā tiṭṭhati.

Nemi-saddena tamhā samādhimhā vuṭṭhito ti. Samāpanno saddaṇ suṇi ti? Nemi¹⁰ti¹⁰vattabbo. Nanu Bhagavā Sakkassa

¹ SS vassi°.

² B vandita°.

³ B uruddā.

⁴ SS vicittā.

⁵ B aḍḍa°.

⁶ B ollokenti ṭhitā.

⁷ B olloketi.

⁸ SS aparipakka°.

⁹ B Bhuñjati.

¹⁰ B no vata re.

devānaṃ indassa: *Api cāhaṃ āyasmato ca nemi-saddena tamhā samādhimhā vuṭṭhito* ti bhaṇatī? ti. Tiṭṭhatu nemi-saddo, samāpanno nāma anto samāpattiyaṃ kaṇṇa-mūle dhamamānassa saṅkha-yugalassāpi asani-sannipātassāpi saddaṃ na suṇāti, Bhagavā pana: Ettakaṃ kālāṃ Sakkassa okāsaṃ na karissāmī ti, paricchinditvā kāla-vasena phala-samāpattiṃ samāpanno. Sakko: Na dāni me Satthā okasaṃ karotī ti, gandha-kuṭiṃ padakkhiṇaṃ katvā rathaṃ nivattetvā devalokābhimukhaṃ pesesi. Gandha-kuṭi-pariveṇaṃ ratha-saddena samāhataṃ pañcaṅgika-turiyaṃ viya ahosi. Bhagavato yathā-paricchinna-kāla-vasena samāpattito vuṭṭhitassa ratha-sadden' eva paṭhamāvajjanaṃ uppajji. Tasmā evam āha.

11. *Sīlesu paripūrakārīnī* ti pañcasu sīlesu paripūra-kāraṇī ti.

*Itthi-cittaṃ*¹ *virājetvā*² ti itthattaṃ¹ nāma. Alaṃ itthattena. Na hi itthatte¹ ṭhatvā cakkavatti-siriṃ na Sakka-Māra-Brahmā-siriyo paccanubhavituṃ, na pacceka-bodhiṃ na sammā-sambodhiṃ adhigantuṃ sakkā. Evaṃ itthi-cittaṃ¹ virājenti² nāma. Mahantaṃ idaṃ purisattaṃ nāma seṭṭhaṃ uttamaṃ. Ettha ṭhatvā sakkā etā sampattiyo pāpuṇitun ti. Evam pana purisa-cittaṃ³ bhāventi nāma sādheṇti⁴ nāma.⁴ Sā pi evaṃ akāsi. Tena vuttaṃ *itthi-cittaṃ*¹ *virājetvā*² *purisa-cittaṃ*³ *bhāvetvā* ti.

Hīnaṃ Gandhabba-kāyaṃ ti hīnaṃ lāmaṃ Gandhabba-nikāyaṃ. Kasmā pan' ete parisuddha-sīlā pi tattha uppannā ti? Pubba-nikantiyā. Pubbe pi kira nesaṃ etad eva ca vasita-ṭṭhānaṃ, tasmā nikanti-vasena tattha uppannā.

Upaṭṭhānaṃ ti upaṭṭhana-sālaṃ.

Pāricariyaṃ ti paricaraṇabhāvaṃ gīta-vāditehi amhe paricarissāmā ti āgacchanti.

Paṭicodesī ti sāresi.⁵ So kira te disvā: Ime deva-puttā ativiya virocanti ativaṇṇavanto. Kin nu kho kammaṃ katvā āgatā ti, āvajjento: Bhikkhū ahesuṇ ti, addasa. Tato: Bhikkhū hontu, sīlesu paripūra-kārino ti, upadhārento paripūra-kārino ti addasa. Paripūrakārino hontu, añño guṇo

¹ B itthittaṃ.

⁴ B omits.

² SS virādh°.

⁵ SS sārehiya (?).

³ B purisattaṃ.

atthi n' atthī ti, upadhārento jhāna-lābhino ti addasa. Jhāna-lābhino hontu, kuhiṇ vāsino ti, upadhārento: mayhaṇ te kulūpakā ti addasa. Parisuddha-sīlā nāma chasu devalokesu yatth' icchanti tattha nibbattanti. Ime upari-devaloke ca na nibbattā jhāna-lābhino nāma brahmaloce nibbattanti, ime brahmaloce ca na nibbattā. Aham pana etesaṇ ovāde thatvā devalokassa sāmikassa Sakkassa devānaṇ indassa pallaṅke putto hutvā nibbatto, ime hīne gandhabba-kāye nibbattā paṭivedha-puggalā nām' ete vaṭṭetvā vaṭṭetvā gālhaṇ vijjhitabbā ti, cintetvā *kuto-mukhā nāmā* ti ādīhi vacanehi paṭi-codesi.

Tattha *kuto-mukhā* ti Bhagavati abhimukhe dhammaṇ desente: 'Tumhe kuto-mukhā, añña-vihitā ito c' ito ca olokayamānā, udāhu niddāyamānā?'

Duddiṭṭha-rūpan ti duddiṭṭha-sabhāvaṇ daṭṭhuṇ ayuttaṇ.

Saha-dhammike ti ekassa Satthu sāsane saha-ciṇṇe dhamme kata-puññe.

Tesaṇ bhante ti tesaṇ *Gopakena deva-puttena* evaṇ vatvā puna: Aho tumhe nillajjā ahirikā ti, ādīhi vacanehi *paṭicoditānaṇ*.

Dve devā diṭṭhe va dhamme satīṇ paṭilabhiṇsu kāyaṇ brahma-purohitan ti. Te kira cintayiṇsu: 'Naṭehi nāma naccentehi gāyantehi vādentehi¹ āgantvā dāyo nāma labhitabbo assa. Ayam pana amhākaṇ diṭṭha-kālato paṭṭhāya pakkhitta-loṇaṇ uddhanaṇ viya taṭataṭāya tv' eva, kin nu kho idan?' ti āvajjentā attano attano² samaṇabhāvaṇ parisuddha-sīlataṇ jhāna-lābhitaṇ tass' eva kulūpakabhāvaṇ ca disvā: Parisuddha-sīlā nāma chasu devalokesu yathā-rucite ṭhāne nibbattanti, jhāna-lābhino brahmaloce, mayaṇ upari-devaloke pi brahmaloce pi nibbattituṇ nāsakkimha, amhākaṇ ovāde thatvā ayaṇ itthikā upari nibbattā. Mayaṇ bhikkhū samānā Bhagavati brahmacariyaṇ caritvā hīne gandhabbe kāye nibbattā. Tena no ayam evaṇ nigganḥatī ti, ṇatvā tassa kathaṇ suṇantā yeva tesu dve janā paṭhama-jjhāna-satīṇ paṭilabhitvā jhānaṇ padatṭhānam³ katvā saṅkhāre sammasantā anāgāmi-phale yeva patitṭhahiṇsu. Atha nesaṇ so

¹ SS omit.

² B omits.

³ B pādakaṇ.

paritto kāmāvacar' attabhāvo dhāretuṇ nāsakkhi. Tasmā tāvad-eva cavitvā brahma-purohitesu nibbattā so ca tesañ kāye tattha t̥hitānaṇ yeva nibbatto. Tena vuttaṇ tesañ bhante Gopakena deva-puttena paṭicoditānaṇ dve devā diṭṭhe va dhamme satīṇ paṭilabhiṇsu kāyaṇ brahma-purohitaṇ ti.

Tattha diṭṭhe va dhamme ti tasmiṇ yeva attabhāve jhāna-satīṇ paṭilabhiṇsu. Tatth' eva t̥hatvā cutā pana kāyaṇ purohitaṇ ti brahma-purohita-sarīraṇ paṭilabhiṇsu. Evaṇ attho daṭṭhabbo.

Eko pana devo ti eko pana deva-putto nikantiṇ chindituṇ asakkonto kāme ajjhāvasi tatth' eva āvāsiko ahosi.

12. Saṅghaṇ c' upaṭṭhāsīṇ ti saṅghaṇ ca upaṭṭhāsīṇ.

Sudhammatāyā ti dhammassa sundarabhāvena.

Tidivūpappanno ti ti-dive Tidasa-pure va uppanno.

Gandhabba-kāyūpagate vāsine ti gandhabba-kāyaṇ āvāsiko hutvā upagate.

Ye ca mayaṇ pubbe manussabhūtā ti ye pubbe manussa-bhūtā mayaṇ.

Annena pānena upaṭṭhahimhā ti iminā saddhiṇ yojetvā attho veditabbo.

Pādūpasanṅayhā ti pāde upasanṅayha pādadhovana-pāda-makkhaṇ' ādi-ppadānena pūjetvā c' eva vanditvā ca.

Sake nivesane ti attano ghare. Imassa pi padassa upaṭṭha-himhā ti iminā va sambandho.

Paccattaṇ veditabbo ti attanā va veditabbo.

Ariyānam subhāsītānī ti tumhehi vuccamānāni Buddhānaṇ Bhagavantānaṇ sutvā subhāsītāni.

Tumhe pana seṭṭham upāsamānā ti uttamaṇ Buddhaṇ Bhagavantaṇ upāsamānā.

Anuttare Buddhe sāsane. Brahmacariyaṇ ti seṭṭha-cariyaṇ. Bhavatūpattī ti bhavantānaṇ uppattī.

Agārā¹ vasato mayhaṇ ti ghara-majjhe vasantassa mayhaṇ.

Svājja² ti so ajja.

Gotama-sāvakenā ti idha Gopako Gotama-sāvako ti vutto.

Sameccā³ ti samāgantvā.

¹ B agāre (so DT).

² B svajjā.

³ B samaaccā.

Handa vitāyāma¹ viyāyamāmā ti handa uyyamāma vyāyamāmā.²

Mā no mayaṇ parapessā ahumhā ti no ti nipātamattam, mā mayaṇ parassa pesana-kārakā ahumhā ti attho.

Gotama-sāsanānī ti idha pakatiyā paṭiladdha-paṭhama-jjhānam eva Gotama-sāsanānī ti vuttaṇ. Taṇ anussaraṇ anussariṇsū ti attho.

Cittāni virājayitvā ti pañca-kāma-guṇika-cittāni virājayitvā.

Kāmesu ādinavaṇ ti vikkhambhana-vasena paṭhama-jjhānena kāmesu ādinavaṇ addasaṇsu samuccheda-vasena tatiya-maggena.

Kāma-saṇyojana-bandhanānī ti kāma-saṇyojanāni ca kāma-bandhanāni ca.

Pāpima-yogānī ti pāpimato Mārassa yoga-bhūtāni bandhanabhūtānī ti attho.

Duraccayānī ti duratikkamāni.

Sa-Indā devā sa-Pajāpatikā ti Indaṇ jeṭṭhakaṇ katvā upaviṭṭhā sa-Indā, Pajāpatiṇ deva-rājānaṇ jeṭṭhakaṇ katvā upaviṭṭhā sa-Pajāpatikā.

Sabhāy' upaviṭṭhā³ ti sabhāyaṇ upaviṭṭhā nisinnā ti attho.

Vīrā ti surā. Virāgā ti vīta-rāgā. Virajaṇ karontā ti virajaṇ anāgāmi-maggaṇ karontā uppādentā.

Nāgo va sandāna⁴-guṇānī ti kāma-saṇyojana-bandhanāni chetvā deve Tāvatiṇse atikkamiṇsu.

Sanvega-jātassā ti jātasavegassa Sakkassa.

Kāmābhibhū ti duvidhānam pi kāmānaṇ abhibhū.

Satiyā vihīnā ti jhāna-sati-virahitā.

Tiṇṇaṇ tesan ti tesu tīsu janesu.

Avasīn ettha eko ti tattha hīne kāye eko eva āvāsiko jāto.

Sambodhi-pathānusārino ti anāgāmi-maggānusārino.

Deve pi hīlentī ti dve devaloke hīlentā adho karontā upacār' appanā-samādhīhi samāhitattā attano pāda-paṇsuṇ devatānaṇ matthake okirantā ākāse uppatitvā gatā.

Etādisī dhamma-pakāsan' etthā ti ettha sāsane evarūpā dhamma-pakāsanā yassa sāvakā etehi guṇehi samannāgatā honti.

¹ B viyāyāma twice.

² SS (and DT) uviṭṭhā.

³ B vyāyāmāma.

⁴ B sannāni.

Na tattha kiṇ kaṅkhati koci sāvako ti. Tattha kin ti tesu sāvakesu, koci eko pi sāvako, Buddh' ādisu vā cātuddisa-bhāve vā na kaṅkhati, sabba-disāsu asajjamāno agayhamāno viharatī ti.

Idāni Bhagavato vaṇṇaṇ kathento¹ va

'Nitinṇa-oghaṇ vicikiccha-chinnaṇ

Buddhaṇ namassāma Jinaṇ jan' indan' ti

āha.

Tattha vicikiccha-chinnaṇ ti chinna-vicikicchaṇ.

Jan' indan ti sabba-lok' uttamaṇ.

Yan te dhamman ti yaṇ tava dhammaṇ.

Ajjhagaṇsu te ti te devaputtā adhigatā.

Kāyaṇ brahmapurohitaṇ ti amhākaṇ passantānaṇ yeva brahmapurohita-sarīraṇ. Idaṇ vuttaṇ hoti: Yaṇ tava dhammaṇ jānitvā tesāṇ tiṇṇaṇ janānaṇ te dve visesaṅ amhākaṇ passantānaṇ yeva kāyaṇ brahmapurohitaṇ adhigantvā magga-phala-visesaṇ ajjhagaṇsu.

Mayam pi tassa dhammassa pattiyā āgatamhāsi mārīsa.

Āgatamhāsi ti āgat' amha sampatt' amha.

Katāvakāsā Bhagavatā pañhaṇ pucchemu² mārīsā ti sace no Bhagavā okāsaṇ karoti, atha Bhagavatā katāvakāsā hutvā pañhaṇ mārīsa puccheyyāmā ti attho.

13. *Dīgha-rattaṇ visuddho kho ayaṇ Sakko³ ti, cira-kālato pabbuti visuddho va. Kīva cira-kālato? Anuppanne Buddhē Magadha-ratthe Macala-gāmake Magha-māṇava⁴-kālato paṭṭhāya.* Tadā kir' esa eka-divasaṇ kālass' eva vuṭṭhāya gāma-majjhe manussānaṇ gāma-kamma-karaṇa-tṭhānaṇ gantvā attano tṭhitatṭhānaṇ pād' anten' eva paṇsu-kacavaraṇ apanetvā ramaṇiyaṇ akāsi. Añño āgantvā tattha atṭhāsi. So tāva-taken' eva satīṇ paṭilabbhitvā va majjhe gāmassa khamanḍala⁵-mattaṇ tṭhānaṇ sodhetvā vālukaṇ okiritvā dārūni āharitvā sīta-kāle aggiṇ karoti, daharā ca mahallakā ca āgantvā tattha nisīdanti. Ath' assa eka-divasaṇ etad ahoṣi: 'Mayaṇ nagaṇaṇ gantvā rāja-rāja-mahāmatt' ādayo passāma. Imesu pi candima-suriyesu cando nāma devaputto suriyo nāma*

* The story of Magha also at J I. 199-206 and at DhA I. 265-280.

¹ B bhaṇanto.

² SS puccheva.

³ B yakkho.

⁴ SS Magha; B Māgha right through story.

⁵ S' khala°.

devaputto ti vadanti. Kin nu kho katvā ete etā sampattiyo adhigatā?' ti. Tato: Na aññaṇ kiñci puñña-kammaṇ me katvā' ti, cintetvā: Mayā pi evaṇ dibba-sampatti-dāyakaṇ puñña-kammam eva kattabban ti, cintesi. So kālass' eva vuṭṭhāya yāgum pivitvā vāsi-pharasu-kuddālamusala-hattho catu-mahāpathaṇ gantvā musalena pāsāṇe uccāletvā pavatṭeti, yānāṇaṇ akkha-paṭighāta-rukkhe harati, visamaṇ samaṇ karoti, catu-mahāpathe sālaṇ karoti, pokkharāṇiṇ khaṇati, setuṇ bandhati. Evaṇ divasaṇ kammaṇ katvā atthaṅgate suriye ghaṇaṇ eti.

Taṇ añño pucchi: 'Bho Magha tvaṇ pāto va nikkhamitvā sāyaṇ araññato esi, kiṇ kammaṇ karosī?' ti. 'Puñña-kammaṇ karomi, sagga-gāmi-maggaṇ sodhemī' ti. 'Kim idaṇ bho puññaṇ nāmā?' ti. 'Tvaṇ na jānāsī?' ti. 'Āma, na jānāmī' ti. 'Nagaraṇ gata-kāle diṭṭha-pubbā te rāja-rāja-mahāmatt' ādayo?' ti. 'Āma diṭṭha-pubbā' ti. 'Puñña-kammaṇ katvā tehi taṇ ṭhānaṇ laddhaṇ, aham pi evaṇ¹ tividha¹-sampatti-dāyakaṇ kammaṇ karomi. Cando nāma deva-putto, suriyo nāma deva-putto ti suta-pubbaṇ tayā?' ti. 'Āma, suta-pubban' ti. 'Etassa saggassa gamana-maggaṇ ahaṇ sodhemī' ti. 'Idaṇ pana puñña-kammaṇ kiṇ tav' eva vaṭṭati aññassāpi na² vaṭṭati?' ti. 'Na kassac' etaṇ vāritan' ti. 'Yadi evaṇ, sve araññaṇ gamana-kāle mayham pi saddaṇ dehī' ti. Puna divase taṇ gahetvā gato evaṇ tasmiṇ gāme battimsa³-manussā taruṇa-vayā sabbe tass' eva anuvattakā ahesuṇ. Te eka-cchanda hutvā puñña-kammāni karontā vicaranti. Yaṇ disaṇ gacchanti maggaṇ samaṇ karontā eka-divasen' eva karonti. Pokkharāṇiṇ khaṇantā sālaṇ karontā setuṇ bandhantā ca eka-divasen' eva niṭṭhāpentī.

Atha nesāṇ gāma-jetṭhako⁴ cintesi: 'Ahaṇ pubbe etesu sūraṇ pivantesu pāṇa-ghāt' ādīni karontesu ca kahāpaṇ' ādi-vasena c' eva daṇḍa-bali-ādi-vasen' eva dhaṇaṇ labhāmi, idāni ca tesu puñña-karaṇa-kālato paṭṭhāya ettako ayo n' atthi. Handa te rāja-kule paribhindaṇmī' ti. Rājānaṇ

¹ B evaṇ-vidha°.

² SS omit.

³ B tettiṇsa (the usual number! See also below).

⁴ B °bhojako.

upasaṅkamtivā: 'Core mahārāja passamī' ti. 'Kuiṇ
tātā?' ti. 'Rajāparādhikā devā' ti. 'Kiṇ-jātikā?'
ti. 'Gahapatikā devā' ti. 'Gahapatikā kiṇ ka-
rissantī?' ti. 'Tayā jānamānena kasmā na kathitan?' ti.
'Bhayena mahārāja na kathesiṇ. Idāni mā mayhaṇ
dosaṇ katheyyāthā' ti. Atha rājā: Ayaṇ mahā-ravaṇ
ravatī ti, saddahitvā: 'Tena hi gaccha tvam eva, te ānehi'
ti, balaṇ datvā pesesi. So gantvā, divasaṇ araṇṇe kammaṇ
katvā, sāyam-āsaṇ bhuñjitvā, gāma-majjhe nisīditvā yeva:
Sve¹ kiṇ kammaṇ karissāma, kiṇ maggaṇ karoma, poṅkhara-
ṇiṇ khaṇāma, setuṇ bandhāmā ti, mantayamāne yeva te
parivāretvā: 'Mā phandittha raṇṇo āṇā' ti vatvā, bandhitva
pāyāsi. Atha nesaṇ itthiyo: Sāmikā kira: 'Vo rājāparā-
dhikā corā' ti baddhā niyyanti ti, sutvā: Aticirena ñātā² ete
puñña-kammaṇ karomā ti, divase divase araṇṇe va acchanti
sabba-kammantā parihīnā, gehe na kiñci vaḍḍhati suṭṭhu-
baddhā suṭṭhu-gahitā ti vadiṇsu. Gāma-bhojako pi te netvā
raṇṇo dassesi. Rājā anupaparikkhitvā yeva: 'Hatthiṇā
maddāpethā' ti āha. Tesu nīyamānesu Magho itare āha:
'Bho sakkhissatha mama vacanaṇ kātun?' ti. 'Tava
vacanaṇ karontā yeva mayaṇ imaṇ bhayaṇ pattā. Evaṇ
sante pi bhaṇa bho kiṇ karomā' ti. 'Etha bho
vaṭṭe carantānaṇ nāma nibandhaṇ etaṇ kim pana tumhe
corā?' ti. 'Na cor' amhā' ti. 'Imassa lokassa
saccakiriya nāma avassayo, tasmā sabbe pi yadi amhe corā
hatthi maddatu, atha na corā mā maddatū ti, saccakiriyaṇ
karoṭhā' ti. Te tathā akaṇsu. Hatthi upagantaṇ na
sakkoti, viravanto palāyati, tutta-tomar' aṅkusehi koṭṭetvā
pi upanetuṇ na sakkonti.

'Hatthiṇ upanetuṇ na sakkomā' ti raṇṇo ārocesuṇ.
'Tena hi upari-kaṭeṇa paṭicchādetvā maddāpethā' ti. Upa-
kaṭe dinne pi diguṇa-ravaṇ viravanto palāyati. Rājā sutvā
pesuñña-kāraṇaṇ pakkosāpetvā āha: 'Tāta hatthi madditum
na icchatī?' ti. 'Āma deva jeṭṭhaka-māṇavo mantaṇ
jānāti, mantass' esa ānubhāvo' ti. Rājā taṇ pakkosāpetvā:
'Manto kira te atthi?' ti pucchi. 'N' atthi deva

mayhaṇ manto, saccakiriyaṇ pana mayaṇ karimha: 'Yadi amhe rañño corā¹ maddatu, atha na corā mā maddatū ti, saccakiriyaṇa no esa ānubhāvo' ti. 'Kim pana tāta tumhe kammaṇ karoṭhā?' ti.

'Amhe deva maggaṇ samaṇ karoma, catu-mahāpathe sālaṇ karoma, pokkharāṇi khaṇāma, setuṇ bandhāma. Evarūpāni puñña-kammāni karontā vicarāmā' ti. 'Ayaṇ tumhe kim-atthaṇ pisuṇeti?' ti. 'Amhākaṇ pamatta-kāle idaṇ c' idaṇ ca labhati, appamatta-kāle taṇ n' atthi, etena kāraṇenā' ti.

'Tāta ayaṇ hatthi nāma tiracchāno. So pi tumhākaṇ guṇe jānāti. Ahaṇ manusso hutvā pi na jānāmi tumhākaṇ vasana-gāmaṇ tumhākaṇ yeva puna āharaṇiyaṇ² katvā demi. Ayam pi hatthi tumhākaṇ yeva hotu. Pesuñña-kārako pi tumhākaṇ yeva dāso hotu. Ito paṭṭhāya mayham pi puñña-kammaṇ karoṭhā' ti, dhanaṇ datvā vissajjesi. Te dhanaṇ gahetvā vārena hatthiṇ āruyha gacchantā mantayanti: 'Bho puñña-kammaṇ nāma anāgata-bhav' atthāya kayirati. Amhākaṇ pana anto-udake pupphitaṇ nil' uppalaṇ viya imasmiṇ yeva attabhāve vipākaṇ deti. Idāni atirekaṇ puññaṇ karissāma. Kiṇ karomā?' ti.

'Catu-mahāpathe thāvaraṇ katvā mahājanassa vissamana-sālaṇ karomā' ti. 'Itthiṇi pana saddhiṇ apattikaṇ katvā karissāma: Amhesu hi corā ti, gahetvā niyyamānesu hi itthiṇaṇ ekā pi cintā-mattakam pi akatvā suṭṭhu-baddhā³ suṭṭhu-baddhā³ ti, uṭṭhahiṇsu: tasmā tāsāṇ pattiṇ na dassāmā' ti. Te attano gehāni gantvā hatthino tettiṇsa piṇḍa-bhattaṇ denti tettiṇsa tiṇa-muṭṭhiyo āharanti. Taṇ sabbaṇ hatthissa kucchipūraṇ jātāṇ. Te araññaṇ pavasitvā rukke chindanti, chinnaṇ chinnaṇ hatthi kaddhitvā sakata-pathe ṭhapeti. Te rukke tacchetvā sālāya kammaṇ ārabhiṇsu.

Maghassa gehe: Sujātā Sudhammā Cittā⁴ Nandā⁵ ti, catasso bhariyā ahesuṇ. Sudhammā vaḍḍhakiṇ pucchi: 'Tāta ime sahāyā kālāssa' eva gantvā sāyaṇ enti. Kiṇ kammaṇ karonti?' ti. 'Sālaṇ karonti amma' ti. 'Tāta mayhaṇ pi sālāya pattiṇ katvā dehī' ti. 'Itthiṇi

¹ SS vohārā.² B sārāṇiyaṇ.³ B subandhā twice.⁴ B Sucittā.⁵ B Sunandā.

apattikaṇ¹ karomā' ti ete vadanti ti. Sā vaḍḍhakissa aṭṭha kahāpaṇe adāsi: 'Handa tāta yena kenaci upāyena pi mayhaṇ pattiṇ karohī' ti. So: 'Sādhū amma' ti vatvā paṭhamataraṇ² vāsi-pharasuṇ gahetvā gāma-majjhe ṭhatvā: 'Kim bho ajja imasmim pi kāle na nikkhamathā?' ti, uccāsaddaṇ katvā: Sabbe maggaṇ ārūḷhā ti, ñatvā: Gacchatha tāva tumhe mayhaṇ papañco atthī ti, te purato katvā aññaṇ maggaṇ āruya kaṇṇikūpagaṇ rukkhaṇ chinditvā tacchitvā vaṭṭaṇ³ katvā āharitvā Sudhammāya gehe ṭhapesi: Mayā dehī ti, vutta-divase niharitvā dadeyyasi ti. Atha niṭṭhite dabba-sambhāra-kamme bhūmi-kammato paṭṭhāya yāva-bandhana-thambh'ussāpana-saṅghāṭa-yojana-kaṇṇika-mañca-bandhanesu katesu so vaḍḍhakī kaṇṇika-majjhe nisīditvā catuhi disāhi gopānasiyo ukkhipitvā: 'Bho ekaṇ pamuṭṭhaṇ atthī' ti āha. 'Kiṇ bho pamuṭṭhaṇ, sabbam ev' atthaṇ pamussati' ti. 'Imā bho gopānasiyo kattha patiṭṭhahissanti?' ti. 'Kaṇṇikā nāma laddhuṇ vaṭṭati' ti. 'Kuiṇ bho idāni sakkā laddhuṇ?' ti. 'Kulāṇaṇ gehe sakkā laddhuṇ, āhiṇḍantā pucchathā' ti. Te antogāmaṇ pavisitvā pucchanta Sudhammāya ghara-dvāre ṭhatvā: 'Imasmiṇ ghare kaṇṇikā atthī?' ti pucchiṇsu. Sā: 'Atthī' ti āha, 'handa mūlaṇ gaṇhāhī' ti. 'Mūlaṇ na gaṇhāmi. Sace mama pattiṇ karotha dassāmī' ti. 'Ethā bho, mātugāmassa pattiṇ na karoma, araññaṇ gantvā rukkhaṇ chindissāmā' ti nikkhamiṇsu. Tato vaḍḍhakinā: 'Kiṇ tātā laddhā⁴ kaṇṇikā?' ti pucchitā taṇ atthaṇ ārocesuṇ. Vaḍḍhakī kaṇṇikā-majjhe nisinno va ākāsaṇ ulloketvā: 'Bho ajja nakkhattaṇ sundaraṇ idaṇ aññaṇ saṇvaccharaṇ atikkamitvā sakkā laddhuṇ tumhehi ca dukkhena ābhatā dabba-sambhārā vo sakala-saṇvaccharena imasmiṇ yeva ṭhāne pūtikā bhavissanti. Devaloke nibbatta-kāle tassāpi ekasmiṇ koṇe sālā hotu āharatha naṇ' ti āha. Sā pi: yāva te na puna āgacchanti tāva kaṇṇikāya heṭṭhima-tale: 'Ayaṇ sālā Sudhammā nāmā' ti, akkharāni chindāpetvā āhatena vatthena veṭhetvā ṭhapesi. Gāmikā⁵ āgantvā: 'Āhara naṇ

¹ B apattiṇ.⁴ B na laddhā.² B puretaraṇ.⁵ B Kammikā.³ B maṭṭhaṇ.

kaṇṇikaṇ yaṇ hotu taṇ hotu, tuyham pi pattiṇ karissāmā' ti āhaṇsu. Sā nīharitvā: Tātā yāva aṭṭha vā soḷasa vā gopānasiyo na ārohani tāva imaṇ vatthaṇ mā nibbeṭhayitthā ti, adāsi. Te: Sadhū ti, sampatiṇchitvā gahetvā, gopānasiyo āropetvā va vatthaṇ nibbeṭhesuṇ. Eko magga¹-gāmika-manusso uccaṇ olokeno akkharāni disvā: Kiṇ bho idan ti, akkharaññuṇ manussaṇ pakkosāpetvā dassesi. So: 'Sudhammā nāma ayaṇ sālā' ti āha. 'Haratha² bho, mayaṇ ādito paṭṭhāya sālāṇ katvā nāmamattam pi na labhāma. Esā ratanamattena kaṇṇikā rukkhena sālāṇ attano nāmena kāreti' ti viravanti. Vaḍḍhaki tesāṇ viravantānaṇ yeva gopānasiyo pavesetvā³ āṇiṇ datvā sālā-kammaṇ niṭṭhāpesi.

Sālāṇ tidhā vibhajiṇsu. Ekasmiṇ koṭṭhāse issarānaṇ vasanaṭṭhānaṇ akaṇsu, ekasmiṇ duggatānaṇ, ekasmiṇ gilānānaṇ, tettiṇsa-janānaṇ⁴ tettiṇsa-phalakāni paññāpetvā hatthissa saññaṇ adaṇsu: Āgantuko āgantvā yassa atthate phalake yeva nisīdati taṇ gahetvā phalaka-sāmikass' eva gehe patitṭhāpehi tassa pāda-parikamma-piṭṭhi-parikamma-khādaniya-bhojaniya-sayanāni sabbāni phalaka-sāmikass' eva bhārā bhavissantī ti, hatthī āgatāgataṇ gahetvā phalaka-sāmikassa gharāṇ neti. So tassa taṇ divasaṇ kattabbaṇ karoti.

Magha-māṇavo sālato avidūre ṭhāne koviḷāra-rukkhaṇ ropesi,⁵ mūle c' assa pāsāṇa-phalakaṇ atthari. Nandā nām' assa bhariyā avidūre pokkharāṇiṇ khaṇāpesi, Cittā mālā-vacche ropesi,⁵ sabba-jeṭṭhikā pana ādāsaṇ gahetvā attabhāvaṇ maṇḍayamānā va vicarati. Magho āha: 'Bhadde Sudhammā, sālāya pattikā jātā, Nandā pokkharāṇiṇ khaṇāpesi, Cittā mālā-vacche ropāpesi, tava pana puñña-kammaṇ nāma n' atthi, ekaṇ puñña-kammaṇ karohi bhadde' ti. Sā: 'Idaṇ kassa kāraṇā karosi?'⁶ Nanu tayā kataṇ mayham evā?' ti vatvā, attabhāva-maṇḍanam eva anuyuñjati.

Magho yāvat' āyukaṇ ṭhatvā tato cavitvā⁴ Tāvatiṇsa-bhavane Sakko hutvā nibbatti. Te pi tettiṇsa gāmikā ma-

¹ B mahā°.⁴ SS omit.² B āharatha.⁵ B ropāpesi.³ B āropetvā.⁶ B kāresi.

nussā kālaṇ katvā tettiṇsa devaputtā hutvā tass' eva santike nibbattā. Sakkassa Vejayanto nāma pāsādo satta-yojana-satāni uggañchi, dhajo tiṇi-yojana-satāni uggañchi. Kovilāra-rukkhassa nissandena samantā ti¹-yojana-sata-parimaṇḍalo, pañca - dasa - yojana - pariṇāha - kkhandho Pāricchattako nibbatti. Pāsāṇa-phalakassa nissandena Pāricchattaka-mūle saṭṭhi-yojanikā paṇḍu-kambala-silā nibbatti. Sudhammāya kaṇṇika-rukkhassa nissandena ti-yojana-satikā Sudhamma-deva-sabhā nibbatti. Nandāya pokkharaniyā nissandena paññāsa-yojanā Nandā-pokkharani nibbatti. Cittāya mālā-vaccha-vatthu-nissandena saṭṭhi-yojanikaṇ Cittalatāvanāṇ nāma uyāṇaṇ nibbatti.

Sakko deva-rājā Sudhammāya deva-sabhāya yojanike suvaṇṇa-pallaṇke nisinnō, ti-yojanike seta-cchatte dhāriyamāne tehi devaputtehi tāhi devakaññāhi aḍḍha-tiyāhi nāṭaka-kotihi dvīsu devalokesu devatāhi ca parivārīto, mahā-sampattiṇ olokento tā tisso itthiyo disvā: Imā tāva paññāyanti, Sujātā kuhin ti, olokento: Ayaṇ mama vacanaṇ akatvā, giri-kandārāya baka²-sakuṇikā hutvā nibbattā ti, disvā, devalokato otaritvā tassā santikaṇ gato. Sā disvā va sañjānitvā adho-mukhā jātā. 'Bāle idāni kiṇ sīsaṇ na ukkhipasi? Tvaṇ mama vacanaṇ akatvā attabhāvam eva maṇḍayamānā atinā-mesi. Sudhammā³ ca Nandā ca Cittā ca mama³ santike³ nibbattā. Ehi, amhākaṇ sampattiṇ passā' ti, devalokaṇ netvā Nandāya pokkharaniyā pakkhipitvā pallaṇke nisīdi. Nāṭak' itthiyo: 'Kuhin gat' attha mahārājā?' ti pucchīṇsu. So anārocetu-kāmo tāhi nippīlayamāno: 'Sujātāya santikan' ti āha. 'Kuhin nibbattā mahārājā?' ti. 'Kandara-pāde' ti. 'Idāni kuhin?' ti. 'Nandāya pokkharaniyaṇ me vissatṭhā' ti. 'Etha bho amhākaṇ ayyaṇ⁴ passāmā' ti. Sabbā tattha agamaṇsu. Sā pubbe sabba-jetṭhikā hutvā tā avamaññittha. Idāni tā pi taṇ disvā: 'Passatha bho amhākaṇ ayyāya mukhaṇ kakkāṭa-vijjhana-sūla-sadisaṇ' ti ādini vadantiyo keḷiṇ akaṇsu. Sā ativiya aṭṭiyamānā Sakkaṇ devarājānaṇ āha: 'Mahārāja

¹ SS omit.² B Sudhammāya, etc., mahā-sampatti.³ B ekā.⁴ SS ayaṇ.

imāni suvaṇṇa-rajata-maṇi-vimānāni vā Nandā-pokkharāṇi vā mayhaṇ kiṇ karissati? Jāta-bhūmi yeva mahārāja sattānaṇ sukhā, maṇ tatth' eva Kandarapāde vissajjehī' ti. Sakko taṇ tattha vissajjetvā: 'Mama vacanaṇ karissasī?' ti āha. 'Karissāmi mahārājā' ti. 'Pañca silāni gahetvā akhaṇḍāni katvā rakkha, katipāhena taṇ etāsaṇ jeṭṭhikaṇ karissāmi' ti. Sā tathā akāsi.

Sakko katipāhassa accayena: Sakkā nu kho silaṇ rakkhitun ti, gantvā maccha-rūpena uttānako hutvā tassā purato udaka-piṭṭhe osarati. Sā: Mata-macchako bhavissatī ti, gantvā sīse aggahesi. Maccho naṅgutthaṇ cālesi. Sā: Jīvati maññe ti, udae vissajjesi. Sakko ākāse ṭhatvā: 'Sādhū sādhū rakkhasi sikkhāpadaṇ, evaṇ taṇ rakkhamānaṇ katipāhen' eva nāṭikānaṇ jeṭṭhikaṇ karissāmi' ti āha. Tassā pi pañcavassa-satāni āyuṇ ahoṣi. Eka-divasam pi udara-pūraṇ nālabhittha. Sukkhitvā milāyamānā¹ pi silaṇ akhaṇḍetvā kālakatā Bārānasiyā kumbhakāra-gehe nibbatti. Sakko: Kuhiṇ nibbattā ti, olovento disvā: Tato idha ānetuṇ na sakkā, jīvita-vuttim assā dassāmi ti, suvaṇṇa-elālūkānaṇ yānaṇ pūretvā majjhe gāmassa mahallaka-vesena nisiditvā: 'Elālūkāni gaṇhathā' ti ukkuṭṭhim akāsi. Samantā-gāma-vāsikā āgantvā: 'Dehi tātā' ti āhaṇsu. 'Ahaṇ silaṇ rakkhakānaṇ demi. Tumhe silaṇ rakkhathā?' ti. Tāta mayaṇ silaṇ nāma kīdisan ti pi na jānāma. Mūlena dehī' ti.

'Sila-rakkhakānaṇ yeva ahaṇ dammī' ti. 'Ethā re ko 'si ayaṇ elāla-mahallako?' ti. Sabbe nivattiṇsu.

Sā dārikā pucchi: 'Amma tumhe elālūk' atthāya gatā tucchahatthā va āgatā?' ti. 'Koci Amma elālūka-mahallako:

'ahaṇ silaṇ rakkhakānaṇ dammī' ti vadati, nūnaṇ assā dārikā silaṇ samāditvā² vattanti, mayaṇ silam eva na jānāmā' ti.

Sā: Mayhaṇ ānītaṇ bhavissatī ti, gantvā: 'Elālūkaṇ tāta dehī' ti āha. 'Tvaṇ silaṇ rakkhasi amma?' ti.

'Āma tāta rakkhāmi' ti. 'Idaṇ mayā tuyham eva ābhatan' ti. Geha-dvāre yānakena saddhiṇ ṭhapetvā pakkāmi. Sā pi yāva-jīvaṇ silaṇ rakkhitvā Vepacitti-asur' indassa dhītā hutvā nibbatti. Sila-nissandena pāsādikā ahoṣi.

¹ B miyamānā.

² B khāditvā (1).

So: Dhītu vivāha-maṅgalaṃ karissāmi ti, asure sannipātesi. Sakko: Kuhiṃ nibbattā ti, olovento: Asura-bhavane nibbattā, aji' assā vivāha-maṅgalaṃ karissantī ti, disvā: Idāni yaṃ kiñci katvā ānetabbā mayā ti, asura-vanṇaṃ nimminivā asurānaṃ antare aṭṭhāsi. 'Tava sāmikaṃ vārehi' ti, tassa hatthe pitā puppha-dāmaṃ adāsi: 'Yaṃ icchasi tassa upari khipāhi' ti. Sā olokontī Sakkaṃ disvā pubba-sannivā-sena sañjāta-sinehā: Ayaṃ mama sāmiko ti, tassa upari dāmaṃ knipi. So taṃ bāhaṃ gahetvā ākāse uppati. Tasmiṃ khaṇe asurā sañjāniṃsu. Te: Gaṇhatha gaṇhatha Jara-Sakkaṃ, veriko amhākaṃ, na mayaṃ etassa dārikaṃ dassāmā ti, anubandhiṃsu. Vepacitti pucchi 'Kena haṭṭā¹?' ti.

'Jara-Sakkena mahārājā' ti. 'Avasesesu ayam eva seṭṭho, apethā' ti āha. Sakko taṃ netvā aḍḍhatiyā koṭiyā nāṭikānaṃ jeṭṭhikā-tṭhāne ṭhapesi. Sā Sakkaṃ varaṃ yāci: 'Mahārāja mayhaṃ imasmiṃ devaloke mātā-pitā vā bhātā vā bhagini vā n' atthi. Yattha yattha gacchasi, tattha tattha maṃ gahetvā va gaccha mahārājā' ti. Sakko: Sādhū ti, paṭiññaṃ adāsi. Evaṃ Macala-gāmake Magha-māṇava-kālato paṭṭhāya visuddhabhāvam assa sampassanto Bhagavā dīgha-rattaṃ visuddho kho ayaṃ Sakko ti āha

Attha-saṃhitaṃ ti attha-nissitaṃ kāraṇa-nissitaṃ.

Paṭhamaka-bhāṇavāraṃ.

2. 1. *Kiṃ-saṃyojanā* ti kena²-bandhanena baddhā hutvā.

Puthu-kāyā ti bahujaṇā. *Averā* ti appaṭighā.

Adaṇḍā ti āvudha-daṇḍa-dhana-daṇḍa-vinimmuttā.

Asapattā ti apaccatthikā. *Avyāpajjhā*³ ti vigata-domanassā.

Viharemu averino ti: Aho vata kenaci saddhiṃ averino vihareyyāma, katthaci kopaṃ anuppādetvā, accharāya gahitakaṃ jaṅgha-sahassena saddhiṃ paribhuñjeyyāma ti, dānaṃ datvā pūjaṃ katvā ca paṭṭhayanti.

Iti ce⁴ nesaṃ hoti ti evaṃ ca nesaṃ ayaṃ ca paṭṭhanā hoti.

Atha ca panā ti evaṃ paṭṭhanāya sati pi.

Issā-macchariya-saṃyojanā ti para-sampatti-khīyana-lakkhaṇā issā, atta-sampattiyā parehi sādharma-bhāvassa asa-

¹ B āhatā.

² SS kiṃ.

³ B ojjā.

⁴ B ca.

hana-lakkhaṇaṇ macchariyaṇ ca saṇḍojanaṇ etesan ti *issā-macchariya-saṇḍojanā*.

Ayaṇ c' ettha saṅkhepo, vitthārato pana issā-macchariyāni Abhidhamme vuttān' eva. Āvāsa-macchariyena pan' ettha yakkho vā peto vā hutvā tass' eva āvāsassa saṅkāraṇ sīsena ukkhipitvā vicarati. Kula-macchariyena tasmiṇ kule aññesaṇ dāna-mānaṇ' ādini¹ karonte disvā: Bhinnaṇ vat' idaṇ kulaṇ mamā ti, cintayato lohitam pi mukhato uggacchati, kucchi-virecanam pi hoti, antāni pi khaṇḍākhandaṇi hutvā nikkhamanti. Lābha-macchariyena saṅghassa vā gaṇassa vā santake lābhe maccharāyitvā puggalika-bhogaṇ² viya³ paribhuñjitvā yakkho vā peto vā mahā-ajagaro vā hutvā nibbat-tati. Sarīra-vaṇṇa-guṇa-vaṇṇa-macchariyena pana pariyattidhamma-macchariyena ca attano ca vaṇṇaṇ vaṇṇeti, paresaṇ vaṇṇaṇ: Kiṇ-vaṇṇo eso ti, taṇ taṇ dosaṇ vadanto pariyattiṇ ca kassaci kiñci adento dubbaṇṇo c' eva eḷa-mūgo ca hoti. Api ca āvāsa-macchariyena loha-gehe paccati. Kula-macchariyena appa-lābho hoti. Lābha-macchariyena gūthāniraye nibbattati. Vaṇṇa-macchariyena bhava nibbattassa vaṇṇo nāma na hoti. Dhamma-macchariyena kukkuḷāniraye nibbattati. Idaṇ ca pana issā-macchera-saṇḍojanaṇ-sot' āpatti-maggena pahīyati. Yāva taṇ nappahīyatī tāva deva-manussā averat' ādini patthayantā pi ver' ādhi na parimuccanti ye va.

Tiṇṇā m' ettha kaṅkhā ti etasmiṇ pañhe mayā tumhākaṇ vacanaṇ sutvā kaṅkhā tiṇṇā ti vadati. Na magga-vasena imaṇ tiṇṇa-kaṅkhaṇ dīpeti.

Vigatā kathaṇ-kathā ti idaṇ kathaṇ idaṇ kathan ti: ayam pi kathaṇ-kathā vigatā nidān' ādini vuttatthān' eva.

2. *Piyāppiya-nidānaṇ* ti piya-satta-saṅkhāra-nidānaṇ macchariyaṇ, appiya-satta-saṅkhāra-nidānā issā, ubhayaṇ vā ubhaya-nidānaṇ. Pabbajitassa hi saddhi-vihārik' ādayo gahaṭṭhassa putt' ādayo hatthi-ass' ādayo vā sattā piyā honti kelāyitā mamāyitā muhuttam pi te apassanto adhivāsetuṇ na sakkoti. So aññaṇ tādisaṇ piya-sattaṇ-labbhantaṇ disvā issaṇ karoti: Iminā amhākaṇ kiñci kammaṇ atthi. muhuttaṇ

¹ B dānādini.

² B puggalika-paribhogena.

tāva naṇ dethā ti. Tam eva aññehi yācito: No sakkā dātuṇ, kilamissati vā ukkaṇṭhissati vā ti, ādini vatvā macchariyaṇ karoti. Evaṇ tāva ubhayaṇ piya-satta-nidānaṇ hoti.

Bhikkhussa pana patta-cīvar' ādi-parikkhāra-jātaṇ, gahaṭṭhassa vā alaṇkāra' ādi-upakaraṇaṇ piyaṇ hoti manāpaṇ. So aññassa tādisaṇ uppajjamānaṇ disvā: Aho vat' assa evarūpaṇ na bhaveyyā ti, issaṇ karoti. Yācito vā pi: Mayam p' etaṇ tāva na paribhuñjāma, na sakkā dātun ti, macchariyaṇ karoti. Evaṇ ubhayam pi piya-saṅkhāra-nidānaṇ hoti. Appiye hi pana te vutta-ppakāre satte ca saṅkhāre ca labhivā sace pi 'ssa te amanāpā honti, tathā pi kilesānaṇ viparīta-vuttitāya ṭhapetvā maṇ ko añño evarūpassa lābhī ti, issaṇ vā karoti. Yācito tāva-kālikam pi adadamāno macchariyaṇ vā karoti. Evaṇ ubhayam pi appiya-satta-saṅkhāra-nidānaṇ hoti ti.

Chanda-nidānaṇ ti ettha pariyesanā-chando paṭilābha-chando paribhoga-chando sannidhi-chando vissajjana-chando ti pañcavidho chando. Katamo pariyesanā-chando? Idh' ekacco atitto chandajāto rūpaṇ pariyesati, saddaṇ gandhaṇ rasaṇ phoṭṭhabbaṇ pariyesati dhaṇaṇ pariyesati. Ayaṇ pariyesanā-chando. Katamo paṭilābha-chando? Idh' ekacco atitto chandajāto rūpaṇ paṭilabhati, saddaṇ gandhaṇ rasaṇ phoṭṭhabbaṇ paṭilabhati dhaṇaṇ paṭilabhati. Ayaṇ paṭilābha-chando. Katamo paribhoga-chando? Idh' ekacco atitto chandajāto rūpaṇ paribhuñjati, saddaṇ gandhaṇ rasaṇ phoṭṭhabbaṇ, paribhuñjati dhaṇaṇ paribhuñjati. Ayaṇ paribhoga-chando. Katamo sannidhi-chando? Idh' ekacco atitto chandajāto dhana-sannicayaṇ karoti: Āpadāsu bhavisati ti. Ayaṇ sannidhi-chando. Katamo vissajjana-chando? Idh' ekacco atitto chandajāto dhaṇaṇ vissajjet: hatth' ārohaṇaṇ ass' ārohaṇaṇ rathikānaṇ dhan' uggahānaṇ: Ime maṇ rakkhissanti gopissanti mamāyissanti saṇparivāressanti ti. Ayaṇ vissajjana-chando. Ime pañca pi chandā. Idha taṇhāmattam eva. Taṇ sandhāya idaṇ vuttaṇ.

Vitakka-nidāno ti ettha: Lābhaṇ paṭicca vinicchayo ti, evaṇ vutto vinicchaya-vitakko vitakko nāma. *Vinicchayo* ti dve vinicchayā: taṇhā-vinicchayo diṭṭhi-vinicchayo ca. Aṭṭha-sataṇ taṇhā-vicaritaṇ taṇhā-vinicchayo nāma, dvā-

saṭṭhi diṭṭhiyo diṭṭhi-vinicchayo nāmā ti. Evaṇ-vutta-taṇhā-vinicchaya-vasena hi iṭṭhāniṭṭha-piyappiya-vavatthānaṇ na¹ hoti. Tad eva hi ekaccassa iṭṭhaṇ hoti, ekaccassa aniṭṭhaṇ hoti. Paccanta-rāja-majjha-desā-rājūnaṇ gaṇḍ' uppāda-miga-maṇs' ādisu viya tasmiṇ pana taṇhā-vinicchaya-vinicchite paṭiladdha-vatthusmiṇ: Ettakaṇ rūpassa bhavissati ettakaṇ saddassa ettakaṇ gandhassa bhavissati, ettakaṇ rasassa bhavissati, ettakaṇ phoṭṭhabbassa, ettakaṇ mayhaṇ bhavissati, ettakaṇ parassa bhavissati, ettakaṇ nidahissāmi ettakaṇ parassa dassāmi ti, vavatthānaṇ vitakka-vinicchayo nāma hoti. Ten' āha *Chando kho devānaṇ Inda vitakka-nidāno* ti.

Papañca-saññā-saṅkhā-nidāno ti tayo papañcā, taṇhā-papañco māna-papañco diṭṭhi-papañco ti. Tattha aṭṭha-sata-taṇhā-vicaritaṇ taṇhā-papañco nāma, navavidho māno māna-papañco nāma, dvā-saṭṭhi diṭṭhiyo diṭṭhi-papañco nāma. Tesu idha taṇhā-papañco adhippeto. Ken' aṭṭhena papañco? Matta-pamatt' ākāra-pāpan' aṭṭhena. Papañca-sampayuttā saññā papañca-saññā, saṅkhā vuccati koṭṭhāso, saññā-nidānā hi papañca-saṅkhā ti ādisu viya. Iti papañca-saññā-saṅkhā-nidāno hoti papañca-saññā-koṭṭhāsa-nidāno vitakko ti attho.

3. *Papañca-saññā-saṅkhā-nirodha-sāruppa-gāminī* ti etissā papañca-saññā-saṅkhāya yo nirodho vūpasamo tassa sāruppaṇ c' eva tattha-gāminī cā ti saha vipassanāya maggaṇ pucchati. Ath' assa Bhagavā *Somanassaṇ p' āhan* ti tisso vedanā ārabhi. Kim pana Bhagavatā pucchitaṇ kathitaṇ apucchitaṇ sānusandhikaṇ ananusandhikan? ti. Pucchitam eva kathitaṇ no apucchitaṇ sānusandhikam eva no ananusandhikaṇ. Devatānaṇ hi rūpato arūpaṇ pākāṭatarāṇ, arūpe pi vedanā pākāṭatarā. Kasmā? Devatānaṇ karaja-kāyaṇ sukhumaṇ, kammajaṇ balavaṇ, karajassa ca sukhumattā kammajassa ca balavattā ekāhāram pi atikkamitvā na tiṭṭhanti. Uṇha-pāsāṇe ṭhapita-sappi-piṇḍo viya vilīyanti ti: sabbaṇ Brahmajāle vutta-nayen' eva veditabbaṇ. Tasmā Bhagavā Sakkassa tisso vedanā ārabhi.

Duvidhaṇ hi kammaṭṭhānaṇ rūpa-kammaṭṭhānaṇ ca arūpa-kammaṭṭhānaṇ ca; rūpa-pariggaho arūpa-pariggaho ti pi

etad eva vuccati. Tattha Bhagavā yassa rūpaṃ pākataṃ tassa saṅkhepa-manasikāra-vasena vā vitthāra-manasikāra-vasena vā catu-dhātu-vavatthānaṃ vitthārento rūpa-kammaṭṭhānaṃ katheti. Yassa arūpaṃ pākataṃ tassa arūpa-kammaṭṭhānaṃ katheti. Kathento ca tassa vatthubhūtaṃ rūpa-kammaṭṭhānaṃ dassetvā va katheti, devānaṃ pana arūpaṃ pākataṃ ti arūpa-kammaṭṭhāna-vasena vedanā ārabhi.

Tividho hi arūpa-kammaṭṭhāne abhiniveso: phassa-vasena vedanā-vasena citta-vasenā ti. Kathaṃ? Ekaccassa hi saṅkhittena vā vitthārena vā pariggahite rūpa-kammaṭṭhāne tasmim ārammaṇe citta-cetasikānaṃ paṭhamābhiniṇṇāto, taṃ ārammaṇaṃ phusanto uppajjamāno phasso pākato hoti. Ekaccassa taṃ ārammaṇaṃ anubhavanti uppajjamānā vedanā pākata hoti. Ekaccassa taṃ ārammaṇaṃ pariggahetvā taṃ vijānantaṃ uppajjamānaṃ viññānaṃ pākataṃ hoti. Tattha yassa phasso pākato hoti, so pi na kevalaṃ phasso va uppajjati. Tena saddhiṃ tad eva ārammaṇaṃ anubhavamānā vedanā pi uppajjati, sañjānamānā saññā pi, cetayamānā cetanā pi, vijānanamānaṃ viññānaṃ pi uppajjati ti, phassa-paṇcake yeva pariggaṇhāti. Yassa vedanā pākata hoti, so pi na kevalaṃ vedanā va uppajjati. Tāya saddhiṃ tad eva ārammaṇaṃ phusamāno phasso pi uppajjati, sañjānamānā saññā pi, cetayamānā cetanā pi, vijānanamānaṃ viññānaṃ uppajjati ti, phassa-paṇcake yeva pariggaṇhāti. Yassa viññānaṃ pākataṃ hoti so pi na kevalaṃ viññānaṃ eva uppajjati. Tena saddhiṃ tad ev' ārammaṇaṃ phusamāno phasso pi uppajjati anubhavamānā vedanā pi, sañjānamānā saññā pi, cetayamānā cetanā pi uppajjati ti, phassa-paṇcake yeva pariggaṇhāti. So: Ime phassa-paṇcamakā dhammā kiṃ-nissitā ti, upadhārento: 'vatthu-nissitā' ti pajānāti. Vatthu nāma karaḍa-kāyo, yaṃ sandhāya vuttaṃ: 'Idaṃ ca pana me viññānaṃ ettha sitaṃ ettha paṭibaddhaṃ' ti.

So atthato bhūtāni c' eva upādā-rūpāni ca: Evam ettha vatthu-rūpaṃ phassa-paṇcamakaṃ nāmaṃ ti, nāmarūpa-mattam eva passati; rūpaṃ c' ettha rūpa-kkhandho. nāmaṃ cattāro arūpino khandhā ti: pañca-kkhandha-mattaṃ hoti. Nāmarūpa-vinimuttā hi pañca-kkhandhā pañca-kkhandha-vinimuttaṃ vā nāmarūpaṃ n' atthi. So ime pañca-kkhandhā:

kiṃ hetukā ti, upaparikkhanto: 'avijj' ādi-hetukā' ti passati. Tato paccayo c' eva paccay' uppannañ ca: Idaṃ añño satto vā puggalo vā n' atthi, suddha-saṅkhāra-puñjamattam evā ti: sappaccaya-nāmarūpa-vasena tilakkhaṇaṃ āropetvā vipassanā-paṭipāṭiyā: Aniccaṃ dukkhaṃ anattā ti, sammāsanto vicarati. So: ajja ajjā ti, paṭivedhaṃ ākaṅkhamāno tathārūpe divase utu-sappāyaṃ puggala-sappāyaṃ bhojana-sappāyaṃ dhamma-savana-sappāyaṃ vā labhitvā eka-pallaṇkena nisinno va vipassanaṃ matthakaṃ pāpetvā arahatte paṭiṭṭhāti. Evaṃ imesaṃ tiṇṇam pi janānaṃ yāva arahattā kammaṭṭhānaṃ kathitaṃ hoti.

Idha pana Bhagavā arūpa-kammaṭṭhānaṃ kathento vedanā-vasena¹ kathesi. Phassa-vasena vā viññāṇa-vasena vā kathiyamānaṃ etassa na pākaṭaṃ hoti, andhakāraṃ viya khāyati, vedanā-vasena pana pākaṭaṃ hoti. Kasmā? Vedanānaṃ pākaṭatāya, sukha-dukkha-vedanānaṃ hi uppatti pākaṭā. Yadā sukhaṃ uppajjati tadā sakala-sarīraṃ khobhentaṃ maddantaṃ pharamānaṃ abhisandayamānaṃ sata-dhota-sappiṇṇaṃ khādāpayantaṃ viya sata-pāka-telaṃ makkhayamānaṃ viya ghaṭa-sahassena pariḷāhaṃ nibbāpayamānaṃ viya: Aho sukhaṃ aho sukkhaṃ ti, vācaṃ nicchārayamānam eva uppajjati. Yadā dukkhaṃ uppajjati tadā sakala-sarīraṃ khobhentaṃ maddantaṃ pharamānaṃ abhisandayamānaṃ tatta-phālaṃ pavesentaṃ viya vilīna-tamba-lohena āsiṅcantaṃ viya sukkha-tiṇa-vanaspatimhi araṇṇhe dāru-ukkā-kalāpaṃ khipamānaṃ viya: Aho dukkhaṃ aho dukkhaṃ ti, vipplāpayamānam eva uppajjati. Iti sukha-dukkha-vedanānaṃ uppatti pākaṭā hoti.

Adukkha-m-asukhā pana duddīpanā andhakārā avibhūtā.² Sā sukha-dukkhānaṃ apagame sātāsāta-paṭikkhepa-vasena majjhataṃ ākārabhūtā adukkha-m-asukhā vedanā ti nayato gaṇhantassa pākaṭā hoti. Yathā kiṃ? Yathā antarā piṭṭhi-pāsānaṃ ārūhitvā palātassa migassa anupadaṃ gacchanto miga-luddako piṭṭhi-pāsānaṃ ora-bhāge pi para-bhāge pi padaṃ disvā majjhe apassanto pi: Ito ārūḷho ito orūḷho majjhe piṭṭhi-pāsāne iminā padesena gato bhavissati ti, nayato

¹ B °sisena.² MSS. avi°.

jānāti, evaṇ ārūḷha-tṭhāne padaṇ viya hi sukhāya vedanāya uppatti pākaṭā hoti, orūḷha-tṭhāne padaṇ viya dukkhāya vedanāya uppatti pākaṭā hoti: Ito āruyha ito oruyha majjhe evaṇ gato ti, nayato gahaṇaṇ viya sukha-dukkhānaṇ apa-game sātāsāta-paṭikkhepa-vasena majjhatt' ākārabhūtā adukkha-m-asukha-vedanā ti nayato gaṇhantassa pākaṭā hoti.

Evaṇ Bhagavā paṭhamaṇ rūpa-kammaṭṭhānaṇ kathetvā pacchā arūpa-kammaṭṭhānaṇ vedanā-vasena nibbeṭhetvā dasseti. Na kevalaṇ ca idh' eva evaṇ dasseti. Mahā-Satipaṭṭhāne, Majjhima-nikāyamhi Satipaṭṭhāne, Culla-Taṇha-saṅkhaye, Mahā-Taṇhā-saṅkhaye, Culla-Vedalle, Mahā-Vedalle, Raṭṭhapāla-sutte, Māgandiya-sutte, Dhātu-vibhaṅge, Ānañja-sappāye, sakale Vedanā-saṇyutte ti: evaṇ anekesu suttesu paṭhamaṇ rūpa-kammaṭṭhānaṇ kathetvā pacchā arūpa-kammaṭṭhānaṇ vedanā-vasena nibbeṭhetva dassesi. Yathā ca tesu tesu evaṇ imasmim pi Sakka-pañhe paṭhamaṇ rūpa-kammaṭṭhānaṇ kathetvā pacchā arūpa-kammaṭṭhānaṇ vedanā-vasena nibbeṭhetvā dassesi. Rūpa-kammaṭṭhānaṇ paṇ' ettha vedanāya ārammaṇa-mattakaṇ yeva saṅkhittaṇ, tasmā pāliyaṇ na ārūḷhaṇ bhavissati. Arūpa-kammaṭṭhāne yaṇ tassa pākaṭaṇ vedanā-vasena abhinivesa-mukhaṇ tam eva dassetuṇ *Somanassam p' ahaṇ devānam Indā* ti ādi āgataṇ.¹

Tattha *duvidhenā* ti dvividhena, dvīhi koṭṭhāsehi ti attho.

Evarūpaṇ somanassaṇ na sevitaḍḍhaṇ ti evarūpaṇ geḥa-sita-somanassaṇ na sevitaḍḍhaṇ. Geḥa-sita-somanassaṇ nāma: tattha katamāni? Cha-geḥa-sitāni somanassāni: Cakkhu-viññeyyānaṇ rūpānaṇ iṭṭhānaṇ kantānaṇ manāpānaṇ manoramānaṇ lok' āmisa-paṭisaṇyuttānaṇ paṭilābhaṇ vā paṭilābhato samanussarato,² pubbe yeva paṭiladdhaṇ pubbaṇ atītaṇ niruddhaṇ vipariṇataṇ samanussarato uppajjati somanassaṇ; yaṇ evarūpaṇ somanassaṇ: idaṇ vuccati geḥa-sita-somanassaṇ ti. Evaṇ chasu dvāresu vutta-kāma-guṇa-nissita-somanassaṇ.

Evarūpaṇ somanassaṇ sevitaḍḍhaṇ ti evarūpaṇ nekkhamma-sitaṇ somanassaṇ sevitaḍḍhaṇ. Nekkhamma-sitaṇ somanassaṇ nāma: tattha katamāni? Cha nekkhamma-sitāni somanassāni:

¹ B ādim āha.

² B samanupassato.

Rūpānaṃ tv 'eva aniccataṃ disvā vipariṇāma-virāga-nirodhaṃ: Pubbe c' eva rūpā etarahi ca sabbe rūpā aniccā dukkhā vipariṇāma-dhammā ti, evam etaṃ yathā-bhūtaṃ sammappaññāya passato uppajjati somanassaṃ. Yaṃ evarūpaṃ somanassaṃ: idaṃ vuccati nekkhamma-sitaṃ somanassaṃ ti. Evaṃ chasu dvāresu iṭṭh' ārammaṇe āpātha-gate anicc' ādi-vasena vipassanaṃ paṭṭhapetvā ussukkāpetuṃ sakkontassa: Ussukkitā me vipassanā ti, somanassa-jātassa uppannaṃ somanassaṃ sevitaḥḥan ti: idaṃ nekkhamma-vasena vipassanā-vasena anussati-vasena paṭhama-jjhān' ādi-vasena uppajjanaka-somanassaṃ sevitaḥḥan nāma.

Tattha yaṇ ce savitakkaṃ savicāraṃ ti tasmim pi nekkhammasite somanasse yaṃ nekkhamma-vasena vipassanā-vasena anussati-vasena paṭhama-jjhāna-vasena uppannaṃ savitakkaṃ savicāraṃ somanassaṃ ti jāneyya.

Yaṇ ce avitakkaṃ avicāraṃ ti yaṃ pana dutiya-tatiya-jjhāna-vasena uppannaṃ avitakkaṃ avicāraṃ somanassaṃ ti jāneyya.

Ye avitakke avicāre se¹ paññatāre ti etesu pi dvisu yaṃ avitakkāvicāraṃ taṃ paññataraṃ ti attho. Iminā kiṃ kathitaṃ hoti? Dvinnā arahattaṃ kathitaṃ. Kathaṃ? Eko hi² bhikkhu savitakka-savicāre somanasse vipassanaṃ paṭṭhapetvā: Idaṃ somanassaṃ kiṃ-nissitaṃ ti, upadhārento: Vatthunissitaṃ ti, pajānāti ti, phassa-pañcamake vutta-nayen' eva anukkamena arahatte patiṭṭhāti. Eko avitakka-avicāre somanasse vipassanaṃ paṭṭhapetvā vutta-nayen' eva arahatte patiṭṭhāti. Tattha abhinivṛtta-somanassesu pi savitakka-savicārato avitakkāvicāraṃ taṃ³ paññataraṃ, savitakka-savicāra-somanasse vipassanato pi avitakkāvicāre vipassanā paññatarā, savitakka-savicāra-somanassa-phala-samāpattito pi avitakkāvicāra-somanassa-phala-samāpatti yeva paññatarā. Ten' āha Bhagavā *ye avitakke avicāre se¹ paññatāre* ti.

Evarūpaṃ domanassaṃ na sevitaḥḥan ti evarūpaṃ geha-sita-domanassaṃ na sevitaḥḥan. Geha-sita-domanassaṃ nāma: tattha katamāni? Cha-geha-sitāni domanassāni: Cakkhaviññeyyānaṃ rūpānaṃ iṭṭhānaṃ kantānaṃ manāpānaṃ manoramānaṃ lok' āmisa-pāṭisaṃyuttānaṃ appatīlābhaṃ vā

appaṭilābhato samanussarato¹ pubbe vā paṭiladdha-pubbaṇ atītaṇ niruddhaṇ vipariṇataṇ samanussarato uppajjati domanassaṇ. Yaṇ evarūpaṇ domanassaṇ, idaṇ vuccati geha-sitaṇ domanassan ti. Evaṇ chasu dvāresu: Itṭhārammaṇaṇ nānubhaviṇ² nānubhavissāmi nānubhavāmi ti, vitakkayato uppannaṇ kāma-guṇa-nissitaṇ domanassaṇ.

Evarūpaṇ domanassaṇ sevitaḍḍhaṇ ti evarūpaṇ nekkhamma-sitaṇ domanassaṇ sevitaḍḍhaṇ. Nekkhamma-sita-domanassaṇ nāma: tattha katamāni? Cha nekkhamma-sitāni domanassāni: Rūpānaṇ tv' eva aniccataṇ viditvā vipariṇāma-virāga-nirodham: Pubbe c' eva rūpā etarahi ca sabbe te rūpā aniccā dukkhā vipariṇāma-dhammā ti, evam etaṇ yathā-bhūtaṇ sammappaññāya disvā anuttaresu vimokhesu pi³ pīhaṇ upaṭṭhapeti: Kudāssu nām' ahaṇ tadāyatanaṇ upasampajja viharissāmi yad ariyā etarahi āyatanaṇ upasampajja viharanti, ti, iti anuttaresu pi vimokhesu pi³ pīhaṇ upaṭṭhāpayato uppajjati piha-paccayā domanassaṇ. Yaṇ evarūpaṇ domanassaṇ: idaṇ vuccati nekkhamma-sitaṇ domanassan ti. Evaṇ chasu dvāresu itṭhārammaṇe āpātha-gate anuttara-vimokkhasaṅkhāta-ariya-phala-dhammesu pīhaṇ upaṭṭhapetvā tad-adhigamāya anicc' ādi-vasena vipassanaṇ paṭṭhapetvā ussukkāpetuṇ asakkontassa: Imam pi pakkhaṇ imam pi māsaṇ imam pi saṇvaccharaṇ vipassanaṇ ussukkāpetvā ariya-bhūmiṇ pāpuṇituṇ nāsakkhin ti, anusocatō uppannaṇ domanassaṇ sevitaḍḍhaṇ ti. Idaṇ nekkhamma-vasena vipassanā-vasena anussati-vasena paṭhama-jjhān' ādi-vasena uppajjana-domanassaṇ sevitaḍḍhaṇ nāma.

Tattha yaṇ ce savitakkaṇ savicāraṇ ti tasmiṇ duvidhe domanasse geha-sita-domanassam eva savittaka-savicāra-domanassaṇ nāma, nekkhamma-vasena vipassanā-vasena anussatiṭṭhāna-vasena paṭhama-dutiya-jjhāna-vasena ca uppanna-domanassaṇ pana avitakka-avicāra-domanassan ti veditaḍḍhaṇ. Nippariyāyena pana avitakkāvicāra-domanassaṇ nāma n' atthi ti. Domanass' indriyaṇ hi ekaṇsena akusalaṇ c' eva savitakka-savicāraṇ ca. Tassa pana bhikkhuno mañña-

¹ B samanupassato (as above).

² SS nāma bhavitaṇ.

³ B omits.

vasena savitakka-savicāran ti ca avitakka-avicāran ti ca vuttaṇ.

Tatrāyaṇ nayo. Idha bhikkhu domanassa-paccaya-bhūte savitakka-savicāra-dhamme avitakka-avicāra-dhamme va domanassa-paccayā uppanne magga-phala-dhamme ca aññesaṇ paṭipatti-dassana-vasena domanassan ti gahetvā: Kadā nu kho me savitakka-savicāra-domanasse vipassanā paṭṭhapitā bhavissati? kadā avitakka-avicāra-domanasse ti ca? kadā nu kho me savitakka-savicāra-domanassa-phala-samāpatti nibhattitā bhavissati? kadā avitakka-avicāra-domanassa-phala-samāpatti ti, cintetvā temāsikaṇ cha-māsikaṇ nava-māsikaṇ vāpaṭipadaṇ gaṇhāti. Temāsikaṇ gahetvā paṭhama-māse ekaṇ yāmaṇ jaggati, dve yāme niddāya okāsaṇ karoti, majjhima-māse dve yāme jaggati, ekaṇ yāmaṇ niddāya okāsaṇ karoti, pacchima-māse caṅkama-nisajjāh' eva yāpeti. Evaṇ ce arahattaṇ pāpuṇāti, icc' etaṇ kusalaṇ ce¹ no¹ pāpuṇāti visesetvā cha-māsikaṇ gaṇhāti. Tatrāpi dve dve māse vuttanayena paṭipajjitvā arahattaṇ pāpuṇituṇ asakkonto visesetvā nava-māsikaṇ gaṇhāti. Tatrāpi tayo tayo māse tath' eva paṭipajjitvā arahattaṇ pāpuṇituṇ asakkontassa: Na laddhaṇ vata me sabrahmacārihi saddhiṇ visuddhi-pavāraṇaṇ pavārentu ti, āvajjato domanassaṇ uppajjati. Assu-dhārā pavattanti gāmanta-pabbhāra-vāsi-Mahā-Sivattherassa viya.

Thero kira aṭṭhārassa mahā-gaṇe vāceti. Tass' ovāde ṭhātvā tiṇsa-sahassa-bhikkhū arahattaṇ pāpuṇiṇsu. Ath' eko bhikkhu: Mayhan tāva abbhantare guṇā appamāṇā, kīdisā nu kho me ācariyassa guṇā ti, āvajjento, puthujjanabhāvaṇ passitvā: Amhākaṇ ācariyo aññesam avassayo hoti, attano bhavituṇ² na sakkoti, ovādam assa dassāmī ti, ākāseṇa gantvā, vihāra-samīpe otaritvā divāṭṭhāne nisinnaṇ ācariyaṇ upasaṅkamitvā vattaṇ dassetvā ekam-antaṇ nisīdi. Thero: 'Kiṇ kāraṇā āgato 'si piṇḍapātikā?' ti āha. 'Ekaṇ anumodanaṇ gaṇhissāmī ti, āgato 'smi bhante' ti. 'Okāso na bhavissati āvuso' ti, 'Vitakka-mālake ṭhita-kāle pucchissāmī bhante' ti. 'Tasmiṇ ṭhāne aññe pucchanti' ti. 'Bhikkhācāra-magge bhante' ti. 'Tatrāpi

¹ SS nāma ce.² SS omit.

aññe pucchanti.’ ‘Dupatṭa-nivāsana-tṭhāne saṅghāti-pārūpana-tṭhāne patta-nīharaṇa-tṭhāne gāme caritvā āsana-sālāyaṇ yāgu-pīta-kāle bhante’ ti. ‘Tattha aṭṭha-kathā therā attano kaṅkhaṇ vinodenti āvuso’ ti. ‘Antogāmato nikkhanta-kāle pucchissāmi bhanti’ ti. ‘Tatrāpi aññe pucchanti āvuso’ ti. Antarā-magge bhante bhojana-sātayaṇ bhatta-kicca-pariyosāne bhante, divātṭhāne pāda-dhovana-kāle bhante’ ti. ‘Tato paṭṭhāya yāva aruṇā apare pucchanti āvuso’ ti. ‘Danta-kaṭṭhaṇ gahetvā mukha-dhovan’ atthaṇ gamana-kāle bhante’ ti. ‘Tadā aññe pucchanti’ ti. ‘Mukhaṇ dhovitvā āgamana-kāle bhante’ ti. ‘Tatrāpi aññe pucchanti’ ti. ‘Sen’ āsanaṇ pavisitvā nisinna-kāle bhante’ ti. ‘Tatrāpi aññe pucchanti’ ti. ‘Bhante nanu mukhaṇ dhovitvā sen’ āsanaṇ pavisitvā tayo cattāro pallaṅke uṇhāpetvā¹ yoniso-manasikāre kammaṇ karontānaṇ okāsa-kāle na bhavitabbaṇ siya, maraṇa-khaṇam pi na labhissatha bhante, phalaka-sadis’ attha bhante parassa avassayo hotha, attano bhavituṇ na sakkotha, na me tumhākaṇ anumodanāya attho’ ti. Ākāse uppattitvā agamāsi.

Thero: Imassa bhikkhuno pariyattiyā kammaṇ n’ atthi. Mayhaṇ pana añkusako bhavissāmī ti āgato ti; ñatvā: Idāni okāso na bhavissati, paccūsa-kāle gamissāmī ti, patta-cīvaraṇ samīpe katvā sabba-divasabhāgaṇ paṭhama-yāma-majjhima-yāmaṇ ca dhammaṇ vācetvā pacchima-yāme ekasmiṇ there uddesaṇ gahetvā nikkhante patta-cīvaraṇ gahetvā ten’ eva saddhiṇ nikkhanto nisinna-antevāsikā: Ācariyo kenaci papañcena nikkhanto ti, maññiṇsu. Nikkhanta-thero: Koci deva-sahacariya-bhikkhū ti, saññaṇ akāsi. Thero kira: Mādisassa arahattaṇ uppādetuṇ nāma kiṇ dviha-tīhen’ eva pāpunitvā paccāgamissāmī ti, antevāsikānaṇ anārocetvā va, Āsālhi-māsassa juṇha-pakkhe terasiyā nikkhanto gāmantaṇ pabbhāraṇ gantvā caṅkamaṇ oruṇa kammaṭṭhānaṇ manasikaronto taṇ divasaṇ arahattaṇ gahetuṇ nāsakkihi. Uposatha-divase sampatte: Dviha-tīhen’ eva arahattaṇ gahessāmī ti,

¹ B ussumaṇ gahāpetvā.

bahi āgato gahetuṇ pana nāsakkhi. Tayo māse pana tīpi divasāni viya, yāva mahā-pavāraṇā tāva jānissāmi ti, vassaṇ upagantvā gahetuṇ nāsakkhi. Pavāraṇā-divase cintesi: 'Ahaṇ dviha-tīhena arahattaṇ gaṇhissāmi' ti āgato temāsenāpi nāsakkhi, sabrahmacārino pana visuddhi-pavāraṇaṇ pavārenti ti, tass' eva cintayato assu-dhārā pavatti. Tato: Na mañce mayhaṇ catuhi iriyāpathehi magga-phalaṇ uppajjissati, arahattaṇ dāni appatvā n' eva mañce piṭṭhiṇ pasāressāmi na pāde dhovissāmi ti, mañcaṇ ussāpetvā ṭhapesi. Puna anto-vassaṇ pattaṇ arahattaṇ gahetuṇ nāsakkhi yeva. Ekū-natiṇsāya pavāraṇāsu assu-dhārā pavattanti.

Gāma-dārakā therassa pādesu phalika-tṭhānāni kaṇṭakehi sibbanti, evaṇ¹ karontā pi: Ayyassa Mahā-Sīvatherassa viya pādā hontū ti, ravaṇ¹ karonti. Thero: Tiṇsa me saṇvacchare mahāpavāraṇa-divase ālambana-phalaṇ nissāya ṭhito, idāni me tiṇsa-vassāni samaṇa-dhammaṇ karontassa nāsakkhiṇ arahattaṇ pāpuṇituṇ, addhā me imasmiṇ attabhāve maggo vā phalaṇ vā n' atthi. Na me laddhaṇ sabrahmacārīhi saddhiṇ visuddhi-pavāraṇaṇ pavāretuṇ ti, cintesi. Tass' evaṇ cinta-yato va domanassaṇ uppajji, assu-dhārā pavattanti. Athā-vidūre ṭhāne ekā deva-dhītā rodamānā aṭṭhāsi. 'Ko ettha rodati?' ti. 'Ahaṇ bhante deva-dhītā' ti.

'Kasmā rodasī?' ti. 'Rodanena magga-phalāni nibbattanti, aham pi: Eka-dve magga-phalāni nibbattessāmi ti, rodāmi bhante' ti. Tato thero: Bho Mahā-Sīva, devatā pi tayā saddhiṇ keliṇ karonti, anucchavikaṇ nu kho te etan ti vipassanaṇ vaḍḍhetvā saha paṭisambhidāhi arahattaṇ aggahesi. So: Idāni nippajjissāmi ti, sen' āsanaṇ paṭijaggitvā mañcakaṇ paññāpetvā udakaṇ paccupaṭṭhāpetvā: Pāde dhovissāmi ti, sopāna-phalake nisīdi. Antevāsikā pi 'ssa: Amhākaṇ ācariyassa samaṇa-dhammaṇ kātuṇ gatassa tiṇsa-vassāni, asakkhi nu kho visesaṇ nibbattetuṇ sakkhi ti, āvaj-jayamānā: Arahattaṇ patvā pāde dhovan' atthaṇ nisinno ti, disvā: Amhākaṇ ācariyo amhādisesu antevāsikesu tiṭṭhantesu attanā va pāde dhovissati ti, aṭṭhānam etaṇ, ahaṇ dhovissāmi ahaṇ dhovissāmi ti, tiṇsa-sahassā pi ākāsena gantvā, vanditvā:

¹ SS davan.

‘Pāde dhovissāma bhante’ ti āhaṇsu. ‘Āvuso idāni tiṇsa vassāni honti mama pādānaṇ adhotānaṇ. Tiṭṭhatha tumhe, aham eva dhovissāmī’ ti. Sakko pi āvajjanto: Mayhaṇ ayyo Mahāsīvatthero arahattaṇ patto, tiṇsa-sahasānaṇ antevāsikānaṇ: Pāde dhovissāmā ti, āgatānam pāde dhovituṇ na deti, mādise pana upatṭhāke tiṭṭhante mayhaṇ ayyo sayāṇ pāde dhovissati ti, aṭṭhānam etaṇ, ahaṇ dhovissāmī ti, sannitṭhānaṇ katvā Sujātāya deviyā saddhiṇ bhikkhusaṅghassa santike pātur-ahosi. So Sujaṇ asura-kaññaṇ purato katvā: Apetha bhante mātugāmo ti, okāsaṇ kāretvā, therāṇ upasaṅkamitvā vanditvā, purato ukkuṭiko nisīditvā: ‘Pāde dhovissāmī bhante’ ti āha. ‘Kosiya,¹ idāni me tiṇsa vassāni pādānaṇ adhotānaṇ, devatānaṇ ca pakatiyā pi manussa-sarīra-gandho nāma jeguccho. Yojana-sate tṭitānam pi kaṇṭhe āsatta-kuṇapaṇ viya hoti. Aham eva dhovissāmī’ ti. ‘Bhante ayaṇ gandho nāma na paññāyati. Tumhākaṇ pana sīla-gandho cha devaloke atikkamitvā upari-bhavaggaṇ patvā tṭhito. Sīla-gandhato añño uttaritaro gandho n’ atthi. Bhante, tumhākaṇ sīla-gandhen’ amhi āgato’ ti, vāma-hatthena gopphaka-sandhiyaṇ gahetvā, dakkhiṇa-hatthena pāda-talaṇ parimajji. Dahara-kumārass’ eva pādā ahesuṇ. Sakko pāde dhovitvā vanditvā devalokam eva gato.

Evaṇ: Na labhāmi sabrahmacārihi saddhiṇ visuddhi-pavāraṇaṇ pavāretun ti, āvajjantassa uppannaṇ domanassaṇ nissāya bhikkhuno maññaṇa-vasena vipassanāya ārammaṇam pi vipassanā pi maggo pi phalam pi savitakka-savicāra-domanassan ti ca avitakka-avicāra-domanassan ti ca vuttan ti veditabbaṇ.

Tattha eko bhikkhu savitakka-savicāra-domanasse vipassanaṇ patṭhapetvā: Idaṇ domanassaṇ kiṇ nissitan ti, upadhārento: Vatthu-nissitan ti, pajānāti. Phassa-pañcamake vutta-nayen’ eva anukkamena arahatte patiṭṭhāti. Eko avitakka-avicāra domanasse vipassanaṇ patṭhapetvā vutta-nayen’ eva patiṭṭhāti. Tattha abhinivīṭṭha-domanassesu pi savitakka-savicārato avitakkāvicārato paṇītataṇaṇ savitakka-savicāra-domanassa-vipassanato pi avitakka-avicāra-doma-

nassa-vipassanā paṇītatarā, savitakka-savicāra-domanassa-phala-samāpattito pi avitakka-avicāra-domanassa-phala-samāpatti yeva paṇītatarā. Ten' āha Bhagavā *Ye avitakke avicāre se¹ paṇītatare* ti.

Evarūpā upekhā na sevittabbā ti evarūpā geha-sitā upekhā na sevittabbā. Geha-sitā upekhā nāma: tattha katamā? Cha geha-sitā upekhā: Cakkhunā rūpaṇ disvā uppajjati upekhā bālassa mūhassa puthujjanassa anodhi-jinassa* avipāka-jinassa anādinava-dassāvino assutavato puthujjanassa. Yā evarūpā upekhā rūpaṇ sā nātivattati. Tasmā upekhā geha-sitā ti vuccatī ti: evam eva chasu dvāresu itthārammaṇe apātha-gate guḷa-piṇḍake nilīna-makkhikā viya rūp' ādini anativattamānā tatth' eva laggā laggitā hutvā uppannā kāma-guṇa-nissitā upekhā, na sevittabbā.

Evarūpā upekhā sevittabbā ti evarūpā nekkhamma-sitā upekhā sevittabbā. Nekkhamma-sitā upekhā nāma; tattha katamā? Cha nekkhamma-sitā upekhā: Rūpaṇ tv' eva aniccataṇ veditvā vipariṇāma-virāga-nirodhā pubbe c' eva rūpā, etarahi ca sabbe te rūpā aniccā dukkhā vipariṇāma-dhammā ti. Evam etaṇ yathā-bhūtaṇ sammappaññāya passato uppajjati upekhā. Yā evarūpā upekhā rūpaṇ sā ativattati. Tasmā sā upekhā nekkhamma-sitā ti vuccatī ti: evaṇ chasu dvāresu itth' ādi-ārammaṇe apātha-gate itthe arajjantassa anitthe adussantassa asamapekkhaṇe amuyhantassa uppannā vipassanā ñāna-sampayuttā upekhā. Api ca vedanā sabhāgā, tatra majjhataṇ upekhā pi ettha upekhā va tasmā sevittabbā ti. Ayaṇ nekkhamma-vasena vipassanā-vasena anussati-ttthāna-vasena paṭhama-dutiya-tatiya-catutthajjhāna-vasena uppajjana-*upekhā sevittabbā nāma.*

Tattha yaṇ ce savitakkaṇ savicāraṇ ti tāya pi nekkhamma-sita - upekhāya yaṇ nekkhamma - vasena vipassanā - vasena anussati-vasena paṭhama-jjhāna-vasena ca uppannaṇ savitakka-savicāraṇ upekhaṇ ti² jāneyya.²

Yaṇ ce avitakkaṇ avicāraṇ ti yaṇ pana dutiya-jjhān' ādi-vasena uppannaṇ avitakkaṇ avicāraṇ upekhaṇ ti jāneyya.

* DhsA. 194.

¹ B te.

² SS vijāneyya.

Ye avitakke avicāre se¹ pañītatare ti etāsu dvīsu yā avitakka-avicārā sā pañītatarā ti attho. Iminā kiṃ kathitaṃ hoti? Dvinnāṃ arahattaṃ kathitaṃ. Kathaṃ? Eko bhikkhu savitakka-savicārūpekhāya vipassanaṃ paṭṭhapetvā: Ayaṃ upekhā kiṃ-nissitā ti, upadhārento: Vatthu-nissitā ti pajānāti ti. Phassa-pañcamake vutta-nayen' eva anukkamena arahatte patiṭṭhāti. Eko avitakkāvicārāya upekhāya vipassanaṃ paṭṭhapetvā vutta-nayen' eva arahatte patiṭṭhāti. Tattha abhinivīṭṭha-upekhāsu pi savitakka-savicārato avitakkāvicārā pañītatarā. Savitakka-savicāra-upekhāya vipassanato pi avitakkāvicārāya upekhāya vipassanā pañītatarā. Savitakka-savicārūpekhā phala-samāpattito pi avitakkāvicārūpekhā phala-samāpatti yeva pañītatarā. Ten' āha Bhagavā *ye avitakke avicāre se¹ pañītatare* ti.

Evaṃ-paṭipanno kho devānaṃ Inda bhikkhu papañca-saññā-saṅkhā-nirodha-sāruppa-gāmini-paṭipadaṃ paṭipanno hoti ti Bhagavā arahatta-nikūṭena desanaṃ niṭṭhapesi.

4. Sakko pana sot' āpatti-phalaṃ patto. Buddhānaṃ ajjhāsayo hīno na hoti, ukkaṭṭho hoti. Ekassa pi bahunnam pi dhammaṃ desento arahatten' eva kūṭaṃ gaṇhanti. Sattā pana attano anurūpe upanissaye ṭhitā, keci sot' āpannā honti, keci sakadāgāmī, keci anāgāmī, keci arahanto. Rājā viya hi Bhagavā, rāja-kumārā viya veneyyā. Yathā rājā bhojana-kāle attano pamāṇena piṇḍaṃ uddharitvā² rāja-kumārānaṃ upaneti, te tato attano mukha-ppamāṇen' eva kabalaṃ karonti, evaṃ Bhagavā attano ajjhāsayaṇurūpāya desanāya arahatten' eva kūṭaṃ gaṇhāti. Veneyyā attano upanissaya-ppamāṇena tato sot' āpatti-phalamattaṃ vā sakadāgāmī-anāgāmī-arahatta-phalam eva vā gaṇhanti. Sakko pana sot' āpanno jāto sot' āpanno va hutvā, Bhagavato purato yeva cavitvā taruṇa-Sakko hutvā nibbatti. Devātānaṃ hi cavamānānaṃ attabhāvassa gatāgata-ṭṭhānaṃ nāma na paññāyati, dipa-sikhā-gamaṇaṃ viya hoti. Tasmā sesa-devatā na jāniṃsu. Sakko pana sayāṃ cutattā, Bhagavā ca appatthata-ñāṇattā³ dve⁴ va jāniṃsu. Atha kho Sakko

¹ B te.² SS add 'ti.'³ B uttaritvā.⁴ B adds jānā.

cintesi: Mayhaṇ Bhagavatā tīsu thānesu nibbattita-phalam eva kathitaṇ, ayañ ca pana maggo vā phalaṇ vā sakunikā viya uppattitvā gahetuṇ na sakkā. Āgamañiṃya-pubbabhāga-paṭipadāy' assa bhavitabbaṇ. Handāhaṇ upari-khīnāsavassa pubbhāga-paṭipadaṇ pucchāmi' ti. Tato naṇ taṇ pucchanto *kathaṇ-paṭipanno pana mārisā* ti ādim āha.

Tattha *pātimokkha-saṇvarāyā* ti uttama-jetṭhaka-sīla-saṇvarāya.

Kāya-samācāraṇ pī ti ādi sevitabba-kāya-samācār' ādi-vasena pātimokkha-saṇvara-dassan' atthaṇ vuttaṇ. Sīla-kathā nām' esā kamma-patha-vasena vā paṇṇatti-vasena vā kathetabbā hoti. Tattha kamma-patha-vasena kathentena asevitabba-kāya-samācāro tāva pāṇātipāta-adinn' ādāna-micchācārehi kathetabbo. Paṇṇatti-vasena kathentena kāya-dvāre paññatta-sikkhāpada-vītikama-vasena kathetabbo. Sevitabba-kāya-samācāro pāṇātipāt' ādi-veramaṇihi c' eva kāya-dvāre-paññatta-sikkhāpada-avītikamena ca kathe-tabbo.

Asevitabba-vacī-samācāro musāvād' ādi-vacī duccharitena c' eva vacī-dvāre paññatta-sikkhāpada-vītikamena ca kathe-tabbo. Sevitabba-vacī-samācāro musāvād' ādi-veramaṇihi c' eva vacī-dvāre-paññatta-sikkhāpada-avītikammena ca kathetabbo.

Pariyesanā pana kāya-vācāhi pariyesanā yeva. Sā kāya-vacī-samācāra-gaḥaṇena gahitā pī samānā yasmā ājīv' atṭhamaka-sīlaṇ nāma etasmiṇ yeva dvāra-dvaye uppajjati na ākāse, tasmā ājīv' atṭhamaka-sīla-dassan' atthaṇ visuṇ vuttā. Tattha na-sevitabba-pariyesanā anariya-pariyesanāya kathe-tabbā. Sevitabba-pariyesanā ariya-pariyesanāya. Vuttaṇ h' etaṇ*: Dve'mā bhikkhave pariyesanā, anariyā ca pariyesanā ariyā ca pariyesanā. Katamā ca bhikkhave anariyā pariyesanā? Idha bhikkhave ekacco attanā jāti-dhammo samāno jāti-dhammañ ñeva pariyesati, attanā jarā-dhammo vyādhidhammo maraṇa-dhammo soka-dhammo saṅkilesika-dhammo samāno saṅkilesaṇ dhammañ ñeva pariyesati. Kiñ ca bhikkhave jāti-dhammaṇ vadetha? Putta-bhariaṇ bhik-

khave jāti-dhammaṇ, dāsi-dāsaṇ jāti-dhammaṇ, aj' elakaṇ jāti-dhammaṇ, kukkuṭa-sūkara-hatthi-gavassa-valavaṇ, jāta-rūpa-rajataṇ jāti-dhammaṇ. Jāti-dhammā h' ete bhikkhave upadhayo. Etthāyaṇ gathito¹ mucchito ajjhopanno attanā jāti-dhammo samāno jāti-dhammañ ñeva pariyesati. .

Kiñ ca bhikkhave jarā-dhammaṇ vadetha? Putta-bhariyaṇ bhikkhave . . . pe . . . jarā-dhammañ ñeva pariyesati. Kiñ ca bhikkhave vyādhi-dhammaṇ vadetha? Putta-bhariyaṇ bhikkhave vyādhi-dhammaṇ dāsi-dasaṇ vyādhi-dhammaṇ aj' elakaṇ kukkuṭa-sūkaraṇ hatthi-gavāssa-valavaṇ vyādhi-dhammaṇ. Vyādhi-dhammā h' ete bhikkhave upadhayo. Etthāyaṇ gathito¹ mucchito ajjhopanno vyādhi-dhammo samāno vyādhi-dhammañ ñeva pariyesati.

Kiñ ca bhikkhave maraṇa-dhammaṇ vadetha? Putta-bhariyaṇ . . . pe . . . hatthi-gavāssa-valavaṇ . . . pe . . . Kiñ ca bhikkhave soka-dhammaṇ vadetha? . . . pe . . . Putta-bhariyaṇ . . . jāta-rūpa-rajataṇ saṅkilesa-dhammaṇ. Saṅkilesa-dhammā h' ete bhikkhave upadhayo. Etthāyaṇ gathito¹ mucchito ajjhopanno attanā saṅkilesa-dhammo samāno saṅkilesa-dhammañ ñeva pariyesati. Ayaṇ hi bhikkhave anariyā pariyesanā.

Api ca kuhan' ādi-vasena pañca-vidhā agocara-vasena chabbidhā vejjakamm' ādi-vasena eka-vīsati evaṇ-pavattā sabbā pi anesanā anariyā pariyesanā yevā ti veditabbā.*

Katamā ca bhikkhave ariyā pariyesanā? Idha bhikkhave ekacco attanā jāti-dhammo samāno jāti-dhamme ādīnavaṇ veditvā ajātaṇ anuttaraṇ yoga-kkhemaṇ nibbānaṇ pariyesati. Attanā jarā-dhammo vyādhi-maraṇa-soka-saṅkilesa-dhammo samāno saṅkilesa-dhamme ādīnavaṇ veditvā asaṅkiliṭṭhaṇ anuttaraṇ yoga-kkhemaṇ nibbānaṇ pariyesati. Ayaṇ ariyā pariyesanā.†

Api ca pañca-kuhan' ādīni cha-agocare ekavīsati-vidhañ ca anesanaṇ vajjetvā bhikkhācariyāya dhammena samena pariyesanā pi ariyā pariyesanā yevā ti veditabbā. Ettha ca yo

* This § not in M.

† Quotation from M ends here.

yo na sevitabbo ti vutto so so pubbabhāge pānātipāt' ādīnaṃ sambhāra-pariyesanā payoga-karaṇa-gamana-kālato paṭṭhāya na sevitabbo va, itaro ādito paṭṭhāya sevitabbo, asakkontena cittaṃ pi uppādetabbaṃ. Api ca saṅgha-bhed' ādīnaṃ atthāya parakkamantānaṃ Devadatt' ādīnaṃ viya kāya-samācāro na sevitabbo. Divasassa dva-ttikkhattuṃ tinnāṃ ratanānaṃ upaṭṭhāna-gaman' ādi-vasena pavattānaṃ Dhammasenāpati-Mahāmoggallān' ādīnaṃ viya kāya-samācāro sevitabbo. Dhanuggāhaka-pesan' ādi-vasena vācaṃ bhindantānaṃ Devadatt' ādīnaṃ viya vacīsamācāro na sevitabbo. Tinnāṃ ratanānaṃ guṇa-kittan' ādi-vasena pavatto Dhammasenāpati-Mahāmoggallāna-ther' ādīnaṃ viya vacī-samācāro sevitabbo. Anariya-pariyesanaṃ pariyesantānaṃ Devadatt' ādīnaṃ viya anariyā pariyesanā na sevitabbā. Ariya-pariyesanam eva pariyesantānaṃ Dhammasenāpati-Mahāmoggallāna-ther' ādīnaṃ viya ariyā pariyesanā pariyesitabbā.

Evaṃ-paṭipanno ca kho ti: Evaṃ asevitabbaṃ kāya-vacī-samācāraṇi ca pariyesanaṇi ca pahāya sevitabbānaṃ pāripūriyā paṭipanno devānaṃ Inda bhikkhu pātimokkha-saṃvarāya uttama-jetṭhaka-sīla-saṃvar' atthāya paṭipanno nāma hoti ti, Bhagavā khīṇ' āsavassa āgamanīya-pubbabhāga-paṭipadaṃ kathesi.

5. Duttiya-pucchāyaṃ *indriya-saṃvarāyā* ti indriya-pidhānāya gutta-dvāratāya saṃvuta-dvāratāyā ti attho.

Vissajjane pan' assa *cakkhu-viññeyyaṃ rūpaṃ pī* ti ādi sevitabba-rūp' ādi-vasena indriya-saṃvara-dassan' atthaṃ vuttaṃ.

Tattha *evaṃ vutte* ti heṭṭhā somanass' ādi-paṇha-vissajjanaṃ sutattā ca iminā pi evarūpen' eva bhavitabban ti sañjāta-paṭibhāno.

Bhagavatā evaṃ vutte *Sakko devānaṃ Indo Bhagavantaṃ etad avoca.* Etaṃ imassa kho ahaṃ bhante ti ādikaṃ vacanaṃ avoca. Bhagavā pi 'ssa okāsaṃ datvā tuṃhī ahosi. Kathetukāmo pi hi yo atthaṃ sampādetuṃ na sakkoti, atthaṃ sampādetuṃ sakkonto vā na kathetu-kāmo hoti, na tassa Bhagavā okāsaṃ karoti. Ayaṃ pana yasmā kathetu-kāmo c' eva sakkoti ca atthaṃ sampādetuṃ, ten' assa Bhagavā okāsaṃ akāsi.

Tattha *evarūpaṃ na sevitabban* ti ādisu ayaṃ saṅkhepo.

Yaṇ rūpaṇ passato rāg' ādayo uppajjanti, taṇ na sevitabbaṇ na daṭṭhabbaṇ na oloketabbaṇ ti atttho. Yam pana passato asubha-saññā vā saṇṭhāti, pasādo vā uppajjati, anicca-saññā-paṭilābho vā hoti, taṇ sevitabbaṇ. Yaṇ citt' akkharāṇ citta-vyañjanam pi saddaṇ suṇato rāg' ādayo uppajjanti, evarūpo saddo na sevitabbo. Yam pana attha-nissitaṇ kumbha-dāsi-gītakam pi suṇantassa pasādo uppajjati nibbidā vā saṇṭhāti evarūpo saddo sevitabbo. Yaṇ gandhaṇ ghāyato rāg' ādayo uppajjanti, evarūpo gandho na sevitabbo. Yam pana gandhaṇ ghāyato asubha-saññ' ādi-paṭilābho hoti, evarūpo gandho sevitabbo. Yaṇ rasaṇ sāyato rāg' ādayo uppajjanti, evarūpo raso na sevitabbo. Yam pana rasaṇ sāyato āhāre paṭikkūla-saññā c' eva uppajjati, sāyita-ppaccayā ca kāye balaṇ nissāya ariya-bhūmiṇ pakkamituṇ¹ sakkoti Mahā-sīva-tthera-bhāgineyya-Sīva-sāmaṇerassa viya paribhūñjantass' eva vā kilesa-kkhayo hoti, evarūpo raso sevitabbo. Yaṇ phoṭṭhabbaṇ phusato rāg' ādayo uppajjanti, evarūpaṇ phoṭṭhabbaṇ na sevitabbaṇ. Yam pana phusato Sāriputta-tther' ādīnaṇ viya āsava-kkhaye c' eva viriyañ ca superigga-hitaṇ pacchimā ca janatā diṭṭhānugatiṇ āpādanena anugahitā hoti, evarūpaṇ phoṭṭhabbaṇ sevitabbaṇ.

Sāriputta-tthero kira tiṇsa vassāni mañce piṭṭhiṇ na pasāresi. Tathā Mahāmoggallāna-tthero Mahākassapa-tthero ca viṣaṇ vassa-sataṇ mañce piṭṭhiṇ na pasāresi. Anuruddha-tthero pañca-paññāsa vassāni, Bhaddiya-tthero tiṇsa-vassāni, Yoṇa-tthero aṭṭhārassa vassāni, Raṭṭhapāla-tthero dvādasa, Ānanda-tthero pannarasa, Rāhula-tthero dvādasa, Bakkula²-tthero asīti vassāni, Nālaka-tthero yāva parinibbānam mañcake piṭṭhiṇ na pasāresi ti.

Ye mano-viññeyye dhamme samannāharantassa rāg' ādayo uppajjanti: Aho vata yaṇ paresaṇ para-vittūpakaraṇaṇ taṇ mam' assā ti, ādinā nayaṇ' eva abhijjh' ādīni āpāthaṇ āgacchanti, evarūpā dhammā na sevitabbā. 'Sabbe sattā averā hontū' ti evaṇ mett' ādi-vasena yesaṇ vā pana tinnāṇ therānaṇ dhammā evarūpā sevitabbā.

Tayo kira therā vassūpanāyika-divase: Kāma-vitakk'

¹ B okkamituṇ.

² B Bākula.

ādayo akusala-vitakkā na vitakketabbā ti, katikaṇ akaṇsu. Atha pavāraṇa-divase saṅgha-tthero saṅgha-navakaṇ pucchi: 'Āvuso imasmiṇ te-māse kittake ṭhāne cittassa dhāvitūṇ dinnan?' ti. 'Na bhante pariveṇa-paricchedato bahi dhāvitūṇ adāsin' ti. Dutiyaṇ pucchi: 'Kathaṇ tava āvuso?' ti. 'Nivāsa-gehato bhante bahi dhāvitūṇ na adāsin' ti. Atha dve pi therāṇ pucchīṇsu: 'Tumhākaṇ pana bhante?' ti. 'Niyak' ajjhattañ ca khandha-pañcamakato āvuso bahi dhāvitūṇ na adāsin' ti. 'Tumhehi bhante dukkaraṇ katan' ti: *evarūpo mano-viññeyyo dhammo sevitaḅbo*.

6. *Ekanta-vādā* ṭi eko yeva anto-vādassa etesaṇ na dvedhā-gata-vādā ti ekaṇ yeva vadantī ti pucchati.

Ekanta-sīlā ti ek' ācārā.

Ekanta-chandā ti eka-laddhikā.

Ekanta-ajjhosānā ti, eka-pariyosānā.

Aneka-dhātu nānā-dhātu kho devānaṇ Inda loko ti devānaṇ Inda, ayaṇ loko anek' ajjhāsayo nān' ajjhāsayo, ekasmiṇ gantu-kāme eko ṭhātu-kāmo hoti, ekasmiṇ ṭhātu-kāme eko sayitukāmo hoti. Dve sattā ek' ajjhāsaya nāma dullabhā. *Tasmiṇ anekadhātu-nānādhātusmiṇ loke yaṇ yaḁ eva dhātūṇ yaṇ yaṇ ajjhāsayaṇ sattā abhinivisanti*, gaṇhanti, *taṇ tad eva thāmasā parāmassa* thāmena ca parāmāsena ca *abhinivissa voharanti* suṭṭhu gaṇhitvā voharanti kathenti dīpenti. Kin¹ ti¹? *Idam eva saccaṇ mogham aññaṇ* ti idaṇ ambhākam eva vacanaṇ saccaṇ, aññesaṇ vacanaṇ moghaṇ tucchaṇ niratthakan ti.

Accanta-niṭṭhā ti anto vuccati vināso, antaṇ atitā niṭṭhā etesan ti *accanta-niṭṭhā*. Yā etesaṇ niṭṭhāyo parāmassāyo nibbānaṇ taṇ sabbesaṇ vināsātikkantaṇ niccan ti pucchati.

Yoga-kkhemō ti pi nibbānass' eva nāmaṇ. Accanto yoga-kkhemō etesan ti *accanta-yogakkhemī* ti.

Seṭṭh' atṭhena brahmaṇ ariya-maggaṇ carantī ti brahmacārī. Accant' atthāya brahmacārī *accanta-brahmacārī*.

Pariyosānaṇ ti pi nibbānassa nāmaṇ. Accantaṇ pariyo-sānaṇ etesan ti *accanta-pariyosānā*.

Tañhā-saṅkhaya-vimuttā ti tañhā-saṅkhayo ti maggo nibbānam pi. Maggo tañhaṇ saṅkhipāti vināseti ti tañhā-saṅkhayo nibbānaṇ. Yasmā taṇ āgamma tañhā saṅkhiyati vinassati, tasmā tañhā saṅkhayena maggena vimuttā tañhā saṅkhaye vā nibbāne vimuttā adhimuttā ti *tañhā-saṅkhaya-vimuttā*.

Ettāvatā ca Bhagavatā cuddasā pi pañhā vyākataṁ honti. Cuddasā pi pañhā nāma issā-macchariyaṇ eko pañho, piyāp-piyaṇ eko, chando eko, vitakko eko, papañco eko, somanassaṇ eko, domanassaṇ eko, upekhā eko, kāya-samācāro eko, vaci-samācāro eko, pariyesanā eko, indriya-saṇvaro eko, aneka-dhātu eko, accanta-niṭṭhā eko ti.

7. *Ejā* ti calan' atthena tañhā *ejā* ti vuccati. Sā pīlan' atthena *rogo*, anto-padussan' atthena *gaṇḍo*, anupavisan' atthena *sallaṇ*.

Tasmā ayaṇ puriso ti yasmā ejā attanā kata-kammānurūpena purisaṇ tattha tattha abhinibbattan' atthāya kaḍḍhati, tasmā ayaṇ puriso tesan tesan bhavānaṇ vasena *uccāvacan* āpajjati. Brahmaloکو ucco hoti devaloko avaco, devaloko ucco manussaloko avaco, manussaloko ucco apāyo nīco.

*Yesāhaṇ*¹ *bhante* ti yesu ahaṇ bhante, sandhi-vasena pan' ettha *yesāhan*¹ ti hoti.

Yathā-sutaṇ yathā-pariyattan ti yathā mayā suto c' eva uggahito ca evaṇ *dhamman* *desemī* ti satta-vata-pada-dhamman² *desemi*.

Na cāhaṇ tesan ti aham pana tesan sāvako na sampajjāmi.

Ahaṇ kho pana bhante ti ādinā attano sot' āpannabhāvaṇ jānāpeti.

Veda-paṭilābhan ti tuṭṭhi-paṭilābhaṇ.

Devāsurā-saṅgāmo ti devānañ ca asurānañ ca saṅgāmo.

*Samūpabbūho*³ ti samāpanno, nalāṭena nalāṭam paharaṇ' ākāra-ppatto viya. Etesaṇ kira kadāci mahāsamudda-piṭṭhe saṅgāmo hoti. Tattha pana chedana-vijjhaṇ' ādīhi aññaṁ aññaṇ ghāto nāma n' atthi dāru-meṇḍaka-yuddhaṇ viya jaya-parājayamattam eva hoti. Kadāci devā jinanti, kadāci asurā. Tattha yasmiṇ saṅgāme devā puna apaccāgamanāya

¹ B yesvāhaṇ.

² B sakka-vatta-pada-dhammaṇ.

³ B samupabyūho.

asure jiniṇṣu taṇ sandhāya *tasmiṇ kho pana bhante* ti ādim āha.

*Ubhayam etan*¹ ti ubhayaṇ etaṇ duvidham pi ojaṇ. Tattha: Devaloke devā eva paribhuñjissanti ti, evam assa āvajjantassa balava-pīti-somanassaṇ uppajji.

*Sadaṇḍāvacaro*² ti daṇḍāvacaraṇo³ daṇḍa-gahaṇa-sattha-gahaṇena saddhiṇ ahoṣi, na nikkhitta-daṇḍa-satto⁴ ti dasseti.

Ekanta-nibbidāyā ti ekanten' eva vaṭṭe nibbindan' atthāyā ti sabbaṇ Mahā-govinde vuttam eva pavedesī ti dīpesi kathesi.

8. *Idh' evā* ti imasmiṇ ñeva okāse.

Devabhūtassa me sato ti devassa me sato.

Punar āyu ca me laddho ti puna aññena kamma-vipākena jīvitaṇ laddhaṇ ti. Iminā attano cutabhāvaṇ c' eva uppanna-bhāvaṇ ca āvikaroti.

Dibbā kāyā ti dibba-attabhāvā.

Āyuṇ hitvā amānusan ti dibbaṇ āyuṇ jahitvā.

Amūlho gabbhaṇ issāmī ti niyata-gatikattā amūlho hutvā yattha me mano ramissati tatth' eva khattiya-kul' ādisu gabbhaṇ upagañchissāmī ti; sattakkhattuṇ deve ca manusse cā ti: imaṇ atthaṇ dīpeti.

Ñāyena viharissāmī ti manussesu uppanno pi mātaraṇ jīvitaṇ voropan' ādinaṇ abhabbattā ñāyena kāraṇena samena viharissāmī ti.

Sambodhi ce bhavissatī ti idaṇ sakad-āgāmi-maggaṇ sandhāya vadati. Sace sakad-āgāmi bhavissāmī ti dīpeti.

Aññātā viharissāmī ti aññātā ājānitu-kāmo hutvā viharissāmī ti.

Sv' eva anto bhavissatī ti so eva me manussa-loke anto bhavissatī ti.

Puna devo bhavissāmī devalokasmiṇ uttamo ti puna deva-lokasmiṇ uttamo Sakko devānaṇ Indo bhavissāmī ti vadati.

Antime vattamānamhī ti antime bhava vattamāne.

So nivāso bhavissatī ti ye te āyunā ca paññāya ca Akanitṭhā jeṭṭhakā sabba-devehi paṇītatarā devā avasāne me so nivāso

¹ B ettha.

² B. omits.

³ B sadaṇḍ' ovacarako.

⁴ SS satadaṇḍo.

bhavissati. Ayaṇ kira tato Sakkattabhāvato cuto tasmiṇ attabhāve anāgāmi-maggassa paṭiladdhattā uddhaṇ-soto Akaniṭṭha-gāmi hutva Avih' ādisu nibbattento avasāne Akaniṭṭhesu nibbattissati. Taṇ sandhāya evam āha. Esa kira Avihesu kappa-sahassaṇ vasati, Atappesu dve kappa-sahassāni Sudassanesu¹ cattāri Sudassisu atṭha Akaniṭṭhesu soḷasā ti. Ekatiṇṣa-kappa-sahassāni brahma-āyuṇ anubhavis-sati. Sakko devarājā Anāthapiṇḍiko gahapati Visākhā mahā-upāsikā ti: tayo pi hi ime ekā-ppamāṇa-āyukā evaṇ vaṭṭābhivata sattā nāma etehi sadisā sukha-bhāgino nāma n' atthi.

9. *Apariyosita-saṅkappo* ti aniṭṭhita-manoratho.

*Yassa*² *maññāmi*³ *samaṇe* ti ye samaṇe pavivitta-vihārino maññāmi.³

Ārāḍhanā ti sampādanā.

Virāḍhanā ti asampādanā.

*Na sambhontī*⁴ ti sampādetvā kathetuṇ na sakkonti.

Ādicca-bandhunan ti ādicco pi Gotama-gotto, Bhagavā pi Gotama-gotto, tasmā evam āha.

*Yaṇ karomasī*⁵ ti yaṇ pubbe Brahmuno namakkāraṇ ka-roma.

Samaṇ devehī ti devehi saddhiṇ ito paṭṭhāya dāni amhā-kaṇ Brahmuno namakkāra-karaṇaṇ natthi ti dasseti.

Sāmaṇ karomā ti namakkāraṇ karoma.

10. *Parāmasitvā* ti tuṭṭha-citto sahāyam pi hatthena hatthaṇ paharanto viya paṭhaviṇ paharitvā sakkebhāv' atthāya vā paharitvā yathā tvaṇ niccalo evam ahaṇ Bhagavati ti.

*Ajjhittā*⁶ *pañhā* ti ajjesita-pañhā, patthita-pañhā.

Sesaṇ sabbattha uttānam evā ti.

Sakkapañha-sutta-vanṇanā niṭṭhitā.

¹ B Sudassesu.

⁴ B sampāyanti.

² B, DT yassu.

⁵ DT karomase.

³ SS maññemi.

⁶ B. ajjhittā.

XXII.

MAHĀ-SATIPATTHĀNA-SUTTA-VANĀNĀ.*

1. *Evaṃ me sutaṃ* ti Mahāsatiṭṭhāna-suttaṃ. Tatr' āyaṃ anupubba-pada-vanṇanā. Ek' āyano *ayaṃ bhikkhave maggo* ti kasmā Bhagavā idaṃ suttaṃ abhāsi? Kuru-ratṭha-vāsinaṃ gambhīra-desanā-paṭiggahaṇa-samatthatāya. Kuru-ratṭha-vāsino kira bhikkhū bhikkhuniyo upāsakā upāsikāyo utu-paccay' ādi-sampannattā tassa ratṭhassa sappāya-utu-paccya-sevanena niccaṃ kalla-sarirā kalla-cittā ca honti. Te citta-sarira-kallatāya anuggahita-paññā-balā gambhīra-kathaṃ paṭiggahetuṃ samatthā honti. Tena nesaṃ Bhagavā imaṃ gambhīra-desanā-paṭiggahaṇa-samatthataṃ sampassanto eka-vīsatiyā ṭhānesu kammaṭṭhānaṃ arahatte pakkhipitvā idaṃ gambhīr' atthaṃ Mahāsatiṭṭhāna-suttaṃ abhāsi. Yathā hi puriso suvaṇṇa-caṅgoṭakaṃ labhitvā tattha nānā-pupphāni pakkhipeyya suvaṇṇa-maṇḍusaṃ vā pana labhitvā satta-ratanāni pakkhipeyya: evaṃ Bhagavā Kuru-ratṭha-vasi-parisaṃ labhitvā gambhīra-desanaṃ desesi. Ten' ev' ettha aññāni pi gambhīr' atthāni imasmiṃ Dighanikāye Mahānidānaṃ,

* NOTE.—The Satipatthāna Sutta also forms the tenth Sutta in the Majjhima (M) collection, in a way that §§ 1-17 and 22 are identical in both, but §§ 18-21 (finishing with “Idaṃ vuccati bhikkhave dukkha-nirodha-gāmini-paṭipadā ariya-saccaṃ,” on p. 313, Dīgha Text) are left out in M.—The Cy. on this Sutta as contained in M (viz., the Paṭiśāsudani, abbreviated Pps, P.T.S. ed., pp. 225-302) is, on the whole, the same as the Sumaṅgala, the latter leaving out the introduction of Pps 225-227. I have given any relevant differences between Sum. and Pps in the footnotes (marked Pps). For the text of the Vanṇanā on this Sutta no Sinhalese transcript was left by Rh. D. and J. E. C. In the redaction of this Sutta I had the assistance of a student of mine. His ortho- and typographical arrangements do not always tally with those laid down in the Introduction to Vol. II. of Sum. I must ask the reader to be indulgent with these discrepancies.

Majjhimanikāye Satipaṭṭhānaṃ, Sāropamaṃ, Rukkhopamaṃ,¹ Ratthapālaṃ, Māgandiyaṃ, Ānenjasappāyaṃ ti, aññāni pi suttāni desesi.

Api ca tasmiṃ janapade catasso parisā pakatiyā 'va satipaṭṭhāna-bhāvan' ānuyogaṃ anuyuttā viharanti; antamaso dāsa-kammakāra-parijānā pi satipaṭṭhāna-paṭisaṃyuttam eva kathaṃ kathenti. Udaḥ-tittha-suttakanta-tṭhān' ādisu pi niratthaka-kathā nāma nappavattati. Sace kāci itthi: "Amma, tvaṃ katarāṃ satipaṭṭhāna-bhāvanaṃ manasikarosi?" ti, pucchitā: "Na kiñci" ti vadati, taṃ garahanti: "Dhīr'atthu tava jīvitāṃ, jīvamānā pi tvaṃ mata-sadisā" ti. Atha naṃ: "Mā dāni puna evam akāsi" ti, ovaḍitvā aññatarāṃ satipaṭṭhānaṃ uggaṇhāpenti. Yā pana: "Ahaṃ asuka-satipaṭṭhānaṃ nāma manasikaromī" ti vadati, tassā: Sādhū sādhu ti, sādhu-kāraṃ katvā: "Tava jīvitāṃ sujīvitāṃ, tvaṃ nāma manussattaṃ pattā; tav' atthāya Sammāsambuddho uppanno" ti ādīhi paṣaṃsanti. Na kevalaṃ c' ettha manussa-jātikā va satipaṭṭhāna-manasikāra-yuttā, te nissāya viharantā tiracchānagatā pi.

Tatr' idañ vatthu. Eko kira naṭako² suva-potakaṃ gahetvā sikkhāpento vicarati. So bhikkhuni-upassayaṃ upanissāya vasitvā gamana-kāle suva-potakaṃ pamussitvā gato. Taṃ sāmaṇeriyo gahetvā paṭijaggiṃsu; Buddharakkhito ti 'ssa nāmaṃ akaṃsu. Taṃ eka-divasaṃ purato nisinnaṃ disvā mahātheri āha: "Buddharakkhitā" ti. "Kiṃ ayye?" ti. "Atthi te koci bhāvanā-manasikāro?" ti. "N' atthi ayye" ti. "Āvuso, pabbajitānaṃ santike vasantena nāma vissatṭha-attabhāvena bhavituṃ na vaṭṭati, koci-d-eva manasikāro icchitabbo. Tvaṃ pana aññaṃ na sakkhisasi, atthi atthi ti, sajjhāyaṃ karohi" ti. So theriyā ovāde ṭhatvā: Atthi atthi ti, sajjhāyanto carati. Taṃ eka-divasaṃ pāto 'va toraṃ' agge nisiditvā bāl' ātapaṃ tappamānaṃ eko sakunaṃ nakha-pañjarena aggahesi. So: Kiri kirī³ ti, saddam akāsi. Sāmaṇeriyo sutvā: Ayye, Buddharakkhito sakunaṃ gahito, mocema naṃ ti, leḍḍu-ādini gahetvā anubandhitvā

¹ Pps Rukkhūpamaṃ, with (?).

² Pps naṭagaṇo.

³ Pps, v.l. ki ki ti.

mocesuṇ. Taṇ ānetvā purato t̐apitaṇ therī āha: “Buddharakkhita, sakuṇena gahita-kāle kiṇ cintesī?” ti. “Na ayye aññaṇ kiñci cintesiṇ: Aṭṭhi-puñjo va aṭṭhi-puñjaṇ gahetvā gacchati, katarasmiṇ t̐hāne vippakirissatī ti, evaṇ ayye aṭṭhi-puñjam eva cintesiṇ” ti. “Sādhū sādhū, Buddharakkhita, anāgate¹ bhava-kkhayassa¹ te paccayo bhavissatī” ti; evaṇ tattha tiracchānagatā pi satipaṭṭhāna-manasikāra-yuttā. Tasmā nesaṇ Bhagavā satipaṭṭhāna-buddhim² eva jānento³ idaṇ suttam abhāsi.

Tattha ek’ āyano ti ekamaggo. Maggassa hi

Maggo pantho patho pajjo

Añjasaṇ vaṭum’ āyanaṇ

Nāvā uttara-setū ca

Kullo ca bhisi saṅkamo ti:

bahūni nāmāni. Sv’ āyaṇ idha ayana-nāmena vutto, tasmā: Ek’ āyano ayaṇ bhikkhave maggo ti, ettha: eka-maggo ayaṇ bhikkhave maggo na dvedhāpathabhūto ti, evam attho daṭṭhabbo. Atha vā ekena ayitabbo ti ek’ āyano, ekenā ti gaṇa-saṅgaṇikaṇ pahāya vūpakaṭṭhena⁴ pavivitta-cittena. Ayitabbo paṭipajjitabbo, ayanti vā etenā ti ayano; saṅsārato nibbānaṇ gacchantī ti attho. Ekassa ayano ek’ āyano; ekassā ti seṭṭhassa, sabba-satta-seṭṭho ca Bhagavā, tasmā Bhagavato ti vuttaṇ hoti. Kiñcāpi hi tena aññe pi ayanti, evaṇ sante pi Bhagavato va so ayano, tena uppāditattā. Yath’ āha: “So hi brahmaṇa Bhagavā anuppannassa maggassa uppādetā” ti* ādi. Ayatī ti vā ayano, gacchati pavattatī ti attho. Ekasmiṇ ayano ti ek’ āyano: imasmiṇ yeva Dhamma-vinaye pavattati na aññatthā ti vuttaṇ hoti. Yath’ āha: “Imasmiṇ kho Subhadda Dhamma-vinaye ariyo aṭṭh’ aṅgiko maggo upalabbhatī” ti.† Desanā-bhedo yeva h’ eso, atthato pana eko va; api ca ekaṇ ayatī ti ek’ āyano. Pubbabhāge nānā - mukha - bhāvanā - naya - ppavatto pi aparabhāge ekaṇ

* M III. 15.

† D II. 151.

¹ Pps anāgata-bhavassa.

³ Pps pajānanto.

² Pps °vuddhiṇ.

⁴ Pps vavakatt̐hena.

nibbānam eva gacchatī ti vuttaṇ hoti. Yath' āha Brahmā Sahampati:

“Ekāyanaṇ jāti-khay' anta-dassī
Maggaṇ pajānāti hitānukampī;
Etena maggena tariṇsu¹ pubbe
Tarissanti yeva ca taranti oghan” * ti.

Keci pana: Na pārāṇ diguṇaṇ yaṇtī ti, gāthā-nayena, yasmā eka-vāraṇ nibbānaṇ gacchati tasmā ek' āyano ti vadanti. Taṇ na yujjati, imassa hi atthassa sakiṇ ayano ti iminā byañjanaena bhavitabbaṇ. Yadi pana ekaṇ ayanam assa ekā gati pavattī ti: evaṇ atthaṇ yojetvā vucceyya byañjanaṇ yujjeyya; attho pana ubhayathā pi na yujjati. Kasmā? Idha pubbabhāga-maggassa adhippetattā; kāy' ādi-catu-ārammaṇa-ppavatto hi pubbabhāga-satipatthāna-maggo idh' adhippeto, na lokuttaro. So ca aneka-vāram pi ayati, anekañ c' assa ayanāṇ hoti.

Pubbe pi ca imasmiṇ pade mahātherānaṇ sākacchā ahosi yeva. Tipiṭaka-cūlanāga-tthero pubbabhāga-satipatthāna-maggo ti āha. Ācariyo pan' assa Tipiṭaka-cūlasuma²-tthero missaka-maggo ti āha; “pubbabhāgo bhante” ti: “missako āvuso” ti ācariye punappunaṇ bhaṇante appaṭibāhitvā tuṇhī ahosi. Pañhaṇ avinicchitvā 'va utthahiṇsu. Ath' ācariya-tthero nhāna-kotthakaṇ gacchanto: Mayā missaka-maggo kathito, Cūlanāgo pubbabhāga-maggo ti, ādāya voharati: “ko nu kho ettha vinicchayo ti, Suttantaṇ ādito patthāya parivattento: Yo hi koci bhikkhave ime cattāro satipatthāne evaṇ bhāveyya satta-vassānī ti,† imasmiṇ ṭhāne sallakkhesi: Lok' uttara-maggo uppajjitvā satta-vassānī tiṭṭhamāno nāma n' atthi, mayā vutto missaka-maggo na labbhati, Cūlanāgena diṭṭho pubbabhāga-maggo va labbhati ti, ñatvā atṭhamiyaṇ dhamma-savane saṅghuṭṭhe agamāsi.

Porāṇaka-ttherā kira piya-dhamma-savanā honti; saddaṇ sutvā va: Ahaṇ paṭhamaṇ ahaṇ paṭhaman ti, eka-ppahānen' eva osaranti. Tasmiṇ ca divase Cūlanāga-ttherassa vāro;

* S V. 168.

† M I. 62.

¹ Pps atāṇsu.

² Pps °culla-summa°.

tena dhamm' āsane nisīditvā vijaniṇ gahetvā pubba-kathāsu¹ vuttāsu therassa āsana-piṭṭhiyaṇ ṭhitassa etad² ahosi: Raho nisīditvā na³ vakkhāmī ti. Porāṇaka-ttherā hi anusuyyakā honti, na attano rucim eva ucchu-bhāraṇ viya evaṇ ukkhipitvā vicaranti, kāraṇam eva gaṇhanti akāraṇaṇ vissajjenti. Tasmā thero: “Āvuso Cūlanāgā” ti āha. So: ācariyassa viya saddo ti, dhammaṇ ṭhapetvā: “Kiṇ bhante” ti āha. “Āvuso Cūlanāga, mayā vutto missakā-maggo na labbhati, tayā vutto pubbabhāga-satipatthāna-maggo va labbhatī” ti. Thero cintesi: Amhākaṇ ācariyo sabba-pariyattiko tepitako suta-buddho, evarūpassāpi nāma bhikkhuno ayaṇ pañho āluḷati; anāgate mama bhātikā imaṇ pañhaṇ āluḷissanti. Suttaṇ gahetvā imaṇ pañhaṇ niccalaṇ karissāmī ti, Paṭisambhidāmag-gato: “Ek' āyana-maggo vuccati pubbabhāga-satipatthāna-maggo;”

“Maggān' atthaṅgiko seṭṭho
Saccānaṇ caturo padā,
Virāgo seṭṭho dhammānaṇ
Dvipadānañ ca cakkhumā.

Es' eva maggo n' atth' añño
Dassanassa visuddhiyā
Etaṇ⁴ hi⁴ tumhe paṭipajjatha
Māra-sena-ppamaddanaṇ⁵
Etaṇ⁴ hi⁴ tumhe paṭipannā
Dukkhaṇ antaṇ karissathā” ti.*

Suttaṇ āharitvā ṭhapesi.

Maggo ti ken' atthena maggo? Nibbāna-gaman' atthena, nibbān' atthikehi magganīy' atthena ca. *Sattānaṇ visuddhiyā* ti rāg' ādīhi malehi abhiyjhā-visama-lobh' ādīhi ca upakkilesehi kiliṭṭha-cittānaṇ sattānaṇ visuddh' atthāya.⁶ Tathā hi iminā va maggena ito sata-sahassa-kapp' ādhikānaṇ catun-

* Dh 273-275.

¹ Pps °gāthāsu.

² Pps na.

³ Pps omits.

⁴ Dh etamhi, Pps etasmaṇ.

⁵ Dh Mārass' etaṇ pamocanaṇ; Pps Mārass' etaṇ pamohanaṇ.

⁶ Pps visuddhiyā.

naṇ asaṅkhyeyyānaṇ upari ekasmiṇ yeva kappe nibbatte Taṇhaṅkara-Medhaṅkara-Saraṇaṅkara-Dīpaṅkara-nāmake Buddhē ādiṇ katvā Sakyamuni-pariyosāne aneke Sammāsam-buddhā, aneka-satā Paccekabuddhā, gaṇana-pathaṇ vītivattā ariyasāvaka cā ti: ime sattā sabbe citta-malaṇ pavāhetvā parama-visuddhiṇ pattā. Rūpa-mala-vasena pana saṅkilesa-vodāna-paṇṇatti yeva n' atthi; tathā hi

Rūpena saṅkiliṭṭhena
Saṅkilissanti māṇavā,
Rupe sudde visujjhanti
Anakkhātāṇ mahesinā

Cittena saṅkiliṭṭhena
Saṅkilissanti māṇavā,
Citte suddhe visujjhanti:
Iti vuttaṇ mahesinā.

Yath' āha: "Citta-saṅkilesā bhikkhave sattā saṅkilissanti, citta-vodānā visujjhanti" ti*: tañ ca citta-vodānaṇ iminā satipaṭṭhāna-maggena hoti. Ten' āha *sattānaṇ visuddhiyā* ti.

*Soka-paridevānaṇ*¹ *samatikkamāyā* ti sokassa ca paridevassa ca samatikkamāya pahānāyā ti attho. Ayaṇ hi maggo bhāvito Santati-mahāmatt' ādinaṇ viya soka-samatikkamāya Paṭācār' ādinaṇ viya parideva-samatikkamāya saṇvattati. Ten' āha *soka-paridevānaṇ*¹ *samatikkamāyā* ti. Kiñcāpi hi Santati-mahāmatto

"Yaṇ pubbe taṇ visodhehi
Pacchā te mā 'hu kiñcanaṇ,
Majjhe ce no gahessasi
Upasanto carissasī" ti,†

imaṇ gāthaṇ sutvā va saha paṭisambhidāhi arahattaṇ patto. Paṭācārā

"Na santi puttā tāṇāya
Na pitā nāpi bandhavā
Antaken' ādhipannassa
'N atthi ñātisu tāṇatā" ti,‡

* S III. 151.

† Sn 949.

‡ Dh 288.

¹ Pps °pariddavānaṇ.

imaṇ gāthaṇ sutvā sot' āpattiphale patiṭṭhitā. Yasmā pana kāya-vedanā-citta-dhammesu kañci dhammaṇ anāmasitvā bhāvanā nāma n' atthi, tasmā te pi iminā va maggena soka-parideve samatikkantā ti veditabbā.

Dukkha-domanassānaṇ atthaṅgamāyā ti kāyika-dukkhassa cetasika-domanassassa cā ti: imesaṇ dvinnaṇ atthaṅgamāyā nirodhāyā ti attho. Ayaṇ hi maggo bhāvito Tissa-tther' ādīnaṇ viya dukkhassa, Sakk' ādīnaṇ viya ca domanassassa atthaṅgamāyā saṇvattati.

Tatrāyaṇ attha-dīpanā. Sāvattiyaṇ kira Tisso nāma kuṭumbika-putto cattālisa-hirañña-koṭiyo pahāya pabbajitvā agāmake araññe viharati. Tassa kaniṭṭha-bhātu-bhāriyā: Gacchatha naṇ jīvitā voropethā ti, pañca-sate core pesesi. Te gantvā therāṇ parivāretvā nisīdiṇsu. Thero āha: “Kasmā āgat' attha upāsakā?” ti. “Taṇ jīvitā voropessāmā” ti. “Pāṭibhogaṇ me upāsakā gahetvā ajj' eka-rattiṇ jīvitaṇ dethā” ti. “Ko te samaṇa imasmiṇ ṭhāne pāṭibhogo bhavissatī?” ti. Thero mahantaṇ pāsānaṇ gahetvā dve ūr' atṭhīni bhinditvā: “vaṭṭati upāsakā pāṭibhogo” ti āha. Te apakkamitvā caṅkamana-sīse aggiṇ katvā nipajjiṇsu. Therassa vedanaṇ vikkhambhetvā sīlaṇ paccavekkhato parisuddhaṇ sīlaṇ nissāya pīti-pāmojjaṇ uppajji. Tato anukkamena vipassanaṇ vaḍḍhento ti-yāmarattiṇ samaṇa-dhammaṇ katvā aruṇ' uggamane arahattaṇ patto imaṇ udānaṇ udānesi:

“Ubho pādāni bhinditvā
Saṇyamissāmi vo ahaṇ,
Atṭiyāmi harāyāmi
Sarāga-maraṇaṇ ahaṇ.

Evāhaṇ cintayitvāna
Yathā-bhūtaṇ vipassisaṇ¹
Sampatte aruṇ' uggamhi
Arahattaṇ apāpuṇin” ti.

Apare pi tiṇsa bhikkhū Bhagavato santike kammaṭṭhānaṇ gahetvā arañña-vihāre vassaṇ upagantvā: “Āvuso ti-yāma-

¹ Pps vipassayaṇ.

rattiṃ samaṇa-dhammo va kātabbo, na aññam-aññassa santi-
kaṃ āgantabban” ti vatvā vihariṃsu. Tesāṃ samaṇa-
dhammaṃ katvā paccūsa-samaye pacalāyantānaṃ eko vyaggho
āgantvā ek’ ekaṃ bhikkhuṃ gahetvā gacchati. “Na koci
maṃ vyaggho gaṇhī” ti vācam pi nicchāresi. Evaṃ pañca-
dasasu bhikkhusu khāditesu uposatha-divase: “Itare āvuso
kuhin?” ti pucchitvā ñatvā ca: “Idāni gahitena gahito ’mhi
ti, vattabban” ti vatvā vihariṃsu. Atha aññataraṃ dahara-
bhikkhuṃ purima-nayen’ eva vyaggho gaṇhi. So: “Vyaggho
bhante” ti āha. Bhikkhū kattara-daṇḍe ca ukkāyo ca
gahetvā: Moccasāma ti, anubandhiṃsu. Vyaggho bhikkhūnaṃ
agatiṃ¹ chinna-taṭṭhānam āruya taṃ bhikkhuṃ pād’
aṅgutthakato patthāya khādituṃ ārabhi. Itare pi: “Idāni
sappurisa amhehi kattabbaṃ n’ atthi, bhikkhūnaṃ viseso nāma
evarūpe tṥāne paññāyati” ti āhaṃsu. So vyaggha-mukhe
nipanno va taṃ vedanaṃ vikkhambhetvā vipassanaṃ vadḍhento
yāva gopphakā khādita-samaye sot’ āpanno hutvā, yāva
jaṇṇukā khādita-samaye sakad-āgāmī, yāva nābhiyā khādita-
samaye anāgāmī hutvā, hadayarūpe akhādite yeva saha paṭi-
sambhidāhi arahattaṃ patvā imaṃ udānaṃ udānesi:

Silavā vata-sampanno
Paññavā susamāhito
Muhuttaṃ pamādam anvāya
Vyagghen’ oruddha-mānaso²

Pañjarasmiṃ gahetvāna
Silāya upanītako³:
Kāmaṃ khādatu maṃ vyaggho
⁴[Aṭṭhiyā ca nhārussa ca
Kilese khepayissāmi
Phusissāmi vimuttiyaṃ⁴ ti.

Aparo pi Pītamalla-tthero nāma gīhi-kāle tīsu rajjesu
paṭākaṃ gahetvā Tambapaṇṇidīpaṃ āgamma rājānaṃ passitvā⁵

¹ Pps agatipathaṃ.

² B oduṭṭha°.

³ B uparīkato.

⁴ Pps has instead: bhakkho kāyo acetano paṭiladdhe kammaṭṭhā-
namhi maraṇaṃ hehiti bhaddakan.

⁵ Pps disvā.

raññā katānuggaho eka-divasaṃ Kilañjakā-paṇṇasāla¹-dvārena gacchanto: Rūpaṃ bhikkhave na tumhākaṃ, taṃ pajahatha, taṃ vo pahīnaṃ dīgha-rattaṃ hitāya sukhāya bhavis-satī ti,* “Na tumhākaṃ” vākyāṃ² sutvā, cintesi: “N’ eva kira rūpaṃ attano na vedanā ti. So taṃ yeva aṅkusaṃ katvā nik-khamitvā Mahāvihāraṃ gantvā pabbajjaṃ yacitvā pabbajito upasampanno dve mātikā paṇṇā katvā tiṇsa-bhikkhū ga-hetvā gārava-kāraṇāya³ aṅgaṇaṃ gantvā samaṇa-dhammaṃ akāsi, pādesu avahantesu jaṇṇukehi caṅkamati. Tam enaṃ rattiṃ eko miga-luddako: Migo ti, maññamāno pahari, satti vinivijjhितvā gatā. So taṃ sattiṃ harāpetvā paharaṇa-mukhāni tiṇavattiyaṃ pūrāpetvā pāsāṇa-piṭṭhiyaṃ attānaṃ nisīdāpetvā okāsaṃ karetvā vipassanaṃ vadḍhetvā saha paṭisambhidāhi arahattaṃ patvā ukkāsi-saddena āgatānaṃ bhikkhū vyākāritvā imaṃ udānaṃ udānesi:

Bhāsitaṃ Buddha-seṭṭhassa
Sabba-lok’ agga-vādino:
“Na tumhākaṃ idaṃ rūpaṃ
Taṃ jaheyyātha bhikkhavo.

Aniccā vata saṅkhārā
Uppāda-vaya-dhammino,
Uppajjitvā nirujjhanti
Tesaṃ vūpasamo sukho ” ti.†

⁴Evaṃ tāva ayaṃ maggo Tissa-tther’ ādīnaṃ viya dukkhassa atthaṅgamāya saṃvattati.

Sakko pana devānam-into attano pañcavidha-pubba-nimittaṃ disvā maraṇa-bhaya-santajjito domanassajāto Bhagavantaṃ upasaṅkamitvā pañhaṃ pucchi. So upekkhā⁵-

* S III. 33.

† D II. 157.

¹ Pps Kilañjak’ āsana-sāla°.

² Pps Natumhāka-vaggaṃ.

³ Pps gaggavarāliya.

⁴ Preceded in Pps by the foll. sentence: Atha naṃ bhikkhū āhaṃsu: “Sace bhante Sammāsambuddho arogo abhaviṣṣa, addhā te samudda-matthakena hatthaṃ pasāretvā sīsaṃ parāmaseyyā ” ti.

⁵ Pps omits.

pañha-vissajjanāvasāne asīti-sahassāhi devatāhi saddhiṃ sot' āpattiphale patitthāsi; sā c' assa upapatti puna pākatikā va ahosi.* Subrahmā pi devaputto accharā-sahassa-parivuto Sakka¹-sampattiṃ anubhoti.

Tattha pañca-satā accharāyo rukkhato pupphāni oci-nantiyo cavitvā niraye uppannā. So: Kiṃ imā cirāyanti ti, upadhārento tassaṃ niraye nibbattanabhāvaṃ ñatvā: Kittakaṃ nu kho mama āyū ti, upaparikkhanto attano āyu-parikkhayaṃ viditvā cavitvā² tatth' eva niraye nibbattana-bhāvaṃ disvā bhūto ativiya domananassajāto hutvā: Imaṃ me domanassaṃ Satthā vinayissati na añño ti, avasesā pañca-satā accharāyo gahetvā Bhagavantaṃ upasaṅkamitvā pañhaṃ pucchi:

Niccaṃ utrastam idaṃ cittaṃ
Niccaṃ ubbigg' idaṃ mano
Anuppannesu kiccesu³
Tathā⁴ uppatitesu ca,
Sace atthi anutrastaṃ
Tam me akkhāhi pucchito ti.†

Tato naṃ Bhagavā āha

Nāññatra bojjhā tapasā
Nāññatr' indriya-saṃvara
Nāññatra sabba-nissaggā
Sotthiṃ passāmi paṇinan ti.

So desanā-pariyosāne pañcahi accharā-satehi saddhiṃ sot' āpatti-phale patitthāya taṃ sampattiṃ thāvaraṃ katvā devalokam eva agamāsī ti. Evaṃ ayaṃ maggo bhāvito Sakka' ādinaṃ viya domanassassa atthaṅgamāya saṃvattatī ti veditabbo.

Ñāyassa adhigamāyā ti ñāyo vuccati ariyo atth' aṅgiko maggo, tassa adhigamāya pattiyaṃ ti vuttaṃ hoti, Ayaṃ hi pubbabhāge lokiyo satipatthāna-maggo bhāvito lok' uttara-

* D II. 288; A I.

† S I. 53.

¹ Pps sagga°.

² Pps omits.

³ Pps kicchesu.

⁴ Pps atho.

maggassa adhigamāya saṇvattatī ti; ten' āha *ñāyassa adhigamāyā* ti. *Nibbānassa sacchikiriyāyā* ti taṇhā-vāna-vira-hitattā nibbānan ti laddhanāmassa Amatassa sacchikiriyāya atta-paccakkhatāyā ti vuttaṇ hoti. Ayañ hi maggo bhāvito anupubbena nibbāna-sacchikiriyaṇ sādheti, ten' āha *nibbānassa sacchikiriyāyā* ti.

Tattha kiñcāpi *sattānaṇ visuddhiyā* ti vutte soka-samatikkam' ādini atthato siddhān' eva honti; ṭhapetvā pana sāsana-yutti-kovide aññesaṇ na pākātāni. Na ca Bhagavā paṭhamaṇ sāsana-yutti-kovidaṇ janaṇ katvā pacchā dhammaṇ deseti, tena ten' eva pana suttena taṇ taṇ atthaṇ ñāpeti. Tasmā idha yaṇ yaṇ atthaṇ ek' āyana-maggo sādheti taṇ taṇ pākataṇ katvā dassento *sokaparidevānaṇ¹ samatikkamāyā* ti ādim āha. Tasmā vā yā *sattānaṇ visuddhi* ek' āyana-maggena saṇvattati sā soka-paridevānaṇ¹ samatikkamena hoti, sokaparidevānaṇ¹ samatikkamo dukkha-domanassānaṇ atthaṅgama; dukkha-domanassānaṇ atthaṅgamo ñāyass' ādhigamena; ñāyass' ādhigamo nibbānassa sacchikiriyāya; tasmā imam pi kamaṇ dassento *sattānaṇ visuddhiyā* ti vatvā *sokaparidevānaṇ¹ samatikkamāyā* ti ādim āha.

Api ca vaṇṇa-bhaṇanaṇ etaṇ ek' āyana-maggassa yath' eva hi Bhagavā: "Dhammaṇ vo bhikkhave desessāmi ādikalyāṇaṇ majjhe-kalyāṇaṇ pariyosāna-kalyāṇan, sātthaṇ savyañjanaṇ kevala-paripunṇaṇ parisuddhaṇ brahmacariyaṇ pakāsesāmi yad idaṇ cha-chakkāni" ti,* cha-chakka-desanāya atthahi padehi vaṇṇaṇ abhāsi. Yathā ca ariya-vaṇṣa-desanāya: "Cattāro 'me bhikkhave ariya-vaṇṣā aggaññā rattaññā vaṇṣaññā porāṇā asaṅkiṇṇā asaṅkiṇṇa-pubbā na saṅkiyanti na saṅkiyissanti, apatikutthā samaṇehi brāhmaṇehi viññūhi" ti† navahi padehi vaṇṇaṇ abhāsi. Evaṇ imassāpi ek' āyana-maggassa *sattānaṇ visuddhiyā* ti ādihi sattahi padehi vaṇṇaṇ abhāsi. Kasmā ti ce? Tesāṇ bhikkhūnaṇ assāha-janaṇ' atthaṇ vaṇṇa-bhāsañ hi sutvā te bhikkhū: Ayaṇ kira maggo hadaya-santāpabhūtaṇ sokaṇ, vācā-vippa-

* M III. 280.

† A II. 27.

¹ Pps °pariddavānaṇ.

lāpabhūtaṃ paridevaṃ, kāyika-asātabhūtaṃ dukkhaṃ, ceta-sika-asātabhūtaṃ domanassan ti cattāro upaddave hanati; 'visuddhiṃ nāyaṃ nibbānaṃ' ti tayo visese avahatī ti, ussāhajātā imaṃ dhamma-desanaṃ uggahetabbaṃ pariyāpunitabbaṃ dhāretabbaṃ vācetaṃ imaṃ ca maggaṃ bhāvetabbaṃ maññissantī ti: iti tesāṃ bhikkhūnaṃ ussāha-janaṃ' atthaṃ vaṇṇaṃ abhāsi.

Kambala-vāṇij' ādayo kambal' ādīnaṃ vaṇṇaṃ viya. Yathā hi sata-sahass' agghanika-pañḍukambala-vāṇijena: Kambalaṃ gaṇhathā ti, ugghosite pi: Asuka-kambalo ti, na tāva manussā jānanti. Kesa-kambala-vāḷa-kambal' ādayo pi hi duggandhā khara-samphassā kambalā tv' eva vuccanti. Yadā pana tena: Gandhārako¹ ratta-kambalo sukhumo ujjalo sukha-samphasso ti, ugghositaṃ hoti tadā ye pahonti te gaṇhanti, ye nappahonti te pi dassana-kāmā honti: evam eva *ek' āyano bhikkhave ayaṃ maggo* ti vutte pi: Asuka-maggo ti na tāva pākaṭo hoti; nāna-ppakārakā hi aniyyanika-maggā pi maggā tveva vuccanti. *Sattānaṃ visuddhiyā* ti ādimhi pana vutte: Ayaṃ kira maggo cattāro upaddave hanati tayo visese āvahatī ti, ussāhajātā imaṃ dhamma-desanaṃ uggahetabbaṃ pariyāpunitabbaṃ dhāretabbaṃ vācetaṃ imaṃ ca maggaṃ bhāvetabbaṃ maññissantī ti vaṇṇaṃ bhāsanto *sattānaṃ visuddhiyā* ti ādim āha. Yathā ca sata-sahass' agghanika-pañḍu-kambala-vāṇijūpamā, evaṃ ratta-jambunada-suvaṇṇa-udakappa-sādaka-mañirātana-suvisuddha-muttā-rātana²-pavāḷ' ādivāṇijūpam' ādayo p' ettha āharitabbā.

Yad idan ti nipāto, ye ime ti ayam assa attho. *Cattāro* ti gaṇana-paricchedo. Tena na tato heṭṭhā na uddhan ti satipatthāna-paricchedaṃ³ dīpeti. *Satipatthānā* ti tayo satipatthānā sati-gocaro pi tidhā paṭipannesu sāvakesu Sathuno paṭighānuna-*vītivattatā* pi sati pi: "Catunnaṃ bhikkhave sati-patthānānaṃ samudayaṃ ca atthaṅgamaṃ ca de-sessāmi, taṃ suṇātha . . . pe . . . ko ca bhikkhave kāyassa samudayo? Āhara-samudayā kāyassa samudayo" ti* ādisu

* S V. 184.

¹ B Gandhārato.

² Pps °muttā-mañi-rātana-Romaka-pavāḷ'.

³ Pps satipatthāna-magga°.

hi satigocarō satipatthānaṃ ti vuccati. Tathā: “kāyo upatthānaṃ no sati, sati pana patthānaṃ c’ eva sati cā” ti* ādisu pi. Tass’ attho: Patitthāti asmiṃ ti, patthānaṃ. Kā patitthāti? Sati; satiyā patthānaṃ sati-patthānaṃ; patthānaṃ¹ thānaṃ¹ ti vā patthānaṃ; satiyā patthānaṃ satipatthānaṃ hatthi-tthāna-assa-tthāna’ ādini viya. “Tayo satipatthānā yad ariyo sevati, yad ariyo sevamāno satthā gaṇaṃ anusāsituṃ ārahaṭi” ti:† ettha tidhā paṭipannesu sāvakesu Satthuno paṭighānūnaya-vītivattatā satipatthānaṃ ti vuttaṃ. Tass’ attho: patthapeṭabbato patthānaṃ pavattayitabbato ti attho. Kena patthapeṭabbato? ti. Satiyā. Satiyā patthānaṃ satipatthānaṃ. “Cattāro satipatthānā bhāvitā bahulikātā satta-sambojjhaṅge paripūrenti ti‡ ādisu pana sati yeva satipatthānaṃ ti vuccati. Tass’ attho: patitthāti ti patthānaṃ, upatthāti okkanditvā pakkhanditvā pattharitvā² pavattati ti attho. Sati yeva satipatthānaṃ, atha vā saraṇ’ atthena sati-upatthāna’ atthena patthānaṃ. Iti sati ca sā patthānaṃ cā ti pi satipatthānaṃ. idam idh’ ādhippetāṃ. Yadi evaṃ, kasmā satipatthānā ti bahu-vacanaṃ? sati-bahuttā, arammanabhedena hi bahukā etā satiyō. Atha: Maggo ti, kasmā eka-vacanaṃ? magg’ atthena ekattā. Catasso pi hi etā satiyō magg’ atthena ekattaṃ gacchanti. Vuttaṃ h’ etaṃ: “Maggo ti ken’ atthena maggo? Nibbāna-gamaṇ’ atthena nibbāna’ atthikehi magganīy’ atthena cā”§ ti. Catasso pi c’ etā aparabhāge kāy’ ādisu ārammaṇesu kiccaṃ sādhaṃyamaṇā nibbānaṃ gacchanti, ādito patthāya ca nibbāna’ atthikehi maggiyanti tasmā catasso pi eko maggo ti vuccanti evaṃ ca sati vacanā-nusandhinā sānusandhikā ’va desanā hoti. “Māra-sena-ppamaddanaṃ vo bhikkhave maggaṃ desessāmi, taṃ suṇātha . . . pe . . . katamo ca bhikkhave māra-sena-ppamaddano maggo? Yad idaṃ satta sambojjhaṅgā” ti|| ādisu viya. ‘Yathā māra-sena-ppamaddano’ ti ca ‘satta sambojjhaṅgā’ ti ca atthato ekaṃ, vyañjanam ev’ ettha nānaṃ, evaṃ ‘ek’

* Ps II. 232.

† S V. 329.

§ Above, p. 745.

† M III. 216.

|| S V. 99.

¹ Pps padhānatthānaṃ (sic).² Pps. omits.

āyana-maggo' ti ca 'cattāro satipaṭṭhānā' ti ca atthato ekaṇ, vyañjanam ev' ettha nānaṇ. Tasmā magg' atṭhena ekattā eka-vacanaṇ, ārammaṇabhedena sati-bahuttā bahu-vacanaṇ veditabbaṇ.

Kasmā pana Bhagavatā cattāro va satipaṭṭhānā vuttā anūnā anadhikā? ti. Veneyya-hitattā. Taṇhā-carita-diṭṭhi-carita-samatha-yānika-vipassanā-yānikesu hi manda-tikkha-vasena dvedhā dvedhā pavattesu veneyyesu¹ mandassa taṇhā-caritassa oḷārikaṇ kāyānupassanā-satipaṭṭhānaṇ visuddhi-maggo, tikkhassa sukhumaṇ vedanānupassanā-satipaṭṭhānaṇ, diṭṭhi-caritassa pi mandassa nātippabhedagataṇ cittā-nupassanā-satipaṭṭhānaṇ visuddhi-maggo; tikkhassa atippabhedagataṇ dhammānupassanā-satipaṭṭhānaṇ visuddhi-maggo. Samatha-yānikassa ca mandassa akicchena adhigantabbaṇ nimittaṇ paṭhamaṇ satipaṭṭhānaṇ visuddhimaggo, tikkhassa oḷārik' ārammaṇe asaṇṭhahanato dutiyaṇ. Vipassanā-yānikassa pi mandassa nātippabhedagat' ārammaṇaṇ tatiyaṇ, tikkhassa atippabhedagat' ārammaṇaṇ catutthaṇ. Iti cattāro va vuttā anūnā anadhikā ti.

Subha-sukha-nicca-attabhāva-vipallāsa-ppahān' atthaṇ vā. Kāyo hi asubho; tattha ca subha-vipallāsa-vipallatṭhā sattā. Tesāṇ tattha asubhabhāva-dassanena tassa vipallāsassa pahān' atthaṇ paṭhamaṇ satipaṭṭhānaṇ vuttaṇ. Sukhaṇ niccaṇ attā ti gahitesu pi ca vedan' ādisu vedanā dukkhā, cittaṇ aniccaṇ, dhammā anattā ti. Tesu ca sukha-nicca-atta-vipallāsa-vipallatṭhā sattā. Tesāṇ tattha dukkh' ādi-bhāva-dassanena tesāṇ vipallāsānaṇ pahān' atthaṇ sesāni tīṇi vuttāni ti. Evaṇ subha-sukha-nicca-attabhāva-vipallāsa-ppahān' atthaṇ vā cattāro va vuttā anūnā anadhikā ti veditabbā.

Na kevalaṇ ca vipallāsa-ppahān' attham eva, atha¹ kho¹ catur-ogha-yog' āsava-gantha-upādāna-agati-pahān' attham pi catubbidh' āhāra-pariññ' atthaṇ ca cattāro va vuttā ti veditabbā. Ayaṇ tāva Pakaraṇa-nayo, Atṭhakathāyaṇ pana saraṇa-vasena c' eva ekatta-samosaraṇa-vasena ca ekam eva satipaṭṭhānaṇ ārammaṇa-vasena cattāro ti etad eva vuttaṇ.

¹ Pps omits.

Yathā hi catu-dvāre nagare pācīnato āgacchantā pācīna-disāya utthānakaṇ bhaṇḍaṇ gahe tvā pācīna-dvārena nagaram eva pavisanti, dakkhiṇato . . . pacchimato. . . uttarato āgacchantā uttara-disāya utthānakaṇ bhaṇḍaṇ gahe tvā uttara-dvārena nagaram eva pavisanti: evaṇ-sampadam idaṇ veditabbaṇ. Nagaṇ viya hi nibbānaṇ; nagara-dvāraṇ viya aṭṭhaṇ-giko lok' uttara-maggo, pācīna-dis' ādayo viya kāy' ādayo. Yathā pācīnato āgacchantā pācīna-disāya utthānakaṇ bhaṇḍaṇ gahe tvā pācīna-dvārena nagaram eva pavisanti evaṇ kāyānupassanā-mukhena āgacchantā cuddasa-vidhena kāyānupassanaṇ bhāvetvā kāyānupassanā-bhāvanānubhāva-nibbattena ariya-maggena ekaṇ nibbānaṇ eva osaranti. Yathā dakkhiṇato āgacchantā dakkhiṇāya disāya utthānakaṇ bhaṇḍaṇ gahe tvā dakkhiṇa-dvārena nagaram eva pavisanti evaṇ vedanānupassanā-mukhena āgacchantā nava-vidhena vedanānupassanaṇ bhāvetvā vedanānupassana-bhāvanānubhāva-nibbattena ariya-maggena ekaṇ nibbānaṇ eva osaranti. Yathā pacchimato āgacchantā pacchima-disāya utthānakaṇ bhaṇḍaṇ gahe tvā pacchima-dvārena nagaram eva pavisanti, evaṇ cittānupassanā-mukhena āgacchantā soḷasa-vidhena cittānupassanaṇ bhāvetvā cittānupassanā-bhāvanānubhāva-nibbattena ariya-maggena ekaṇ nibbānaṇ eva osaranti. Yathā uttarato āgacchantā uttara-disāya utthānakaṇ bhaṇḍaṇ gahe tvā uttara-dvārena nagaram eva pavisanti, evaṇ dhammānupassanā-mukhena āgacchantā pañca-vidhena dhammānupassanaṇ bhāvetvā dhammānupassanā-bhāvanānubhāva-nibbattena ariya-maggena ekaṇ nibbānaṇ eva osaranti. Evaṇ saraṇa-vasena c' eva ekatta-samo-saraṇa-vasena ca ekam eva satipatthānaṇ ārammaṇa-vasena cattāro va vuttā ti veditabbā.

Katame cattāro ti kathetu-kamyatā-pucchā.

Idhā ti imasmiṇ sāsane. *Bhikkhave* ti dhamma-paṭig-gāhaka-puggal' ālapanam etaṇ. *Bhikkhū* ti paṭipatti-sampādaka-puggala-nidassanaṇ etaṇ. Aññe pi ca deva-manussā paṭipattiṇ sampādentī yeva, seṭṭhattā pana paṭipatti-yā bhikkhubhāva-dassanaṇto ca *bhikkhū* ti āha. Bhagavato hi anusāsaniṇ sampaṭicchantesu bhikkhu seṭṭho sabba-pakā-rāya anusāsaniyā bhājanabhāvato; tasmā seṭṭhattā *bhikkhū*

ti āha. Tasmiṇ gahite pana sesā gahitā va honti rāja-gaman' ādisu¹ rāja-ggahaṇena sesa-parisā viya. Yo ca imaṇ paṭipattiṇ paṭipajjati so bhikkhu nāma hoti ti paṭipattiyā bhikkhubhāva-dassanato pi *bhikkhū* ti āha. Paṭipannako hi devo vā hotu manusso vā bhikkhū ti saṅkhaṇ gachati yeva. Yath' āha:

Alaṅkato ce pi samaṇ careyya
Santo danto niyato brahmacārī
Sabbesu bhūtesu nidhāya daṇḍaṇ
So brahmaṇo so samaṇo sa bhikkhū ti.*

Kāye ti rūpa-kāye. Rūpakāyo hi idha aṅga-paccaṅgānaṇ kes' ādīnaṇ ca dhammānaṇ samūhaṭṭhena hatthi-kāya-ratha-kāy' ādayo viya kāyo ti adhippeto. Yathā ca samūhaṭṭhena evaṇ kucchitānaṇ āyaṭṭhena. Kucchitānaṇ hi parama-jegucchānaṇ so āyo ti pi kāyo; āyo ti uppatti-deso, tatthāyaṇ vacan' attho: āyanti tato ti āyo. Ke āyanti? Kucchitā kes' ādayo. Iti kucchitānaṇ āyo ti kāyo.

Kāyānupassī ti kāye anupassana-sīlo, kāyaṇ vā anupassamāno. *Kāye* ti ca vatvā pi puna *kāyānupassī* ti dutiya-kāya-ggahaṇaṇ asammissato vavatthāna-ghana-vinibbhog' ādi-dassan' atthaṇ katan ti veditabbaṇ. Tena na kāye veda-nānupassī vā citta-dhammānupassī vā, atha kho kāyānupassī yevā ti: kāya-saṅkhāte vatthusmiṇ kāyānupassan' ākāraṣ' eva dassanena asammissato vavatthānaṇ dassitaṇ hoti. Tathā na kāye aṅga-paccaṅga-vinimutta-eka-dhammānupassī, nāpi kesa-lom' ādi-vinimutta-itthi-purisaṇupassī, yo pi c' ettha kesa-lom' ādiko bhūt' upādāya-samūha-saṅkhāto kāyo: tattha pi na bhūt' upādāya-vinimutta-eka-dhammānupassī, atha kho ratha-sambhārānupassako viya aṅga-paccaṅga-samūhānupassī nagarāvayavānupassako viya kesa-lom' ādi-samūhānupassī, kadali-kkhandha-patta-vaṭṭi-vinibbhujjako viya ritta-muṭṭhi-vinivedhako viya ca bhūt' upādāya-samūhānupassī yevā ti. Nāna-ppakārato samūha-vasen' eva kāya-saṅkhātassa vatthuno dassanena ghana-vinibbhogo dassito hoti. Na h'

* Dh 142.

¹ Pps rāja-gahaṇ'.

ettha yathā-vutta-samūha-vinimutto kāyo vā itthī vā puriso vā añño vā koci dhammo dissati. Yathā-vutta-dhamma-samūhamatte yeva pana tathā tathā sattā micchābhinivesaṇ karonti. Ten' āhu Porāṇā:

“ Yaṇ passati na taṇ diṭṭhaṇ,
Yaṇ diṭṭhaṇ taṇ na passati;
Apassaṇ bajjhate mūlho
Bajjhamāno na muccati ” ti.

Ghana-vinibbhog' ādi-dassan' atthan ti vuttaṇ ādi-saddena c' ettha ayam pi attho veditabbo. Ayañ hi etasmiṇ kāye kāyānupassī yeva na añña-dhammānupassī ti vuttaṇ hoti. Yathā anudakabhūtāya pi mariciyā udakānupassino honti, na evaṇ anicca-dukkhānatta-asubhabhūte yeva imasmiṇ kāye nicca-sukha-atta-subhabbhāvānupassī; atha kho kāyānupassī anicca-dukkhānatta-asubh' ākāra-samūhānupassī yevā ti vuttaṇ hoti. Atha vā yv' āyaṇ parato: Idha bhikkhave bhikkhu arañña-gato vā . . . pe . . . so sato 'va assasati ti, ādinā nayena assāsa-passās' ādi-cūṇakajāta-aṭṭhika-pariyosāno kāyo vutto. Yo ca: Idh' ekacco paṭhavī-kāyaṇ aniccato anupassati, āpo-kāyaṇ tejo-kāyaṇ vāyo-kāyaṇ kesa-kāyaṇ loma-kāyaṇ chavi-kāyaṇ camma-kāyaṇ maṇsa-kāyaṇ ruhira-kāyaṇ nahāru-kāyaṇ aṭṭhi-kāyaṇ aṭṭhi-miñja-kāyaṇ ti Paṭisambhidāyaṇ* kāyo vutto: tassa sabbassa: Imasmiṇ yeva kāye anupassanato kāye kāyānupassī ti, evam pi attho veditabbo. Atha vā: Kāye ahan ti vā maman ti vā: evaṇ gahe-tabbassa yassa¹ kassaci ananupassanato tassa tass' eva pana kesa-lom' ādikassa nānā-dhamma-samūhassa anupassanato kāye kes' ādi-dhamma-samūha-saṅkhātā-kāyānupassī ti, evaṇ attho daṭṭhabbo.

Api ca: Imasmiṇ kāye aniccato anupassati no niccato ti, ādinā anukkamena Paṭisambhidāyaṇ* āgata-nayassa sabbass' eva anicca-lakkhaṇ' ādino ākāra-samūha-saṅkhātassa kāyassa anupassanato pi kāye kāyānupassī ti, evam pi attho daṭṭhabbo.

* Ps II. 232.

¹ Pps omits.

Tathā hi: Ayaṇ kāye kāyānupassanā-paṭipadaṇ paṭipanno bhikkhu imaṇ kāyaṇ aniccānupassan' ādīnaṇ sattannaṇ anupassanānaṇ vasena aniccato anupassati no niccato, dukkhato anupassati no sukhato, anattato anupassati no attato, nibbindati no nandati, virajjati no rajjati, nirodheti no samudeti, paṇissajjati no ādiyati: so taṇ aniccato anupassanto nicca-saññaṇ pajahati, dukkhato anupassanto sukha-saññaṇ pajahati, anattato anupassanto atta-saññaṇ pajahati, nibbindanto nandiṇ pajahati, virajjanto rāgaṇ pajahati, nirodhento samudayaṇ pajahati, paṇissajjanto ādānaṇ pajahati ti veditabbo.

Viharaṭi ti iriyati. *Ātāpī* ti tīsu bhavesu kilese ātāpeti ti ātāpo; viriyass' etaṇ nāmaṇ. Ātāpo assa atthi ti ātāpī.

Sampajāno ti sampajāñña-saṅkhātena ñāṇena saman-nāgato. *Satimā* ti kāya-pariggāhikāya satiyā saman-nāgato. Ayam pana yasmā satiyā ārammaṇaṇ pariggahetvā paññāya anupassati na hi sati-virahitassa anupassanā nāma atthi, ten' ev' āha: "Satiñ ca khv' āhan bhikkhave sabb' atthikaṇ vadāmi" ti,* tasmā ettha *kāye kāyānupassā viharatī* ti. Ettāvatā kāyānupassanā-satipatthānaṇ vuttaṇ hoti. Atha vā yasmā anātāpino anto-saṅkhepo antarāyakaro hoti asampajāno upāya-pariggahe anupāya-parivajjane ca sam-muyhati,¹ muṭṭha-ssati upāya-pariccāge anupāyāpariggahe ca asamatto hoti; ten' assa taṇ kammaṭṭhānaṇ na sampajjati. Tasmā yesaṇ dhammānaṇ ānubhāvena taṇ sampajjati tesāṇ dassan' atthaṇ *ātāpī sampajāno satimā* ti idaṇ vuttan ti veditabbaṇ.

Iti kāyānupassanā-satipatthānaṇ sampayogañ ca dassetvā idāni pahān' aṅgaṇ dassetuṇ *vineyya loke abhiijjhā-domanassan* ti vuttaṇ. Tattha *vineyyā* ti tad-aṅga-vinayena vā vikkhambhana-vinayena vā vinayitvā. *Loke* ti tasmiṇ yeva kāye. Kāyo hi idha lujjana-palujjan' atthena: loko ti, adhippeto. Yasmā pan' assa na kāyamatte yeva abhiijjhā-domanassaṇ pahiyati, vedan' ādisu pi pahiyati yeva, tasmā: Pañca pi upādāna-kkhandhā loko ti, Vibhaṅgeṭ vuttaṇ.

* S V. 115.

† Vbh 195.

¹ Pps muyhati.

Loka-saṅkhātattā vā tesañ dhammānaṅ atth' uddhāra-nayen' etaṅ vuttaṅ. Yaṅ pan' āha: "Tattha katamo loko? Sv' eva kāyo loko" ti: ayam ev' ettha attho. Tasmiṅ *loke abhiijjhā-domanassaṅ vineyyā* ti: evañ sambandho daṭṭhabbo. Yasmā pan' ettha abhiijjhā-ggahaṇena kāma-cchando domanassa-ggahaṇena byāpādo saṅghaṅ gacchati, tasmā nīvaraṇa-pariyāpanna-balava-dhamma-dvaya-dassanena nīvaraṇa-ppahānaṅ vuttaṅ hoti ti veditabbaṅ.

Visesena c' ettha abhiijjhā-vinayena kāya-sampatti-mūla-kassa anurodhassa domanassa-vinayena kāya-vipatti-mūla-kassa virodhassa; abhiijjhā-vinayena ca kāye abhiratiyā, domanassa-vinayena kāya-bhāvanāya anabhiratiyā, abhiijjhā-vinayena kāye abhūtānaṅ subha-sukha-bhāv' ādīnaṅ pakkhepassa, domanassa-vinayena kāye bhūtānaṅ asubhāsukhabhāv' ādīnaṅ apanayanassa ca pahānaṅ vuttaṅ. Tena yogāvacarassa yogānubhāvo yoga-samatthatā ca dīpitā hoti. Yogānubhāvo hi esa yad idaṅ anurodha-virodha-vippamutto arati-rati-saho abhūta-pakkhepa-bhūtāpanayana-virahito ca hoti. Anurodha-virodha-vippamutto c' esa arati-rati-saho abhūtaṅ apakkhipanto bhūtañ ca anapanayanto yoga-samattho hoti ti.

Aparo nayo. *Kāye kāyānupassī* ti ettha anupassanāya kammaṭṭhānaṅ vuttaṅ. *Viharatī* ti ettha vutta-vihārena kammaṭṭhānikassa kāya-pariharaṇaṅ. *Ātāpī* ti ādīsu pana ātāpena samma-ppadhānaṅ, sati-sampajaññena sabb' atthaka-kammaṭṭhānaṅ kammaṭṭhāna-pariharaṇūpāyo vā, satiyā vā kāyānupassanā-vasena paṭiladdha-samatho; sampajaññena vipassanā, abhiijjhā-domanassa-vinayena bhāvanā-balaṅ vuttan ti veditabbaṅ. Vibhaṅge pana: *anupassī* ti: tattha katamā anupassanā? Yā paññā pajānanā . . . pe . . . sammādiṭṭhi, ayaṅ vuccati anupassanā. Imāyā anupassanāyā upeto hoti, samupeto, upāgato samupāgato upapanno samanāgato, tena vuccati *anupassī* ti. *Viharatī* ti iriyati pavattati¹ pāleti yapeti yāpeti carati viharati, tena vuccati *viharatī* ti. *Ātāpī* ti: tattha katamaṅ ātāpaṅ? Yo cetasiko vīriy' ārambho . . . pe . . . sammā-vāyāmo, idaṅ vuccati ātāpaṅ.² Iminā ātāpena² upeto hoti . . . pe . . .

¹ Pps vattati.² Pps ātapp°.

samannāgato, tena vuccati *ātāpī* ti. *Sampajāno* ti, tattha katamaṇ sampajāññaṇ ? Yā paññā pajānanā . . . pe . . . sammādiṭṭhi, idaṇ vuccati sampajāññaṇ. Iminā sampajāññaena upeto hoti . . . pe . . . samannāgato, tena vuccati sampajāno ti. Satimā ti, tattha katamā sati ? Yā sati anussati . . . pe . . . sammāsati, ayaṇ vuccati sati. Imāyā satiyā upeto hoti . . . pe . . . samannāgato, tena vuccati satimā ti. Vineyya loke abhijjhā-domanassan ti, tattha katamo loko ? Sv' eva kāyo loko, pañca pi upādānakkhandhā loko, ayaṇ vuccati loko. Tattha katamā abhijjhā ? Yo rāgo sārāgo anunayo anurodho nandī nandirāgo, cittassa sārāgo, ayaṇ vuccati abhijjhā. Tattha katamaṇ domanassaṇ ? Yaṇ cetasaṇ assātaṇ¹ cetasaṇ dukkhaṇ ceto samphassaajā asātā dukkhā vedanā, idaṇ vuccati domanassaṇ. Iti ayañ ca abhijjhā, idañ ca domanassaṇ imamhi loke vinitā honti, paṭivinitā, santā samitā atthaṅgatā abbhatthaṅgatā appitā byappitā sositā visositā vyantikātā, tena vuccati vineyya loke abhijjhā-domanassan' ti.* Evam etesaṇ padānaṇ attho vutto. Tena saha ayaṇ Aṭṭhakathā-nayo yathā saṇsandati, evaṇ veditabbo. Ayaṇ tāva kāyānupassanā satipatṭhān' udde-sassa atthavaṇṇanā.

Idāni *vedanāsu . . . citte . . . dhammesu dhammānupassī viharati . . . pe . . . viveyya loke abhijjhā domanassan* ti. Ettha *vedanāsu vedanānupassī* ti evam ādisu vedanādīnaṇ puna vacane payojanaṇ kāyānupassanāyaṇ vuttā-nayen' eva veditabbaṇ. *Vedanāsu vedanānupassī, citte cittānupassī, dhammesu dhammānupassī*, ti ettha pana *vedanā* ti tisso vedanā. Tā ca lokiyā eva. *Cittam* pi lokiyaṇ. Tathā *dhammā*. Tesāṇ vibhāgo niddesa-vāre pākaṭo bhavissati. Kevalaṇ pan' idha yathā vedanā anupassitabbā, tathā tā anupassanto vedanāsu vedanānupassī ti veditabbo. Esa nayo citta-dhammesu pi.

Kathañ ca vedanā anupassitabbā ti ? Sukhā tāva vedanā dukkhato, dukkhā sallato, adukkham-asukhā aniccato. Yath' āha

* Vbh 194-5.

¹ Pps asātaṇ.

‘Yo sukhaṇ dukkhato adda
 Dukkhaṇ addakkhi sallato
 Adukkhamasukhaṇ santaṇ
 Addakkhi naṇ aniccato
 Sa ve sammaddaso bhikkhu
 Upasanto carissatī*’ ti

sabbā eva c’ etā dukkhā ti pi anupassitabbā. Vuttañ h’ etaṇ: Yaṇ kiñci vedayitaṇ, taṇ sabbaṇ dukkhasmin ti vadāmī ti. Sukhadukkhato pi ca anupassitabbā. Yath’ ahā: Sukhā . . . vedanā t̥hitisukhā vipariṇāma-dukkhā ti sabbaṇ vitthāre-tabbā. Api ca, aniccādi-sattānupassanavasenāpi anupassitabbā. Sesaṇ niddesavāre yeva pākaṭaṇ bhavissati. Citta-dhammesu pi cittaṇ tāva ārammaṇādhīpati-sahajāta-bhūmi-kamma-vipāka-kiriyādi-nānattabhedāhaṇ aniccādinan anupassanānaṇ niddesavāre āgātasarāgādibhedānañ ca vasena anupassitabbā. Dhammā salakkhaṇa-sāmaññalakkhaṇānaṇ suññata-dhammassa aniccādisattānupassanānaṇ, niddesavāre āgatasantādibhedānañ¹ ca vasena anupassitabbā. Sesaṇ vuttanayam eva.

Kāmañ c’ ettha, yassa kāyasaṅkhāte loke abhiññhādoma-nassaṇ pahīnaṇ, tassa vedanādisu² pi taṇ pahīnam eva. Nānā-puggalavasena pana nānācittakkhaṇika-satipatthāna-bhāvanāvasena ca sabbattha vuttaṇ. Yato vā ekattha pahīnaṇ sesesu pi pahīnaṇ hoti, ten’ ev’ assa tattha pahānadassanattam pi etaṇ³ vuttan ti veditabban ti.

Uddesavāra-kathā niṭṭhitā.

2. Idāni seyyathā pi nāma cheko vilīvakārako thūlakilañja-saṇha-kilañja-caṅko ṭaka⁴-peḷā-putādiṇi upakaraṇāni kattu-kamo ekaṇ mahāveṇuṇ labhitvā catudhā bhinditvā tato ekekaṇ veṇuṇ khaṇḍaṇ⁵ gahetvā phāletvā taṇ taṇ upakaraṇaṇ kareyya. Evam eva Bhagavā satipatthānadesanāya sattānaṇ

* S IV. 207.

¹ Pps āgata santāsantādi.

² Pps vedanādi-lokesu pi.

³ Pps evaṇ.

⁴ Pps caṅgoṭaka-.

⁵ Pps veṇukhaṇḍaṇ.

anekappakāraṇ¹ visesādhigamaṇ kattukāmo ekam eva sam-
māsatiṇ: 'Cattāro satipaṭṭhānā. Katame cattāro? Idha
bhikkhave, bhikkhu kāye kāyānupassī viharatī' ti ādinā
nayena ārammaṇavasena catudhā bhinditvā, tato ekekaṇ sati-
paṭṭhānaṇ gahetvā kāyaṇ² vibhajanto, *kathaṇ ca, bhikkhave*
ti ādinā nayena niddesavāraṇ vattum āraddho. Tattha
kathaṇ ca ti ādi vitthāretukamyatā pucchā. Ayaṇ pan' ettha
saṅkhepattho³: Bhikkhave, kena ca pakārena bhikkhu kāye
kāyānupassī viharatī ti? Esa nayo sabbapucchāvāresu.

Idha, bhikkhave, bhikkhū ti, bhikkhave, imasmiṇ sasāne
bhikkhu. Ayaṇ h' ettha idhasaddo sabbappakārakāyānupas-
sanā-nibbattakassa⁴ puggalassa sannissayaabhūta-sāsanapari-
dīpano, aññāsāsanassa tathābhāvaapaṭisedhano ca. Vuttaṇ
h' etaṇ: Idh' eva bhikkhave, samaṇo . . . pe . . . suññā
parappavādā samaṇebhi⁵ aññehi ti. Tena vuttaṇ: Imasmiṇ
sāsane bhikkhū ti.*

*Arañṇagato vā . . . pe . . . rukkhamūlagato vā suñṇāgā-
ragato vā* ti idam assa satipaṭṭhānabhavanānurūpa-senāsa-
napariggaha-paridīpanaṇ. Imassa hi bhikkhuno dīgharattaṇ
rūpādīsu ārammaṇesu anuvisaṇaṇ cittaṇ kammaṭṭhānavi-
thiṇ otarituṇ na icchati kūṭagonayuttaratho⁶ viya uppatham
eva dhāvati. Tasmā, seyyathāpi nāma gopo kūṭadhenuyā
sabbaṇ khiraṇ pivitvā vaḍḍhitaṇ⁷ kūṭavacchaṇ dametu-
kāmo dhenuto apanetvā ekamante mahantaṇ thambhaṇ
nikhaṇitvā tattha yottena bandheyya. Ath' assa so vac-
cho ito c' ito ca vipphanditvā palāyituṇ asakkonto tam
eva thambhaṇ upanisiḍeyya vā upanipajjeyya vā. Evam
eva iminā pi bhikkhunā dīgharattaṇ rūpārammaṇādi-
rasa-pāna-vaḍḍhitaṇ duṭṭhacittaṇ dametukāmena rūpādi-
ārammaṇato apanetvā araṇṇaṇ vā rukkhamūlaṇ vā suñ-
ṇāgāraṇ vā pavisitvā⁸ tattha satipaṭṭhānārammaṇatthambhe

* A II. 238.

¹ Pps anekappakāra-.

² Pps saṅkhepo.

³ Pps samaṇehi.

⁷ Pps vaḍḍhita-.

² Pps omits kāyaṇ.

⁴ Pps -nibbattassa.

⁶ Pps kūṭagonaratho.

⁸ Pps pavesetva.

satiyottena bandhitabbaṇ. Evam assa taṇ cittaṇ ito c' ito ca vipphanditvā pi pubbe¹ acinnārammaṇaṇ alabhamānaṇ satiyottaṇ chinditvā palāyituṇ asakkontaṇ tam ev' ārammaṇaṇ upacārappanāvasena upanisīdati c' eva upanipajjati ca. Ten' āhu Porāṇā:

Yathā thambhe nibandheyya
Vacchaṇ damaṇ² naro idha
Bandheyy' evaṇ sakaṇ cittaṇ
Satiy' ārammaṇe dālhan ti.

Evam ass' etaṇ senāsanaṇ bhāvanānurūpaṇ hoti. Tena vuttaṇ: Idam assa satipatthāna bhāvanānurūpa-senāsana pariggaha-paridīpanaṇ ti.

Api ca, yasmā idaṇ kāyānupassanāya³ muddhabhūtaṇ sabba-Buddha - Paccekabuddha - sāvakānaṇ visesādhigama - diṭṭha-dhammasukhavihāra - padaṭṭhānaṇ ānāpāna - satikammaṭṭhānaṇ itthipurisa-hatthi-assādisaddasamākulaṇ gāmantaṇ apariccajivitvā na sukaraṇ sampādetuṇ, saddhakaṇṭakattā jhānassa; agāmake pāna araṇṇe sukaraṇ yogāvacarena idaṇ kammaṭṭhānaṇ pariggahetvā ānāpāna-catutthajjhānaṇ nibbattetvā tad eva jhānaṇ pādakaṇ katvā saṅkhāre sammāsivā aggaphalaṇ arahattaṇ pāpunituṇ; tasmā 'ssa anurūpa⁴-senāsanaṇ dassento Bhagavā, *araṇṇagato vā* ti ādim āha. Vatthuvijjācariyo viya hi Bhagavā. So, yathā vatthuvijjācariyo nagarabhūmiṇ passivā suṭṭhu upaparikkhitvā ettha nagaraṇ māpethā ti upadisati, sotthinā ca nagare niṭṭhite rājakulato mahāsakkāraṇ labhati; evam eva yogāvacarassa anurūpa⁴-senāsanaṇ upaparikkhitvā ettha kammaṭṭhānaṇ anuyūñjitabbaṇ ti upadisati. Tato tattha kammaṭṭhānaṇ anuyūñjantena yoginā anukkamena arahatte patte, Sammāsambuddho vata so⁵ Bhagavā ti mahantaṇ sakkāraṇ labhati.

Ayaṇ pana bhikkhu dīpisadiso ti vuccati. Yathā hi mahā-dīpirājā araṇṇe tiṇagahanaṇ vā vanagahanaṇ vā pabbatagahanaṇ vā nissāya niliyitvā vana-mahiṇsa⁶-gokaṇṇa-sūkarādayo mige gaṇhati. Evam eva ayaṇ araṇṇādisu kammaṭṭhānaṇ

¹ Pps omits pubbe.

² Pps kāyānpassanā-samiddhibhūtaṇ.

³ Pps omits so.

⁴ Pps dammaṇ.

⁵ Pps anurūpaṇ.

⁶ Pps -mahisa-.

anuyuñjanto bhikkhu yathākkamena cattāro magge c' eva cattāri¹ ariyaphalāni ca gaṇhati. Ten' āhu Porāṇā:

'Yathā pi² dīpiko nāma
Niliyitvā gaṇhatī mige
Tath' ev' āyaṇ Buddhaputto
Yuttayogo vipassako
Araññaṇ pavisitvāna
Gaṇhati phalam uttaman' ti.

Ten' assa parakkama-javayoggabhūmiṇ araññasenāsanāṇ dassento Bhagavā, *araññaṇagato* vā ti ādim āha. Ito paraṇ imasmiṇ tāva ānāpānapabbe yaṇ vattabbaṇ siyā, taṇ Visuddhi-magge* vuttam eva. *Seyyathā† pi bhikkhave dakkho bhama-kāro vā* ti idaṇ hi upamāmattam eva iti ajjhattaṇ vā kāye ti idaṇ appanāmattam eva. Tattha anāgataṇ sesaṇ āgatam eva yaṇ pana anāgataṇ. Tattha *dakkho* ti cheko, *diḡhaṇ vā añchanto* ti mahantānaṇ bheripokkharādīnaṇ likhana-kāle hatthe ca pāde ca pasāretvā diḡhaṇ kaḍḍhanto. *Rassaṇ vā añchanto* ti khuddakānaṇ danta-sūci-vedhakādīnaṇ lekhanakāle manda-mandaṇ rassaṇ kaḍḍhanto. *Evam eva kho* ti evaṇ ayam pi bhikkhu addhāna-vasena ittaravasena pavattānaṇ assāsapassāsānaṇ vasena *diḡhaṇ vā assasanto diḡhaṇ assasāmī ti pajānāti . . . pe . . . passassissāmī ti sikkhatī* ti tass' evaṇ sikkhato assāsapassāsānimitte cattāri jhānāni uppajjanti so jhānā vuṭṭhahitvā assāsapassāsāse vā parigaṇhati jhānaṅgāni vā.

Tattha assāsa-passāsa-kammiko, ime assāsapassāsā kiṇ nissitā, vatthunissitā, vatthu nāma karajakāyo, karajakāyo nāma cattāri mahābhūtāni, upādārūpaṇ cā ti evaṇ rūpaṇ parigaṇhati. Tato tadārammaṇe phassapañcake nāman ti, evaṇ nāmarūpaṇ pariggahetvā, tassa paccayaṇ pariyesanto avijjādi³-paṭiccasamuppādaṇ disvā, paccaya-paccayuppanna-dhamma-mattam ev' etaṇ, añño satto yā puggalo vā n' atthi

* Vism I. 270-93.

† Pps omits passage from here to end of §, beginning again with "Tattha assāsa-passāsa-kammiko."

¹ Pps omits cattāri.

² Pps hi.

³ Pps avijjādiṇ.

ti vitinṇakaṅkho sappacaya-nāmarūpe tilakkhaṇaṇ āropetvā vipassanaṇ vaḍḍhento anukkamena arahattaṇ pāpunāti. Idaṇ ekassa bhikkhuno yāva arahattā niyyāna-mukhaṇ. Jhānakammiko pi, imāni jhānaṅgāni kiṇ nissitāni, vatthunis-sitāni, vatthu nāma karajakāyo, jhānaṅgāni nāmaṇ, karaja-kāyo rūpan ti nāmarūpaṇ vavattthapetvā, tassa paccayaṇ pariyesanto avijjādipaccayākāraṇ disvā, paccaya-paccayup-panna-dhammamattam ev' etaṇ, añño satto vā puggalo vā n' atthi ti vitinṇakaṅkho sappaccaya-nāmarūpe tilakkhaṇaṇ āropetvā vipassanaṇ vaḍḍhento anukkamena arahattaṇ pāpunāti. Idam ekassa bhikkhuno yāva arahattā niyyānamukhaṇ.

Iti ajjhattaṇ vā ti evaṇ attano vā assāsapassāsakāye kāyā-nupassī viharati. *Bahiddhā vā* ti parassa vā assasapassā-sakāye. *Ajjhattabahiddhā vā* ti kālena attano, kālena parassa assāsapassāsakāye. Eten' assa paṇṇakammaṭṭhānaṇ aṭṭha-petvā aparāparaṇ saṇcaraṇakālo kathito. Ekasmiṇ kāle¹ pana idaṇ ubhayaṇ na labbhati. *Samudayadhammānupassī vā* ti yathā nāma kammārassa bhastaṇ ca gaggara-nāliṇ ca tajjaṇ ca vāyāmaṇ paṭicca vāto aparāparaṇ saṇcarati, evaṇ bhikkhuno karajakāyāṇ ca nāsāpuṭaṇ ca cittaṇ ca paṭicca assāsa-passāsa-kāyo aparāparaṇ saṇcarati; kāyādayo dhammā samudayadhammā²; te passanto *samudayadhammānupassī vā kāyasmiṇ viharati* ti vuccati.³ *Vayadhammānupassī vā* ti yathā bhastāya apanītāya, gaggaranāliyā bhinnāya, tajje ca vāyāme asati, so vāto nappavattati; evam eva kāye bhinne nāsāpuṭe viddhaste, citte niruddhe, assāsapassāsakāyo nāma nappavattati ti kāyādinirodhā assāsapassāsanirodho ti; evaṇ passanto, *vayadhammānupassī vā kāyasmiṇ viharati* ti vuccati. *Samudayavayadhammānupassī vā* ti kālena samudayaṇ, kālena vayaṇ anupassanto.

Atthi kāyo ti vā pan' assā⁴ ti kāyo 'va⁵ atthi, na satto, na puggalo, na itthi, na puriso, na attā, na attaniyaṇ, nāhaṇ, na mama, na koci, na kassaci, ti evam assa sati paccupaṭṭhitā hoti.

¹ Pps Ekakāle.

² Pps vuccati ti.

³ Pps kāyo ti ca.

⁴ Pps samudayo.

⁵ Pps assa sati paccupaṭṭhitā hoti ti.

Yāvad evā ti payoĵanapariccheda-vavatthāpanam etaṇ. Idaṇ vuttaṇ hoti: *Yā sā sati paccupaṭṭhitā* hoti, *sā na aññadatthāya*,¹ *atha kho yāvadeva ñāṇamattāya*, aparāparaṇ uttaruttari ñāṇapamāṇatthāya c' eva satipamāṇatthāya ca. Satisampajaññaṇ vuḍḍhatthāyā ti attho. *Anissito 'va*² *viharati* ti taṇhānissaya diṭṭhinissayaṇaṇ vasena anissito 'va² viharati. *Na ca kiñci loke upādiyaṭi* ti lokasmiṇ kiñci rūpaṇ vā . . . pe . . . viññāṇaṇ vā ayaṇ me attā vā attaniyaṇ vā ti na gaṇhāti.

Evam pi ti upari-atthaṇ upādāya sampiṇḍanattho³ pi kāro. Iminā pana padena Bhagavā ānāpānapabbadesanaṇ niyātetvā dasseti.⁴ Tattha assāsa-passāsapariggāhikā sati dukkhasaccaṇ. Tassā samutṭhāpikā purimatanhā samudayasaccaṇ. Ubhinnaṇ appavatti nirodhasaccaṇ. Dukkhaparijānaṇo, samudayapajahano, nirodhārammaṇo ariyamaggo maggasaccaṇ. Evaṇ catu-saccavasena ussakkivā nibbutiṇ pāpupāti ti. Idam ekassa assāsa-passāsa-vasena abhiniviṭṭhassa bhikkhuno⁵ yāva arahattā niyyānamukhaṇ ti.

Ānāpānapabbaṇ niṭṭhitaṇ.

3. Evaṇ assāsapassāsavasena kāyānupassanaṇ vibhajivā, idāni iriyāpathavasena vibhajituṇ, *puna ca 'paraṇ* ti ādim āha. Tattha kāmaṇ soṇa-singālādayo⁶ pi gacchantā gacchāmā ti jānanti. Na pan' etaṇ evarūpaṇ jānanaṇ sandhāya vuttaṇ. Evarūpaṇ hi jānanaṇ sattūpaladdhiṇ na pajahati, satta-saññaṇ na ugghāṭeti, kammaṭṭhānaṇ vā satipaṭṭhānabhāvanā vā na hoti. Imassa pana bhikkhuno jānanaṇ sattūpaladdhiṇ pajahati, satta-saññaṇ⁷ ugghāṭeti, kammaṭṭhānaṇ c' eva satipaṭṭhānabhāvanā ca hoti. Idan hi, ko gacchati, kassa gamanaṇ, kiṇ kāraṇā gacchatī⁸ ti evaṇ sampajānanaṇ⁹ sandhāya vuttaṇ. *Ṭhānādīsu* pi es' eva nayo. Tattha ko gacchati ti? Na koci satto vā puggalo vā gacchati. Kassa gamanaṇ ti? Na kassaci sattassa vā puggalassa vā gamanaṇ. Kiṇ kāraṇā gac-

¹ Pps aññatthāya.

² Pps sampiṇḍanatthe.

³ Pps abhiniviṭṭha bhikkhuno.

⁴ Pps attasaññaṇ.

⁵ Pps evarūpaṇ jānanaṇ.

⁶ Pps ca.

⁷ Pps dassesi.

⁸ Pps sigālādayo.

⁹ Pps gamanaṇ ti.

chatī ti. Cittakiriyavāyodhātu-vipphārena gacchati. Tasmā esa evaṇ pajānāti¹: Gacchamī ti² cittaṇ uppajjati. Taṇ vāyaṇ janeti. Vāyo viññattiṇ janeti. Cittakiriyavāyodhātuvipphārena sakalakāyassa purato abhinihāro gamanan ti vuccati.

Thānādīsu pi es' eva nayo. Tatrāpi hi tiṭṭhāmī ti cittaṇ uppajjati. Taṇ vāyaṇ janeti. Vāyo viññattiṇ janeti. Cittakiriyavāyodhātuvipphārena sakala-kāyassa koṭito paṭṭhāya ussitabhāvo thānan ti vuccati. Nisīdāmī ti cittaṇ uppajjati. Taṇ vāyaṇ janeti. Vāyo viññattiṇ janeti. Cittakiriyavāyodhātuvipphārena heṭṭhimakāyassa samañchanaṇ,³ uparimakāyassa ussitabhāvo nisajjā ti vuccati. Sayāmī ti cittaṇ uppajjati. Taṇ vāyaṇ janeti. Vāyo viññattiṇ janeti. Cittakiriyavāyodhātuvipphārena sakalasarīrassa tiriyato pasāraṇaṇ sayanan ti vuccati ti.

Tassa evaṇ pajānato evaṇ hoti: Satto gacchati, satto tiṭṭhatī ti vuccati. Atthi etā pana⁴ koci satto gacchanta⁵ vā ṭhito vā natthi.⁶ Yathā pana sakaṭaṇ gacchati, sakaṭaṇ tiṭṭhatī ti vuccati. Na ca kiñci sakaṭaṇ nāma gacchantaṇ vā ṭhitaṇ⁷ vā atthi. Cattāro pana goṇe yojetvā chekamhi sārathimhi pājente sakaṭaṇ gacchati, sakaṭaṇ tiṭṭhatī ti vohāramattam eva hoti. Evam eva ajānanaṭṭhena⁸ sakaṭaṇ viya kāyo. Goṇo⁹ viya cittaṇavātā. Sārathi viya cittaṇ. Gacchāmī, tiṭṭhāmī ti citte uppanne vāyodhātu viññattiṇ janayamānā uppajjati. Cittakiriyavāyodhātuvipphārena gamanādīni pavattanti. Tato satto gacchati, satto tiṭṭhatī, ahaṇ gacchāmī, ahaṇ tiṭṭhāmī ti vohāramattaṇ hoti. Ten' āha

‘Nāvā mālutavegena
Jiyāvegena tejanaṇ
Yathā yāti tathā kāyo
Yāti vātāhato ayaṇ.

¹ Pps jānāti.

³ Pps sammīṇjanaṇ.

⁴ Pps omits atthi etā pana, but has na koci . . .

⁵ Pps gantā.

⁷ Pps tiṭṭhantaṇ.

⁹ Pps Goṇā.

² Pps Gacchissāmī ti.

⁶ Pps atthi.

⁸ Pps ajavanaṭṭhena.

ti ādim āha.* Tattha *abhiikkante* ti ādīni Sāmaññaphale vaṇṇitāni.

Iti ajjhantaṇ vā ti evaṇ catusampajaññapariggaṇhanena attano vā kāye parassa vā kāye, kālena vā attano, kalena vā parassa kāye kāyānupassī viharati. Idhāpi *samudayavaya-dhammānupassī* ti ādisu rūpakkhandhass' eva samudayo ca vayo ca nīharitabbo. Sesaṇ vuttasadisam eva. Idha catusampajaññapariggāhikā sati dukkha-saccaṇ. Tassā samuṭṭhāpikā purimatanhā samudayasaccaṇ. Ubhinnaṇ appavatti nirodhasaccaṇ. Vuttappakāro ariyamaggo maggasaccaṇ. Evaṇ catu-saccavasena ussakkivā nibbutiṇ pāpuṇātī ti. Idam ekassa catusampajañña-pariggāhakassa bhikkhuno¹ vasena yāva arahattā niyyānamukhan ti.

Catusampajaññapabbaṇ niṭṭhitaṇ.

5. Evaṇ catusampajaññavasena kāyānupassanaṇ vibhajivā, idāni paṭikūla-manasikāravasena vibhajituṇ, *kuna ca 'paran* ti ādim āha. Tattha *imam eva kāyan* ti ādisu yaṇ vattabbaṇ siyā, taṇ sabbaṇ sabbākārena vitthārato Visuddhimaggeṭ kāyagatāsaticammaṭṭhāne vuttaṇ. *Ubhato mukhā* ti hetthā ca upari cā ti dvīhi mukhehi yuttā. *Nānāvihītassā* ti nāna-vidhassa. Idaṇ pan' ettha opammasaṇsandanaṇ: ubhatomukhā puṭoli² viya hi cātumahābhūtiko kāyo. Tattha missetvā pakkhitta-nānāvidhadhaññaṇ viya hi kesādayo dvattiṇsākārā. Cakkhumā puriso viya yogāvacaro. Tassa taṇ puṭoliṇ² muñcitvā paccavekkhato nānāvidhadhaññaassa pākata-kālo viya yogino dvattiṇsākārassa vibhūtākālo³ veditabbo. *Iti ajjhantaṇ* vā ti evaṇ kesādi-pariggaṇhanena attano vā kāye, parassa vā kāye, kālena vā attano kālena vā parassa kāye kāyānupassī viharati. Ito paraṇ vutta-nayam eva. Kevalaṇ hi idha dvattiṇsākārapariggāhikā sati dukkhasaccaṇ

* The comment on this § 4 in Pps is as lengthy as that on § 1 (see above).

† Vism I. 239-66.

¹ Pps omits bhikkhuno.

² Pps mutoḷi.

³ Pps vibhūtākāro.

ti evaṇ yojanaṇ katvā niyyānamukhaṇ veditabbaṇ. Sesaṇ purimasadisam evā ti.

Paṭikūlamanasikārapabbaṇ niṭṭhitaṇ.

6. Evaṇ paṭikūlamanasikāravasena kāyānupassanaṇ vibhajitvā, idāni dhātumanasikāravasena vibhajituṇ, *puna ca 'paran* ti ādim āha. Tatth¹ āyaṇ opammasaṇsandanena saddhiṇ atthavaṇṇanā: Yathā eko² *goghātako vā tass' eva vā bhattavetanabhato antevāsiko vā gāviṇ vadhitvā* vinivijjhitaṇ, catasso disā gatānaṇ mahāpathānaṇ vemajjhaṭṭhānasaṅkhāte *catu-mahāpathe* koṭṭhāsaṇ koṭṭhāsaṇ katvā nisinno assa. Evam eva bhikkhu catunnaṇ iriyāpathānaṇ yena kenaci ākārena ṭhitattā *yathā ṭhitaṇ*, yathā ṭhitattā ca *yathā paṇihitaṇ kāyaṇ*, *atthi imasmiṇ kāye paṭhavī-dhātu . . . pe . . . vāyo-dhātu* ti evaṇ paccavekkhati.

Kiṇ vuttaṇ hoti? Yathā goghātakassa gaviṇ posantasāpi,³ āghātanaṇ āharantassāpi, āharitvā tattha bandhitvā ṭhapentassāpi, vadhentassāpi, vadhitaṇ mataṇ passantassāpi, tāvad eva gāvī ti saññā na antaradhāyati, yāva naṇ padāletvā bilaso na vibhajati. Vibhajitvā nisinnassa pan' assa gāvī ti saññā antaradhāyati, maṇsasaññā pavattati. N' assa evaṇ hoti: Ahaṇ gāviṇ vikkiṇāmi, ime gāviṇ harantī ti. Atha khv' assa "ahaṇ maṇsaṇ vikkiṇāmi, ime maṇsaṇ haranti" ico' eva hoti. Evam eva imassāpi bhikkhuno pubbe bāla-puthujjanakāle gihibhutassāpi pabbājitassāpi tāvad eva ca, satto ti vā puggalo ti vā saññā na antaradhāyati, yāva imam eva kāyaṇ yathā ṭhitaṇ, yathā-paṇihitaṇ ghanavinibbhogaṇ katvā dhātuso na paccavekkhati. Dhātuso paccavekkhato pan' assa sattasaññā antaradhāyati, dhātu-vasen' eva cittaṇ santiṭṭhati. Ten' āha Bhagavā: *Imam eva kāyaṇ yathā-ṭhitaṇ yathā paṇihitaṇ dhātuso paccavekkhati: atthi imasmiṇ kāye paṭhavīdhātu, āpodhātu, tejodhātu, vāyodhātu ti. Seyyathāpi, bhikkhave, dakkho goghātako vā . . . pe . . . vāyo-dhātu ti. Goghātako viya hi yogī. Gāvī ti saññā⁴ viya satta-saññā. Catummahāpatho viya catuiriyāpatho. Bilaso vi-*

¹ Pps tatrāyaṇ.

² Pps posentassāpi.

³ Pps koci.

⁴ Pps gāvisaññā.

bhajitvā nisinnabhāvo viya dhātuso paccavekkhanan ti. Ayam ettha pālivaṇṇanā. Kammatthānakathā pana Visud-dhimagge* vitthāritā.

Iti ajjhataṇ vā ti evaṇ catudhātu-pariggaṇhanena attano vā kāye parasa vā kāye, kālena vā attano, kālena vā parassa kāye kāyānupassī viharati. Ito paraṇ vuttanayam eva. Kevalaṇ hi idha catudhātupariggāhikā sati dukkhasaccan ti, evaṇ yojanaṇ katvā niyyānamukhaṇ veditabbaṇ. Sesaṇ purimasadisam evā ti.

Dhātumanasikārapabbaṇ niṭṭhitaṇ.

7. Evaṇ dhātumanasikāravasena kāyānupassanaṇ vibhajitvā, idāni navahi sīvathikapabbehi vibhajituṇ, *puna ca 'paran* ti ādim āha. Tattha *seyyathāpi passeyyā* ti yathā passeyya. *Sarīran* ti matasarīraṇ. *Sīvathikāya chaḍḍitaṇ* ti susāne apaviddhaṇ. Ekāhaṇ matassa assā ti *ekāhamataṇ*. Dvīhaṇ matassa assā ti *dvīhamataṇ*. Tīhaṇ matassa assā ti *tīhamataṇ*. Kammārabhastā¹ viya vāyunā, uddhaṇ jīvita-pariyādānā yathānukkamaṇ samuggatena sūnabhāvena uddhumātattā *uddhumātaṇ*. Uddhumātam eva *uddhumātakaṇ*. Paṭikūlattā vā kucchitaṇ uddhumātan ti *uddhumātakaṇ*. Vinīlaṇ vuccati viparibhinnavannaṇ. Vinīlam eva *vinīlakaṇ*. Paṭikūlatta vā kucchitaṇ *vinīlan* ti vinīlakaṇ. Maṇsussadaṭṭhānesu rattavaṇṇassa, pubba-sannicayaṭṭhānesu setavaṇṇassa, yebhuyyena ca nīlavaṇṇassa, nīlaṭṭhānesu nīlasāṭaka-pārutass' eva, chavasārīrass' etaṇ adhivacanaṇ. Paribhinnaṭṭhānehi, navahi vā vaṇamukhehi vissandamānapubbaṇ vipubbaṇ. Vipubbaṇ eva vipubbakaṇ. Paṭikūlattā vā kucchitaṇ vipubban ti vipubbakaṇ. Vipubbakaṇ jātaṇ tathābhāvaṇ gatan ti *vipubbakajātaṇ*. So *imam eva kāyan* ti so bhikkhu imaṇ attano kāyaṇ. Tena kāyena saddhiṇ ṇāṇen' eva upasaṇharati, upaneti. Kathaṇ? *Ayam pi kho kāyo evaṇ-dhammo evaṇ-bhāvī evaṇ-anatito* ti. Idaṇ vuttaṇ hoti. Āyu, usmā, viññānaṇ ti imesaṇ tiṇṇaṇ dhammānaṇ atthitāya

* Vism ch. xi.

¹ Pps omits Kammāra-.

8. *Khajjamānaṇa* ti udarādisu nisīditvā udaramaṇsaṇ-otṭha-
maṇsaṇ-akkhikūādīni luñcitvā luñcitvā khādiyamānaṇ. *Sa-*
maṇsalohitaṇ ti sāvasesa-maṇsalohitayuttaṇ. *Nimmaṇsalo-*
hitamakkhitaṇ ti maṇse khīṇe pi lohitaṇ na sussati. Taṇ
sandhāya vuttaṇ nimmaṇsalohita-makkhitaṇ ti. *Aññenā* ti
aññena disābhāgena. *Hatthattṭhikaṇ* ti catusatṭhi-bhedam pi
hatthattṭhikaṇ pāṭiyekkaṇ pāṭiyekkaṇ vippakiṇṇaṇ. Pāda-
ṭṭhikādisu, pi es' eva nayo. *Terovassikānī* ti atikkantaṇ-
vaccharāni. *Pūtīnī* ti abbhokāse ṭhitāni vātātapa-vuṭṭhisam-
phassena terovassikān' eva pūtīni honti. Antobhumigatāni
pana cirataṇaṇ tiṭṭhanti. *Cuṇṇakajātānī* ti cuṇṇaṇ cuṇṇaṇ
hutvā vippakiṇṇāni. *Sabbattha so imam evā* ti vutta-nayena
khajjamānādīnaṇ vasena yojanā kātabbā. *Iti ajjhattaṇ vā* ti
evaṇ khajjamānādipariggaṇhanaṇa yāva cuṇṇakabhāvā attano
vā kāye, parassa vā kāye, kālena vā attano, kālena vā parassa
kāye kāyānupassī viharati.

10. *Aṭṭhikāni apagatasambandhāni* ti ādikā ekā. *Aṭṭhikāni setāni saṅkhavaṇṇaparibhāgāni*² ti ekā. *Puñcakūṭāni*³ *terovassikāni* ti ekā. *Pūṭini*⁴ *cunnakajātāni* ti ekā ti.

¹ Pps Atthisangkalikan.

² Pps saṅkavannūpanibbānī.

³ Pps Atthikāni puñjakitani.

* Pps Atthikāni pūtini.

⁵ Pps navasivatiṇ.

gāhikā sati dukkhasaccaṇ. Tassa samutthāpikā purimataṇhā samudaya-saccaṇ. Ubhinnaṇ appavatti nirodhasaccaṇ. Dukkhaparijānana, samudaya-pajahana, nirodhārammaṇo ariyamaggo maggasaccaṇ. Evaṇ catusaccavasena ussakkitvā nibbutiṇ pāpupāti ti. Idaṇ navasīvathikāpariggāhikānaṇ bhikkhūnaṇ yāva arahattā niyyānamukhaṇ ti.

Navasīvathikāpabbaṇ niṭṭhitaṇ.

11. Ettāvatā ca ānāpānapabbaṇ, iriyāpathapabbaṇ, catusampajaññaṇ, paṭikūlamanaṇsīkārapabbaṇ, dhātumanaṇsīkārapabbaṇ, navasīvathikāpabbāni ti cuddasapabbā kāyānupassanā niṭṭhitā hoti. Tattha ānāpānapabbaṇ paṭikūlamanaṇsīkārapabbaṇ ti imana' eva dve appanākammaṭṭhānāni. Sīvathikānaṇ pana ādīnavānupassanāvasena vuttattā sesāni dvadasāpi upacārakammaṭṭhānaṇ' evā ti.

Kāyānupassanā.

Evaṇ Bhagavā cuddasavidhena kāyānupassanāsatiṭṭhānaṇ kathetvā, idāni navavidhena vedanānupassanaṇ kathetuṇ, *kathaṇ ca, bhikkhave* ti ādim āha. Tattha *sukhaṇ vedanaṇ* ti kāyikaṇ vā cetasiṇ vā sukhaṇ vedanaṇ vedayamāno, ahaṇ sukhaṇ vedanaṇ vedayāmi ti pajānāti ti attho. Tattha kāmaṇ uttānaseyyakā pi dāraṇ thaññāpivanādikāle sukhaṇ vedayamānā sukhaṇ vedayāmā ti pajānanti. Na paṇ' etaṇ evarūpaṇ jānanaṇ sandhāya vuttaṇ. Evarūpaṇ hi jānanaṇ satṭūpaladdhiṇ na jahati, satta-saṇñaṇ na ugghāṭeti kammaṭṭhānaṇ vā satipatṭhānabhāvanā vā na hoti imassa pana bhikkhuno jānanaṇ satṭūpaladdhiṇ jahati sattasaṇñaṇ ugghāṭeti, kammaṭṭhānaṇ c' eva¹ satipatṭhānabhāvanā na ca hoti. Idaṇ hi, ko vedayati, kassa vedanā, kiṇ kāraṇā vedanā ti evaṇ sampajānavediyaṇ sandhāya vuttaṇ. Tattha ko vedayati ti? Na koci satto vā puggalo vā vedayati. Kassa vedanā ti? Na kassaci sattassa vā puggalassa vā vedanā. Kiṇ kāraṇā vedanā ti? Vatthu-ārammaṇā 'va paṇ' assa vedanā. Tasmā esa evaṇ pajānāti: Taṇ taṇ sukhādīnaṇ vatthūṇ ārammaṇaṇ katvā vedanā 'va vedayati²; taṇ pana vedanāya pa-

¹ Pps vā.

² Pps vediyati.

vattiṇ upādāya ahaṇ vedanaṇ vedayāmī ti.¹ Evaṇ vatthun ārammaṇaṇ katvā vedanā 'va vedayati² ti sallakkhento esa sukhaṇ vedanaṇ vedayāmī ti pajānāti ti veditabbo.

Cittalapabbate aññataratthero³ viya. Thero kira aphāsu-kakāle balava-vedanāya nitthunanto⁴ aparāparaṇ parivattati. Tam eko daharo āha: Katarāṇ vo, bhante, tḥānaṇ rujjati ti ? Āvuso, pāṭiyekkaṇ rujanaṭṭhānaṇ nāma n' atthi. Vatthun ārammaṇaṇ katvā vedanā 'va vedayati² ti. 'Evaṇ jānanakā-lato paṭṭhāya adhivāsetuṇ vaṭṭati no, bhante' ti ? 'Adhi-vāsemi, āvuso' ti. 'Adhivāsanā, bhante, seyyo'⁵ ti. Thero adhivāsesi. Tato⁶ vāto yāva hadayā phāleti.⁷ Mañcake antāni rāsi-katāni ahesuṇ. Thero daharassa dassesi: Vaṭṭat' āvuso, ettakā⁸ adhivāsanā ti ? Daharo tuṇhī ahosi. Thero vīriyasamataṇ yojetvā saha paṭisambhidāhi arahattaṇ pā-puñitvā samasīsī hutvā parinibbāyi.

Yathā ca sukhaṇ evaṇ *dukkhaṇ . . . pe . . . nirāmisāṇ adukkhamasukhaṇ vedanaṇ vedayamāno*⁹ *nirāmisāṇ adukkha-masukhaṇ vedanaṇ vedayāmī*⁹ *ti pajānāti*. Iti Bhagavā rūpa-kammaṭṭhānaṇ kathetvā arūpakammaṭṭhānaṇ kathento yasmā phassavasena cittavasena vā kathiyamānaṇ pākaṭaṇ na hoti, andhakāraṇ viya khāyati. Vedanānaṇ pana uppattipākaṭa-tāya vedanāvasena pākaṭaṇ hoti. Tasmā Sakkapañhe viya idhāpi vedanāvasena arūpakammaṭṭhānaṇ kathesi. Tattha duvidhañ hi kamaṭṭhānaṇ rūpakammaṭṭhānaṇ: Arūpakam-maṭṭhānañ cā ti ādi kathāmaggo Sakkapañhe vuttanayen' eva veditabbo.*

Tattha *sukhaṇ vedanaṇ* ti ādisu ayaṇ aparo pi pajānanapari-yāyo: *Sukhaṇ vedanaṇ vedayāmī ti pajānāti* ti sukhavedanak-haṇe dukkhavedanāya abhāvato sukhaṇ vedanaṇ vedaya-māno,¹⁰ sukhaṇ vedanaṇ yeva vedayāmī ti pajānāti. Tena

* Pps gives this comment from the Sakkapañha-sutta-vanṇanā in full here.

¹ Pps vohāramattaṇ hoti ti.

³ Pps aññataro thero.

⁵ Pps seyyā.

⁷ Pps phālesi.

⁹ Pps vediyamāno.

² Pps vediyati.

⁴ Pps nitthananto.

⁶ Pps omits Tato.

⁸ Pps ettikā.

¹⁰ Pps vediyamāno.

yā pubbe bhūtapubbā dukkhavedanā, tassā idāni abhāvato, imissā ca sukhāya vedanāya ito paraṇ paṭhamāṇ abhāvato, vedanā nāma aniccā, adhuvā, vipariṇāma-dhammā iti hi tattha sampajāno hoti. Vuttam pi c' etaṇ¹ Bhagavatā: 'Yasmiṇ Aggivessana, samaye sukhaṇ vedanaṇ vedeti, n' eva tasmiṇ samaye dukkhaṇ vedanaṇ vedeti, na adukkhamasu-khaṇ vedanaṇ vedeti; sukhaṇ yeva tasmiṇ samaye vedanaṇ vedeti. Yasmiṇ, Aggivessana, samaye dukkhaṇ . . . pe . . . adukkhamasukhaṇ vedanaṇ vedeti; n' eva tasmiṇ samaye sukhaṇ vedanaṇ vedeti na dukkhaṇ vedanaṇ vedeti, aduk-khamasukhaṇ yeva tasmiṇ samaye vedanaṇ vedeti. Sukhā pi kho, Aggivessana, vedanā aniccā, saṅkhatā, paṭicca-samup-pannā, khayadhammā, vayadhammā, virāgadhammā, nirodha-dhammā. Dukkā pi kho, . . . pe . . . adukkhamasukhā pi kho, Aggivessana, vedanā aniccā, . . . pe . . . nirodha-dhammā. Evaṇ passaṇ, Aggivessana, sutavā ariyasāvako sukhāya pi vedanāya nibbindati, dukkhāya pi vedanāya nibbindati adukkhamasukhāya pi vedanāya nibbindati; nibbin-daṇ virajjati, virāgā vimuccati, vimuttasmiṇ vimuttam iti ñāṇaṇ hoti. Khīṇā jāti, vusitaṇ brahmacariyaṇ, kataṇ kara-ṇiyaṇ, n' āparaṇ itthattāyā ti pajānāti ti.

Sāmisāṇ vā sukhān ti ādisu sāmīsā sukhā nāma pañcakāma-guṇāmisasannissitā cha gehasita-somanassavedanā. Nirāmisā sukhā nāma cha nekkhammasitā-somanassavedanā. Sāmīsā dukkhā nāma cha gehasita-domanassavedanā. Nirāmisā duk-khā nāma cha nekkhammasita-domanassavedanā. Sāmīsā adukkhamasukhā nāma cha gehasita-upekkhāvedanā. Ni-rāmisā adukkhamasukhā nāma cha nekkhammasitā-upekkhā-vedanā. Tāsaṇ vibhāgo Sakkapañhe* vutto yeva. *Iti ajjhat-taṇ vā* ti evaṇ sukhavedanā dipariggaṇhanena attano vā ve-danāsu, parassa vā vedanāsu, kālena vā attano kālena vā parassa vedanāsu vedanānupassī viharati. *Samulayavaya-dhammānupassī* vā ti ettha pana, avijjāsamudayaṇ vedanā-samudayo ti ādihi pañcahi pañcahi ākārehi vedanānaṇ samu-

* Pps quotes Uparipaṇṇāsake (M III. 217-19) instead of Sakkapañhe.

¹ Pps vuttaṇ h' etaṇ.

dayañ ca vayanñ ca passanto samudayadhammānupassī vā vedanāsu viharati, vayadhammānupassī vā vedanāsu viharati, kālena samudayadhammānupassī, vā vedanāsu kalena vayadhammānupassī vā vedanāsu viharati ti veditabbo. Ito paraṇ kāyānupassanāyaṇ vuttanayam eva. Kevalaṇ hi idha vedanāpariggāhikā sati dukkhasaccan ti evaṇ yojanaṇ katvā vedanānaṇ pariggāhakassa¹ bhikkhuno niyyānamukhaṇ veditabbaṇ. Sesāṇ tādīsam evā ti.

Vedanānupassanā niṭṭhitā.

12. Evaṇ navavidhena vedanānupassanāsati patthānaṇ ka-thetvā, idāni soḷasavidhena cittānupassanaṇ ka-thetuṇ, *kathaṇ ca*, *bhikkhave* ti ādim āha. Tattha *sarāgan* ti atthavidhaṇ lobhasahagataṇ. *Vitarāgan* ti lokiya-kusalābyākataṇ. Idaṇ pana, yasmā sammasanaṇ,² na dhammasamodhānaṇ, tasmā idha ekapade pi lokuttaraṇ na labbhati. Sesāni cattāri akusala-cittāni n' eva purimapaḍaṇ, na pacchimapaḍaṇ bhajanti. *Sadosan* ti duvidha³-domanassa-sahagataṇ. *Vīṭadosan* ti lokiyakusalābyākataṇ. Sesāni dasa akusala-cittāni n' eva purimapaḍaṇ, nāpi pacchimapaḍaṇ bhajanti. *Samohan* ti vicikicchā-sahagataṇ c' eva uddhaccasahagataṇ cā ti duvidhaṇ. Yasmā paha moho sabbākusalesu uppajjati, tasmā sesāni pi idha vaṭṭanti ye va. Imasmiṇ ye va hi duke dvādasākusala-cittāni pariyādinnāni ti. *Vītamohan* ti lokiyakusalābyākataṇ. *Sanṅkhittan* ti thinamiddhānupatitaṇ. Etaṇ hi saṅkuṭṭita-cittaṇ⁴ nāma. *Vikkhittan* ti uddhaccasahagataṇ. Etaṇ hi pasaṭacittaṇ nāma. *Mahaggatan* ti rūpārūpāvacaraṇ. *Ama-haggatan* ti kāmāvacaraṇ. *Sa-uttaran* ti kāmāvacaraṇ. *Anut-taran* ti rūpāvacaraṇ arūpāvacaraṇ ca. Tatrāpi sa-uttaraṇ rūpāvacaraṇ. Anuttaraṇ arūpāvacaram eva, *saṁāhitan* ti yassa appanāsamādhī upa cārasamādhī vā atthi. *Asaṁāhitan* ti ubhaya-samādhivirahitaṇ. *Vimuttan* ti taḍaṅga-vikkhambhana-vimuttihi vimuttaṇ. *Avimuttan* ti ubhaya-vimutti-virahitaṇ.⁵ Samuccheda-paṭippassaddhi-nissaraṇa-vimuttinaṇ pana idha okāso 'va natthi.

¹ Pps vedanāpariggāhakassa.

² Pps dvidhaṇ.

³ Pps ubhaya-vimutti-rahitaṇ.

⁴ Pps dhamma-sammasanaṇ.

⁵ Pps saṅkucita-cittaṇ.

Iti ajjhattaṇ vā ti evaṇ sarāgādi-pariggaṇhanena yasmiṇ yasmiṇ khaṇe yaṇ yaṇ cittaṇ pavattati, taṇ taṇ sallakkhento attano vā citte, parassa vā citte, kālena vā attano, kālena vā parassa citte cittānupassī viharati. Samudayavayadhammānupassī ti ettha pana avijjāsamudayā viññāṇasamudayo ti evaṇ pañcahi pañcahi ākārehi viññāṇassa samudayo ca vayo ca nīharitabbo. Ito paraṇ vutta-nayam eva. Kevalaṇ hi idha cittapariggāhikā sati dukkhasaccan ti evaṇ padayojanaṇ katvā cittapariggāhakassa bhikkhuno niyyānamukhaṇ vedi-tabbaṇ. Sesaṇ tādīsam evā ti.

Cittānupassanā niṭṭhitā.

13. Evaṇ soḷasavidhena cittānupassanā-satipatthānaṇ kathetvā, idāni pañcavidhena dhammānupassanaṇ kathetuṇ, *kathaṇ ca, bhikkhave* ti ādim āha. Api ca Bhagavatā kāyānupassanāya suddharūpapariggaho kathito; vedanācittānupassanāhi suddha-arūpapariggaho ti. Idāni rūpārūpamissakapariggahaṇ kathetuṇ, *kathaṇ ca, bhikkhave* ti ādim āha. Kāyānupassanāya vā rūpakkhandhapariggaho 'va kathito, vedanānupassanāya vedanakkhandha-pariggaho 'va, cittānupassanāya viññāṇakkhandhapariggaho 'va. Idāni saññāsaññākharakkhandhapariggaham pi kathetuṇ, *kathaṇ ca, bhikkhave* ti ādim āha. Tattha *santaṇ* ti abhiṇha-samudācāravasena saṇvijjamānaṇ. *Asantaṇ* ti asamudācāravasena vā pahīnattā vā asaṇvijjamānaṇ. *Yathā cā* ti yena kāraṇena kāmaccchandassa uppādo hoti. *Tañ ca pajānāti* ti taṇ ca kāraṇaṇ pajānāti iti. Iminā nayena sabbapadesu attho veditabbo. Tattha subhanimitte ayoniso-manasikārena kāmaccchandassa uppādo hoti. Subhanimittaṇ nāma subham pi subhanimittaṇ, subhārammaṇam pi subha-nimittaṇ. Ayoniso-manasikāro nāma anupāya-manasikāro, uppathamanasikāro, anicce niccan ti vā, dukkhe sukhan ti vā, anattani attā ti vā, asubhe subhan ti vā manasikāro. Taṇ tattha bahulaṇ pavattayato kāmaccchando uppajjati. Ten' āha Bhagavā: Atthi, bhikkhave subhanimittaṇ. Tattha ayoniso-manasikārabahulikāro, ayam āhāro anuppannassa vā kāmaccchandassa uppādāya, uppannassa vā kāmaccchandassa bhiyyobhāvāya vepullāyā

ti.* Asubhanimutte pana yoniso-manasikāren' assa¹ pahānaṇ hoti. Asubhanimittaṇ nāma asubham pi asubhārammaṇam pi. Yoniso-manasikāro nāma upāya-manasikāro, pathama-nasikāro, anicce aniccan ti vā, dukkhe dukkhan ti vā, anat-tani anattā ti vā, asubhe asubhan ti vā manasikāro. Taṇ tattha bahulaṇ pavattayato kāmacchando pahīyati. Ten' āha Bhagavā: 'Atthi, bhikkhave, asubhanimittaṇ. Tattha yoni-so-manasikārabahulikāro, ayam āhāro anuppannassa vā kāmacchandassa anuppādāya, uppannassa vā kāmacchan-dassa pahānāyā ti.† Api ca cha dhammā kāmacchandassa pahānāya saṇvattanti: asubha-nimittassa uggaho, asubha-bhāvanānuyogo, indriyesu guttadvāratā, bhojane mattañ-ñutā, kalyāṇamittatā, sappāyakathā ti. Dasavidhaṇ hi asu-bhanimittaṇ uggaṇhantassāpi kāmacchando pahīyati, bhā-ventassāpi, indriyesu pihita-dvārassāpi, catunnaṇ pañcannaṇ ālopānaṇ okāse sati udakaṇ pivitvā yāpanasilatāya bhojane mattaññuno pi. Ten' eva vuttaṇ:

‘Cattāro pañca ālope
Abhutvā udakaṇ pive
Alaṇ phāsuvihārāya
Pahitattassa bhikkhuno' ti.‡

Asubhakammika - Tissattherasadise § asubha - bhāvanārate kalyāṇamitte sevantassāpi kāmacchando pahīyati. Thāṇa-nisajjādīsu dasa-asubhanissita-sappāyakathāya pahīyati. Tena vuttaṇ: Cha dhammā kāmacchandassa pahānāya saṇvattanti ti. Imehi pana chahi dhammehi pahīna-kāmacchandassa² arahattamaggena āyaṭṭiṇ anuppādo hoti ti pajānāti. Paṭi-ghanimutte ayoniso-manasikārena pana byāpādassa uppādo hoti. Tattha paṭigham pi paṭigha-nimittaṇ, paṭighāram-maṇam pi paṭighanimittaṇ. Ayoniso-manasikāro sabbattha ekalakkhaṇo 'va. Taṇ tasmiṇ nimutte bahulaṇ pavattayato byāpādo uppajjati. Ten' āha Bhagavā: Atthi, bhikkhave,

* S V. 64 and 103.

† Th I. 983.

‡ S V. 105.

§ Vism I. 20.

¹ Pps omits assa.

² Pps pahīnassa kāmacchandassa.

paṭighanimittañ. Tattha ayoniso - manasikāra - bahulikāro, ayam āhāro anuppannassa vā byāpādassa uppādāya, uppannassa vā byāpādassa bhiyyobhāvāya vepullāyā 'ti.* Mettāya pana cetovimuttiyā yoniso-manasikāren' assa pahānañ hoti. Tattha mettā ti vutte appanā pi upacāro pi vaṭṭati. Ceto-vimutti ti appanā 'va. Yoniso-manasikāro vuttalakkaṇo 'va. Tañ tattha bahulañ pavattayato byāpādo pahiyati. Ten' āha Bhagavā: 'Atthi, bhikkhave, mettācetovimutti. Tattha yoniso-manasikārabahulikāro, ayam āhāro anuppannassa vā byāpādassa anuppādāya, uppannassa vā byāpādassa pahānāyā 'ti.†

Api ca cha dhammā byāpādassa pahānāya saṇvattanti: Mettānimittassa uggaho, mettābhāvanānuyogo, kammassakatāpaccavekkhaṇā, paṭisaṅkhānabahulikatā,¹ kalyāṇamittatā, sappāyakathā ti. Odissaka anodissaka-disāpharaṇānañ hi aññataravasena mettañ uggaṇhantassāpi byāpādo pahiyati, odhiso anodhiso pharaṇavasena² mettañ bhaventa-sāpi. Tvañ etassa kuddho kiñ karissasi? Kim assa silādini vināsetuñ³ sakkhissasi? Nanu tvañ attano kammena āgantvā attano kammen' eva gamissasi? Parassa kujjhaṇaṇ nāma vitaccitaṅgāra⁴-tatta-aya-salākā-gūthādini gahetvā parañ paharitukāmatāsadisāñ hoti. Eso pi tava kuddho kiñ karissati? Kiñ te silādini vināsetuñ sakkhissati? Esa attano kammena āgantvā attano kammen' eva gamissati-Appaṭicchita-paheṇakañ⁵ viya, paṭivātañ khittarajomutthi viya etass' ev' esa kodho matthake patissati ti evañ attanoc a parassa ca kammassakatañ paccavekkhato pi, ubhayakam-massa-katañ paccavekkhitvā paṭisaṅkhāne ṭhitassāpi, Assa-guttattherasadise mettābhāvanārate kalyāṇamitte sevantassāpi byāpādo pahiyati. Thānanisajjādisu mettānissitasappāyakathāya pi pahiyati. Tena vuttañ: Cha dhammā byāpādassa pahānāya saṇvattanti ti. Imehi pana chahi dham-

* S V. 103.

† S V. 105.

¹ Pps paṭisaṅkhānabahulikatā.² Pps disāpharaṇavasena.³ Pps nāsetuñ.⁴ Pps vitaccikaṅgāra.⁵ Pps -paheṇakañ.

mehi pahīnassa byāpādassa anāgāmi-maggena āyatiṇ anuppādo hoti ti pajānāti.

Arati-ādīsu ayoniso-manasikārena thīna-middhassa uppādo hoti. Arati nāma ukkaṇṭhitā. Tandī nāma kāyālasīyatā Vijambhitā nāma kāya-vināmanā. Bhattasammado nāma bhattamucchā, bhattapariḷāho. Cetaso līnattaṇ nāma cit-tassa līnākāro. Imesu aratiādīsu ayoniso-manasikāraṇ ba-hulaṇ pavattayato thīnamiddhaṇ uppajjati. Ten' āha: 'Atthi, bhikkhave, arati, tandī, vijambhitā,¹ bhattasammado, cetaso ca līnattaṇ. Tattha ayoniso-manasikārabahulīkāro, ayam āhāro anuppannassa vā thīna-middhassa uppādāya, uppannassa vā thīna-middhassa bhiyyobhāvāya vepullāyā* ti. Ārambhadhātu-ādīsu pana yoniso-manasikāren' assa pahānaṇ hoti. Ārambhadhātu nāma paṭhamārambhaviri-yaṇ. Nikkamadhātu nāma kosajjato² nikkhantatāya tato balavataṇ. Parakkamadhātu nāma paraṇ paraṇ thānaṇ akkamanato tato pi balavataṇ. Imasmiṇ tippabhede viriye yoniso-manasikāraṇ bahulaṇ pavattayato thīna-mid-dhaṇ pahiyati. Ten' āha: 'Atthi, bhikkhave, ārambha-dhātu, nikkamadhātu, parakkamadhātu. Tattha yoniso-manasikārabahulīkāro, ayam āhāro anuppannassa vā thīna-middhassa anuppādāya, uppannassa vā thīna-middhassa pahānāyā ti.†

Api ca cha dhammā thīna-middhassa pahānāya saṇvat-tanti: atibhojane nimittaggāho, iriyāpatha-samparivattana-tā, āloka-saññāmanasikāro, abbhokāsavāso, kalyāṇamittatā, sappāyakathā ti. Āhāra-hatthaka-tatravaṭṭaka-alāṇsāṭaka-kākamāsaka-bhuttavamitaka-bhojanaṇ bhuñjitvā rattitṭhā-na-divāṭhāne nisinnassa hi samaṇadhammaṇ karoto thīna-middhaṇ mahāhatthī viya ottharantaṇ āgacchati. Catupañca-ālopa-okāsaṇ pana ṭhapetvā pāṇiyaṇ pivitvā yāpanasīlassa bhikkhuno taṇ na hoti ti evaṇ atibhojane nimittaṇ gaṇhantas-sāpi thīna-middhaṇ pahiyati. Yasmiṇ iriyāpathe thīna-middhaṇ okkamati, tato aññaṇ parivattentassāpi, rattin

* S V. 103.

† S V. 105.

¹ Pps vijambhikā.² Pps kossajato.

candālokaṃ dīpālokaṃ ukkālokaṃ divā suriyālokaṃ manasikarontassāpi, abbhokāse vasantassāpi, Mahā-Kassapattherasādisa pahīnathīnamiddhe kalyāṇamitte sevantassāpi thīnamiddhaṃ pahīyati. Thānanisajjādīsu dhutaṅganissita-sappāyakathāya pi pahīyati. Tena vuttaṃ : Cha dhammā thīnamiddhassa pahānāya saṃvattantī ti. Imehi pana chahi dhammehi pahīnassa thīna-middhassa arahattamaggena āyatiṃ anuppādo hotī ti pajānāti.

Cetaso avūpasame ayoniso-manasikārena uddhacca-kukkucassa uppādo hoti. Avūpasamo nāma avūpasantākāro. Uddhaccakukkuccam ev' etaṃ atthato. Tattha ayoniso-manasikāraṃ bahulaṃ pavattayato uddhaccakukkuccaṃ upajjati. Ten' āha : 'Atthi, bhikkhave, cetaso avūpasamo Tattha ayoniso-manasikārabahulikāro, ayam āhāro anuppannassa vā uddhaccakukkucassa uppādāya, uppannassa vā uddhaccakukkucassa bhiyyobhāvāya vepullāyā' ti.* Samādhisaṅkhāte pana cetaso vūpasame yoniso-manasikāren' assa pahānaṃ hoti. Ten' āha : 'Atthi, bhikkhave, cetaso vūpasamo. Tattha yoniso-manasikārabahulikāro, ayam āhāro anuppannassa vā uddhaccakukkucassa anuppādāya, uppannassa vā uddhaccakukkucassa pahānāyā ti.†

Api ca cha dhammā uddhaccakukkucassa pahānāya saṃvattanti : bahussutatā, paripucchakatā, vinaye pakataññutā, vuddhasevitā, kalyāṇamittatā, sappāyakathā ti. Bāhusaccena pi hi ekaṃ vā dve vā tayo vā cattāro vā pañca vā nikāye paḷivasena atthavasena ca uggaṇhantassāpi uddhaccakukkuccaṃ pahīyati. Kappiyākappiya-paripucchābahulassāpi Vinayapaññattiyaṃ¹ ciṇṇavasibhāvatāya pakataññuno pi, vuḍḍhe mahallakatthere upasaṅkamantassāpi, Upālittherasādisa vinayadhare kalyāṇamitte sevantassāpi uddhaccakukkuccaṃ pahīyati. Thānanisajjādīsu kappiyākappiya-nissita-sappāyakathāya pi pahīyati. Tena vuttaṃ : Cha dhammā uddhaccakukkucassa pahānāya saṃvattantī ti. Imehi pana chahi dhammehi pahīne uddhacca-kukkucce uddhaccassa

* S V. 103.

† S V. 106.

¹ Pps Vinayapakatiyaṃ.

arahattamaggena, kukkuccassa anāgāmimaggena āyatiṇ anuppādo hotī ti pajānāti.

Vicikicchāṭṭhānīyesu dhammesu ayoniso-manasikārena vicikicchāya uppādo hoti. Vicikicchāṭṭhānīyā dhammā nāma punappunaṇ¹ vicikicchāya kāraṇattā vicikicchā 'va. Tattha ayoniso-manasikāraṇ bahulaṇ pavattayato vicikicchā uppajjati. Ten' āha: 'Atthi, bhikkhave, vicikicchāṭṭhānīyā dhammā. Tattha ayoniso-manasikāra-bahulikāro, ayam āhāro anuppannāya vā vicikicchāya uppādāya, uppannāya vā vicikicchāya bhiyyobhāvāya vepullāya' ti.* Kusalesu² dhammesu yoniso-manasikārena pan' assā pahānaṇ hoti. Ten' āha: 'Atthi, bhikkhave, kusalākusalā dhammā, savajjānavajjā dhammā, sevitaḍḍhasevitaḍḍhā dhammā, hīnapañitā dhammā, kaṇhasukkasappaṭibhāgā dhammā. Tattha yoniso-manasikāra-bahulikāro, ayam āhāro anuppannāya vā vicikicchāya anuppādāya, uppannāya vā vicikicchāya pahānāya' ti.†

Api ca cha dhammā vicikicchāya pahānāya saṇvattanti: bahussutatā, paripucchakatā, Vinaye pakataññūtā, adhimokkhabahulatā, kalyāṇa-mittatā, sappāyakathā ti. Bāhussaccena pi hi ekaṇ vā . . . pe . . . pañca vā nikāye pālivasena ca atthavasena ca uggaṇhantassāpi vicikicchā pahīyati. Tīpi ratanāni arabbha paripucchābahulassāpi Vinaye cīṇa-vasībhāvassāpi. Tisu ratanesu okappaniya-saddhāsaṅkhātā-adhimokkhabahulassāpi, saddhādhimutte Vakkalittherasadise kalyāṇamitte sevantassāpi, vicikicchā pahīyati. Thānanisajjādisu tiṇṇaṇ ratanānaṇ guṇanissita-sappāyakathāya pi pahīyati. Tena vuttaṇ: cha dhammā vicikicchāya pahānāya saṇvattanti ti. Imehi pana chahi dhammehi pahānāya vicikicchāya sotāpattimaggena āyatiṇ anuppādo hotī ti pajānāti.

Iti ajjhantaṇ vā ti evaṇ pañcanīvaraṇapariggaṇhanena attano vā dhammesu, parassa vā dhammesu, kālena vā attano, kālena vā parassa dhammesu dhammānupassī viharati. Samudayavayā pan' ettha subhanimitta-asubhanimittādisu ayo-

* S V. 103.

† S V. 106.

¹ Pps punappuna.² Pps kusalādi-dhammesu.

niso-manasikāra yoniso-manasikāravasena pañcasu nīvaraneṣu vuttanayena¹ nīharitabbā. Ito paraṇ vuttanayam eva. Kevalaṇ hi idha nīvaraṇapariggāhikā sati dukkhasaccan ti evaṇ yojanaṇ katvā nīvaraṇapariggāhakassa bhikkhuno niyyānamukhaṇ veditabbaṇ. Sesaṇ tādīsam evā ti.

Nīvaraṇapabbaṇ niṭṭhitaṇ.

14. Evaṇ pañcanīvaraṇavasena dhammānupassanaṇ vibhajitvā, idāni pañcakkhandhavasena vibhajituṇ, *puna ca 'paraṇ* ti ādim āha. Tattha *pañcas' upādānakkhandhesū* ti, upādānassa khandhā upādānakkhandhā. Upādānassa paccaya-bhūtā dhammapuñjā dhammarāsayo ti attho. Ayam ettha saṅkhepo. Vitthārato pana Khandhakathā Visuddhimagge* vuttā. *Iti rūpaṇ* ti idaṇ rūpaṇ, ettakaṇ rūpaṇ, na ito paraṇ rūpaṇ atthī ti sabhāvato rūpaṇ pajānāti.² Vedanādīsu pi es' eva nayo. Ayam ettha saṅkhepo. Vitthāro³ pana rūpādīni Visuddhimagge Khandhakathāyam* eva vuttāni. *Iti rūpassa samudayo* ti evaṇ avijjāsamudayādivasena pañcaḥ' ākārehi rūpassa samudayo. *Iti rūpassa atthaṅgamo* ti evaṇ avijjānirodhādivasena pañcaḥ' ākārehi rūpassa atthaṅgamo. Vedanādīsu pi es' eva nayo. Ayam ettha saṅkhepo. Vitthāro pana Visuddhimagge Udayavayaññakathāya⁴ vutto.

Iti ajjhantaṇ vā ti evaṇ pañcakkhandhaparigganhanena attano vā dhammesu, parassa vā dhammesu, kālena vā attano, kālena vā parassa dhammesu dhammānupassī viharati. Samudayavayā pan' ettha avijjāsamudayā rūpa-samudayo ti ādīnaṇ pañcasu khandhesu vuttānaṇ paññāsāya lakkhaṇānaṇ vasena nīharitabbā. Ito paraṇ vuttanayam eva. Kevalaṇ hi idha khandha-pariggāhikā sati dukkhasaccan ti evaṇ yojanaṇ katvā khandhapariggāhakassa bhikkhuno niyyānamukhaṇ veditabbaṇ. Sesaṇ tādīsam evā ti.

Khandhapabbaṇ niṭṭhitaṇ.

* Vism ch. xiv.

† Vism ch. xx.

¹ Pps vuttā yeva.

² Pps sañjānāti.

³ Pps Vitthārena.

⁴ Pps udayabbayaññakathāyaṇ.

15. Evaṇ pañcakkhandhavasena dhammānupassanaṇ vi-bhajitvā, idāni āyatanavasena vibhajituṇ, *puna ca 'paran ti* ādim āha. Tattha *chasu ajjhattika-bāhiresu āyatanesū* ti cakkhuṇ, sotaṇ, ghāṇaṇ, jivhā, kāyo, mano ti imesu chasu ajjhattikesu; rūpaṇ, saddho, gandho, raso, phoṭṭhabbo,¹ dhammo² ti imesu chasu bāhiresu. *Cakkhuñ ca pajānāti* ti cakkhuppasādaṇ yāthāvasarasa-lakkhaṇavasena pajānāti. *Rūpe ca pajānāti* ti bahiddhā catusamutṭhānikarūpañ³ ca yāthāva-sarasa-lakkhaṇavasena pajānāti. *Yañ ca tadubha-yaṇ paṭicca uppajjati saṇyojanaṇ* ti yañ ca tañ cakkhuñ c' eva rūpe cā ti ubhayaṇ paṭicca, kāmarāga-saṇyojanaṇ, paṭigha-māna-ditṭhi-vicikicchā-silabbataparāmāsa-bhavarāga-issāmac-chariya-avijjāsaṇyojanaṇ ti dasavidhaṇ saṇyojanaṇ uppaj-jati, tañ ca yāthāva-sarasa-lakkhaṇavasena pajānāti.

Kathaṇ pan' etaṇ uppajjati ti? Cakkhudvāre tāva āpā-thagataṇ itṭhārammaṇaṇ kāmassādavasena assādayato abhi-nandato kāmarāgasāṇyojanaṇ uppajjati. Anitṭhārammaṇe kujjhato paṭighasaṇyojanaṇ uppajjati. Ṭhapetvā maṇ ko añño etaṇ ārammaṇaṇ vibhāvetuṇ samattho atthi ti maññato mānasāṇyojanaṇ uppajjati. Etaṇ⁴ rūpārammaṇaṇ niccaṇ dhuvan ti gaṇhato ditṭhi-saṇyojanaṇ uppajjati. Etaṇ⁴ rūpā-rammaṇaṇ satto nu kho sattassa nu kho ti vicikicchato vicikic-chā-saṇyojanaṇ uppajjati. Sampattibhave vata no etaṇ⁵ sulabhaṇ jātan ti bhavaṇ patthentassa bhavarāga-saṇyoja-naṇ uppajjati. Āyatim pi evarūpaṇ silabbataṇ samādiyitvā sakkā laddhun ti silabbataṇ samādiyantassa silabbata-parā-māsa-saṇyojanaṇ uppajjati. Aho vata taṇ⁶ rūpārammaṇaṇ aññe na labheyyun ti ussuyyato⁷ issā-saṇyojanaṇ uppajjati. Attanā laddhaṇ rūpārammaṇaṇ aññassa maccharāyato mac-chariya-saṇyojanaṇ uppajjati. Sabbeḥ' eva sahaajāta-aññā-ṇa-vasena avijjā-saṇyojanaṇ uppajjati.

Yathā ca anuppannassā ti yena kāraṇena asamudācāra-vasena anuppannassa vā tassa dasavidhassāpi saṇyojanaṇssa uppādo hoti, tañ ca kāraṇaṇ pajānāti. *Yathā ca uppannassā*

¹ Pps phoṭṭhabbaṇ.³ Pps catusamutṭhāniya-rūpe.⁵ Pps idaṇ.⁶ Pps etaṇ.² Pps. dhammā.⁴ Pps Evaṇ.⁷ Pps usūyato.

ti appahīnatthēna pana samudācāravasena vā uppannassa tassa dasavidhassāpi saṇyojanassa yena kāraṇena pahānaṇ hoti, tañ ca kāraṇaṇ pajānāti. *Yathā ca pahīnassā* ti tadannga-vikkhambhanappahāna-vasena pahīnassāpi tassa dasavidhassa saṇyojanassa yena kāraṇena āyatiṇ anuppādo hoti, tañ ca pajānāti.

Kena kāraṇena pan' assa āyatiṇ anuppādo hoti? Diṭṭhi-vicikicchā-sīlabbata-parāmāsa-issā-macchāriya-bhedassa tāva pañcavidhassa saṇyojanassa sotāpattimaggena āyatiṇ anuppādo hoti. Kāmarāga-paṭigha-saṇyojanadvayassa oḷārikassa sakadāgāmi-maggena, anusahagatassa anāgāmi-maggena; mānabhavarāgāvijjā-saṇyojanattayassa arahattamaggena āyatiṇ anuppādo hoti. *Sotañ ca pajānāti sadde cā* ti ādisu pi es eva nayo. Api c' ettha āyatana-kathā vitthārato Visuddhimagge Āyatananiddese* vuttanayen' eva veditabbā.

Iti ajjhattaṇ vā ti evaṇ ajjhattikāyatana-pariggaṇhanena attano vā dhammesu, bahirāyatana-pariggaṇhanena parassa vā dhammesu, kālena vā attano, kālena vā parassa dhammesu dhammānupassī viharati. Samudayavayā pan' ettha avijjā-samudayā cakkhusamudayo ti rūpāyatanādīnaṇ rūpakkhandhe, arūpāyatanesu manāyatanassa viññāṇakkhandhe, dhammāyatanassa sesakkhandhesu vuttanayena nīharitabbā. Lokuttaradhammā na gaheṭabbā. Ito paraṇ vuttanayam eva. Kevalaṇ hi idha āyatanapariggāhikā sati dukkhasaccan ti evaṇ yojanaṇ katvā āyatana-pariggāhakassa bhikkhuno niyyāna-mukhaṇ veditabbaṇ. Sesāṇ tādīsam evā ti.

Āyatanapabbaṇ niṭṭhitaṇ.

16. Evaṇ cha ajjhattika-bāhirāyatana-vasena dhammānupassanaṇ vibhajitvā, idāni bojjhaṅgavasena vibhajituṇ, *puna ca 'paran* ti ādim āha. Tattha *bojjhaṅgesū* ti bujjanakasattassa aṅgesu. *Santaṇ* ti paṭilābhavasena saṇvijjamānaṇ. Satisambojjhaṅgan ti satisaṅkhātaṇ sambojjhaṅgaṇ. Ettha hi, sambujjhati āraddhavipassakato paṭṭhāya yogāvacaro ti sambodhi. Yāya vā so satiādīkāya sattadhamma-sāmaggiyā

sambujjhati, kilesaniddāto utthāti, saccāni vā paṭivijjhati. Sā dhammasāmaggi sambodhi. Tassa sambodhissa, tassa vā sambodhiyā aṅgaṇaṇ ti sambojjhaṅgaṇ. Tena vuttaṇ: Satisaṅkhātāṇ sambojjhaṅgaṇaṇ ti. Sesa-sambojjhaṅgesu piiminā 'va nayena vacanatto veditabbo.¹

*Asantaṇ ti appaṭilābhavasena*² avijjamānaṇ. *Yathā ca anuppannassa* ti ādisu pana, sati-sambojjhaṅgassa tāva, atthi, bhikkhave, satisambojjhaṅgaṭṭhāniyā dhammā. Tattha yoniso-manasikārabahulikāro, ayam āhāro anuppannassa vā satisambojjhaṅgassa uppādāya, uppannassa vā satisambojjhaṅgassa bhiyyobhāvāya vepullāya bhāvanāya pāripūriyā saṇvattati,* ti. Evaṇ uppādo ti.³ Tattha sati yeva satisambojjhaṅgaṭṭhāniyā dhammā. Yoniso manasikāro vuttalakhaṇo yeva. Taṇ tattha bahulaṇ pavattayato satisambojjhaṅgo uppajjati.

Api ca cattāro dhammā satisambojjhaṅgassa uppādāya saṇvattanti: sati-sampajaññaṇ, mutthassati-puggala-parivajjanatā, upaṭṭhitassatipuggala-sevanatā, tadadhimuttatā ti. Abhikkantādisu hi sattaṇ ṭhānesu satisampajaññaṇena bhatanikkhitta - kāka - sadisa - mutthassatipuggala - parivajjanena, Tissadattatthera Abhayattherasadiṇ upaṭṭhitassatipuggala-sevanena, ṭhānanisajjādīsu satisamutthāpanatthaṇ ninna-poṇa-pabbhāracittatāya ca satisambojjhaṅgo uppajjati. Evaṇ catūhi kāraṇehi uppannassa paṇ' assa arahattamaggena bhāvanā-pāripūri hoti ti pajānāti.

Dhamma-vicaya-sambojjhaṅgassa pana 'Atthi, bhikkhave, kusalākusalā dhammā . . . pe . . . kaṇhasukka-sappaṭibhāgā dhammā. Tattha yoniso-manasikāra-bahulikāro ayam āhāro anuppannassa vā dhamma-vicaya-sambojjhaṅgassa uppādāya, uppannassa vā dhamma-vicaya-sambojjhaṅgassa bhiyyobhāvāya vepullāya bhāvanāya pāripūriyā saṇvattati tiṭ evaṇ uppādo hoti.

Api ca satta dhammā dhamma-vicaya-sambojjhaṅgassa uppādāya saṇvattanti: paripucchakatā, vatthuvisadakiri-

* S V. 65.

† S V. 66.

¹ Pps datṭhabbo.

² Pps apaṭiladdha-vasena.

³ Pps hoti.

yā, indriyasamatta-paṭipādanā, duppaññaṇapuggalaparivajjanā, paññāvantapuggalasevanā, gambhīraññāpacariyapaccavekkhanā, tadadhimuttatā ti. Tattha paripucchakatā ti khandha-dhātu-āyatana-indriya-bala-bojjhaṅga-maggaṅga-jhānaṅga-samathavipassanānaṃ attha-sannissita-paripucchābahūlatā.

Vatthuvisadakiriyā ti ajjhattika-bāhirānaṃ vatthūnaṃ visa-dabhāva-karaṇaṃ. Yadā hi 'ssa kesa-nakha-lomāni dīghāni honti, sarīraṃ vā ussannadosaṃ c' eva seda-mala-makkhitaṃ ca, tadā ajjhattikaṃ vatthuṃ avisadaṃ hoti aparisuddhaṃ. Yadā pana cīvaraṃ jinnaṃ kiliṭṭhaṃ duggandhaṃ hoti, senāsanaṃ vā uklāpaṃ, tadā bāhiravatthu avisadaṃ hoti aparisuddhaṃ. Tasmā kesādicchedāpanena¹ uddhaṃ-virecana-adho-virecanādīhi sarīra-sallahuka-bhāvakaraṇena, ucchādana-nahāpanena ca ajjhattikavatthu visadaṃ kātabbaṃ. Sūcikkamma-dhovana-rajana paribhaṇḍakaraṇādīhi bāhiravatthu visadaṃ kātabbaṃ. Etasmiṃ hi ajjhattika-bāhire vatthumhi avisa-de, uppannesu citta-cetasikesu ñāṇam pi avisadaṃ hoti aparisuddhaṃ, aparisuddhāni dīpakapalla-vaṭṭi-telāni nissāya uppannadīpasikhāya obhāso viya. Visade pana ajjhattika-bāhire vatthumhi uppannesu cittacetasikesu ñāṇam pi visadaṃ hoti, parisuddhāni dīpakapallaka vaṭṭi-telāni nissāya uppanna-dīpasikhāya obhāso viya. Tena vuttaṃ: Vatthuvisadakiriyā dhamma-vicaya-sambojjhaṅgassa uppādāya saṃvattatī ti.

Indriyasamattapaṭipādanā nāma saddhādīnaṃ indriyānaṃ samabhāvakaraṇaṃ. Sace hi issa saddhindriyaṃ balavaṃ hoti, itarāni mandāni, tato viriyindriyaṃ paggaḥakiccaṃ, satindriyaṃ upaṭṭhānakiccaṃ, samādhindriyaṃ avikkhepa-kiccaṃ, paññindriyaṃ dassanakiccaṃ kātuṃ na sakkoti. Tasmā taṃ dhamma-sabhāva-paccavekkhanena vā, yathā vā manasikāroto balavaṃ jātaṃ, tathā amansikārena hāpetabbaṃ. Vakkalittheravatthu* c' ettha nidassanaṃ. Sace pana viriyindriyaṃ balavaṃ hoti, atha² saddhindriyaṃ adhimokkha-kiccaṃ kātuṃ na sakkoti, na itarāni itarakiccabhedanaṃ. Tasmā

* S III. 120.

¹ Pps kesādicchedanena.

² Pps atha n'eva.

taṇ passaddhādibhāvanāya hāpetabbaṇ. Tatrāpi Soṇattherassa* vatthu sotabbaṇ.¹ Evaṇ sesesu pi ekassa balavabhāve sati itaresaṇ attano kiccesu asamatthata veditabbā.

Visesato pan' ettha saddhā-paññānaṇ, samādhi-viriyaṇaṇ ca samataṇ pasaṇsanti. Balavasaddho hi mandapañño mudhappasanno hoti, avatthusmiṇ pasidati. Balavapañño mandasaddho kerāṭikapakkaṇ bhajati, bhesajjasamuttūhito viya rogo atekiccho hoti; cittuppādamatten' eva kusalaṇ hoti ti atidhāvitvā dānādini akaronto niraye uppajjati. Ubhinnaṇ samatāya vatthusmiṇ yeva pasidati. Balavasamādhiṇ pana mandaviriyaṇ, samādhissa kosajja-pakkhattā kosajjaṇ abhibhavati. Balavaviriyaṇ mandasamādhiṇ, viriyassa uddhaccapakkhattā, uddhaccaṇ abhibhavati. Samādhi pana viriyena saṇyojito kosajje patituṇ na labhati. Viriyaṇ samādhinā saṇyojitaṇ uddhacce patituṇ na labhati. Tasmā tadubhayaṇ samaṇ kātabbaṇ. Ubhayasamatāya hi appanā hoti. Api ca samādhikammikassa balavati pi saddhā vaṭṭati. Evaṇ saddahanto okampento² appanaṇ pāpuṇissati. Samādhipaññāsu pana samādhikammikassa ekaggatā balavati vaṭṭati. Evaṇ hi so appanaṇ pāpuṇāti. Vipassanā-kammikassa paññā balavati vaṭṭati. Evaṇ hi so lakkhaṇapaṭivedhaṇ pāpuṇāti. Ubhinnaṇ pana samatāya pi appanā hoti yeva. Sati pana sabbattha balavati vaṭṭati. Sati hi cittaṇ uddhaccapakkhikānaṇ saddhā-viriya-paññānaṇ vasaṇā uddhaccapātato, kosajjapakkhikena ca samādhinā kosajjapātato rakkhati. Tasmā sā loṇa-dhūpanaṇ viya sabbabyañjanesu, sabbakammika-amacco viya ca sabba-rāja-kiccesu, sabbattha icchitabbā. Ten' āha: 'Sati ca pana sabbatthikā vuttā Bhagavatā. Kiṇ-kāraṇā? Cittaṇ hi satipaṭisaraṇaṇ. Ārakkha-paccupaṭṭhānā ca sati. Na vinā satiyā cittassa paggaḥa-niggaho hoti ti.

Duppaññapuggala-parivajjanā nāma khandhādibhede anogāḥa-paññānaṇ dummedha-puggalānaṇ ārakā parivajjanaṇ. Paññāvanta-puggalasevanā nāma samapaññāsalakkhaṇa-pa-

* Vin I. 182-3, and A III. 373-4.

¹ Pps dassetabbaṇ.

² Pps okampento.

riggāhikāya udayabbayapaññāya samannāgata-puggala-seva-nā. Gambhīra-ñāpacariya-paccavekkhanā nāma gambhīresu khandhādīsu pavattāya gambhīrapaññāya pabheda-paccavekkhanā. Tadadhimuttatā nāma ṭhāna-nisajjādīsu dhamma-vicaya-sambojjhaṅga-samuṭṭhāpanatthaṇṇa¹-pona-pabbhāra-cittatā. Evaṇ uppannassa paṇ'assa arahatta-maggena bhāvanā-pāripūrī hotī ti pajānāti.

Viriya-sambojjhaṅgassa, 'Atthi, bhikkhave, ārambha-dhātu, nikkama-dhātu, parakkama-dhātu. Tattha yoniso-manasikāra-bahulikāro, ayam āhāro anuppannassa vā viriya-sambojjhaṅgassa uppādāya, uppannassa vā viriyasambojjhaṅgassa bhiyyobhāvāya vepullāya bhāvanāya pāripūriyā saṇvattatī² ti evaṇ uppādo hoti.

Api ca ekadasa dhammā viriya-sambojjhaṅgassa uppādāya saṇvattanti: apāya-bhaya-paccavekkhanatā, ānisaṇsa-dassāvitā, gamana-vīthi-paccavekkhanatā, piṇḍapātāpacāyanatā, dāyajja-mahatta-paccavekkhanatā, satthumahatta-paccavekkhanatā, jāti-mahatta-paccavekkhanatā, sabrahmacāri-mahatta-paccavekkhanatā, kusīta-puggala-parivajjanatā, āradha-viriya-puggalasevanatā, tadadhimuttatā ti.

Tattha, nirayesu pañcavidha-bandhana-kamma-kāraṇato³ patthāya mahā-dukkhānubhavanakāle,⁴ pi tiracchāna-yoniyaṇ jālakhipana-kumīnādīhi gahitakāle pi, pājana⁵-kaṇṭakā-dippahāratunnassa sakāṭa-vahanādīkale pi, Pettivisaye anekāni pi vassa-sahassāni ekaṇ Buddhantaram pi khuppipāsāhi aturībhūtakāle pi, Kālakaṇṭhika⁶-asuresu satṭhihattha-asīti-hatthappamaṇena atṭhi-camma-matten' eva attabhāvena vātātapādi-dukkhānubhavanakāle pi na sakkā viriya-sambojjhaṅgaṇ uppādetuṇ, ayam eva te bhikkhu⁷ kālo viriya karaṇāyā ti⁸ evaṇ apāya-bhayaṇ paccavekkhantassāpi viriya-sambojjhaṅgo uppajjati. Na sakkā kusītena navalokuttara-dhammaṇ⁹ laddhuṇ, āradhaviyiyen' eva sakkā, ayam ānisaṇso

* S V. 66.

¹ Pps tanninna°.

² Pps °dukkhaṇ anubhavanakāle.

³ Pps Kālakaṇṭhika°.

⁴ Pps omits viriya karaṇāya ti.

⁵ Pps °kāraṇato.

⁶ Pps pācana°.

⁷ Pps omits bhikkhu.

⁸ Pps °dhammā.

viriyassā ti evaṇ ānisaṇsa-dassāvino pi uppajjati. Sabba-Buddha-Pacceka-buddha-mahāsāvakehi te gata-maggo gantabbo, so ca na sakkā kusītena gantun ti evaṇ gamana-vīthiṇ paccavekkhantassāpi uppajjati. Ye taṇ piṇḍapātādīhi upaṭṭhahanti, ime te manussā n' eva ñātakā, na dāsakammakarā, nāpi taṇ nissāya jīviṣṣāmā ti te paṇitāni cīvarādīni¹ denti. Atha kho attano kārānaṇ mahapphalataṇ paccāsisamānā² denti. Satthārā pi, ayaṇ ime paccaye paribhuñjitvā kāyadaḍḍhi-bahulō³ sukhaṇ viharissatī ti na evaṇ sampassatā tuyhaṇ pac-cayā anuññatā. Atha kho, evaṇ ime paribhuñjamāno sama-ṇa-dhammaṇ katvā vaṭṭadukkhaṭo muccissatī ti te paccayā anuññatā. So dāni tvaṇ kusīto viharanto na taṇ piṇḍaṇ⁴ apacāyissati. Āraddha-viriyass' eva hi piṇḍapātāpacāyanaṇ nāma hotī ti evaṇ piṇḍapātāpacāyanaṇ paccavekkhantassāpi upajjati.

Ayyamittattherassa⁵ viya. Thero kira Kassakalene nāma paṭivasati. Tassa ca gocaragāme ekā mahā-upāsikā therāṇ puttaṇ katvā paṭijaggati. Sā ekadivasaṇ araṇṇaṇ gacchantī dhitarāṇ āha: Amma, asukasmiṇ ṭhāne purāṇataṇḍulā, asu-kasmiṇ sappi, asukasmiṇ khīraṇ, asukasmiṇ phāṇitaṇ. Tava bhātikassa ayya Mittassa⁶ āgatakāle bhattaṇ pacitvā khīra-sappi-phāṇitehi saddhiṇ dehi. Tvaṇ ca bhuñjeyyāsi. Ahaṇ pana hiyyo pakka-pārivāsika-bhattaṇ kañjiyena bhuñjāmi ti. 'Divā kiṇ bhuñjissasi amma' ti? 'Sākapaṇṇaṇ pakkhipitvā kaṇataṇḍulehi ambilayāguṇ pacitvā ṭhapehi amma' ti.

Thero cīvaraṇ pārupitvā pattaṇ nīharanto 'va'⁷ taṇ saddaṇ sutvā attānaṇ ovadi: Mahā-upāsikā kira kañjiyena pārivāsika-bhattaṇ bhuñji, divā pi kaṇa-paṇṇambila-yāguṇ bhuñjissati. Tuyhaṇ atthāya pana purāṇa-taṇḍulādīni ācikkhati. Taṇ nissāya kho pan' esā n' eva khettaṇ, na vatthuaṇ, na bhattaṇ, na vatthaṇ paccāsisati.⁸ Tisso pana sampattiyo patthaya-mānā deti. Tvaṇ etissā tā sampattiyo dātuṇ sakkhissasi, na sakkhissasī ti? Ayaṇ kho pana piṇḍapāto tayā sarāgena,

¹ Pps piṇḍapātādīni.

² Pps kāyadaḍḍhi-bahulō.

³ Pps Maha-Mittattherassa.

⁴ Pps omits 'va'.

⁵ Pps paccāsiṇsamānā.

⁶ Pps piṇḍapātaṇ.

⁷ Pps Mittattherassa.

⁸ Pps paccāsiṇsati.

sadosena, samohena na sakkā gaṇhitun ti pattaṇṇ thavikāya pakkhipitvā gaṇṭhikaṇṇ muṇcitvā nivattitvā Kassakaleṇam eva gantvā pattaṇṇ heṭṭhā-maṇice, cīvaraṇṇ cīvaravaṇṇse ṭhapetvā, arahattaṇṇ apāpunitvā na nikkhamissāmī ti viriyaṇ adhiṭṭhahitvā nisīdi. Dīgharattaṇṇ appamatto hutvā nivuttha-bhikkhu vipassanaṇṇ vaḍḍhetvā purebhattam eva arahattaṇṇ patvā, vikasamānam iva padumaṇṇ, mahākhīṇāsavo sitaṇṇ karonto 'va nisīdi.¹ Leṇadvāre rukkhamaṇṇi adhivatthā devatā,

Namo te purisājañña,
 Namō te purisuttama
 Yassa te āsavā khīṇā
 Dakkhiṇeyyo 'si mārisā ti.*

udānaṇṇ udānetvā, bhante, piṇḍāya pavitṭhānaṇṇ tumhādisānaṇṇ arahantānaṇṇ bhikkhaṇṇ datvā mahallakittiyo dukkhā muṇcissanti ti āha.

Thero utṭhahitvā dvāraṇṇ vivaritvā kālaṇṇ olokento pāto yevā ti ñatvā pattacīvaram ādāya gāmaṇṇ pāvīsi. Dārīkā pi bhattaṇṇ sampādetvā, idāni me bhātā āgamissati, idāni āgamissati ti dvāraṇṇ olokayamānā nisīdi. Sā there ghara-dvāraṇṇ sampatte pattaṇṇ gahetvā sappi-phāṇita-yojitassa khīra-piṇḍa-pātassa pūretvā hatthe ṭhapesi. Thero, sukhaṇṇ hotū ti anumodanaṇṇ katvā pakkami. Sā pi taṇṇ olokayamānā atṭhāsī. Therassa hi tadā ativiya parisuddho chavivaṇṇo ahosi, vipasannāni indriyāni, mukhaṇṇ bandhanaṇṇ pavuttatālapakkaṇ² viya ativiya virocittha. Mahā-upāsikā araṇṇā āgantvā, kiṇṇ, amma, bhātiko te āgato ti pucchi. Sā sabbaṇṇ taṇṇ pavattiṇ ārocesi. Upāsikā, ajja mama puttassa pabbajitakiccaṇṇ matthaṇṇ pattaṇṇ ti ñatvā, abhiraṇṇati te, amma bhātā Budha-sāsane na ukkaṇṇthati ti āha.

Mahantaṇṇ kho paṇ' etaṇṇ satthu-dāyaṇṇaṇṇ yadidaṇṇ satta ariyadhaṇṇāni nāma. Taṇṇ na sakkā kusītena gahetuṇṇ. Yaṭhā hi vippatipannaṇṇ puttaṇṇ mātāpitāro, ayaṇṇ amhākaṇṇ

* Cp. Sn 544; A V. 325.

¹ Pps nikkhami.

² Pps muttatālapakkaṇ.

aputto ti paribāhiraṇ karonti. So tesañ accayena dāyajjaṇ na labhati. Evaṇ kusīto pi idaṇ ariyadhana-dāyajjaṇ na labhati. Āraddha-viriyo 'va labhati ti dāyajjamahattaṇ paccavekkhato pi uppajjati. Mahā kho pana te Satthā. Satthuno hi te mātu-kucchismiṇ paṭisandhi-gaṇhana-kāle pi abhinikkhamane pi, abhisambodhiyam pi, dhamma-cakkapa-vattana-yamaka-pāṭihāriya-devorohana-āyusaṅkhāra-vossaj-janesu pi, parinibbānakāle pi dasasahassī-lokadhātu akampittha.¹ Yuttaṇ nu te evarūpassa Satthu-sāsane pabbajitvā kusītena bhavitun ti evaṇ Satthu-mahattaṇ paccavekkhato pi uppajjati. Jātiyā pi tvaṇ idāni na lāmaka-jātiko. Asambhinnāya Mahā-Sammata-paveṇiyā āgata-Okkāka-rājavaṇse jāto 'si, Suddhodana-mahārājassa ca Mahā-Māyādeviyā ca nattā, Rāhulabhaddassa kaṇiṭṭho. Tayā nāma evarūpena Jinaputtena hutvāna yuttaṇ kusītena viharitun ti evaṇ jāti-mahattaṇ paccavekkhato pi uppajjati. Sāriputta-Mahā-Moggalānā c' eva asīti ca mahāsāvaka viriyeṇ' eva lokuttaradhammaṇ paṭivijjhiṇsu. Tvaṇ etesaṇ sabrahmacārīnaṇ maggaṇ paṭipajjasi, na patipajjasi ti evaṇ sabrahmacāri-mahattaṇ paccavekkhato pi uppajjati. Kucchiṇ pūretvā ṭhita-ajagara-sadise visaṭṭhakāyika-cetasikaviriye kusītapuggale parivaj-jentassāpi, āraddhaviriye pahitatte puggale sevantassāpi, ṭhāna-nisaṃjādisu viriyuppādanatthaṇ ninna-poṇa-pabbhāra-cittassāpi uppajjati. Evaṇ uppannassa pan' assa arahattā-maggena bhāvanāpāripuri hoti ti pajānāti.

Pīti-sambojjhaṅgassa, Atthi, bhikkhave, pītisambojjhaṅg-ṭṭhāniyā dhammā. Tattha yoniso-manasikārabahulikāro, ayam āhāro anuppannassa vā pīti-sambojjhaṅgassa uppādāya, uppannassa vā pīti-sambojjhaṅgassa bhiyyo-bhāvāya vepul-lāya bhāvanāya pāripūriyā saṇvattatī* ti evaṇ uppādo hoti. Tattha pīti yeva pīti-sambojjhaṅgaṭṭhāniyā dhammā nāma. Tassa uppādaka-manasikāro yoniso-manasikāro nāma.

Api ca ekādasa dhammā pītisambojjhaṅgassa uppādāya saṇvattanti: Buddhānussati, Dhamma-saṅgha-sīla-cāga-deva-

* S V. 66.

¹ Pps kampittha.

tānussati, upasamānussati, lūkha-puggala-parivajjanatā, siniddha-puggala-sevanatā pasādaniya-suttanta-paccavekkhanatā tadadhimuttatā ti.

Buddhagūṇe anussarantassāpi hi yāva upacārā sakala-sarīraṇ pharamāno pīti-sambojjhaṅgo uppajjati. Dhamma-saṅghagūṇe anussarantassāpi, dīgha-rattaṇ akhaṇḍaṇ katvā rakkhitaṇ catupārisuddhisīlaṇ paccavekkhantassāpi gihino pi dasasīlaṇ pañcasīlaṇ paccavekkhantassāpi, dubbhikkhabhayādīsu pañīta-bhojanaṇ sabrahma-cārīnaṇ datvā: evaṇ nāma adamhā ti cāgaṇ paccavekkhantassāpi, gihino pi evarūpe kāle sīlavantānaṇ dinnadānaṇ paccavekkhantassāpi, yehi guṇehi samannāgatā devatā¹ devattaṇ pattā, tathārūpānaṇ guṇānaṇ attani atthitaṇ paccavekkhantassāpi, samāpattiyā vikkhambhitā kilesā saṭṭhi pi sattati pi vassāni na samudācaranti ti paccavekkhantassāpi, cetiya-dassana-bodhi-dassana-thera-dassanesu asakkaccakiriyāya saṅsūcita-lūkhabhāvena Buddhādīsu pasāda-sinehābhāvena gadrabha-piṭṭhe rajasadise lūkha-puggale parivajjantassāpi, Buddhādīsu pasādabahule muducitte siniddha-puggale sevantassāpi, ratanattaya-guṇa-paridīpake pasādaniya-suttante paccavekkhantassāpi, ṭhānanisajjādīsu pīti-uppadānatthaṇ ninna-poṇa-pabbhāra-cittasāpi uppajjati. Evaṇ uppannassa paṇ' assa arahattamaggena bhāvanāpāripūrī hoti ti pajānāti.

Passaddhi-sambojjhaṅgassa, 'Atthi, bhikkhave, kāya-passaddhi, cittapassaddhi. Tattha yoniso-manasikāra-bahulīkāro, ayam āhāro anuppannassa vā passaddhi-sambojjhaṅgassa uppādāya, uppannassa vā passaddhi-sambojjhaṅgassa bhiyyobhāvāya vepullāya bhāvanāya pāripūriyā saṇvattatī ti* evaṇ uppādo hoti.

Api ca satta dhammā passaddhi-sambojjhaṅgassa uppādāya saṇvattanti: pañīta-bhojanasevanatā, utusukha-sevanatā, iriyāpatha-sukha-sevanatā, majjhata-payogatā, sāraddha-kāya-puggala-parivajjanatā, passaddha-kāya-puggala-sevanatā, tadadhimuttatā ti.

Pañītaṇ hi siniddhaṇ sappāya-bhojanaṇ bhuñjantassāpi,

* S V. 66.

¹ Pps omits devatā.

sītuṇhesu ca utūsu, ṭhānādisu ca iriyāpathesu sappāyautuṇ ca iriyāpathaṇ ca sevantassāpi passaddhi uppajjati. Yo pana mahāpurisajātiko sabba-utu-iriyāpathakkhamo hoti, na taṇ sandhāy' etaṇ vuttaṇ. Yassa sabhāga-visabhāgatā atthi, tass' eva visabhāge utu-iriyāpathe vajjetvā sabhāge sevantassa uppajjati. Majjhattapayogo vuccati attano ca parassa ca kammassakatā-paccavekkhanā. Iminā majjhattapayogena uppajjati. Yo leḍḍudaṇḍādīhi paraṇ vihetthayamāno vicarati, evarūpaṇ sāraddhakāyaṇ puggalaṇ parivajjantassāpi, saṇyata-pādapāṇiṇ passaddha-kāyaṇ puggalaṇ sevantassāpi, ṭhāna-nissajjādīsu passaddhi-uppādanatthāya ninna-poṇa-pabbhāra-cittassāpi uppajjati. Evaṇ uppannassa pan' assa arahattamaggena bhāvanāpāripūrī hoti ti pajānāti.

Samādhi-sambojjhaṅgassa, 'Atthi, bhikkhave, samathanimittaṇ abyaggaṇimittaṇ. Tattha yoniso-manasikāra-bahulīkāro, ayam āhāro anuppannassa vā samādhi-sambojjhaṅgassa uppādāya, uppannassa vā samādhi-sambojjhaṅgassa bhiyyo-bhāvāya vepullāya bhāvanāya pāripūriyā saṇvattatī' ti* evaṇ uppādo hoti. Tattha samatho 'vā samathanimittaṇ, avikkhepanatṭhena ca abyaggaṇimittan ti.

Api ca ekādasa dhammā samādhi-sambojjhaṅgassa uppādāya saṇvattanti: vatthu-visada-kiriyatā, indriya-samatta-paṭipādanatā, nimitta-kusalatā, samaye cittassa paggaṇhanatā, samaye cittassa niggaṇhanatā, samaye sampahaṇsanatā, samaye ajjhupekkhanatā, asamāhita-puggala-parivajjanatā, samāhita-puggala-sevanatā jhāna-vimokkha-paccavekkhanatā, tadadhimuttatā ti.

Tattha vatthu-visadakiriyatā ca indriyasamatta-paṭipādanatā ca vutta-nayen' eva veditabbā. Nimitta-kusalatā nāma kaṣiṇa-nimittassa uggahaṇa-kusalatā, samaye cittassa paggaṇhanatā ti yasmiṇ samaye atisithilaviriyatādīhi līnaṇ cittaṇ hoti, tasmiṇ samaye dhamma-vicaya-viriya-pīti-sambojjhaṅga-samuṭṭhāpanena tassa paggaṇhanaṇ. Samaye cittassa niggaṇhanatā ti yasmiṇ samaye āraddha¹-viriyatādīhi ud-

* S V. 66.

¹ Pps accāraddha.

dhatan cittaṇ hoti, tasmiṇ samaye passaddhi-samādhī-upek-khā-sambojjhaṅga-samuṭṭhāpanenat assa niggaṇṇhanaṇ.

Samaye sampahaṇsanatā ti yasmiṇ samaye cittaṇ paññāpayo-ga-mandatāya vā upasama-sukhānadhigamena vā nirassādaṇ hoti, tasmiṇ samaye aṭṭhasaṇvega-vatthu-paccavekkhaṇena saṇvejeti. Aṭṭha saṇvega-vatthūni nāma jāti-jarā-byādhi-maraṇāni cattāri, apāya-dukkhaṇ pañcamaṇ, atite vaṭṭamū-lakaṇ dukkhaṇ, anāgate vaṭṭamūlakaṇ dukkhaṇ, paccuppanne āhāra-pariyetṭhi-mūlakaṇ dukkhaṇ ti. Ratanattaya-guṇā-nussaraṇena ca pasādaṇ janeti. Ayaṇ vuccati samaye sam-pahaṇsanatā ti. Samaye ajjupekkhaṇatā nāma yasmiṇ

samaye sammāpaṭipattiṇ āgamma alīnaṇ anuddhataṇ aniras-sādaṇ ārammaṇe sammappavattaṇ samathavīthi-paṭipannaṇ cittaṇ hoti, tad' assa paggaha-niggaha-sampahaṇsanesu na byāpādaṇ¹ āpajjati, sārathi viya āraddha-vīriya-samappavat-tesu assesu. Ayaṇ vuccati samaye ajjupekkhaṇatā ti.

Asamāhita-puggala-parivajjanatā nāma upacāraṇ vā appanaṇ vā appattānaṇ vikkhitta-cittānaṇ² ārakā parivajjanaṇ. Samā-hita-puggala-sevanā³ nāma upacārena vā appanāya vā samā-hita-cittānaṇ sevanā, bhajanā, payirupāsana. Tadadhimut-tatā nāma ṭhāna-nisajjādīsu samādhī-uppādanatthaṇ yeva ninna-poṇa-pabbhāracittatā. Evaṇ hi paṭipajjato esa up-pajjati. Evaṇ uppannassa pan' assa arahattamaggena bhā-vanāpāripūrī hoti ti pajānāti.

Upekkhā-sambojjhaṅgassa, 'Atthi, bhikkhave, upekkhā-sambojjhaṅgaṭṭhāniyā dhammā. Tattha yoniso-manasikarā-bahulikāro, ayam āhāro anuppannassa vā upekkhā-samboj-jhaṅgassa uppādāya, uppannassa vā upekkhā-sambojjhaṅ-gassa, bhiyyobhāvāya vepullāya bhāvanāya pāripūriyā saṇ-vattatī' ti* evaṇ uppādo hoti. Tattha upekkhā 'va upekkhā-sambojjhaṅgaṭṭhāniyā dhammā nāma.

Api ca pañca dhammā upekkhā-sambojjhaṅgassa uppā-dāya saṇvattanti: satta-majjhattatā, saṅkhāra-majjhattatā

* S V. 67.

¹ Pps vyāpāraṇ.

² Pps has puggatanam after -°cittānaṇ.

³ Pps °sevanatā.

satta-saṅkhāra-kelāyana-puggala-parivajjanatā, satta-saṅkhāra-majjhatta-puggala-sevanatā, tadadhimuttatā ti. Tattha dvih' ākārehi satta-majjhattataṇ samuṭṭhāpeti: Tvaṇ attano kammena āgantvā attano 'va kammena gamissasi,¹ eso pi attano 'va kammena āgantvā attano 'va kammena gamissati, tvaṇ kaṇ kelāyasi ti evaṇ kammassakatā-paccavekkhaṇena; paramatthato satto yeva n' atthi, so tvaṇ kaṇ kelāyasi ti evaṇ nissatta-paccavekkhaṇena cā ti. Dvih' ev' ākārehi saṅkhāra-majjhattataṇ samuṭṭhāpeti: Idaṇ cīvaraṇ anupubbena vaṇṇavikārataṇ c' eva jīṇṇabhāvaṇ ca upagantvā pādapuñchana-colakaṇ hutvā yaṭṭhikoṭiyā chaddaniyaṇ bhavissati, sace pan' assa sāmiko bhaveyya, n' assa evaṇ vinassituṇ dadeyyā ti evaṇ assāmika-bhāva-paccavekkhaṇena ca; anaddhaniyaṇ idaṇ tāva-kālīkaṇ ti evaṇ tāvakālīka-bhava-paccavekkhaṇena cā ti. Yathā ca cīvare, evaṇ pattādīsu pi yojanā kātābbā.

Satta-saṅkhāra-kelāyana-puggala-parivajjanatā ti ettha, yo puggalo gihī vā attano puttadhītādike, pabbajito vā attano antevāsika-samānupajjhāyakādike mamāyati, sahatthen' eva nesaṇ kesacchedana-sūcikkamma-cīvaradhovana-rajana-pattapacanādīni karoti, muhuttam pi apassanto, asuko sāmaṇero kuhiṇ, asuko daharo kuhin ti bhantamigo viya ito c' ito ca oloketi,² aññena kesacchedanādīnaṇ atthāya, muhuttaṇ asukaṇ pesethā ti yāciyamāno pi, amhepi taṇ attano kammaṇ na kārema, tumhe naṇ³ gahetvā kilamissathā⁴ ti na deti, ayaṇ sattakelāyano nāma. Yo pana cīvara-patta-thālaka-kattara-yaṭṭhiādīni mamāyati, aññassa hatthena parāmasitum pi na deti, tāvakālīkaṇ yācito, mayam pi idaṇ mamāyantā na paribhuñjāma, tumhākaṇ kiṇ dassāmā ti vadati, ayaṇ saṅkhārakelāyano nāma. Yo pana tesu dvīsu pi vatthūsu majjhatto udāsīno. ayaṇ satta-saṅkhāra-majjhatto nāma. Iti ayaṇ upekkhā-sambojhaṇṇo evarūpaṇ satta-saṅkhāra-kelāyana-puggalaṇ⁵ ārakā parivajjantassāpi,⁶ satta-saṅkhāra-majjhatta-puggalaṇ⁵ sevantassāpi, ṭhānanisajjādīsu tad uppādanatthaṇ ninna-popa-

¹ Pps gamissati.² Pps taṇ.³ Pps -°puggale.⁴ Pps āloketi.⁵ Pps kilamessathā.⁶ Pps parivajjantassāpi.

pabbhāra-cittassāpi uppajjati. Evaṃ uppannassa pan' assa arahatta-maggena bhāvanā-pāripūrī hotī ti pajānāti.

Iti ajjhataṇ vā ti evaṃ attano vā satta sambojjhaṅge parigaṇhitvā, parassa vā, kālena vā attano kālena vā parassa sambojjhaṅge parigaṇhitvā dhammesu dhammānupassī viharati. Samudayavayā pan' ettha sambojjhaṅgānaṃ nibbatti-virodhavasena veditabbā. Ito paraṃ vuttanayam eva. Kevalaṃ hi idha bojjhaṅgapariggāhikā sati dukkhasaccan ti evaṃ yojanaṃ katvā bojjhaṅga-pariggāhakassa bhikkhuno niyānamukhaṃ veditabbaṃ. Sesaṃ tādīsam evā ti.

Bojjhaṅgapabbaṃ niṭṭhitaṃ.

17. Evaṃ satta-bojjhaṅga-vasena dhammānupassanaṃ vibhajitvā, idāni catusaccavasena vibhajituṃ, *puna ca 'paraṃ* ti ādim āha. Tattha *idaṃ dukkhaṃ ti yathābhūtaṃ pajānāti* ti ṭhapetvā taṇhaṃ tebhūmaka-dhamme, idaṃ dukkhaṃ ti yathā-sabhāvato pajānāti. Tass' eva kho pana dukkhassa janikaṃ samuṭṭhāpikaṃ purimataṇhaṃ, ayaṃ dukkhasamudayo ti, ubhinnaṃ appavatti nibbānaṃ, ayaṃ dukkha-nirodho ti, dukkha-parijānanaṃ samudaya-pajahanaṃ nirodha-sacchikaraṇaṃ ariyamaggaṃ, ayaṃ dukkha-nirodha-gāmini-paṭipadā ti yathā-sabhāvato pajānāti ti attho. Avasesā ariyasaccakathā ṭhapetvā jātiādīnaṃ padabhājanakathaṃ Visuddhimagge* vitthāritā ye va.†

18. Padabhājane pana *katamā ca bhikkhave jātī* ti bhikkhave yā jāti pi dukkhā ti evaṃ vuttā jāti sā katamā ti evaṃ sabba-pucchāsu attho veditabbo. *Yā tesāṃ tesāṃ sattānaṃ* ti idaṃ imesaṃ nāmā ti niyamābhāvato sabbasatta-nikāyapariyādāna-vacanaṃ tamhi tamhi sattanikāye ti idam pi sattanikāyapariyādāna-vacanaṃ jananaṃ jāti savikārānaṃ paṭhamābhinihbattakkhandhānam etaṃ adhivacanaṃ. Sañjātī ti idaṃ tassā eva upasagga-maṇḍitavevacanaṃ sā eva anupaviṭṭhākārena okkamaṇaṭṭhena okkanti nibbattisaṅkhātēna abhinibbattaṇaṭṭhena abhinibbatti iti ayaṃ catubbidhā pi sammutikathā

* Vism, ch. xvi., pp. 494-516.

† In Pps there follows immediately adjoining here the last § of the Catusacca-pabba, beginning with "iti ajjhataṇ vā" (see below, p. 804).

nāma. *Khandhānaṇ pātubhāvo* ti ayaṇ pana paramatthakathā ekavokārabhavādisu ekacatupañcabhedānaṇ khandhānaṇ yeva pātubhāvo na puggalassa tasmiṇ pana sati puggalo pātubhūto ti vohāramattaṇ hoti. *Āyatanānaṇ paṭilābho* ti āyatanāni pātubhavantaṇ' eva paṭiladdhāni nāma honti so tesaraṇ pātubhāvasaṅkhāto paṭilābho ti attho.

Jārā ti sabhāvaniddeso jiraṇatā ti ākārabhāvaniddeso khandiccan ti ādi vikāraniddeso daharakālasmiṇ hi dantā samasetā honti te vaye paripaccante anukkamena vaṇṇavikāraṇ āpajjitvā tattha tattha patanti; atha patitaṇ ca ṭhitaṇ ca upādāya khaṇḍitadantā khaṇḍitā nāma khaṇḍitānaṇ bhāvo *khaṇḍiccan* ti vuccati. Anukkamena paṇḍarabhūtāni kesalomāni palitāni nāma palitāni sañjātāni assā ti palito palitassa bhāvo *pāliccaṇ*. Jarāvātappahārena sositamaṇsalohitatāya valiyo tacasmiṇ assā ti valittaco tassa bhāvo *valittacatā* ettāvatā dantakesalomatacesu vikāradassanavasena pākāṭibhūtā pākāṭajarā dassitā yath' eva hi udakassa vā vātassā vā aggino vā tiṇarukkhādīnaṇ saṇbhagga-palibhaggaṭāya vā jhāmatāya vā gatamaggo pākāṭo hoti na ca so gatamaggo tān' eva-udakādini evam eva jarāya dantādisu khaṇḍiccādivasena gatamaggo pākāṭo cakkhaṇ ummilitvā pi gayhati na ca khaṇḍiccadin' eva jarā na hi jarā cakkhuvīññeyyā hoti yasmā pana jaraṇ pattassa āyu hāyati tasmā jarā āyuno saṇhāni ti phalūpacārena vuttā. Yasmā daharakāle suppasannāni sukhumam pi attano visayaṇ sukhen' eva ca gaṇhanasamatthāni cakkhādini indriyāni jaraṇ pattassa paripakkāni ālulitāni avisadāni olārikam pi attano visayaṇ gahetuṇ asamatthāni honti tasmā indriyānaṇ paripāko ti pi. *Phalūpacāren'* eva vuttā maraṇaniddese yaṇ ti maraṇaṇ sandhāya napuṇsakaniddeso yaṇ *marāṇaṇ cuti* ti vuccati *cavanatā* ti vuccati ti ayam ettha yojanā. Tattha *cuti* ti sabhāvaniddeso.

Cavanatā ti ākārabhāvaniddeso maraṇaṇ pattassa khandhā bhijjanti ceva antaradhāyaṇti ca adassanaṇ gacchanti tasmā taṇ bhedo antaradhānaṇ ti vuccati. *Maccumarāṇaṇ* ti maccumarāṇaṇ na khaṇikamarāṇaṇ kālakiriyaṇ ti marāṇakālakiriyaṇ ayaṇ sabbā pi sammutikathā 'va.

Khandhānaṇ bhedo ti ayaṇ pana paramatthakathā ekavokārabhavādisu ekacatu-pañcabhedānaṇ khandhānaṇ yeva bhedo

na puggalassa tasmiṇ pana sati puggalo mato ti vohāra-mattaṇ hoti kaḷevarassa nikkhepo ti attabhāvassa nikkhepo maraṇaṇ pattassa hi niratthan 'va kaliṅgaraṇ attabhāvo patati tasmā taṇ kaḷevarassa nikkhepo ti vuttaṇ. Jīvitin-driyassa upacchedo pana sabbākārato paramatthato mara-ṇaṇ; etad eva sammutimaranaṇ ti pi vuccati. Jīvitindriy' upacchedam eva hi gahetvā lokiyā Tisso mato Phusso mato ti vadanti.

Vyasanenā ti ñātibyasanādīsu yena kenaci vyasanena duk-khadhammenā ti vadhabandhanādīnā dukkhakāraṇena.

Phuṭṭhassā ti ajjhotthaṭṭassa abhibhūtassa *soko* ti yo ñāti-byasanādīsu vā vadhabandhanādīsu vā aññatarasmiṇ sati tena abhibhūtassa uppajjati socanalakkhaṇo soko. *Socitattān*

ti socitabhāvo yasmā pan' esa abbhantare sosento parisosento uppajjati tasmā *anto soko anto parisoko* ti vuccati. Mayhaṇ dhītā mayhaṇ putto ti evaṇ ādissa ādissa devanti paridevanti etenā ti *ādevo*. Taṇ taṇ vaṇṇaṇ parikittetvā devanti etenā ti *paridevo*.

Tato parā dve tass' eva bhāvaniddeso *kāyikaṇ* ti kāyapasādavatthukaṇ dukkhamanaṭṭhena dukkhaṇ *asātan* ti amadhuraṇ kāyasamphassaṇaṇ *dukkhaṇ* ti kāyasam-phassato jātaṇ *dukkhaṇ asātaṇ vedayitaṇ* ti amadhuraṇ veda-yitaṇ. *Cetasikaṇ* ti cittasampayuttaṇ sesaṇ dukkhe vuttana-yam eva.

Āyāso ti saṅsīdana-visīdanākārappatto cittakilamatho bala-vataṇaṇ āyāso *upāyāso*. Tato parā dve attattaniyābhāvādī-pakā bhāvaniddesā *jātidhammānaṇ* ti jātisabhāvānaṇ. *Ichā uppajjati* ti taṇhā uppajjati. *Aho vatā* ti patthanā. *Na kho pan' etaṇ icchāyā* ti evaṇ jātiyā anāgamaṇaṇ vinā magga-bhāvanaṇ na icchāya pattabbaṇ. *Idam pī* ti etam pi upari sesāni upādāya pi-kāro. *Yam p' icchan* ti yena pi dhammena alabbhaneyyavatthuaṇ icchanto na labhati taṇ alabbhaneyya-vatthumhi icchanaṇ dukkhaṇ esa nayo sabbattha.

Khandhaniddese rūpaṇ ca taṇ upādānakkhandho cā ti rū-pupādānakkhandho. Evaṇ sabbattha.

19. *Yāyaṇ taṇhā* ti yā ayaṇ taṇhā ponobbhavikā ti puna-bhavakaraṇaṇ punobbhavo punobbhavo sīlaṇ assā ti *ponob-bhavikā*. *Nandīrāgena sahaḡatā* ti nandīrāgasahaḡatā nandīrāgena saddhiṇ atthato ekattam eva ḡatā ti vuttaṇ hoti.

Tatra tatr' abhinandini ti yatra yatra attabhāvo tatra tatra abhinandini rūpādisu vā ārammaṇesu tatra tatra abhinandini rūpābhinandini saddagandharasaphoṭṭhabba-dhammābhinandini ti attho. *Seyyath' idaṇ* ti nipāto. Tassa sā katamā ceti attho kāme taṇhā ti *kāmatanḥā*; pañcakāma-guṇikarāgass' etaṇ nāmaṇ, bhava taṇhā *bhavatanḥā* bhava-patthanāvasena uppannassa sassataditṭhisahagatassa rūpārūbhavarāgassa ca jhānanikantiyā c' etaṇ adhivacanaṇ. Vibhave taṇhā *vibhavatanḥā* ucchedaditṭhisahagatarāgass' etaṇ adhivacanaṇ. Idāni tassa taṇhāya vatthuṇ vitthārato dassetuṇ sā kho pan' esā ti ādim āha. Tattha *uppajjati* ti jāyati nivisati ti punappunaṇ pavattivasena patitṭhahati. *Yaṇ loke piyarūpaṇ sātārūpaṇ* ti yaṇ lokasmiṇ piyasabhāvaṇ ceva madhurasabhāvaṇ ca *cakkhuloke* ti ādisu lokasmiṇ hi cakkhādisu mamattena abhinivittṭhā sattā sampattiyaṇ patitṭhitā attano cakkhuṇ ādāsatalādīsu nimittagahaṇānūsarena vipasannaṇ pañcapasādaṇ suvaṇṇavimāṇe ugghātitaṇisīhapañjaraṇ viya maññanti. *Sotaṇ* rajatapanālīkaṇ viya pāmaṇgasuttaṇ viya ca maññanti. Tuṅgaṇāsā ti laddhavo-hāraṇ *ghānaṇ* vaṭṭitvā ṭhapitaharitalavattaṇ viya maññanti; *jivhaṇ* rattakambalapatalaṇ viya mudusiniddhaṇ madhurasadaṇ maññanti; *kāyaṇ* sālalatṭhi viya suvaṇṇatoranaṇ viya ca maññanti; *manaṇ* aññesaṇ manena asadiṣaṇ ulāraṇ maññanti. *Rūpaṇ* suvaṇṇakaṇikārapupphādivaṇṇaṇ viya *saddaṇ* mattākaravikā-kokila-manda-dhamita-maṇivaṇsa-nigghosaṇ viya attanā paṭiladdhāni catusamuṭṭhānika-gandhārammaṇādīni kass' aññassa evarupāni atthi ti maññanti. Tesā evaṇ maññamānānaṇ tāni cakkhādīni piyarūpāni ceva sātārūpāni ca honti atha nesaṇ tattha anuppannā ceva taṇhā uppajjati uppannā ca taṇhā punappunaṇ pavattivasena nivisati. Tasmā Bhagavā *cakkhuloke piyarūpaṇ sātārūpaṇ etth' esā taṇhā uppajjamānā uppajjati* ti ādim āha. Tattha *uppajjamānā* ti yadā uppajjamānā hoti tadā ettha uppajjati ti attho. Esa nayo sabbattha.

20. *Asesavirāga-nirodho* ti ādīni sabbāni nibbānavevacanān' eva, nibbānaṇ hi āgama taṇhā asesā virajjati nirujjhati tasmā taṇ tassā yeva taṇhāya asesavirāganirodho ti vuccati. Nibbānaṇ ca āgama taṇhā cajiyyati paṭinissajjiyyati vimuccati

na allīyati tasmā nibbānaṃ cāgo paṭinissaggo mutti anālayo ti vuccati. Ekam eva hi nibbānaṃ nāmāni pan' assa sabba-saṅkhatānaṃ nāmapaṭipakkhavasena anekāni honti seyyath' idaṃ asesavirāgo asesanirodho cāgo paṭinissaggo mutti anālayo rāgakkhayo dosakkhayo mohakkhayo taṇhakkhayo anuppādo appavattaṃ animittaṃ appaṇihitaṃ anāyūhanaṃ appaṭisaṇḍhi anupapatti agati ajātaṃ ajaraṃ avyādhi amataṃ asokaṃ aparidevaṃ anupāyāsaṃ asaṅkiliṭṭhaṃ ti. Idāni maggena chināya nibbānaṃ āgama appavattipattāya pi ca taṇhāya yesu vatthūsu tassā uppatti dassitā tatth' eva abhāvaṃ dassetuṃ sā kho pan' esā ti ādim āha. Tattha yathā puriso khetto jātaṃ titta-alābuvallīṃ disvā aggato paṭṭhāya mūlaṃ pariyesitvā chindeyya sā anupubbena milāyitvā apaññattīṃ gaccheyya tato tasmiṃ khetto titta-alābuniruddhā pahīnā ti vucceyya evam eva khetto titta-alābu viya cakkhādisu taṇhā sā ariyamaggena mūlacchinā nibbānaṃ āgama appavattiṃ gacchati. Evaṃ gatā pana tesu vatthūsu khetto titta-alābu viya na paññāyati yathā ca aṭavito core ānetvā nagarassa dakkhiṇadvāre ghāteyyuṃ tato aṭaviyaṃ corā matā ti vā mārītā ti vā vucceyyun evaṃ aṭaviyaṃ corā viya cakkhādisu taṇhā sā dakkhiṇadvāre corā viya nibbānaṃ āgama niruddhattā nibbāne niruddhā evaṃ niruddhā pan' etesu vatthūsu aṭaviyaṃ corā viya na paññāyati ten' assā tatth' eva nirodhaṃ dassento cakkhuloke piyarūpaṃ sātārūpaṃ etth' esā taṇhā pahīyamānā pahīyati ettha nirujjhamānā nirujjhatī ti ādim āha.

21. *Ayam evā* ti aññamaggapaṭikkhepanatthaṃ niyamaṇaṃ. *Ariyo* ti taṇ taṇ maggavajjhehi kilesehi ārakattā ariyabhāva-karattā ca ariyo. *Dukkhe nāṇaṃ* ti ādinā catusaccakammaṭṭhānaṃ dassitaṃ tattha purimāni dve saccāni vaṭṭaṇ pacchimāni vivaṭṭaṇ. Tesu bhikkhuno vaṭṭe kammaṭṭhānābhiniveso hoti vivaṭṭe natthi abhiniveso; purimāni hi dve saccāni pañcakkhandhā dukkhaṃ taṇhā *samudayo* ti evaṃ saṅkhepena ca katame pañcakkhandhā rūpakkhandaṃ ti ādinā nayena vitthārena ca. Ācariyassa santike uggaṇhitvā vācāya punappunaṃ parivattento yogāvacaro kammaṃ karoti itaresu pana dvīsu saccesu nirodha-saccaṃ iṭṭhaṃ kantaṃ manāpaṃ maggasaccaṃ *iṭṭhaṃ kantaṃ manāpan* ti evaṃ savanena kam-

maṇ karoti. So evaṇ karonto cattāri saccāni ekapaṭivedhen' eva paṭivijjhati, ekābhisamayena abhisameti dukkhaṇ pariññā-paṭivedhena paṭivijjhati, samudayaṇ pahānapaṭivedhena nirodhaṇ sacchikiriyāpaṭivedhena maggaṇ bhāvanāpaṭivedhena paṭivijjhati, dukkhaṇ pariññābhisamayena . . . pe . . . maggaṇ bhāvanābhisamayena abhisameti. Evam assa pubbabhāge dvīsu saccesu ugghapariṇipucchāsavanādharāṇa-sammasanapaṭivedho hoti, dvīsu pana savanapaṭivedho yeva aparabhāge tīsu kiccato paṭivedho hoti, nirodhe ārammaṇapaṭivedho paccavekkhanā pana pattasaccassa hoti. Ayañ ca ādikammiko tasmā sā idha na vuttā. Imassa ca bhikkhuno pubbe pariggahato: Dukkhaṇ pariñāmi samudayaṇ pajahāmi nirodhaṇ sacchikaromi maggaṇ bhāvemī ti, ābhogasamannāhāra-manasikārapaccavekkhanā natthi pariggahato paṭṭhāya hoti, aparabhāge pana dukkhaṇ pariññātam eva maggo bhāvito 'va hoti. Tattha dve saccāni duddasattā gambhīrāni dve gambhīrattā duddasāni dukkhasaccañ hi upattito pākaṭaṇ khānukaṇṭakappahārādisu aho dukkhaṇ ti vattabbatam pi. Āpajjati samudayaṇ pi khāditukāmatā-bhuñjitukāmatādivasena upattito pākaṭaṇ lakkhaṇapaṭivedhato pana ubhayam pi taṇ gambhīraṇ. Iti tāni duddasattā gambhīrāni itaresaṇ pana dvinnāṇ dassanattāya payogo bhavaggaṇaṇatthaṇ hatthappasāraṇaṇ viya Avicīphusanatthaṇ pādappasāraṇaṇ viya sattadhā bhinnassa vālassa koṭiya koṭipādanaṇ viya ca hoti. Iti tāni gambhīrattā duddasāni evaṇ duddasattā gambhīresu gambhīrattā ca duddasesu catūsu saccesu ugghādivasena pubbabhāgañānupattiṇ sandhāya idaṇ dukkheñānaṇ ti ādi vuttaṇ. Paṭivedhakkhaṇe pana ekam eva taṇñānaṇ hoti nekkhammasaṅkappādayo kāmavyāpādavahiṇsāviramaṇasaññānaṇ nānattā pubbabhāge nānā maggakkhaṇe pana imesu tīsu ṭhānesu uppannassa akusalasaṅkappassa padapacchedato anuppatisādhana-vasena maggaṇaṇ pūrayamāno eko 'va kusalasaṅkappo uppajjati ayaṇ *sammāsaṅkappo* nāma. Musāvādāveramaṇiādayo pi musāvādādihi viramaṇa-saññānaṇ nānattā pubbabhāge nānā maggakkhaṇe pana imesu catūsu ṭhānesu uppannāya akusaladussilyacetanāya padapacchedato anuppatti-sādhana-vasena maggaṇaṇ pūrayamānā ekā 'va kusalaveramaṇi uppajjati. Ayaṇ *sammāvācā*

nāma. Pānātipātaveramaṇiādayo pi pānātipātādihi vi-
ramaṇasaññānaṇ nānattā pubbabhāge nānā maggakkhaṇe
pana imesu tīsu ṭhānesu uppannāya akusaladussilyacetanāya
akiriyato padapacchedato anuppattisādhana vasena maggaṅ-
gaṇ pūrayamānā ekā 'va kusalaveramaṇi uppajjati. Ayaṇ
sammākamanto nāma. Micchāājīvan ti khādanīyabho-
janīyādīnaṇ atthāya pavattitaṇ kāyavacīduccaritaṇ pahāyā ti
vajjitvā sammā-ājīvenā ti Buddhapasatthena ājīvena jīvitaṇ
kappeti ti jīvitappavattiṇ pavatteti sammā-ājīvo pi kuhanādihi
viramaṇasaññānaṇ nānattā pubbabhāge nānā maggakkhaṇe
pana imesu yeva sattuṇ ṭhānesu uppannāya micchājīva-
dussilyacetanāya padapacchedato anuppatti-sādhana vasena
maggaṅgaṇ pūrayamānā ekā 'va kusalaveramaṇi uppajjati
ayaṇ *sammāājīvo* nāma. *Anuppannānaṇ* ti ekasmiṇ vā
bhava tathārūpe vā ārammaṇe attano na uppannānaṇ parass
pana uppajjamāne disvā: Aho vata me evarūpā pāpakā aku-
salādharmā na uppajjeyyun ti, *evaṇ anuppannānaṇ pāpakānaṇ*
akusalānaṇ dhammānaṇ anuppādāya chandaṇ janeti ti tesāṇ
anuppādakapaṭipatti-sādhakaviriyachandaṇ *janeti vāyamaṇi* ti
vāyamaṇ karoti viriyaṇ ārabhatī ti viriyaṇ pavatteti. *Cittaṇ*
paggaṇhātī ti viriyena cittaṇ paggaḥitaṇ karoti. *Padahatī* ti
kāmaṇ taco ca nhāru ca aṭṭhi ca avasissatū ti padahanaṇ
pavatteti. *Uppannānaṇ* ti samudācāra vasena attano uppan-
na-pubbānaṇ idāni tādise na uppādessamī ti tesāṇ pahānāya
chandaṇ janeti. *Anuppannānaṇ kusalānaṇ* ti appaṭilad-
dhānaṇ paṭhamajjhānādīnaṇ. *Uppannānaṇ* ti tesāṇ yeva
paṭiladdhānaṇ. *Thitīyā* ti punappunaṇ uppattipabandhava-
sena ṭhitattaṇ. *Asammosāyā* ti avināsanatthaṇ. *Bhīyyobhā-*
vāyā ti uparibhāvāya. *Vepullāyā* ti vipulabhāvāya. *Bhā-*
vanāya paripūriyā ti bhāvanāya paripūraṇatthaṇ. Ayam pi
sammāvāyāmo anuppannānaṇ akusalānaṇ anuppādanādicit-
tānaṇ nānattā pubbabhāge nānā maggakkhaṇe pana imesu
yeva catūsu ṭhānesu kicca-sādhana vasena maggaṅgaṇ pūraya-
mānaṇ ekam eva kusalaviriyaṇ uppajjati ayaṇ *sammāvāyāmo*
nāma. *Sammāsati* pi kāyādi-pariggāhakacittānaṇ nānattā
pubbabhāge nānā maggakkhaṇe pana catūsu ṭhānesu kicca-sā-
dhana vasena maggaṅgaṇ pūrayamānā ekā 'va sati uppajja-
ti ayaṇ *sammāsati* nāma. Jhānāni pubbabhāge pi mag-

gakkhaṇe pi nānā pubbabhāge samāpattivāsena nānā maggakkhaṇe nānāmaggavasena, ekassa hi paṭhamamaggo paṭhamajjhāniko hoti, dutiyamaggādayo pi paṭhamajjhānikā vā dutiyajjhānādisu aññatarajjhānikā vā ; ekassa pi paṭhamamaggo dutiyādīnaṃ aññatarajjhāniko hoti, dutiyādayo pi dutiyādīnaṃ aññatarajjhānikā vā paṭhamajjhānikā vā; evaṃ cattāro pi maggā jhānavasena sadisā vā asadisā vā ekaccasadisā vā honti. Ayaṃ pan' assa viseso pādakajjhāna-niyamena hoti. Pādakajjhānaniyamena tāva paṭhamajjhānalābhino paṭhamajjhānā vuṭṭhāya vipassantassa uppanno maggo paṭhamajjhāniko hoti, maggaṅgabojjhaṅgāni pan' ettha paripunnān' eva honti. Dutiyajjhānato vuṭṭhāya vipassantassa uppanno dutiyajjhāniko hoti, maggaṅgāni pan' ettha satta honti. Tatiyajjhānato vuṭṭhāya vipassantassa uppanno tatiyajjhāniko, maggaṅgāni pan' ettha satta, bojjhaṅgāni cha honti. Esa nayo catutthajjhānato vuṭṭhāya yāva nevasaññānāsaññāyatanāṃ. Āruppe catukkapaṇcākajjhānaṃ uppajjati taṃ ca lokuttaraṃ no lokiyaṃ ti vuttaṃ. Ettha kathan ti ? Etthāpi paṭhamajjhān' ādisu yato vuṭṭhāya sotāpattimaggaṃ paṭilābhivā arūpa-samāpattiṃ bhāvetvā so āruppe uppanno taṃ jhānikā 'v' assa tattha tayo maggā uppajjanti evaṃ pādakajjhānam eva niyāmeti. Keci pana therā vipassanāya ārammaṇabhūtā khandhā niyāmeti ti vadanti, keci puggalajjhāsayo niyāmeti ti vadanti, keci vuṭṭhānagāminivipassanā niyāmeti ti vadanti, tesāṃ vādaṃ vinicchayo Visuddhimagge* vuṭṭhānagāminivipassanādhikāre vuttanāyen' eva veditabbo. *Ayaṃ vuccati bhikkhave sammāsamādhī* ti ayaṃ pubbabhāge lokiyo apara-bhāge lokuttaro sammāsamādhī ti vuccati.

Iti ajjhataṇṇaṃ vā† ti evaṃ attano vā cattāri saccāni parigaṇhitvā, parassa vā, kālena vā attano, kālena vā parassa cattāri saccāni parigaṇhitvā dhammesu dhammānupassī viharati. Samudayaṃ yā pan' ettha cātunnaṃ saccānaṃ yathā sabhāvato uppatti-nivattivāsena veditabbā. Itō paraṃ vuttanāyam eva. Kevalaṃ hi idha catusacca-pariggāhikā sati dukkha-saccāni ti

* Vism 628 sq.; 660 sq.

† In Pps this last § follows upon the first § of this "pabbag" (see above, p. 797.)

evaṇ yojanaṇ katvā sacca-pariggāhakassa bhikkhuno niyyāna-mukhaṇ veditabbaṇ. Sesañ tādīsam evā ti.

Catusaccapabbaṇ niṭṭhitaṇ.

Ettāvatā ānāpāna-pabbaṇ,¹ catu-riyāpatha-pabbaṇ,¹ catu-sampajañña-pabbaṇ,¹ dvattiṅsākāraṇ, catudhātu-vavatthānaṇ, nava sīvathikā, vedanānupassanā, cittānupassanā, nīvaraṇa-pariggaho, khandha-pariggaho, āyatana-pariggaho, bojjhaṅga-pariggaho, sacca-pariggaho ti ekavīsati kammaṭṭhānāni,² tesu³ ānāpānaṇ dvattiṅsākāraṇ nava sīvathikā ti ekādasa appanā-kammaṭṭhānāni honti. Dīghabhāṇaka-Mahā-Sivatthero pana, nava sīvathikā ādinavānupassanāvasena vuttā ti āha. Tasmā tassa matena dve yeva appanākammaṭṭhānāni, sesāni upacāra-kammaṭṭhānāni.

Kiṇ pan' etesu sabbesu abhiniveso jāyati', na jāyati ti? Iriyāpatha-sampajañña-nīvaraṇa-bojjhaṅgesu hi abhiniveso na jāyati, sesesu jāyati ti. Mahā-Sivatthero pan' āha: Etesu pi abhiniveso jāyati. Ayaṇ hi, atthi nu kho me cattāro iriyā-pathā, udāhu n' atthi, atthi nu kho me catu-sampajaññaṇ, udāhu n' atthi, atthi nu kho me pañca nīvaraṇā, udāhu n' atthi, atthi nu kho me satta bojjhaṅgā, udāhu n' atthi ti evaṇ pariggaṇhati. Tasmā sabbattha abhiniveso jāyati ti.

22. *Yo hi koci, bhikkhave, ti yo hi koci bhikkhave⁴ bhikkhu vā bhikkhunī vā upāsako vā upāsikā vā. Evaṇ bhāveyyā ti ādito paṭṭhāya vuttena bhāvanānukkamena bhāveyya. Pāṭi-kaṅkhaṇ ti paṭikaṅkhitabbaṇ, icchitabbaṇ.⁵ Avassaṇ bhāvī ti attho. Aññā ti arahattaṇ. Sati vā upādisese ti upādāna-sese vā sati, aparikkhiṇe. Anāgāmīti ti anāgāmibhāvo. Evaṇ sattannaṇ vassānaṇ vasena sāsanaṇ niyyānikabhāvaṇ das-setvā, puna tato pi appatare pi kāle dassento, tiṭṭhantu,⁶ bhikkhave ti ādim āha. Sabbam pi c' etaṇ majjhimass' eva neyyapuggalassa vasena vuttaṇ. Tikkhapaññaṇ pana sandhāya: 'Pāto 'va anusitṭho sāyaṇ'⁷ visesaṇ adhigamissati,*

¹ Pps omits pabbaṇ.

² Pps has vuttāni after kammaṭṭhānāni.

³ Pps yesu.

⁴ Pps omits bhikkhave.

⁵ Pps omits icchitabbaṇ.

⁶ Pps tiṭṭhatu.

⁷ Pps has kiñci after sāyaṇ.

sāyaṇ anusitṭho pāto visesaṇ adhigamissatī' ti vuttaṇ. Iti Bhagavā: evaṇ niyyānikaṇ, bhikkhave, mama sāsanan ti das-setvā ekavīsatiyā pi ṭhānesu arahattanikūṭeṇa desitaṇ desanaṇ niyyātento, *ekāyano ayaṇ, bhikkhave, maggo . . . pe . . . iti yaṇ taṇ vuttaṇ, idam etaṇ paṭicca vuttaṇ* ti āha. Sesaṇ uttānattham evā ti. Desanāpariyosāne pana tiṇsa-bhikkhusa-hassāni arahatte patitṭhahiṇsū ti.

Mahā-satipaṭṭhana-sutta-vanṇanā niṭṭhitā.

XXIII*

PĀYĀSI-SUTTA-VAṆṆANĀ.

1. *Evam me sutaṃ* ti Pāyāsi-suttaṃ.¹ Tatrāyaṃ apubba-pada-vaṇṇanā. *Āyasmā ti* piya-vacanam etam. *Kumāra-kassapo* ti tassa nāmaṃ. Kumāra-kāle pabbajitattā pana Bhagavatā: ‘Kassapaṃ pakkosatha, idaṃ phalaṃ vā khādaniyaṃ vā Kassapassa dethā ti’ vutte: ‘Katara-Kassapassa?’ ‘Kumāra-Kassapassā ti’: evam gahita-nāmatā tato paṭṭhāya vuddha-kāle pi Kumāra-Kassapo tv’ eva vuccati. Api ca rañño posāvanika-puttattā pi taṃ Kumāra-Kassapo ti sañjānimsu.

Ayaṃ pan’ assa pubba-yogato paṭṭhāya āvibhāva-kathā. Thero kira Padumuttarassa Bhagavato kāle seṭṭhi-putto ahosi. Ath’ eka-dviasaṃ Bhagavantam citra-kathim² ekaṃ³ attano sāvakaṃ etad-agge ṭhapentaṃ disvā, Bhagavato sattāhaṃ dānaṃ dātvā: “Aham pi Bhagavā anāgate ekassa Buddhassa ayaṃ thero viya citra-kathī sāvako bhavāmī” ti patthanaṃ katvā, puññāni karonto Kassapassa Bhagavato sāsane pabbajitvā visesaṃ nibbattetuṃ nāsakkhi.

Tadā kira parinibbutassa Bhagavato sāsane osakkante, pañca bhikkhū nissenim bandhitvā pabbataṃ ārūya samaṇa-dhammaṃ akaṃsu. Saṅghatthero tatiya-divase arahattaṃ patto. Anuthero cetuttha-divase anāgāmi ahosi. Itare tayo visesaṃ nibbattetuṃ asakkontā devaloke nibbattā.

Tesaṃ ekaṃ Buddhantaraṃ devesu ca manusse su ca sampattiṃ anubhavantānaṃ eko Takkaṣilāyaṃ rājā-kule nibbatitvā *Pukkusa* ti nāma rājā hutvā Bhagavantam uddissa pabbajitvā Rājagahaṃ uddissa āgacchanto kumbhakāra-sālāyaṃ Bhagavato dhamma-desanaṃ sutvā, anāgāmi-phalaṃ patto,

* [Note.—From this page onwards Dr. Stede has suffered the m used in the transcript sent him to replace n.—GEN. EDITOR.]

¹ B Pāyāsi-rājañña-suttaṃ. ² SS citta-kathikaṃ. ³ SS omit.

Eko ekasmiṃ samudda-paṭṭane kula-ghare nibbattitvā, nāvaṃ āruya bhinna-nāvo dāru-cīraṇi nivāsetvā lābha-sampattiṃ patto: Ahaṃ arahā ti, cittaṃ uppādetvā: “Na tvaṃ arahā, gaccha, Satthāraṃ upasaṅkamitvā pañhaṃ pucchāti” attha-kāmāya devatāya codito, tathā katvā arahatta-phalaṃ patto.¹

Eko Rājagahe ekissāya kula-dārikāya kucchimhi uppanno. Sā ca paṭhamam mātā-pitaro yācitvā pabbajjam alabhamānā kula-gharam gantvā gabbhaṃ patipṭhitam pi ajānantī sāmi-kam ārādhettvā tena anuññatā bhikkhuniṣu pabbajitā. Tassā gabbha-nimittaṃ disvā bhikkhuniyo Devadattaṃ pucchimsu. So: “Assamaṇi” ti āha. Dasabalaṃ pucchimsu. Satthā Upālittheraṃ paṭicchāpesi.¹ Thero Sāvatti-nagara-vāsini kulāni Visākhaṇ ca upāsikam pakkosāpetvā sodhento: “Pure laddho gabbho, pabbajjā aroga” ti āha. Satthā: “Suvinicchitaṃ adhikaraṇaṃ” ti therassa sādhu-kāraṃ adāsi. Sā bhikkhuni suvaṇṇa-bimba-sadisam puttam vijāyi. Tam gahetvā rājā Pasenadi-Kosalo posesi, *Kassapa* ti o’ assa nāmaṃ katvā, apara-bhāge alaṅkaritvā Satthu santikam netvā pabbājesi. Iti naṃ rañño posāvanika-puttattā pi *Kumāra-Kassapa* ti sañjānimsū ti.

Tam eka-divasaṃ andha-vane samaṇa-dhammaṃ karontaṃ attha-kāmā devatā pañhe uggaṇhāpetvā: “Ime pañhe Bhagavantaṃ pucchā” ti āha. Thero pañhe pucchitvā pañhe visajjanāvasāne arahattaṃ pāpuṇi. Bhagavā pi tam citra-kathikānāṃ bhikkhūnaṃ agga-tṭhāne ṭhapesi.

Setavyā ti tassa nagarassa nāmaṃ.

Uttarena Setavyan ti Setavyato uttara-disāya.

Rājāṇo ti anabhisittaka-rājā.

2. *Diṭṭhi-gataṃ* ti yathā gūtha-gataṃ mutta-gataṃ ti vuttena gūth’ ādito aññaṃ atthi, evaṃ diṭṭhi yeva diṭṭhi-gataṃ.

Iti pi n’ atthi ti tam tam kāraṇam apadisitvā evam pi n’ atthi ti vadati.

3. *Purā* . . . pe . . . *saññāpeti* ti yāva na saññāpeti.

5. *Ime bho Kassapa candima-suriyā* ti. So kira therena pucchito cintesi: Ayaṃ samaṇo paṭhamam candima-suriya-upamaṃ āhari. Candima-suriya-sadiso bhavissati paññāya

anadhibhavanīyo aññena. Sace pañāhaṃ: “Candima-suriyā imasmiṃ loke” ti bhañissāmi, “Kim-nissitā ete kittaka-ppamāpā kittakaṃ uccā?” ti ādīhi paliveṭhessati, ahaṃ kho pañ’ etaṃ nibbēhetuṃ na sakkhissāmi, parasmaṃ loke ioc ev’ assa kathessāmi ti. Tasmā evaṃ āha. Bhagavā pana tato pubbe na cirass’ eva Sudhābhōjaniya-Jātakam* kathesi. Tattha cande Canda-Devaputto suriye Suriya-devaputto ti āgataṃ. Bhagavatā ca kathitaṃ Jātakam vā Suttantaṃ vā sakala-jambudīpe patthaṃ hoti. Tena so: Ettha-nivāsino devaputtā n’ atthi ti na sakkā vattun ti cintetvā *devā te na manussā* ti āha.

6. *Atthi pana Rājāñña pariyāyo* ti atthi pana kāraṇaṃ ti pucchati.

Ābādhikā ti visabhāga-vedanā-saṅkhātēna ābādhena saman-nāgatā.

Dukkhitā ti dukkha-ppattā.

Bālha-gilānā ti adhimatta-gilānā.

Saddhāyikā ti ahaṃ tumhe saddahāmi, tumhe mayhaṃ sad-dhāyikā, saddhāyitabba-vacanā ti attho.

Paccayikā ti ahaṃ tumhe pattiyāmi, tumhe mayhaṃ paccayikā pattiyāyitabbā ti attho.

7. *Uddassetvā*¹ ti tesam attānañ ca paṭisāmita-bhaṇḍakañ ca dassetvā sampaṭicchāpetvā ti attho.

Vippalapantassā ti “Putto me dhītā me dhanam me” ti vividhaṃ vilapantassa.

Niraya-pālesū ti niraye kamma-kāraṇika-sattesu.

Ye pana: “Kammam eva kamma-kāraṇaṃ karoti, n’ atthi niraya-pālā” ti vadanti, te: “Tam enaṃ bhikkhave niraya-pālā” ti Devadūta-suttaṃ† paṭibāhanti. Manussa-loke rājakulesu kāraṇika-manussā viya hi niraye pi niraya-pālā honti.

9. *Veḷu-pesikāhīti* veḷu-vilivehi.²

Sunimajjitaṃ ti yathā saṭṭhu-nimajjitaṃ hoti, evaṃ nimajjatha apanethā ti attho. *Asuci* ti amanāpo.

Asuci-saṅkhāto ti asuci-koṭṭhāsa-bhūto asūci ti ñāto vā.

* J V. 382.

† A I. 141.

¹ B uddisitvā.

² B °vilimpehi.

Duggandho ti kuṇapa-gandho. *Jeguccho* ti jigucchitabba-yutto. *Paṭikkūlo* ti dassanen' eva paṭigho va hoti.

Ubbāhaṭi ti divasassa tikkhattum¹ nahātvā tikkhattum vatthāni parivattetvā ca alaṅkata-paṭimaṇḍitānaṃ cakka-vatti-ādinam pi manussānaṃ gandho yojana-sate tthitānaṃ devatānaṃ kaṇṭhe āsatta-kuṇapaṃ viya bādhati.

Puna pāṇātipā' ādi-paṇca-sīlāni samādāya vattantānaṃ vasena vadati.

10. *Tāvatisānaṃ* ti idaṇi ca dūre nibbattā tāva mā āgacchantu ime kasmā na entī ti vadati.

11. *Jacc' andhūpamo paṭibhāsī* ti jaccandho viya upaṭṭhāsī. *Araññe vana-patthāni* ti āraññak' aṅga-yuttatāya araññāni mahā-vanasaṇḍatāya vana-patthāni.

Pantāni ti dūrāni.

12. *Kalyāṇa-dhamme* ti ten' eva sīlena sundara-dhamme.

Dukkha-paṭikkūle ti dukkhaṃ apatthhente.

Seyyo bhavissati ti paraloke sugati-sukhaṃ bhavissati ti adhippāyo.

13. *Upavijaññā* ti upagata-vijāyana-kālā paripakka-gabbhā, na cirass' eva vijāyati ti attho.

Opabhoggā bhavissati ti pāda-paricārikā bhavissati.

Anaya-vyasanānaṃ ti mahā-dukkhaṃ. *Ayo* ti sukhaṃ, na ayo anayo ti katvā, tad etaṃ sabbato sukhaṃ vyasati vikkhipati ti vyasanaṃ. Iti anayo ca vyasanaṃ anaya-vyasanaṃ mahā-dukkhaṃ ti attho.

Ayoniso ti anupāyena.

Apakkaṃ paripācenā ti na aparīṇataṃ akhīṇaṃ āyup antarā va upacchindanti.

Paripākaṃ āgamenti ti āyu-paripāka-kālaṃ āgamenti. *Dhammasenāpatinā* p' etaṃ vuttaṃ:

Nābhinandāmi maraṇaṃ, nābhinandāmi jīvitaṃ
Kālaṇ ca paṭikaṅkhāmi nibbisaṃ bhatako yathā ti.*

14. *Ubbhindivā* ti mattik' ālepaṃ bhinditvā.

* Thag 1003; Miln 45; Manu VI. 45.

¹ B dvikkhattum.

15. *Rāmaṇeyyakan* ti ramanīya-bhāvaṃ.

Velāmikā ti bālā va dārikā.

Komārikā ti taruṇa-dārikā.

*Tuyhaṃ*¹ *jīvan* ti, supina-dassana-kāle nikkhamantaṃ vā pavisantaṃ vā jīvaṃ anupassanti. Idha citt' ācāraṃ jīvan ti gahetvā āha. So hi tattha jīva-saññi ti.

16. *Jiyāyā* ti dhanu-jiyāya gīvaṃ veṭhetvā vā ti attho.

Patthīnataro ti thaddhataro. Iminā kiṃ dasseti? Tumhe: “Jīva-kāle sattassa pañcakkhandhā” ti vadatha, cavana-kāle pana rūpa-kkhandhamattam eva avasissati. Tayo kkhandhā appavattā honti. Viññāṇa-kkhandho gacchati. Avasiṭṭhena rūpa-kkhandhena lahutarena bhavitabbam garutaro va hoti. Tasmā: N' atthi koci kuhin ti gantā² ti idam attham dasseti.

17. *Nibbutan* ti vūpasanta-tejaṃ.

18. *Anupahaccā* ti avināsetvā. *Amato hoti* ti, addhamato maritum āraddho hoti.

Odhunāthā ti orato karotha. *Sandhunāthā* ti parato karotha. *Niddhunāthā* ti aparāparaṃ karotha.

Tañ cāyatanam na paṭisaṃvedeti ti tena cakkhunā rūp' āyatanam na vibhāveti. Esa nayo sabbattha.

19. *Saṅkha-dhamo* ti saṅkha-dhamako.

*Upalāsivā*³ ti dhamitvā.

21. *Aggiko* ti aggi-paricaraṇako.

Āpādeyyan ti nipphādeyyam āyuraṃ vā pāpuṇeyyam.

Poseyyan ti bhojan' ādihi hareyyam.

Vaḍḍheyyan ti vuddhiṃ gameyyam.

Araṇi-sahitan ti araṇi-yugalam.

22. *Tiro-rājāno pi* ti, tiro raṭṭhe aññasmiṃ pi janapade rā jāno jānanti.

Avyatto avisado accheke.

Kopena pi ti ye maṃ evaṃ vakkhanti, tesu uppajjanakakopena pi taṃ etaṃ diṭṭhi-gataṃ harissāmi pariharissāmi ti gahetvā vicarissāmi.

Makkhenā ti tayā vutta-sukāraṇa-makkhaṇena makkhenā pi.

Paḷāsenā ti tayā saddhiṃ yuga-ggāha-lakkhaṇena paṭase-nā ti pi.

¹ DT tumhaṃ.

² B gantvā.

³ B upalāpetvā.

23. *Haritaka-mattan*¹ ti yaṃ kiñci haritakaṃ antamaso alla-tiṇa-mattam pi na hotī ti attho.

Apanaddha-kalāpan ti sannaddha-dhanu-kalāpam.

Āsīt' odakāni vaṭumānī ti paripuṇṇa-salilā maggā ca kandarā ca.

Yoggānī ti balivadde.

*Bahu-nikkhantāro*² ti bahu-nikkhanto cira-nikkhanto ti attho.

Yathā-katena bhaṇḍenā ti yaṃ vo tiṇa-kaṭṭh' odakaṃ bhaṇḍam āropitaṃ tena yathā-katena yathāropitena yathā-gahitena vā ti attho.

Appa-sārāṇī ti app' agghāni.

Paṇiyānī ti bhaṇḍāni.

25. *Mamañ ca sūkara-bhattan* ti mamañ ca sūkarānaṃ idaṃ bhattam.

Uggharantan ti upari uttarantaṃ.³

Paggharantan ti heṭṭhā parissavantaṃ.

*Tumhe khv' attha*⁴ *bhaṇe* ti tumhe kho ettha bhaṇe. Ayam eva vā pāṭho.

Tathā hi pana me sūkara-bhattan ti tathā hi pana me gūtho sūkarānaṃ bhattam.

27. *Āgatāgataṃ kalin* ti āgatāgataṃ parājaya-guḷam gilati.*

Pajohissāmī ti pajohataṃ karissāmī, bali-kammaṃ karissāmī ti attho.

Akkhehi dibbissāmā ti guḷehi kilissāmā.

Littam paramena tejasā ti parama-tejena visena littam.

29. *Gāma-paddhanan* ti vuṭṭhita-gāma-ppadeso vuccati. Gāma-padan ti pi pāṭho, ayam ev' attho.

Sāṇa-bhāran ti saṇā-vāka-bhāram.

Susanaddho ti subaddho.

Tvaṃ pajānāsi ti tvaṃ jāna, sace gaṇhitu-kāmo 'si gaṇhī ti vuttaṃ hoti.

Khomakan ti khoma-vākam.

Ayan ti kāḷa-loham.

Lohan ti tamba-loham.

Sajjhun ti rajataṃ.

* See Jāt I. 379.

¹ B °paṇṇan; DT °vaṇṇan.

² DT °nikkhanto.

³ B gharantaṃ.

⁴ B °ettha.

Suvaṇṇan ti suvaṇṇa-māsakaṃ. *Abhinandimsū* ti tussimsu.

30. *Attamano* ti saka-mano tuṭṭha-citto. *Abhiraddho* ti abhippasanno.

Pañha-paṭibhānānī ti pañh' upaṭṭhānānī.

*Paccanīkattabban*¹ ti paccanīkaṃ paṭiviruddhaṃ viya kattabbaṃ *amaññissaṃ*, paṭiloma-gāhaṃ gahetvā atṭhāsina ti attho.

31. *Saṅghātaṃ āpajjanti* ti saṅghātaṃ vināsaṃ maraṇaṃ āpajjanti.

Na mahapphalo ti vipāka-phalena na mahapphalo hoti.

Na mahānisamsa ti guṇānisamsena na mahānisamsa hoti.

Na mahājutiko ti anubhāva-jutiyā mahājutiko na hoti.

Na mahā-vipphāro, vipāka-vitthāratāya mahā-vipphāro na hoti.

Bija-naṅgalan ti bijaṇ ca naṅgalaṇ ca.

Dukkhette ti duṭṭhu-khette nissāra-khette.

Dubbhūme ti visama-bhūmi-bhāge.

Patitṭhapeyyā ti vapeyya.

Khaṇḍānī ti chinna-bhinnānī.

Pūtīnī ti nissārānī.

Vātūlapa-hatānī ti vātena ca ātapena ca hatānī, pariyādin-na-tejānī.

Asārādānī ti taṇḍula-sāra-dāna-virahitānī palāpānī.

Asukha-sāyitānī ti, yāni sukkhāpetvā koṭṭhe ākiritvā ṭhapi-tānī tāni sukha-sayitānī nāma, etāni pana na tādīsānī.

Anuppaveccheyyā ti anupaveseyya, na sammā vasseyya anvaddha-māsaṃ anudasāhaṃ anupañcāhaṃ na vasseyyā ti attho,

Api nu tānī ti api nu evaṃ khetta-bija-vuṭṭhi-dose sati tānī bijānī aṅkura-mūla-patt' ādīhi uddhaṇ vuddhiṇ heṭṭhā virūlhiṇ samantato ca *vepullaṃ āpajjeyyūn* ti.

Evarūpo kho Rājāñña yañño ti evarūpaṃ Rājāñña dānaṃ par' ūpaghātena uppādita-paccayato pi dāyakato pi paṭig-gāhakato pi aparissuddhattā na mahapphalaṇ hoti.

Evarūpo kho Rājāñña yañño ti evarūpaṃ dānaṃ apar' ūpaghātena uppanna-paccayato pi apar' ūpaghātītāya sīlavanta-

¹ B paccanīkaṇ kattabban.

dāyakato pi sammā-dit̥ṭhi-ādi-guṇa-sampanna-paṭiggāhakato pi mahapphalo hoti. Sace pana guṇātirekaṃ nirodhā vuṭṭhi-taṃ paṭiggāhakaṃ labhati cetanā ca vipulā hoti dit̥ṭhe va dhamme vipākaṃ deti ti.

Imaṃ pana therassa dhamma-kathaṃ sutvā Pāyāsi Rājañño theram nimantetvā sattāhaṃ therassa mahā-dānaṃ datvā tato paṭṭhāya sabba-janassa dānaṃ paṭṭhapesi. Taṃ sandhāya *Atha kho Pāyāsi Rājañño* ti ādi vuttaṃ.

Tattha kaṇḍakan ti saṃuḍḍakaṃ uttaṇḍula-bhattaṃ.

Bilaṅga-dutiyakan ti kaṇḍika-dutiyam.

*Therakāni*¹ ca vutthāni ti thūlāni ca vatthāni.

Gūla-vālakāni ti gūla-dasāni, puñja-puñja-vasena ṭhita-mahanta-dasāni ti attho.

Evam anuddisati ti evaṃ anu-uddisati.

Pādā pi ti pādena pi.

Asakkaccan ti saddhā-virahitaṃ assaddha-dānaṃ.

Asahatthenā ti na sahatthena.

Acitti-katan ti citti-kāra-virahitaṃ, citti-kāraṃ paccupaṭṭhāpetvā paṇitaṃ cittaṃ katvā adāsi.

Apaviddhan ti chaḍḍita-vichaḍḍitaṃ patitaṃ vipatitaṃ.

Suññaṃ Serisakan ti, Serisakaṃ nāma ekaṃ tuccha-rajata-vimānaṃ upagato. Tassa kira dvāre mahā-sirisa-rukkho. Tena taṃ Serisakan ti vuccati.

33. *Āyasmā Gavampati* ti thero kira pubbe manussa-kāle gopāla-dārakānaṃ jeṭṭhako hutvā mahato sirisa-rukkhassa mūlaṃ sodhetvā vālikaṃ okiritvā ekaṃ piṇḍapātika-theraṃ rukkhā-mūle nisīdāpetvā attanā laddha-āhāraṃ datvā tato cuto tass' ānubhāvena tasmim rajata-vimāne nibbatti. Sirisa-rukkho vimāna-dvāre atṭhāsi. So paññāsa-vassehi phalati. Tato : Paññāsa-vassāni gatāni ti, deva-putto samvegaṃ āpajjati. So aparena samāyena amhākaṃ Bhagavato kāle manusse su nibbattitvā Satthu dhamma-kathaṃ sutvā, arahattaṃ patto. Pubb' āciṇṇa-vasena pana divā-vihār' atthāya tad-eva vimānaṃ abhiṇhaṃ gacchati. Tattha kir' assa utu-sukhaṃ hoti. Taṃ sandhāya *tena kho pana samayen' āyasmā Gavampati* ti ādi vuttaṃ.

¹ B dhorakāni.

So sakkacca-dānaṃ datvā ti so para-santakam pi dānaṃ sakkaccaṃ datvā.

34. *Evam ārocesi ti: Sakkaccaṃ dānaṃ dethā ti ādinā nayena ārocesi. Tañ ca pana therassa ārocanam sutvā mahājano sakkaccaṃ dānaṃ datvā deva-loke nibbatto. Pāyāsissa pana Rājaññassa paricārikā pi sakkaccaṃ dānaṃ datvā pi nikanti-vasena gantvā, tass' eva santike nibbattā. Tam kira disā-cārika-vimānaṃ vaṭṭani-aṭaviyaṃ ahosi. Pāyāsi devaputto ca eka-divasaṃ vāṇijakānaṃ dassetvā, attanā katakammaṃ kathesi ti.*

Pāyāsi-sutta-vanṇanā niṭṭhitā.

Niṭṭhitā ca Mahāvaggassa vanṇanā.

XXIV

PĀṬIKA¹-SUTTA-VANĀNĀ.

1. 1. *Evam me sutam . . . Mallesu viharatī ti Pāṭika¹-suttam.* Tatrāyaṃ apubba-pada-vanṇanā.

Mallesu viharatī ti Mallā nāma jānapadino rāja-kumārā. Tesam nivāso eko pi janapado rūlhi-saddena Mallā² ti vuccati. Tasmim Mallesu janapade.

Anupiyaṃ nāma Mallānaṃ nigamo ti. *Anupiyaṃ* ti evaṃ nāmako Mallānaṃ janapadassa eko nigamo. Taṃ gocara-gāmaṃ katvā ekasmim chāy-udaka-sampanne vana-saṇḍe viharatī ti attho. *Anupiyaṃ* ti pi pāṭho.

Pāvisī ti pavitṭho. Bhagavā pana na tāva pavitṭho: pavissāmī ti, nikkhantattā pana *pāvisī* ti vutto. Yathā kim? Yathā gāmaṃ gamissāmī ti, nikkhanto puriso taṃ gāmaṃ appatto pi kuhiṃ itthan-nāmo ti vutte gāmaṃ gato ti vuccati evaṃ.

Etad ahoṣī ti gāma-samīpe thatvā suriyaṃ olokentassa etaṃ³ ahoṣi.

Atippago kho ti ativiya pago kho ñatvā⁴: “Na tāva kulesu yāgu-bhattaṃ niṭṭhātī” ti. Kim pana Bhagavā kālaṃ ajānitvā nikkhanto ti? Na ajānitvā. Paccūsa-kāle yeva hi Bhagavā ñāṇa-jālaṃ pattharitvā lokaṃ volokento Buddha-ñāṇassa anto-pavitṭhaṃ Bhaggavagottaṃ channa-paribbājakaṃ disvā: Ajjāhaṃ imassa paribbājakassa mayā pubbe kata-kāraṇaṃ āharitvā dhammaṃ kathessāmi, sā dhamma-kathā assa mayi pasāda-paṭilābha-vasena saṃphalā bhavissatī ti, ñatvā va paribbājak’ ārāmaṃ pavisitu-kāmo atippage va nikkhami. Tasmā tattha pavisitu-kāmatāya evaṃ cittaṃ uppādesi.

¹ B Pāthiya.

² B etad.

³ SS Mallo; cp. Sum. I. 239, 279.

⁴ BSd omit.

2. *Etad avocā* ti Bhagavantam disvā māna-tthaddhatam akatvā Satthāram paccuggantvā etam: “Etu kho bhante” ti ādikam vacanam avoca.

Imam pariyāyan ti imam vāram. Ajja imam āgamana-vāran ti attho. Kim pana Bhagavā pubbe pi tattha gata-pubbo ti? Na gata-pubbo. Loka-samudācāra-vasena pana evam āha. Lokiyā hi cirassam āgataṃ pi anāgata-pubbam pi manāpa-jātiyaṃ āgataṃ disvā: “Kuto bhavaṃ āgato, cirassam bhavaṃ āgato, kathaṃ te? idh’ āgata-gamana-maggo ñāto? Kiṃ magga-mūlho si?” ti ādini vadanti. Tasmā ayam pi loka-samudācāra-vasena evam āhā ti vedi-tabbo.

Idam āsanam ti attano nisinn’ āsanam pappoṭhetvā dada-māno evam āha.

Sunakkhatto Licchavi-putto ti. Sunakkhatto nāma Licchavi-rāja-putto. So kira tassa gihi-sahāyo hoti, kālena kālam tassa santikam gacchati.

Paccakkhāto ti: Paccakkhāmi dānāham bhante Bhagavantam, na ’dānāham bhante Bhagavantam uddissa viharissāmi ti, evam paṭiakkhāto nissatṭho pariccatto.

Bhagavantam uddissā ti Bhagavā me Satthā, Bhagavato aham ovādam paṭikaromī ti: evam apadisitvā.

Ko santo kam paccācikkhasī ti yācako evā yācitakam paccā-cikkheyya yācitako vā yācakam, tvam pana n’ eva yācako na yācitako evam sante mogha-purisa ko santo ko samāno kam paccācikkhasī ti dasseti.

Passa mogha-purisā ti passa tuccha-purisa.

Yāvaṇ ca te idam aparaddhan ti: Yattakam idam tava aparaddham, yattako te aparādho tattako doso ti: evāham Bhagavantam dosam āropemī ti dassesi.

4. *Uttari-manussa-dhammā* ti pañcasīla-dasasīla-saṅkhātā manussa-dhammā uttari.

Iddhi-pāṭihāriyam ti iddhi-bhūtam pāṭihāriyam.

Kate vā ti katamhi vā.

Yass’ atthāyā ti yassa dukkha-kkayassa atthāya.

So niyyāti takkarassā ti so dhammo takkarassa yathā mayā dhammo desito tathā-kāra-kassa sammā-paṭipannassa pug-galassa sabba-vaṭṭa-dukkha-kkayāya amata-nibbāna-sacchi-

kiriyaṃ gacchati na gacchati samvattati na samvattati ti pucchati.

Tatra Sunakkhattā ti tasmim: Sunakkhatta mayā desite dhamme takkarassa sammā-dukkha-kkayaṃ samvattamāne kiṃ uttari-manussa-dhammā iddhi-pāṭihāriyaṃ kataṃ karisati. Ko tena te¹ katena attho? Tasmim hi kate pi akate pi mama sāsanassa parihāni n' atthi. Deva-manussānaṃ hi Amata-mahānibbāna-sampāpan' atthāya ahaṃ pāramiyo pūresim na pāṭihāriya-karaṇ' atthāya ti, pāṭihāriyassa nirattha-kataṃ dassetvā *Passa mogha-purisā* ti dutiyaṃ dosaṃ āropesi.

5. *Aggaññan* ti loka-paññatti. Idaṃ nāma lokassa aggan ti evaṃ jānitabbaṃ agga-mariyādaṃ, na taṃ paññāpeti ti vadati. Sesam ettha anantara-vārānusārena veditabbaṃ.

6. *Aneka-pariyāyena kho* ti. Idaṃ kasmā āraddhaṃ? Sunakkhatto: Bhagavato guṇaṃ makkhessāmi dosaṃ paññāpessāmi ti, ettakaṃ vippalapitvā Bhagavato kathaṃ suṇanto appaṭiṭṭho niravo aṭṭhasi. Atha Bhagavā: "Sunakkhatta evaṃ tvaṃ makkhi-bhāve titho sayam eva garaḥaṃ pāpuṇissasī" ti makkhi-bhāve ādīnava-dassan' atthaṃ *Aneka-pariyāyena* ti ādim āha. Tattha tattha² *aneka-pariyāyena* ti aneka-kāraṇena.

Vajji-gāme ti Vajji-rājūnaṃ gāme Vesālī-nagare.

No visahī ti nāsakkihi.

So avisahanto ti so Sunakkhatto yassa pubbe tiṇṇaṃ ratanānaṃ vaṇṇaṃ kathentassa mukhaṃ nappahoti, so idāni ten' eva mukhena avaṇṇaṃ kathesi, addhā avisahanto asakkonto brahmacariyaṃ caritum attano bālatāya avaṇṇaṃ kathetvā *hīnāy' āvatto* ti. Buddho pana subuddho va, Dhammo svākkhāto va, Saṅgho suppaṭipanno va. Evaṃ tiṇi ratanāni thomentā manussā tuyh' eva dosaṃ dassenti ti.

Iti kho te ti evaṃ kho te Sunakkhatta vattāro bhavissanti.

Tato evaṃ dose uppanne Satthā 'atitānāgate appaṭiḥaṭṭhāne: Mayhaṃ evaṃ doso uppajjissati ti, jānanto pi puretaraṃ na kathesi ti iti² vattum na lacchasi ti dasseti.

Apakkam' evā ti apakkami yeva, apakkanto vā cuto ti attho.

¹ SS omit.

² B omits.

Yathā taṃ āpāyiko ti yathā apāye nibbattanāraho satto apakkameyya evaṃ eva apakkamī ti attho.

7. *Ekam idāhan* ti: Iminā kiṃ dasseti? Idam suttaṃ dvīhi padehi āradddham: “Iddhi-pāṭihāriyaṃ na karotī” ti, ca, “Aggaññaṃ na paññāpeti” ti ca. Tattha “Aggaññaṃ na paññāpeti” ti, idam padaṃ sutta-pariyosāne dassessati. “Pāṭihāriyaṃ na karotī” ti, imassa pana padassa anusandhi-dassana-vasena ayaṃ desanā āradddhā. Tattha *ekam idāhan* ti ekasmim aham. *Samayan* ti samaye ekasmim kāle ahan ti attho.

Khulūsū ti,¹ Khulū nāma janapado, tattha viharāmi.

Uttarakā nāmā ti itthi-līṅga-vasena Uttarakā ti, evaṃ nā-mako Khulūnaṃ janapadassa nigamo. Taṃ nigamaṃ gocara-gāmaṃ katvā ti attho.

Acelo ti naggo.

Korakkhattiyo ti anto-vaṅka-pādo khattiyo.

Kukkura-vatiko ti samādinna-kukkura-vato sunakho viya ghāyitvā khādati uddhana-vāre nipajjati aññaṃ pi sunakha-kiriyaṃ eva karoti.

*Catu-kunḍiko*² ti catu-saṅghaṭṭito dve jāṇūni dve ca kappare bhūmiyaṃ ṭhapetvā vicarati.

Chamā-nikkinnan ti bhūmiyaṃ nikkinnaṃ pakkhittaṃ ṭhapitaṃ.

Bhakkhasan ti bhakkhaṃ, yaṃ kiñci khādaniyaṃ bhojaniyaṃ.

Mukhen’ evā ti hatthena aparāmasitvā khādaniyaṃ mukhen’ eva khādati, bhojaniyaṃ pi mukhen’ eva bhuñjati.

Sādhurūpo ti suvaṇṇa-rūpo.

Araham samaṇo ti arahanta-samaṇo eko ti. Tattha *vatā* ti patthan’ atthe nipāto. Evaṃ kir’ assa patthanā ahosi: “Iminā samaṇena sadiso añño samaṇo nāma n’ atthi, ayaṃ hi app’ icchatāya vatthaṃ na nivāseti. Esa papañco ti, maññaṃāno bhikkhā-bhājanaṃ na pariharanti, chamā-nikkinnam eva khādati. Ayaṃ samaṇo nāma. Mayam pana kiṃ samaṇo?” ti. Evaṃ sabbaññu-Buddhassa pacchato caranto imaṃ pāpakam vitakkam vitakkesi.

¹ B Thulūsu.

² Sic DT; B °kunḍiko; SS °konṭhika.

Etad avocā ti Bhagavā kira cintesi: “Ayaṃ Sunakkhatto pāp’ ajjhāsayo, kim imaṃ disvā cintesī” ti. Ath’ evaṃ cintento tassa ajjhāsayaṃ viditvā: “Ayaṃ mogha-puriso mādisassa sabbaññuno pacchato āgacchanto: Acelaṃ arahā ti, maññati idh’ eva dānāyaṃ bālo niggahaṃ arahatī” ti anivattitvā va evaṃ *Tvaṃ pi nāmā* ti ādi-vacanaṃ avoca. Tattha *tvam pi nāma* ti garah’ atthe pi kāro, garahanto hi naṃ Bhagavā *tvam pi nāmā* ti āha. *Tvaṃ pi nāma* evaṃ hin’ ajjhāsayo: Ahaṃ samaṇo Sakyaputtiyo ti, evaṃ paṭijānissatī ti: ayaṃ h’ ettha adhippāyo.

Kim pana me bhante ti bhante mayhaṃ kiṃ garayaṃ disvā Bhagavā evaṃ āhā ti vuccati.

Ath’ assa Bhagavā ācikkhento *Na nu te* ti ādim āha.

Maccharāyatī ti mā aññassa arahattaṃ hotū ti. Kiṃ Bhagavā evaṃ arahattassa maccharāyatī ti pucchati.

Na kho ahan ti ahaṃ mogha-purisa sadevakassa lokassa arahatta-paṭilābham eva paccāsimṣāmi. Etad attham eva me bahūni dukkarāni karonte na pāramiyo pūritā. Na kho ahaṃ mogha-purisa arahattassa maccharāyāmi.

Pāpakaṃ diṭṭhi-gatan ti na arahantaṃ arahā ti arahante ca arahanto ti. Evaṃ tassa diṭṭhi uppannā. Taṃ sandhāya *pāpakaṃ diṭṭhi-gatan* ti āha.

Yaṃ kho panā ti yaṃ etaṃ acelaṃ evaṃ maññasi.

Sattamaṃ divasaṃ ti sattame divase.

Alasakenā ti alasaka-vyādhinā.

Kālaṃ karissatī ti uddhumāta-udaro marissati.

Kālakañjikā ti tesāṃ Asurānaṃ nāmaṃ. Tesāṃ kira ti-gāvuto attabhāvo appa-maṃsa-lohito purāṇa-paṇṇa-sadiso kakkatākānaṃ viya akkhīni nikkhamitvā matthake tiṭṭhanti. Mukhaṃ sūci-pāsaka-sadisāṃ matthakasmim yeva hoti. Tena oṇamitvā gocaraṃ gaṇhanti.

Bīraṇa-tthambhake ti, bīraṇa-tiṇa-tthambho tasmim susāne atthi, tasmā taṃ bīraṇa-tṭhambhakan ti vuccati.

8. *Ten’ upasaṃkamī* ti Bhagavati ettakaṃ vatvā tasmim gāme piṇḍāya caritvā vihāraṃ gate vihārā nikkhamitvā upasaṅkami.

Yena tvaṃ ti yena kāraṇena tvaṃ. *Yasmā* ’si Bhagavatā vyākato tasmā ti attho.

Mattam mattan ti pamāṇa-yuttam pamāṇa-yuttam. Mantvā mantvā ti vā pātho. Paññāya upaparikkhitvā¹ ti attho.

Yathā Samaṇassā ti yathā Samaṇassa Gotamassa micchā-vacanam assa tathā kāressamī ti āha. Evaṃ vutte acelo sunakho viya uddhana-dvāre nipanno sīsam ukkhipitvā akkhini ummiletvā olokeno: “Kiṃ kathesi Samaṇo nāma Gotamo amhākaṃ verī visabhāgo? Samaṇassa Gotamassa uppanna-kālato patṭhāya mayam suriye uggate khajjopanakā viya jātā. Samaṇo Gotamo amhe evaṃ vācam vadeyya aññathā vā. Verino pana kathā nāma tucchā na hoti, gaccha tvam, aham ettha kattabbam jānissāmī” ti vatvā punad eva nipajji.

Eka-dvīhi-kāyā ti ekaṃ dve ti vatvā gaṇesi.

Yathā tan ti yathā asaddahamāno koci gaṇeyya evaṃ gaṇesi. Eka-divasaṇ ca tikkhattum upasaṅkamitvā: “Eko divaso atīto, dve divasā atītā” ti ārocesi.

Sattamam divasan ti. So kira Sunakkhattassa vacanam sutvā sattāham nirāhāro va ahosi. Ath’ assa sattame divase eko upaṭṭhāko: Amhākaṃ kulūpaga-samaṇassa ajja sattamo divaso geham anāgacchantassa, aphāsu nu kho jātan ti, sūkara-mamsam pacāpetvā bhattam pacāpetvā ādāya gantvā purato bhūmiyaṃ nikkhipi. Acelo disvā cintesi: Samaṇassa Gotamassa kathā tucchā vā atucchā vā hotu, āhāram pana khāditvā suhitassa me maraṇam pi sumaraṇan ti, dve hatthe jānūni ca bhūmiyaṃ ṭhapetvā kucchi-pūram bhuñji. So ratti-bhāge jīrāpetum asakkonto, alasakena kālam akāsi. Sace pi hi so: Na bhunjeyyan ti, cinteyya, tathā pi tam divasam bhuñjitvā alasakena kālam kareyya, advejja-vacanā hi Tathāgatā ti.

Biraṇa-tthambake ti. Titthiyā kira: Kālakato Korakkhattiyo ti, sutvā, divasāni gaṇetvā: “Idam tāva saccam jātam, idāni nam aññattha chaḍḍessāmā” ti vatvā; “Musā-vādena Samaṇam Gotamam niggaṇhissāmā” ti gantvā: Tassa sariraṃ valliyaṃ bandhitvā ākaḍḍhantā ettha chaḍḍessāma, ettha chaḍḍessāmā ti, gacchanti. Gata-gata-tṭhānam aṇaṇam eva hoti. Te kaḍḍhamānā biraṇa-tthambhakam susānam yeva gantvā, susānabhāvaṃ ñatvā: Aññattha chaḍḍessāmā ti, ākaḍḍhiṃsu.

¹ SS pari° only.

Atha nesam valli chijjittha. Pacchā-cāletum nāsakkhimsu. Te tato va pakkantā. Tena vuttam *Bīraṇa-tthambhake susāne chaḍḍesun* ti.

9. *Ten' upasaṅkamī* ti. Kasmā upasaṅkami? So kira cintesi: "Avasesan tāva Samaṇassa Gotamassa vacanam sameti, matassa pan' utthāya aññena saddhiṃ kathanam nāma n' atthi, handāham gantvā pucchāmi. Sace katheti sundaram, no ce katheti Samaṇam Gotamam musā-vādena niggahessāmī" ti. Iminā kārāṇena upasaṅkami.

Akotesī ti pahari.

Jānāmi āvuso ti mata-sarīram utthahitvā kathetum samattham nāma n' atthi. Idam katham kathesi ti Buddhānubhāvena. Bhagavā kira Korakkhattiyam asura-yonito ānetvā sarīre adhimocetvā kathāpesi, tam eva vā sarīram kathāpesi. Acinteyyo hi Buddha-visayo.

10. *Tath' eva tam vipākan* ti tassa vacanassa vipākam tath' eva, udāhu no ti līṅga-vipallāso kato. Tath' eva so vipāko ti attho. Keci pana vipakkan ti pi pāṭhan ti nibbattan ti attho.

Ettha ṭhatvā pāṭihāriyāni samānetabbāni. Sabbān' eva h' etāni pañca pāṭihāriyāni honti. Sattame divase marissatī ti vuttam, so tath' eva mato. Idam paṭhamam pāṭihāriyam. Alasanā ti vuttam, alaskan eva mato. Idam dutiyam. Kālakañjakesu nibbattissatī ti vuttam, tath' eva nibbatto. Idam tatiyam. Bīraṇa-tthambhake susāne chaḍḍessantī ti vuttam, tath' eva chaḍḍito. Idam catuttham. Nibbattaṭṭhānato āgantvā Sunakkhattena saddhiṃ kathessatī ti vuttam, so kathesi yeva. Idam pañcamam pāṭihāriyam.

11. *Kaḷāramatṭhuko*¹ ti, nikkhanta-danta-maṭṭako. Nāmam eva vā tass' etaṃ.

Lābh' agga-ppatto ti lābh' agga-patto agga-lābham patto ti vuttam hoti.

Yas' agga-ppatto ti yas' aggam agga-parivāram patto.

Vata-padānī ti vatāni yeva, vata-koṭṭhāsā vā.

Samattānī ti gahitāni.

Samādinnaṇī ti tass' eva vevacanam.

Purattimena Vesālī ti Vesālito avidūre purimāya disāya.

¹ DT Kandaramasuko (see D III. 9); B °maṭṭako.

Cetiyā ti yakkha-cetiya-tṭhānaṃ. Esa nayo sabbattha.

12. *Yena acelo* ti Bhagavato vattaṃ katvā yena acelo Kaḷāramaṭṭhuko ten' upasaṅkami.

Pañhaṃ pucchī ti gambhīraṃ ti-lakkhaṇ' āhataṃ pañhaṃ pucchi.

Na sampāyāsī ti na sammā-ñāṇa-gatiyā pāyāsī andho viya visama-tṭhāne tattha tatth' eva pakkhali, n' eva ādiṃ na pari-yosānaṃ addasa. Atha vā *na sampāyāsī* ti na sampādesi, sampādetvā kathetuṃ nāsakkhi. Asampāyanto kabarakkhiṇi¹ viya parivattetvā: "Asikkhitakassa santike vuttho 'si. Anokāse pi pabbajito pañhaṃ pucchanto vicarasi, apehi, mā etasmiṃ ṭhāne atṭhāsī" ti vadanto.

Kopaṇ ca dosaṇ ca appaccayaṇ ca pātvākāsī ti kuppan' ākāraṃ kopaṃ dussan' ākāraṃ dosaṃ atuṭṭh' ākāra-bhūtaṃ domanassa-saṅkhātaṃ appaccayaṇ ca pākaṭaṃ akāsi.

Āsādiyimhase² ti, āsādiyimha ghaṭṭayimha.

Mā vata no ahoṣī ti aho vata me na bhaveyya. *Mam vata no ahoṣī* ti pi pāṭho. Tattha *man* ti sāmī-vacan' atthe upayoga-vacanāṃ. Ahoṣi vata nu mamā ti attho. Evañ ca pana cintetvā ukkuṭikaṃ nisīditvā: "Khamatha me bhante" ti taṃ khamāpesi. "So pi ito paṭṭhāya aññaṃ kiñci pañhaṃ nāma na pucchissatī" ti. "Āma na pucchissāmī" ti. "Yadi evaṃ gaccha, khamāmi te" ti taṃ uyyojesi.

13. *Parihito* ti paridahito nivattha-vattho.

Sānucāriko ti anucāriko vuccati bhariyā. Sāhānucārikāya sānucāriko. Taṃ brahmacāri-vataṃ pahāya saha-bhariyo ti attho.

Odana-kummāsaṇ ti surā-mamsato atirekaṃ odanaṃ pi kummāsaṃ pi bhuñjamāno.

Yasā nikkiṇṇo ti yaṃ lābh' agga-yas' aggaṃ patto, tato parihīno hutvā.

14. *Kataṃ vā hoti uttari-manussa-dhammā iddhi-pāṭihāriyaṇ* ti idha satta-vata-padātikkama-vasena satta pāṭihāriyāni veditabbāni.

15. *Pāṭika-putto* ti Pāṭikassa putto.

Ñāṇa-vādenā ti ñāṇa-vadena saddhiṃ.

¹ Sc kokar°; Sd kacar°.

² B āsādimhase.

Upaddha-pathan ti yojanaṃ ce no antare bhaveyya Gotamo addha-yojanaṃ, ahaṃ addha-yojanaṃ. Esa nayo addha-yojan' ādisu. Eka-pada-vāraṃ pi atikkamma gacchato jayo bhavissati, anāgacchato parājayo ti.

Te tatthā ti te mayam, tattha samāgata-tṭhāne.

Tad diguṇaṃ tad diguṇḍhan ti tato tato diguṇaṃ diguṇaṃ ahaṃ karissāmi ti. Bhagavatā saddhiṃ iddhi-pāṭihāriyaṃ kātum asamatthabbhāvaṃ jānanto pi uttama-purisenā saddhiṃ paṭṭhapetvā: Asakkunantassāpi pasamsa hoti ti, ñatvā evam āha. Nagara-vāsino pi taṃ sutvā: Asamattho nāma evaṃ na gacchati, addhā ayam pi arahā bhavissati ti, tassa mahan-taṃ sakkāraṃ akamsu.

16. *Yenāhaṃ ten' upasaṅkamī* ti Sunakkhatto kira: Pāṭika-putto evaṃ vadati ti, assosi. Ath' assa hīn-ajjhāsayattā hīna-dassanāya cittaṃ udapādi. So Bhagavato vattaṃ katvā, Bhagavati gandha-kuṭiṃ pavitṭhe, Pāṭika-puttassa santikaṃ gantvā pucchi: "Tumhe kira evarūpiṃ kathaṃ kathethā?" ti. "Āma kathenā" ti. "Yadi evaṃ mā bhāyittha, vissatthā punappuna evaṃ vadatha, ahaṃ Samaṇassa Gotamassa upaṭṭhāko, tassa visayaṃ jānāmi, tumhehi saddhiṃ pāṭihāriyaṃ kattuṃ na sakkissati. Ahaṃ Samaṇassa Gotamassa kathetvā, bhayaṃ uppādetvā taṃ aññato gahetvā gamissāmi. Tumhe mā bhāyitthā" ti taṃ assāsetvā, Bhagavato santikaṃ gato. Tena vuttaṃ *yenāhaṃ ten' upasaṅkamī* ti.

Taṃ vācaṃ ti ādisu: Ahaṃ abuddho va samāno: Buddho 'mhī ti, vicariṃ. Abhūtaṃ me kathitaṃ, nāhaṃ Buddho ti vadanto taṃ vācaṃ pajahati nāma. Raho nisīditvā cintayamāno ahaṃ ettakaṃ kālaṃ abuddho va samāno: Buddho 'mhī ti, vicariṃ. Ito dāni paṭṭhāya: Nāhaṃ Buddho ti, cintayanto taṃ cittaṃ pajahati nāma. Ahaṃ ettakaṃ kālaṃ abuddho va samāno: Buddho 'mhī ti, pāpikaṃ diṭṭhiṃ gahe-tvā vicariṃ. Ito dāni paṭṭhāya imaṃ diṭṭhiṃ pajahāmi ti, pajahanto taṃ diṭṭhiṃ paṇinissajjati nāma. Evaṃ akaronto pana *taṃ vācaṃ appahāya taṃ cittaṃ appahāya taṃ diṭṭhiṃ appaṇinissajjivā* ti vuccati.

Vipateyyā ti bandhanā mutta-tāla-pakkaṃ viya givato pateyya, sattadhā vā pana phaleyya.

17. *Rakkhat' etan ti rakkhatu etaṃ.*

Ekamsenā ti nippariyāyena.

Ovādītā ti bhāsītā.

Acelo ca bhante Pāṭika-putto ti evaṃ ekamsena Bhagavato vācāya ovādītāya sace acelo Pāṭika-putto.

Virūpa-rūpenā ti vigata-rūpena bībhacchita¹-sabhāvena rūpena attano rūpaṃ pahāya adissamānena kāyena sīha-vyaggh' ādi-vasena vā vividha-rūpena sammukhī-bhāvaṃ āgaccheyya.

Tad assa Bhagavato musā ti, evaṃ sante Bhagavato taṃ vacanaṃ musā bhaveyyā ti musā-vādena niggaṇhāti. *Ṭhāpetvā kira etaṃ na aññena Bhagavā musā-vādena niggaḥita-pubbo* ti.

Dvaya-gāminī ti sarūpena atthi-bhāvaṃ atthena n' atthi-bhāvan ti: evaṃ dvaya-gāminī. Alikā-tuccha-nippala-vācāya etaṃ adhivacanaṃ.

18. *Ajito pi nāma Licchavīnaṃ senāpatī* ti so kira Bhagavato upatṭhāko ahosi. So kālaṃ akāsi. Ath' assa sarīra-kiccaṃ karitvā manussā Pāṭika-puttaṃ pucchimsu: "Kuhim nibbatto senāpatī?" ti. So āha: "Mahā-niraye nibbatto" ti. Idañ ca pana vatvā punar āha: "Tumhākaṃ senāpati mama santikaṃ āgamma: Ahaṃ tumhākaṃ vacanaṃ akatvā Samanassa Gotamassa vādaṃ patiṭṭhapetvā niraye nibbatto ti, paroditthā" ti.

19. *Ten' upasāṅkami divā-vihārāyā* ti ettha pāṭihāriya-karaṇ' atthāyā ti kasmā na vadati? Abhāvā. Sammukhī-bhāvo pi hi 'ssa tena saddhim n' atthi kuto pāṭihāriya-karaṇaṃ, tasmā tathā avātvā *divā-vihārāyā* ti āha.

Gahapati-necayikā ti gahapati-mahāsālā. Tesam hi mahādhana-dhañña-nicayo, tasmā *necayikā* ti vuccanti.

Aneka-sahassā ti pi aparimāṇa-gaṇanā. Evaṃ mahatiṃ kira parisam ṭhāpetvā Sunakkhattaṃ añño sannipātetuṃ samattho n' atthi. Ten' eva Bhagavā ettakaṃ kālaṃ Sunakkhattaṃ gaḥetvā vicari.

20. *Bhayan* ti citt' utrāsa-bhayaṃ.

Chambhittan ti sakala-sarīra-calanaṃ.

Lomaḥsaṃso ti lomānaṃ uddhaḡa-bhāvo. So kira cintesi:

¹ B vigacchita°.

Ahaṃ atimahantaṃ kathaṃ kathetvā sadevake loke agga-puggalena saddhiṃ paṭiviruddho, mayhaṃ kho paṇ' abbhantare arahattaṃ vā pāṭihāriya-karaṇa-hetu vā n' atthi. Saṃaṇo pana Gotamo pāṭihāriyaṃ karissati. Ath' assa pāṭihāriyaṃ disvā mahājano: Tvaṃ pāṭihāriyaṃ kātuṃ asak-konto kasmā attano pamāṇam ajānitvā loke agga-puggalena saddhiṃ paṭimallo hutvā gajjasī ti, kattha-leḍḍu-daṇḍ' ādīhi maṃ poṭhessati. Ten' assa mahājana-sannipātaṃ c' eva tena Bhagavato ca āgamaṇaṃ sutvā *bhayaṃ chambitattaṃ lomahaṃso udapādi*. So tato dukkhā muccitu-kāmo Tindukakhaṇu¹-paribbājak' ārāmaṃ āgamāsi. Taṃ atthaṃ dassetuṃ *atha kho Bhaggavā* ti ādim āha.

Tattha *upasaṅkamī* ti na kevalaṃ upasaṅkami, upasaṅkamitvā pana dūraṃ addha-yojaṇ' antaraṃ paribbājak' ārāmaṃ pavitṭho. Tattha pi cittaṃ assādaṃ alabhamāno ant' antena avijjhāditvā ārāma-paccante ekaṃ gahana-tṭhānaṃ upadhāretvā pāsāṇa-phalake nisīdi. Atha Bhagavā cintesi: Sace ayaṃ bālo kassaci eva kathaṃ gahetvā idh' āgaccheyya, mā nassatu bālo ti, nisinna-pāsāṇa-phalakaṃ tassa sarīre allīnaṃ hotū ti, adhiṭṭhāsi. Saha adhiṭṭhāna-cittena taṃ tassa sarīre allīyi. So mahā-andu-bandhana-baddho viya chinna-pādo viya ahosi.

Assosī ti Ito c' ito ca Pāṭika-puttaṃ pariyesamānā parisā tassa anupadaṃ gantvā nisinna-tṭhānaṃ nītvā āgatena añña-tarena purisena: "Tumhe kaṃ pariyesathā?" ti; "Pāṭika-puttaṃ;" "So Tindukakhāṇuka-paribbājak' ārāme nisinno" ti vutta-vacanena assosī.

21. *Samsappaṭi* ti osīdati, tatth' eva sañcarati.

*Pāvāḷa*² vuccati ānisad' aṭṭhikā.

22. *Parābhūta-rūpo* ti parājita-rūpo vinaṭṭha-rūpo vā.

2. 3. *Go-yugehī* ti go-yuttehi sata-mattehi vā sahassamattehi vā yugehi.

Āvijjheyyāma ti, akaḍḍheyyāma.

Chijjēraṇ ti chindeyyuṃ.

¹ B Tindukhāṇuk°.

² SS pavuḷā.

Pāṭika-putto vā ti, Pāṭika-putto vā bandha-ṭṭhāne chijjeyya.

4. *Dārupattik' antevāsī* ti Dārupattikassa antevāsī. Tassa kira etad ahosi: “Tiṭṭhatu tāva pāṭihāriyaṃ, Samaṇo Gotamo: Pāṭika-putto āsanā na vuṭṭhahissatī ti, āha, handāhaṃ gantvā yena kenaci upāyena taṃ āsanā vuṭṭhāpemi, ettāvata ca Samaṇassa Gotamassa parājayo bhavissatī” ti. Tasmā evaṃ āha.

6. *Sihassā* ti cattāro sihā: tiṇa-siho ca kāḷa-siho paṇḍu-siho ca kesara-siho ca. Tesam catunnaṃ sihānaṃ kesara-siho aggataṃ gato. So idha adhippeto.

Miga-rañño ti sabba-catuppadānaṃ rañño.

Āsayaṃ ti nivāsaṃ.

Sīha-nādaṃ ti abhīta-nādaṃ.

Gocarāya pakkameyyaṃ ti āhār' atthāya pakkameyyaṃ.

Varaṃ varaṃ ti uttam' uttamaṃ, thūlaṃ thulan ti attho.

Mudu-maṃsānī ti mudūni maṃsāni. Madhu-maṃsānī ti pi pāṭho, madhura-maṃsānī ti attho.

Ajjhupeyyaṃ ti upagaccheyyaṃ.

Sīha-nādaṃ naditvā ti: Ye dubbala-pāṇa te palāyantū ti, attano sūra-bhāva-sannissitena kāruṇṇīena naditvā.

7. *Vighāse samvaddho* ti vighāseṇa samvaddho. Vighāsaṃ bhakkhitvā atiritta-maṃsaṃ khāditvā vaḍḍhito.

Ditto ti dappito thūla-sarīro.

Balavā ti bala-sampanno.

Etad ahosī ti: Kasmā ahosi? Asmi-māna-dosā. Tatrāyaṃ ānupubbi-kathā.

Eka-divasaṃ kira so siho gocarato nivattamāno taṃ sigālaṃ bhayena palāyamānaṃ disvā kāruṇṇīa-jāto hutvā: “Vayassa mā bhāyi, tiṭṭha, ko nāma tvaṃ?” ti āha. “Jambuko nāmāhaṃ sāmi.” “Vayassa Jambuka ito paṭṭhāya maṃ upaṭṭhātuṃ sakkhissasī” ti. “Upaṭṭhāhissāmī” ti.

So tato paṭṭhāya upaṭṭhāti. Siho gocarato āgacchanto mahantaṃ mahantaṃ maṃsa-khaṇḍaṃ āhari. So taṃ khāditvā avidūre pāsāna-piṭṭhe vasati. So katipāhaccayena thūla-sarīro mahā-khandho jāto. Atha naṃ Siho avoca: “Vayassa Jambuka mama vijambhana-kāle avidūre ṭhatvā: Viroca sāmi viroca sāmī ti, vattuṃ na sakkhissasī” ti.

“Sakkhissaṃ sāmī” ti.

So tassa vijambhana-kāle tathā

karoti. Tena Sihassa atireko asmi-māno hoti. Ath' eka-divasaṃ jara-sigālo udaka-sonḍiyaṃ pāṇiyaṃ pivanto, attano chāyaṃ olokento addasa attano thūla-sarīratañ c' eva mahā-khandhatañ ca. Disvā: Jara-sigālo 'smī ti, manaññi akatvā: Aham pi siho jāto ti, maññi. Tato attanā va attānaṃ etad avoca: "Vayassa Jambuka, yuttaṃ nāma tava iminā attabhāvena parassa ucchiṭṭha-maṃsaṃ khāditaṃ, kiṃ tvam puriso na hosi? Sihassāpi cattāro pādā dve dāṭhā dve kaṇṇā ekaṃ naṅgutṭham, tavāpi sabbam tath' eva, kevalam tava kesara-bhāramattam eva n' atthī" ti. Tass' evaṃ cintayato asmi-māno vaḍḍhi. Ath' assa tena asmi-māna-dosena etaṃ *Ko cāhan* ti ādi maññi tam ahosi. Tattha *ko cāhan* ti ahaṃ ko, siho miga-rājā ko, na me ñāti na sāmiko, kim ahaṃ tassa nipacc' ākāraṃ karomī ti adhippāyo. *Sigālakam yevā* ti sigāla-ravam eva. *Bheraṇḍakam yevā* ti appiya-amanāpasaddam eva. *Ke ca cheve Sigāle* ti ko ca lāmako sigālo.

Ke pana siha-nāde ti ko pana siha-nādo. Sigālassa ca Siha-nādassa ko sambandho ti adhippāyo.

Sugat' āpadānesu ti Sugata-lakkhaṇesu, Sugatassa sāsana-sambhūtāsu tīsu sikkhāsu. Kathaṃ pan' esa tattha jīvati? Etassa hi cattāro paccaye dadamānā sīl' ādi-guṇa-sampannānaṃ Sambuddhānaṃ demā ti denti, tesam esa abuddho samāno Buddhānaṃ niyāmita-paccaye paribhuñjanto Sugat' āpadānesu jīvati nāma.

Sugatā tirittānī ti tesam kira bhojanāni dadamānā Buddhānañ ca Buddha-sāvakānañ ca datvā pacchā avasesaṃ sāyaṇhasamaye denti. Evam eva Sugatātirittāni bhuñjati nāma.

Tathāgate ti Tathāgataṃ arahantaṃ Sammā-sambuddhaṃ āsādetabbaṃ ghaṭṭayitabbaṃ. Atha vā *Tathāgate* ti ādini upayoga-bahu-vacanān' eva.

Āsādetabban ti idam pi bahuvacanam eva eka-vacanam viya vuttaṃ.

Āsādanā ti: Ahaṃ Buddhena saddhim' pāṭihāriyaṃ karissāmī ti, ghaṭṭanā.

8. *Samekkhiyānan* ti samapekkhitvā¹ maññitvā ti attho.

Amaññī ti puna maññittha.

¹ B samekkhitvā.

Kotthū ti sigālo.

9. *Attānaṃ vighāse samekkhiyā* ti soḍḍiyaṃ ucchitth' oḍake thūlaṃ attabhāvaṃ disvā.

Yāv' attānaṃ na passatī ti yāva ahaṃ sīha-vighāsaṃ vaḍḍhitako jara-sigālo ti evaṃ yathā-bhūtaṃ attānaṃ na passati.

Vyagghoti maññatī ti: Sīho 'ham asmī ti, maññati. Sīhena vā samāna-balo vyaggho yeva ahan ti maññati.

10. *Bhutvāna bheke* ti āvāṭa-maṇḍuke khāditvā.

Khala-mūsikāyo ti khalesu mūsikāyo ca khāditvā.

Kaṭa-sīsu khittāni ca konupānī ti¹ susānesu chaḍḍita-kupaṇāni ca khāditvā.

Mahā-vane ti mahante vanasmim.

Suñña-vane ti, tuccha-vane.

Vivaḍḍho ti vaḍḍhito.

Tath' eva so sigālakaṃ anadī ti, evaṃ samvaḍḍho: *Migarājā* 'ham asmī ti, maññitvā pi yathā pubbe dubbala-sigāla-kāle tath' eva so sigāla-ravaṃ yeva aravī ti. Imāya pi gāthāya bhek' ādini bhūtvā vaḍḍhita-sigālo viya: Lābha-sakkāra-gid-dho tvaṇ ti, Pāṭika-puttam eva ghaṭṭesi.

12. *Nāgehī* ti hatthīhi.

13. *Mahā-bandhanā* ti mahatā kilesa-bandhanā mocetvā.

Mahā-viduggā ti mahā-viduggaṃ nāma cattaro oghā. Tato uddharitvā nibbāna-phale patitṭhapetvā.

Iti Bhagavā ettakena kathā-maggena pāṭihāriyaṃ na karotī ti padassa anusandhim dassetvā idāni na aggaññaṃ paññapetī ti imassa anusandhim dassento *aggaññaṃ cāhan* ti desanaṃ ārabhi.

14. Tattha *aggaññaṃ cāhan* ti ahaṃ Bhaggava aggaññaṃ ca pajānāmi, lok' uppatti-cariya-vamsaṃ, tañ ca pajānāmi ti na kevalaṃ aggaññaṃ eva, tañ ca aggaññaṃ pajānāmi, tato ca uttaritaraṃ sīla-samādhito paṭṭhāya yāva-sabbaññuta-ñāṇā pajānāmi.

Tañ ca pajānanaṃ na parāmasāmi ti tañ ca pajānanto pi ahaṃ idaṃ nāma pajānāmi ti: taṇhā-diṭṭhi-māna-vasena na parāmasāmi, n' atthi Tathāgatassa parāmāso ti dīpeti.

Paccattam yeva nibbuti viditā ti attanā yeva attani kilesa-nibbānam viditam.

Yad abhijānam Tathāgato ti yaṃ kiñci kilesa-nibbānam jānanto Tathāgato.

No anayaṃ āpajjati ti avidita-nibbānā titthiyā viya anayaṃ dukkhaṃ vyasanam n' āpajjati. Idāni yaṃ taṃ titthiyā aggaññaṃ paññāpentī, taṃ dassento *Santi Bhaggavā* ti ādim āha.

Tattha Issara-kuttaṃ Brahma-kuttaṃ ti Issara-kataṃ Brahma-kataṃ, Issara-nimmittaṃ Brahma-nimittan ti attho. Brahmā eva hi ettha ādhipacca-bhāvena Issaro ti veditabbo.

Ācariyakan ti ācariya-bhāvaṃ ācariya-vādaṃ. Tattha ācariya-vādo aggaññaṃ. Aggaññaṃ pana ettha desitan ti katvā so pi aggaññaṃ tv' eva vutto.

Kathaṃ vihitakan ti kena vihitam, kin ti vihitam. Sesam Brahmajāle vitthārīta-nayen' eva veditabbaṃ.

18. *Khiḍḍā-padūsikan* ti, khiḍḍā-padūsika-mūlakam.

21. *Tucchā* ti tucchena anto-sāra-virahitena.

Musā ti musā-vādena.

Abhūtenā ti bhūt' attha-virahitena.

Abbhācikkhanti ti abhi-ācikkhanti.

Viparīto ti, viparīta-sañño viparīta-citto.¹

Bhikkhavo cā ti na kevalam Samaṇo Gotamo yeva, ye ca, anusatthim karonti te bhikkhū ca viparītā. Atha yaṃ sandhāya viparīto ti vadanti, taṃ dassetum *Samaṇo Gotamo* ti ādi vuttam.

Subhaṃ vimokkhan ti vaṇṇa-kasiṇam.

Subhan t' evā ti, subhañ ca asubhañ ca sabbam asubhan ti evam pajānāti. Subhan tv' eva tasmim samaye subhan ti eva ca tasmim samaye pajānāti na asubham.

Bhikkhavo cā ti ye te evam vadanti tesam bhikkhavo ante-vāsika-samaṇā viparītā.

Pahoī ti samattho paṭibalo.

Dukkaram kho ti ayam paribbājako yad idam evam pasan-no: 'Aham bhante' ti ādim āha. Taṃ sāṭheyyanako hañ-ṇena āha. Evam kir' assa ahosi: "Samaṇo Gotamo mayham

¹ B viparīta°.

ettakaṃ dhamma-kathaṃ kathesi. Tam ahaṃ sutvā pabbajitum na sakkomi, mayā etassa sāsanaṃ paṭipanna-sadisena bhavitum vaṭṭati'' ti. Tato so sātheyyanako haññena evaṃ āha. Ten' assa Bhagavā cammaṃ¹ ghaṭṭento viya *Dukkaraṃ kho etaṃ Bhaggava tayā añña-ditṭhikenā* ti ādim āha. Taṃ Poṭṭhapāda-sutte vuttattham eva.

Sādhukaṃ anurukkha ti suṭṭhu anurukkha. Iti Bhagavā pasādam attānurukkhaṇe paribbājakaṃ niyyojesi. Evaṃ mahantaṃ suttaṃ sutvā pi nāsakkhi kilesa-kkayaṃ kātum. Desanā paṇ' assa āyatim vāsanāya paccayo ahosi.

Sesa-sabbattha uttānattham evā ti.

Pāṭika-sutta-vaṇṇanā niṭṭhitā.

¹ So vammaṃ; B mammaṃ.

XXV

UDUMBARIKA-SUTTA-VANṆANĀ.

1. *Evam me sutaṃ* ti Udumbarika-suttaṃ. Tatrāyaṃ apubba-pada-vanṇanā.

Paribbājako ti channa-paribbājako.

Udumbarikāya paribbājaka' ārāme ti Udumbarikāya deviyā santake paribbājaka' ārāme.

Sandhāno ti tassa nāmaṃ. Ayam pana mahānubhāvo parivāretvā vicarantānaṃ pañcannaṃ upāsaka-satānaṃ agga-puriso anāgāmi Bhagavatā mahā-parisa-majjhe evaṃ saṃvaṇṇito chahi bhikkhave aṅgehi samannāgato Sandhāno gahapati Tathāgate niṭṭhaṅgato saddhamme iriyati. Katamehi chahi? Buddhe avecca-ppasādena Dhamme . . . Saṃghe avecca-ppasādena ariyena sīlena ariyena ñāṇena ariyāya vimuttiyā. Imehi kho bhikkhave chahi dhammehi samannāgato Sandhāno gahapati Tathāgate niṭṭhaṅgato saddhamme iriyati ti. So pāto yeva uposatha' aṅgāni adhiṭṭhāya pubbaṇṇa-samaye Buddha-pamukhassa saṅghassa dānaṃ datvā bhikkhūsu vihāraṃ gatesu ghare khuddaka-mahallakānaṃ dāra-kānaṃ saddena ubbālho: Satthu santike dhammaṃ sossāmi ti, nikkhanto. Tena vuttaṃ *divā divassa Rājagahā nikkhami* ti. Tattha *divā divassā* ti divasassa divā nāma majjhaṇhātikkamo. Tasmim divasassāpi divā bhūte atikkantamatte majjhantike nikkhami ti attho.

Patisallīno ti tato tato rūpa' ādi-gocarato cittaṃ paṭisaṃharitvā nilīno jhāna-rati-sevanā-vasena ekībhāvaṃ gato.

Mano-bhāvanīyānaṃ ti mano-vaḍḍhanakānaṃ, ye ca āvajjato manasikaroto cittaṃ nīvaraṇaṃ hoti unnamati vaḍḍhati.

2. *Unnādinīyā* ti ādīni Poṭṭhapāda-sutte vitthārīta-nāyena eva veditabbāni.*

3. *Yāvata* ti yattakā.

Ayaṃ tesam aññataro ti ayaṃ tesam abbhantaro eko sāvakō. Bhagavato kira sāvakā gihi anāgāmino yeva pañca satā Rājagahe paṭivasanti, yesam ek' ekassa pañca pañca upāsaka-satani parivārā. Te sandhāya ayaṃ *tesam aññataro* ti āha.

App' eva nāmā ti tassa upasaṅkamanam patthayamāno āha. Patthanā-karaṇam pana Poṭṭhapāda-sutte vuttam eva.

4. *Etad avocā* ti āgacchanto antarā-magge yeva tesam kaṭhāya sutattā etaṃ *aññathā kho ime* ti ādi-vācanam avoca.

Tattha *añña-titthiyā* ti dassanena pi ākappena pi kuttana pi ācārena pi vihārena pi iriyāpathena pi *aññe titthiyā* ti añña-titthiyā.

Saṅgama samāgammā ti saṅgantvā samāgantvā rāsī hutvā nisinna-ṭṭhāne.

Araññe vana-patthānī ti arañña-vana-patthāni gāmūpa-cārato muttāni dūra-senāsanāni.

Pantānī ti dūratarāni manussūpacāra-virahitāni.

Appa-saddānī ti viharūpacārena gacchato addhika-janassāpi saddena manda-saddāni.

Appa-nigghosānī ti avibhāvit' atthena nighosena manda-nighosāni.

Vijana-vātānī ti anto-sañcārino janassa vātena vigata-vātāni.

Manussa-rahaseyyakānī ti manussānam rahassa karaṇassa yuttāni anucchavikāni.

Paṭisallāna-sāruppanī ti ekibhāvassānurūpāni. Iti Sandhāno gahapati: Aho mama Satthā yo evarūpāni senāsanāni paṭisevatī ti, añjalim paggayha uttam' aṅge sirasmim patitṭhāpetvā imam udānam udānento nisīdi.

5. *Evaṃ vutte* ti evaṃ Sandhānena gahapatinā udānam udānentena vutte, Nigrodho paribbājako: Ayaṃ gahapati mama santike nisinno pi attano Satthāram yeva thometi ukkaṃsati, amhe pana atthī ti pi na maññati, etasmim uppanna-kopam Samaṇassa Gotamassa upari patessāmī ti, *Sandhānam gahapatim etad avoca*.

Yagghe ti codanatthe nipāto.

Jāneyyāsī ti bujjheyysī passeyyāsī.

Kena Samaṇo Gotamo saddhim sallapaṭi ti kena kāraṇena

kena puggalena saddhiṃ Samaṇo Gotamo sallapati vadati bhāsati? Kiṃ vuttam hoti, yadi kiñci sallāpa-kāraṇaṃ bhavye, yadi vā koci Samaṇassa Gotamassa santikaṃ sallāp' atthiko gaccheyya sallapeyya? Na pana kāraṇaṃ atthi, na tassa santikaṃ koci gacchati. Svāyaṃ kena Samaṇo Gotamo saddhiṃ sallapati? Asallapento kathaṃ unnadī bhavissatī ti?

Sākacchan ti saṃsandanaṃ.

Paññā-veyyatiyaṇ ti uttara-paccuttara-nayena ñāṇa-vyatta-bhāvaṃ.

Suññāgāra-hatā ti suññāgāresu naṭṭhā. Samaṇena hi Gotamena bodhi-mūle appamattikā paññā adhigatā. Sā pi 'ssa suññāgāresu ek' ekassa nisīdato naṭṭhā. Yadi pana mayam viya gaṇa-saṅgaṇikaṃ katvā nisīdeyya, nāssa pana maṃ paññā, nasseyyā ti dasseti.

Aparisāvacaro ti avisāra-dattā parisam otarituṃ na sakkoti.

Nālaṃ sallāpāyā ti na samattho allāpa-sallāpaṃ kātuṃ.

Antamantān' evā ti koci maṃ pañhaṃ puccheyyā ti pañha-bhūto antamantān' eva panta-senāsanāni sevati.

Go-kannā ti ek' akkhi hatā kāṇā gāvī. Sā kira pariyanta-cāriṇī hoti antamantān' eva sevati. Sā kira kāṇ' akkhibhāvena vanantābhimukhī pi na sakkoti bhavituṃ. Kasmā? Yasmā pattena vā sākāya vā kaṇṭakena vā rajjukena vā pahārassa bhāyati, gunnaṃ abhimukhī pi na sakkoti bhavituṃ. Kasmā? Yasmā siṅgena vā kaṇṇena vā vālena vā pahārassa bhāyati.

Inghā ti codan' atthe nipāto.

Samāsādeyyāmā ti ekaṃ pañhaṃ pucchanen' eva sannaṃ visādam āpannaṃ kareyyāma.

Tuccha-kumbhi va nan ti ritta-ghaṭaṃ viya naṃ.

Orodheyyāmā ti vinandheyyāma. Pūrita-ghaṭo hi ito cito ca parivattetvā na suvinandhaniyo hoti. Rittako yathā-ruciṃ parivattetvā sakkā hoti vinandhituṃ, 'evam eva hata-paññā-tāya ritta-kumbhi-sadisam Samaṇaṃ Gotamaṃ vāda-vinandhanena samantā vinandhissāmā ti vadati. Iti paribbājako Satthu suvaṇṇa-vaṇṇaṃ nalāṭa-maṇḍalam apassādentō Dasa-balassa parammukhā attano balaṃ dīpento asambhinnaṃ khattiya-kumāraṃ jātiyā saṃghaṭṭayanto caṇḍāla-putto viya

asambhinna-kesara-sīhaṃ miga-rājānaṃ thāmena saṅghaṭṭa-
yanto jara-sigālo viya ca nānappakāraṃ tuccha-gajjitaṃ gajji.
Upāsako pi cintesi: “Ayaṃ paribbājako ativiya gacchati Avici-
phusaṇ’ atthāya pādaṃ bhav’ agga-gahaṇ’ atthāya hattham
pasārento viya niratthakaṃ vāyamati. Sace me Satthā imaṃ
thānaṃ āgaccheyya, imassa paribbājakassa yāva bhav’ aggā
ussitaṃ māna-ddhajaṃ thānaso pāteyyā ti. Bhagavā pi
tesaṃ taṃ kathā-sallāpaṃ assosi yeva. Tena vuttaṃ assosi
kho imaṃ kathā-sallāpaṃ ti.

6. *Sumāgadhāyā* ti Sumāgadhā nāma pokkharāṇi yassā tīre
nisinno aññataro puriso paduma-nāl’ antarehi Asura-bhavanaṃ
pavisantaṃ Asura-senaṃ addasa.

Mora-nivāpo ti nivāpo vuccati bhattaṃ. Yattha morānaṃ
abhayena saddhiṃ nivāpo dinno taṃ thānaṃ ti attho.

Abbhokāse ti aṅgana-tṭhāne.

Assāsa-pattā ti tuṭṭhi-pattā somanassa-ppattā.

Ajjhāsayaṇ ti uttama-nissaya-bhūtaṃ.

Ādi-brahmacariyaṇ ti purāṇa-brahmacariya-saṅkhātāṃ ari-
ya-maggaṃ. Idaṃ vuttaṃ hoti—*Ko nāma so bhante dhammo*
yena Bhagavatā sāvaka vinītā ajjhāsaya’ ādibrahmacariya-bhū-
taṃ ariya-maggaṃ pūretvā arahant ādhigama-vasena assā-
saṃ pattā paṭijānanti ti ?

7. *Vippakatā* ti: Mam’ āgamana-paccayā aniṭṭhitā va hutvā
ṭhitā. Kathehi aham etaṃ niṭṭhapetvā matthakaṃ pāpetvā
dassāmi ti, sabbaññu-pavāraṇaṃ pavāresi.

Dujjānaṃ kho ti. Bhagavā paribbājakassa vacanaṃ sutvā:
Ayaṃ paribbājako mayā sāvakaṇaṃ desetabbaṃ dhammaṃ
tehi pūretabbaṃ paṭipattim pucchati. Sac’ assāhaṃ ādito va
taṃ kathessāmi, kathitaṃ pi naṃ na jānissati. Ayaṃ pana
viriyena pāpa-jigucchana-vādo. Handāhaṃ etass’ eva visaye
pañhaṃ pucchāpetvā puthu-samaṇa-brāhmaṇānaṃ laddhiyā
niratthaka-bhāvaṃ dassemi, atha pacchā imaṃ pañhaṃ vyā-
karissāmi ti, cintetvā *dujjānaṃ kho etaṃ* ti ādim āha.

Tattha *sake ācariyake* ti attano ācariya-vāde.

Adhijegucche ti viriyena pāpa-jigucchana-bhāvena.

Kathaṃ santā ti kathaṃ bhūtā.

Tapo-jigucchā ti viriyena pāpa-jigucchā pāpa-vivajjanā.

Paripuṇṇā ti parisuddhā.

Katham aparipuṇṇā ti katham aparisuddhā hotī ti evaṃ pucchati.

Yatra hi nāmā ti yo nāma.

8. *Appa-sadde katvā* ti nīrave appasadde katvā. So kira cintesi: Samaṇo Gotamo ekaṃ pañham pi na katheti, sallāpa-kathā pi 'ssa atibahukā n' atthi, ime pana ādito paṭṭhāya Samaṇaṃ Gotamaṃ anuvattanti c' eva pasamsanti ca, handāham ime nissadde katvā sayaṃ kathamī ti. So tathā akāsi. Tena vuttaṃ *appasadde katvā* ti.

Tapo-jigucchā-vādā ti ādisu tapo-jiguccham vadāma. Manasā pi tam eva sārato gahetvā vicarāma. Kāyena pi tam eva allinā. Nāna-pakkārakaṃ atta-kilamathānuyoga-yuttā viharāmā ti attho.

Tapassī ti tapa-nissitako.

Acelako ti ādini Sihanāde vitthārīta-nayen' eva veditabāni.

9. *Tapam samādiyati* ti acelakabhāv' ādikaṃ tapaṃ sammā ādiyati, dāḥaṃ gaṇhāti.

Attamano hotī ti: Ko añño mayā sadiso imasmim atthī ti, tuṭṭha-mano hotī ti.

Paripuṇṇa-saṅkappo ti: Alaṃ ettāvatā ti, evaṃ pariyosita-saṅkappo. Idañ ca titthiyānaṃ vasena āgataṃ. Sāsan' āvacarenāpi pana dīpetabbaṃ. Ekacco hi dhutaṅgaṃ samādiyati. So tena dhutaṅgena: Ko añño mayā sadiso dhutaṅga-dharo ti, attamano hoti paripuṇṇa-saṅkappo.

Tapassino upakkilesa hotī ti duvidhassa p' etassa tapassino ayaṃ upakkilesa hoti. Ettāvatā 'ssa tapo upakkiliṭṭho hoti ti vadāmi.

Attān' ukkamseti ti: Ko mayā sadiso atthī ti, attānaṃ ukkamseti ukkhipati.

Param vambheti ti: Ayaṃ pana na mādiso ti, param saṃsādeti avakkhipati.

Majjati ti māna-mada-karaṇena majjati.

Mucchati ti mucchito hoti gadhito ajjhopanno.

Pamādam āpajjati ti: Etad eva sāranti, pamādaṃ āpajjati. Sāsane pabbajito pi dhutaṅga-suddhiko dhutaṅgaṃ eva arahattaṃ viya sārato pacceci.

10. *Lābha-sakkāra-silokaṇ* ti ettha cattāro paccayā lab-

bhanti ti lābhā. Te yeva suṭṭhu katvā paṭisaṅkharitvā lad-dho sakkāro. Vanṇa-bhaṇanam siloko.

Nibbatteti ti acelak' ādi-bhāvaṃ vā 'ssa dhutaṅga-samādā-nam vā nissāya mahā lābho uppajjati. Tasmā *nibbatteti* ti vutto. Sesam ettha purima-vāra-nayen' eva duvidhassāpi tapassino vasena veditabbam.

Vodāsaṃ āpajjati ti dvedham āpajjati, dve bhāge karoti.

Khamati ti ruccati. *Na khamati* ti na vuccati.

Sāpekho pajahati ti sataṅho pajahati. Katham? Pāto va khīra-bhattam bhutto poti. Ath' assa maṃsa-bhojanam upa-nenti. Tassa evaṃ hoti: Idāni evarūpaṃ kadā labhissāma? Sace jāneyyāma, pāto va khīra-bhattam na bhuñjeyyāma. Kiṃ sakkā kātum? Gaccha bho tvam eva bhuñjā ti, jīvitaṃ pariccajanto viya sāpekho pajahati.

Gathito ti gedha-jāto.

Mucchito ti, balava-taṇhāya mucchito pamuṭṭha-satī ti hutvā.

Ajjhopenno ti: Āmise atilaggo bhuñjissatha āvuso ti, dhamma-nimantanamattam pi akatvā mahante mahante kakkhaḷe karoti.

Anādinava-dassāvi ti ādinavamattam pi na passati.

Anissaraṇa-pañño ti idha mattaññutā nissaraṇa-pacca-vekkhana-paribhogamattam pi na karoti.

Lābha-sakkāra-siloka-nikkanti-hetū ti lābh' ādisu taṇhā hetu.

11. *Sambhakkheti* ti saṅkhādati.

Asani-vicakkan ti vicakka-saṅghānā asani yeva. Idaṃ vuttaṃ hoti. Asani-vicakkaṃ imassa danta-kūṭaṃ mūla-bhī' ādisu kiñci na sambhajjati. Atha ca pana naṃ samaṇa-ppa-vādena samaṇo ti jānanti ti: evaṃ apasādeti avakkhipati. Idaṃ titthiya-vasena āgataṃ. Bhikkhu-vasena pan' ettha ayaṃ yojanā. Attanā dhutaṅga-dharo hoti, so aññaṃ evaṃ apasādeti: Kiṃ samaṇā nāma ime samaṇamhā ti, vadanti. Dhutaṅgamattam pi n' atthi. Uddesa-bhatt' ādini pariye-santā paccaya-bāhulikā vicaranti ti.

Lūkha-jīvin ti acelak' ādivasena vā dhutaṅga-vasena vā lūkha-jīvin.

Issā-macchariyan ti parassa sakkār' ādi-sampattiṃ khyāna-

lakkhaṇaṃ issaṃ sakkār' ādi-karaṇaṃ akkhamana-lakkhaṇaṃ macchariyaṇi ca.

Āpāthaka-nisādi hoti ti manussānaṃ āpāthe dassana-tṭhāne nisidati. Yattha te passanti, tattha tṭhito vagguli-vataṃ carati, pañca-tapaṃ tappati, eka-pādena tiṭṭhati, suriyaṃ namassati. Sāsane pabbajito pi samādiṇṇa-dhutaṅgo sabba-rattiṃ sayitvā manussānaṃ cakkhupathe tapaṃ karoti, mahā-sāyaṇhe yeva cīvara-kuṭiṃ karoti, suriye uggate paṭisaṃharati manussānaṃ āgatabhāvaṃ ñatvā gaṇṭhim paharitvā, cīvaraṃ matthake tṭhapetvā caṅkamaṃ otarati sammunjaṇiṃ gahetvā vihār' aṅgaṇaṃ sammajjati.

Attānaṃ ti attano guṇaṃ.

Adassayaṃ māno ti ettha a-kāro nipātamattaṃ. Dassaya-māno ti attho.

Idam pi me tapasmin ti idam pe kammaṃ mama eva tapasmiṃ. Paccatte vā bhuttaṃ. Idam pi mama tapo ti attho. So hi asukasmim tṭhāne acelako atthi mutt' ācāro ti ādini sutvā: "Amhākaṃ esa tapo, amhākaṃ so antevāsiko ti, ādini bhaṇati. Asukasmim vā pana tṭhāne: Pamsu-kūliko bhikkhu atthi ti, ādini sutvā: Amhākaṃ esa tapo, amhākaṃ so antevāsiko ti, ādini bhaṇati.

Kiñcid evā ti kiñci vajjaṃ diṭṭhi-gataṃ vā.

Paṭicchannaṃ sevati ti, yathā aññe na jānanti, evaṃ sevati,

Akhamamānaṃ āha khamati ti aruccamānaṃ yeva: Rucati me ti, vadati. Attanā kataṃ su-mahantaṃ pi vajjaṃ appamattakaṃ katvā paññāpeti. Parena kataṃ dukkaṭamattaṃ vītikkamaṃ pi pārājika-sadisam pi katvā dasseti.

12. *Anuññeyyaṃ* ti anujānitabbaṃ anumoditabbaṃ.

Kodhanaṃ hoti upanāhi ti kujjhana-lakkhaṇena kodhana vevāṇaṃ, appaṭinissagga-lakkhaṇena ca upanāhena samannāgato.

Makkhī hoti palāsī ti para-guṇa-makkhana-lakkhaṇena makkhena, yuga-ggāha-lakkhaṇena palāsena ca samannāgato.

Issukī hoti maccharī ti para-sakkār' ādinaṃ usūyana-lakkhaṇāya issāya, āvāsa-kula-lābha-vaṇṇa-dhammesu maccharāyana lakkhaṇena pañca-vidha-maccharena ca samannāgato hoti.

Saṭho hoti māyāvī ti kerāṭikāya lakkhaṇena sāṭheyyena kata-paṭicchādana-lakkhaṇāya māyāya ca samannāgato hoti.

Thaddho hoti atimānī ti nissineha-nikkaruṇāya lakkhaṇena thambhena atikkamitvā maññaṇa-lakkhaṇena atimānena ca samannāgato.

Pāpiccho hotī ti asanta-sambhāvana-patthana-lakkhaṇāya pāpicchatāya samannāgato hoti.

Pāpikānan ti tasmaṃ yeva lāmakānaṃ icchānaṃ vasaṃ gato.

Micchā-ditthiko ti: N' atthi dinnan ti, ādi-naya-ppavattāya ayāthāya ditthiyā upeto.

Anta-gāhikāyā ti sā yeva ditthi ucchedantassa gahitattā anta-gāhikā ti vuccati. Tāya samannāgato hoti attho.

Sanditthi-parāmāsī ti ādisu sayam dittham sandittham. Sandittham eva parāmasatī ti gahetvā caratī ti sanditthi-parāmāsī.

Ādhānam vuccati dāḷha-sutthapitaṃ. Tathā katvā gaṇhatī ti *ādhāna-gāhī*.

Arittho viya na sakkā hoti paṇissajāpetun ti *duppaṇissaggi*. *Yadi 'me* ti yadi ime.

13. *Idha Nigrodha tapassī* ti. Evaṃ Bhagavā aṇña-tiṭṭhiyehi gahita-laddhiṃ tesam rakkhita-tapaṃ sabbam eva saṅkiliṭṭhan ti upakkilesa-pāḷim dassetvā idāni parisuddha-pāḷi-dassan' attham desanam ārabhanto *idha Nigrodhā* ti ādim āha.

Tattha na attamano hotī ti ādini vutta-vipakkha-vasena veditabbāni. Sabba-vāresu ca lūka-tapassino c' eva dhuṭaṅga-dharassa ca vasena yojanā veditabbā.

Evaṃ so tasmim thāne parisuddho hotī ti evaṃ so tena na attamana-paripuṇṇa-saṅkappa-bhāva-saṅkhātena-kāraṇena parisuddho nirupakkilesa hoti, uttarim vāyamamāno kammaṭṭhāna-suddhiko hutvā arahattaṃ pāpuṇāti. Iminā nayena sabba-vāresu attho veditabbo.

15. *Addhā kho bhante* ti bhante evaṃ sante ekamsen' eva viriyena pāpa-jigucchana-vādo parisuddho hotī ti anujānāti. Ito paraṇ ca agga-bhāvaṃ vā sāra-bhāvaṃ vā ajānanto *agga-ppattā ca sāra-ppattā cā* ti āha.

Ath' assa Bhagavā sāra-ppattabhāvaṃ paṭisedhento na kho Nigrodhā ti ādim āha.

Papaṭika-pattā hotī ti sāravato rukkhassa sāra-phegguṃ taṇ ca atikkamma bahi-papaṭika¹-sadisā hotī ti dasseti.

¹ B pappatika°.

16. *Aggaṃ pāpetū* ti desanā-vasena aggaṃ pāpetvā desetū¹-sāraṃ pāpetvā desetū¹ ti Dasabalaṃ yācati.

Cātu-yāma-saṃvara-saṃvuto ti catubbidhena saṃvarena pihito.

Na pāṇaṃ atipāpeti ti pāṇaṃ na hanati.

*Na bhāvitam āsīsati*² ti² bhāvitam nāma tesam saññāya pañca-kāma-guṇā. Te nāsīsati² na sevati ti attho.

Aduñ c' assa hoti ti evañ c' assa idāni vuccamānaṃ so *abhiharati* ti ādi-lakkhaṇaṃ.

Tapassitāya hoti ti, tapassi-bhāve hoti.

Tattha so abhiharati ti so taṃ sīlaṃ abhiharati, upari upari vaḍḍheti: Sīlaṃ me³ paripuṇṇaṃ, tapo āraddho, alam ettāvatā ti, viriyaṃ vissajjeti.

No hīnāy' āvattati ti hīnāya gihi-bhāvattāya na vattati. Sīlato uttarim visesādhigam' atthāya viriyaṃ karoti yeva. Evaṃ karonto so *vivittaṃ sen' āsanaṃ bhajati*.

Araññaṇ ti ādini Sāmaññaphale vitthāritān' eva.

17. *Mettā-sahagatenā* ti ādini Visuddhimagge* vaṇṇitāni.

Taca-ppattā ti papaṭikato abbhantaraṃ tacaṃ pattā.

18. *Pheggu-pattā* ti tacato abbhantaraṃ phegguṃ pattā. Pheggu-sadisā hoti ti attho.

19. *Ettāvatā kho Nigrodha tapo-jigucchā agga-ppattā ca hoti sāra-ppattā cā* ti. Idam Bhagavā titthiyānaṃ vasen' āha. Titthiyānaṃ hi lābha-sakkāro rukkhassa-sākhā-palāsa-sadiso. Pañca-sīla-mattakam papaṭika-sadisam, atṭha samāpatti-mat-taṃ taca-sadisam. Pubbe-nivāsa-ñāṇāvasānā abhiññā pheggu-sadisā. Dibba-cakkhum pan' ete arahanti, gahetvā vicaranti. Tena tesam taṃ rukkhassa sāra-sadisam. Sāsane pana lābha-sakkāro sākhā palāsa-sadiso. Sīla-sampadā papaṭika-sadisā. Jhāna-samāpattiyo taca-sadisā. Lokiyābhiññā pheggu-sadisā. Magga-phalaṃ sāro. Iti Bhagavatā attano sāsanaṃ onata-vinata-phala-bhāra-bhārita-rukkhopamāya upa-mitaṃ. So desanā-kusalatāya ito taca-sāra-sampattito mama sāsanaṃ uttar' itarañ c' eva paṇitatarāñ ca. Taṃ tvaṃ kadā

* Vism 295 sq.

¹ SS detu.

² DT āsīṣati.

³ SS eva.

jānissasī ti attano desanāya visesabhāvaṃ dassetum *iti kho Nigrodhā* ti desanaṃ āharati.

Te paribbājakā ti te tassa parivārā tiṃsa-sata-saṅkhā paribbājakā.

Ettha mayaṃ anassāmā ti ettha acelaka-pāli-ādisu. Idaṃ vuttaṃ hoti. Amhākaṃ acelaka-pālimattam pi kuto parisuddha-pāli? Amhākaṃ parisuddha-pālimattam pi n' atthi, kuto cātu-yāma-saṃvar' ādini? Cātu-yāma-saṃvaro pi n' atthi, kuto araṇṇa-vās' ādini? Araṇṇe-vāso n' atthi, kuto nīvaraṇa-pahān' ādini? Nīvaraṇa-pahānam pi n' atthi, kuto Brahma-vihār' ādini? Brahma-vihāramattam pi n' atthi, kuto pubbe-nivās' ādini? Pubbe-nivāsa-ñāṇamattam pi n' atthi, kuto amhākaṃ dibba-cakkhu? Ettha mayaṃ sa-ācariyakā naṭṭhā ti.

Ito bhiyyo uttar' itaran ti ito dibba-cakkhu-ñāṇādhigamato bhiyyo aññaṃ uttarim visesādhigamanaṃ mayaṃ suti-vasena pi na jānāmā ti vadanti.

20. *Atha Nigrodhaṃ paribbājakaṃ* ti evaṃ kir' assa ahosi: "Ime paribbājakā idāni Bhagavato bhāsitaṃ sussūsanti, iminā ca Nigrodhena Bhagavato parammukhe kakkhaḷam durāsadaṃ vacanaṃ vuttaṃ. Idāni ayam pi sotu-kāmo jāto, kālo dāni me imassa māna-ddhajaṃ nipātetvā Bhagavato sāsanam ukkhipitun" ti.

Atha Nigrodhaṃ paribbājakaṃ etad avoca aparam pi 'ssa ahosi: "Ayaṃ mayi akathente satthāraṃ na khamāpessati, tad assa anāgate ahitāya saṃvattissati, mayi pana kathite khamāpessati, tad assa bhavissati dīgha-rattam hitāya sukkhāyā" ti.

Aparisāvacaraṃ pana karoṭhā ti ettha panā ti nipāto. Atha naṃ aparisāvacaraṃ karoṭhā ti attho. Aparisāvacaraṃ va nan ti pi pāṭho. Aparisāvacaraṃ vā etaṃ karoṭha go-kāṇ' ādinaṃ vā aññataran ti attho.

Go-kāṇan ti etthāpi go-kāṇaṃ pariyanta-cāriṇim karoṭha panā ti attho.

Tuṇhībhūto ti tuṇhībhāva-upagato.

Maṅkubhūto ti nittejataṃ āpanno.

Patta-kkhandho ti oṇata-gīvo

Adhomukho ti heṭṭhā-mukho.

21. *Buddho so Bhagavā bodhāyā* ti sayam Buddho sattānam pi catu-sacca-bodhan' atthāya dhammaṃ deseti.

Danto ti cakkhuto pi danto . . . pe . . . manato pi danto.

Damathāyā ti aññesam pi daman' atthāya eva, na vād' atthāya.

Santo ti rāga-santatāya santo, dosa-moha-santatāya sabba akusala-sabbāhi saṅkhāra-santatāya santo.

Samathāyā ti mahājanassa rāg' ādi-saman' atthāya dhammaṃ deseti.

Tiṇṇo ti cattāro oghe tiṇṇo.

Taraṇāyā ti mahājanassa ogha-nittharaṇ' atthāya.

Parinibbuto ti kilesa-parinibbānena parinibbuto.

Parinibbānāyā ti mahājanassāpi sabba-kilesa-parinibbān' atthāya dhammaṃ deseti.

22. *Accayo* ti ādini Sāmaññaphale vuttāni.

Uju-jātiko ti kāya-vaṅk' ādi-virahito uju-sabhāvo.

Ahaṃ anusāsāmī ti ahaṃ tādisaṃ puggalaṃ anusāsāmi, dhammaṃ assa desemi.

Sattāhan ti satta-divasāni. Idaṃ sabbam pi Bhagavā dandha-paññaṃ puggalaṃ sandhāy' āha. *Asaṭho pana amāyāvī* uju-jātiko taṃ muhuttan' eva arahattaṃ pattuṃ sak-khissati. Iti Bhagavā asaṭhan ti ādi-vacanena saṭho ti, vaṅka-vaṅko mayā pi na sakkā anusāsītun ti dīpento paribbājakaṃ pāde gahetvā Mahā-Meru-pāda-tale viya khipittha. Kasmā? Ayaṃ hi atisaṭho kuṭila-citto. Satthari evaṃ dhammaṃ kathente pi Buddha - Dhamma - Saṅghesu nādhimuccati. Adhimuccanak' atthāya so taṃ na odahati. Ko 'haṃ ṭhito Satthāraṃ khamāpeti ti? Tasmā Bhagavā tass' ajjhāsayam viditvā *etu viññū puriso asaṭho* ti ādim āha; saṭham panāhaṃ anusāsītun na sakkomī ti.

23. *Antevāsi-kamyatā* ti antevāsi-kāmatāya. Amhe antevāsike icchanto evaṃ āhā ti *etu viññū puriso* ti ādim āha.

So eva vo ācariyo ti so eva tumhākaṃ pakatiyā ācariyo.

Uddesā no cāvetu-kāmo ti, attano anusāsaniṃ gāhāpetvā amhe amhākaṃ uddesato cāvetu-kāmo.

So eva vo uddeso hotū ti yo tumhākaṃ¹ pakatiyā uddeso so tumhākaṃ¹ yeva hotu na mayaṃ tumhākaṃ uddesena anat-thikā.

Ājīvā ti ājivato.

Akusala-saṅkhātā ti akusalā ti koṭṭhāsaṃ-pattā. Akusala-dhammā ti dvādasa citt' uppāda-dhammā, taṇhā yeva vā visesena. Sā hi punabbhava-karaṇato ponobhavikā ti vuttā.

Saddarā ti kilesa-daratha-sampayuttā.

Jāti-jarā-maraṇiyā ti jāti-jarā-maraṇānam paccayabhūtā.

Saṅkilesikā dhammā ti dvādasa-citt' uppādā.

Vodāṇiyā ti samatha-vipassanā dhammā. Tehi satte vodā-penti, tasmā vodāṇiyā ti vuccanti.

Paññā-pāripūrin ti Magga-paññā-pāripūriṃ.

Vepullatañ cā ti phala-paññā-vepullataṃ. Ubho pi vā etāni aññaṃ-añña-vevacanān' eva. Idaṃ vuttaṃ hoti: tato tumhe Magga-paññañ c' eva phala-paññañ ca ditthe va dhamme sayāṃ abhiññā sacchikatvā upasampajja viharissathā ti.

Evam Bhagavā paribbājake ārabba attano ovādānusāsa-niyā phalaṃ dassento arahatta-nikūṭena desanaṃ niṭṭhapesi.

24. *Yathā taṃ Mārenā ti yathā Mārena pariyutṭhita-cittā nisīdanti, evam eva tuṇhībhūtā . . . appaṭibhānā nisinnā. Māro kira Satthā ativiya gajjanto Buddha-balaṃ dīpetvā imesaṃ paribbājakānaṃ dhammaṃ deseti: Kadāci dhammā-bhisamayo bhaveyya handāhaṃ pariyutṭhāmī ti, so tesam cittāni pariyutṭhāsi. Appa-hīna-vipallāsānaṃ hi cittaṃ Mā-rassa yathā nāma karaṇiyaṃ hoti. Te pi Mārena pariyutṭhita-cittā baddh' aṅga-paccaṅgā viya tuṇhī . . . pe . . . appaṭi-bhānā nisīdimsu.*

Atha Satthā: Ime paribbājakā ativiya niravā hutvā nisinnā, kin nu kho ti, āvajjanto Mārena pariyutṭhitabhāvaṃ aññāsi. Sace pana tesam Magga-phala-ppatti-hetu bhaveyya Māraṃ paṭibāhitvā pi Bhagavā dhammaṃ deseyya. So pana te-sam n' atthi, sabbe p' ime tucchā purisā ti, aññāsi. Tena vut-taṃ *Atha kho Bhagavato etad ahoṣi: Sabbe p' ime moghapurisā ti ādi. Tattha phutṭhā pāpimatā ti pāpimatā Mārena phutṭhā.*

Yatra hi nāmā ti yesam nāma.

Aññāṇ' attham pi ti jānan' attham pi.

Kim karissati sattāho ti Samaṇena Gotamena paricchinnasattāho amhākaṃ kiṃ karissati. Idaṃ vuttaṃ hoti. Samaṇena Gotamena *sayam abhiññāya sacchikatvā upasampajja viharissati sattāhan* ti vuttaṃ, so sattāho amhākaṃ kiṃ aphāsukaṃ karissati? Handa mayaṃ sattāh' abbhantare etaṃ dhammaṃ sacchikātuṃ sakkā na sakkā ti aññāṇ' attham pi brahmacariyam carissāmā ti. Atha vā jānāma tāv' assa dhamman ti eka-divasaṃ eka-vāraṃ aññāṇ' attham pi etesaṃ cittaṃ duppannaṃ, sattāho pana etesaṃ kusitānaṃ kiṃ karissati? Kim sakkhissanti te sattāhaṃ pūretun? ti: ayam ettha adhippāyo.

Siha-nādan ti paravāda-bhindanaṃ saka-vāda-samussāpanaṃ ca abhītaṃ nādaṃ naditvā.

Paccatthāsī ti patitṭhito.

Tāvad evā ti tasmim ye va khaṇe.

Rājagahaṃ pāvisī ti Rājagahaṃ eva pavitṭho.

Tesaṃ pana paribbājakānaṃ kiñcāpi idaṃ suttaṃ sutvā viseso na nibbatto, āyatim pana tesaṃ vāsanāya paccayo bhavissati. Sesaṃ sabbattha uttānaṃ evā ti.

Udumbarika-sutta-vanānā niṭṭhitā.

XXVI

CAKKAVATTI-SUTTA-VANĀNĀ.

1. *Evam me sutan* ti Cakkavatti-suttam. Tatrāyaṃ anuttānapada-vanṇanā.

Mātulāyan ti evaṃ nāmake nagare. Taṃ nagaraṃ gocara-gāmaṃ katvā avidūre vana-saṇḍe viharati.

Tatra kho Bhagavā bhikkhū āmantesī ti tatrāyaṃ ānupubbikathā. Bhagavā kira imassa suttassa samuṭṭhāna-samaye paccūsa-kāle mahā-karuṇā-samāpattito vuṭṭhāya lokaṃ volokento, imāya anāgata-vaṃsa-dīpikāya suttanta-kathāya Mātula-nagara-vāsinaṃ catur-asītiyā paṇa-sahassānaṃ dhammābhisamayam viditvā, pāto va visati-bhikkhu-sahassa-parivāro Mātula-nagaraṃ sampanno. Mātula-nagara-vāsino khatiyā: Bhagavā āgato ti, sutvā paccuggamaṃ katvā Dasabalaṃ nimantetvā mahā-sakkārena nagaraṃ pavesetvā nisajjaṭṭhānaṃ samvidhāya Bhagavantam mahārahe pallaṅke nisīdāpetvā Buddha-pamukhassa saṅghassa mahā-dānaṃ adamsu. Bhagavā bhatta-kiccaṃ niṭṭhāpetvā cintesi: “Svāhaṃ imasmim ṭhāne imesaṃ manussānaṃ dhammaṃ desessāmi, ayaṃ padeso sambādho, manussānaṃ ṭhātum vā nisīditum vā okāso na bhavissati, mahatā kho pana samāgamena bhavitabban” ti.

Atha rāja-kulānaṃ bhattānumodanaṃ akatvā va pattaṃ gahetvā nagarato nikkhami. Manussā cintayimsu: “Satthā amhākaṃ anumodanam pi akatvā gacchati, addhā bhatt’ aggaṃ amanāpaṃ ahosi. Buddhānaṃ nāma na sakkā cittaṃ gahetum, Buddhehi saddhim viśāsa-karaṇaṃ nāma samussitaṭṭhānaṃ āsivisaṃ gīvāya gahaṇa-sadisam hoti. Etha bho Tathāgataṃ khamapessāmā” ti. Sakala-nagara-vāsino Bhagavatā sah’eva nikkhantā. Bhagavā gacchanto va Māgadha-khette ṭhitam sakkhā-viṭapa-sampannaṃ sanda-cchāyaṃ karīsamatta-bhūmi-patthaṭṭaṃ ekaṃ mātula-rukkhaṃ disvā, imasmim rukkhā-mūle nisīditvā: Dhamme desiyamāne mahāja-

nassa t̥hāna-nisajjānaṃ okāso bhavissati ti, nivattitvā, maggā okkamma rukkhā-mūlaṃ upasaṅkamitvā Dhamma-bhaṇḍā-gārikaṃ Ānanda-t̥ttheraṃ olokesi. Thero olokita-saññāya eva: Satthā nisīditu-kāmo ti, nātvā Sugata-mahā-cīvaraṃ paññāpetvā adāsi. Nisīdi Bhagavā paññatte āsane. Ath' assa purato manussā nisīdimsu. Ubhosu passesu paccato ca bhikkhu-saṅgho. Ākāse devatā at̥tthamsu. Evaṃ mahā-parisamajjhāgato tatra kho Bhagavā bhikkhū āmantesi.

Te bhikkhū ti tatra upaviṭṭhā dhamma-paṭiggāhakā bhikkhū.

Atta-dīpā ti attānaṃ dīpaṃ tānaṃ leṇaṃ gati-parāyaṇaṃ patit̥tthaṃ katvā viharathā ti attho.

Atta-saraṇā ti idaṃ tass' eva vevacanaṃ.

Anañña-saraṇā ti idaṃ añña-saraṇa-paṭikkhepa-vacanaṃ. Na hi añño aññassa saraṇaṃ hoti, aññassa hi vāyāmena aññassa asujjhanato.¹ Vuttam pi c' etaṃ: Attā hi attano nātho, ko hi nātho paro siyā ti.* Ten' āha *anāñña-saraṇā* ti. Ko pan' ettha attā nāma? Lokiya-lokuttara-dhammo. Ten' ev' āha *dhamma-dīpā dhamma-saraṇā anāñña-saraṇā* ti.

Kāye kāyānupassī ti ādini Mahā-Satipaṭṭhāneṭ vitthāritā.

Gocare ti caritaṃ yutta-t̥tthāne.

Sake ti attano santake.

Pettike visaye ti pitito āgata-visaye.

Caratan ti carantānaṃ. Carantan ti pi pātho. Ayam ev' attho.

Na lacchatī ti na labhissati na passissati.

Māro ti devaputta-Māro maccu-Māro pi kilesa-Māro pi.

Otāraṇ ti randhaṃ chiddaṃ vivaraṃ. Ayam pan' attho: leḍḍu-t̥tthānato nikkhammato raṇe nisīditvā bāl' ātapam tappantaṃ lāpaṃ gahetvā pakkhanta-sena-sakuṇa-vatthunā dipetabbo.

Vuttam h' etaṃ.† *Bhūta-pubbaṃ bhikkhave* sakunaṃ ghi lāpaṃ sakunaṃ sahasā ajjhappattā aggahesi. Atha kho bhikkhave lāpo sakuno sakunaṃ ghiyā hariyamāno evaṃ pari-devesi: "Mayaṃ eva, mahā alakkhikā mayaṃ appa-puñña,

* Dh 160. † See above, pp. 756 sq. ‡ See J II. 59; S V. 146.

¹ SS asijjhanato.

ye mayam agocare carimha paravisaye, sac' ajja mayam gocare careyyāma sake pettike visaye, na myāyam sakunagghi alam abhavissa yad idam yuddhāyā" ti. "Ko pana te lāpa gocarō sako pettiko visayo?" ti. "Yadidaṃ naṅgala-katṭha-karaṇam leḍḍu-tṭhānan" ti. Atha kho bhikkhave sakunagghi sake bale apatthaddhā¹ sake bale apadamānā lāpaṃ sakunaṃ muñci: "Gaccha kho tvaṃ lāpa, tatra pi gantvā na mokkhasi" ti. Atha kho bhikkhave lāpo sakuṇo naṅgala-katṭha-karaṇam leḍḍu-tṭhānam gantvā mahan-taṃ ledduṃ abhirūhitva sakunagghim apadamāno atṭhāsi: "Ehi khò dāni sakunagghi, ehi kho dāni sakunagghi" ti. Atha kho bhikkhave sakunagghi sake bale apatthaddhā² sake bale apadamānā, ubho pakkhe sandhāya lāpaṃ sakunaṃ sahasā ajjhappattā. Yadā kho bhikkhave aññāsi lāpo sakuṇo: Bahu āgatā kho myāyam sakunagghi ti, atha kho tass' eva leḍḍussa antaram paccāpādi. Atha kho bhikkhave sakunagghi tatth' eva uraṃ paccatālesi. Evaṃ h' etaṃ bhikkhave hoti yo agocare carati para-visaye.

Tasmā ti ha bhikkhave mā agocare carittha para-visaye. Agocare bhikkhave carataṃ para-visaye lacchati Māro otāraṃ, lacchati Māro ārammaṇam. Ko ca bhikkhave bhikkhuno agocarō para-visayo? Yad idam pañca kāma-guṇā. Katame pañca? Cakkhu-viññeyyā rūpā itṭhā kantā manāpā piya-rūpā kāmūpasamhitā rajaniyā . . . pe. . . . Kāya-viññeyyā . . . phoṭṭhabbā . . . rajaniyā. Ayaṃ bhikkhave bhikkhuno agocarō para-visayo ti.

Gocare bhikkhave caratha . . . pe . . . na lacchati Māro ārammaṇam. Ko ca bhikkhave bhikkhuno gocarō sako pettiko visayo? Yad idam cattāro-satipatṭhānā. Katame cattāro? Idha bhikkhave bhikkhu kāye kāyānupassī viharati . . . pe. . . . Sako pettiko visayo ti.

Kusalānan ti anavajja-lakkhaṇaṇam.

Samādāna-hetū ti samādāya-vattana-hetu.

Evaṃ idam puññaṃ vaḍḍhati ti evam idam lokiya-lokutta-raṃ puñña-phalaṃ vaḍḍhati. Puñña-phalaṃ ti ca uparūpari puññaṃ pi puñña-vipāko pi veditabbo. Tattha duvidham

¹ J atthaddhā.

² J thaddhā.

kusalam vaṭṭa-gāmi ca vivaṭṭa-gāmi ca. Tattha vaṭṭa-gāmi-kusalam nāma mātā-pitunnam putta-dhītāsu putta-dhītānañ ca mātā-pitūsu sineha-vasena mudu-maddava-cittam. Vivaṭṭa-gāmi-kusalam nāma cattāro satipaṭṭhānā ti ādi-bhedā satta-timsa bodhi-pakkhiya-dhammā. Tesu vaṭṭa-gāmi puññassa pariyośanam manussa-loke cakkavatti siri vibhavo. Vivaṭṭa-gāmi-kusalassa magga-phala-nibbāna-sampatti. Tattha vivaṭṭa-gāmi-kusalassa vipākam sutta-pariyośāne dassissati. Idha pana vaṭṭa-gāmi-kusalassa vipāka-dassan' attham: " Bhikkhave yadā putta-dhītaro mātā-pitunnam ovāde na atṭhamso, tadā āyunāpi vanñenāpi issariyenāpi parihāyimsu. Yadā pana atṭhamso, tadā vaddhimsu " ti vatvā vaṭṭa-gāmi-kusalānusandhi-vasena *Bhūta-pubbam bhikkhave* ti desanam ārabhi.

2. Tattha *cakkavattī* ti ādini Mahāpadāne vitthāritān' eva.

3. *Osakkitan* ti isakam pi avasakkitam.

Thānā cutan ti sabbaso thānā apagatam. Tam kira cakka-ratanam antopura-dvāre akkh' āhatam viya vehāsam atṭhāsi. Ath' assa ubhosu passesu dve khadira-tthambhe nikhanitvā cakka-ratana-mattake nemi abhimukham ekam suttakam bandhimsu. Adho-bhāge pi abhimukham ekam bandhimsu. Tesu uparima-suttato appamattakam pi ogatam cakka-ratanam osakkitam nāma hoti. Heṭṭhā suttassa thānam uparima-koṭiyā atikkantam gata-tṭhānā cutam nāma hoti. Tad etam atibalava-dose sati suttamattam pi pana ek' aṅgula-dv' aṅgulamattam vā bhaṭṭham thānā cutam eva hoti. Tam sandhāy' etam vuttam *osakkitam thānā cutan* ti.

Atha me āroceyyāsi ti " Tāta tvam ajja ādiṃ katvā divasassa tikkhattum cakka-ratanassa upaṭṭhānam gaccha. Evaṃ gacchanto yadā cakka-ratanam isakam pi osakkitam thānā cutam passasi, atha mayham ācikkheyyāsi, jīvitam hi me tava hatthe nikkhittan " ti.

Addasā ti appamatto divasassa tikkhattum gantvā olo-kento eka-divasam addasa.

Atha kho bhikkhave ti bhikkhave atha rājā Daḥhanemi: Cakka-ratanam osakkitan ti, sutvā uppanna-balava-domanasso: " Idāni mayā na ciram jīvitabbam bhavissati, appāvasesam me āyu, na me idāni kāme paribhuñjana-kālo, pabbajjā-kālo

me dānī” ti roditvā paridevitvā jeṭṭha-puttaṃ kumāraṃ āmantāpetvā etad avoca.

Samudda-pariyantan ti parikkhitta-eka-samudda-pariyantaṃ eva. Idaṃ hi 'ssa kula-santakaṃ. Cakkavāla-pariyantaṃ pana puññ' iddhi-vasena nibbattaṃ. Taṃ na sakkā dātum. Kula-santakaṃ pana niyyātento samudda-pariyantan ti āha.

Kesā-massun ti tāpasa-pabbajjaṃ pabbajantā pi hi paṭhamā kesa-massuṃ ohārenti. Tato paṭṭhāya parūḷha-kese bandhitvā vicaranti. Tena vuttaṃ *kesa-massuṃ ohāretvā* ti.

Kāsāyānī ti kāsāya-rasa-pītāni. Ādito evaṃ katvā pacchā vakkalāni pi Jhārenti.

Pabbajī ti pabbajito. Pabbajitvā pi attano maṅgala-van' uyyāne yeva vasi.

Rājīsīmhi ti, rāja-isimhi. Brāhmaṇa-pabbajitā hi brāhmaṇ-isayo ti vuccanti. Setam chattaṃ pahāya rāja-pabbajitā rāj' isayo ti.

Antaradhāyī ti antarahitaṃ nibbuta-dīpa-sikhā viya abhāvaṃ upagataṃ.

4. *Paṭisaṃvedesī* ti kandanto paridevanto jānāpesi.

Pettikaṇ ti pitito āgataṃ dāyajjaṃ na hoti. Na sakkā kusītena hīna-viriyena dasa akusala-kamma-paṭhe samādāya vattantaṃ pāpunitum. Attano pana sukata-kammaṃ nissāya dasa-vidhaṃ dvādasa-vidhaṃ cakkavatti-vattaṃ pūrenten' eva taṃ vattabban ti dīpeti. Atha nam vatta-paṭivattiyam¹ codento *Ingā tvaṃ* ti ādim āha. Tattha *ariye* ti niddose. *Cakkavatti-vatte* ti cakkavattinaṃ vatte.

5. *Dhammaṃ* ti dasa-kusala-kamma-patha-dhammaṃ.

Nissāyā ti tad adhiṭṭhānena cetasā tam eva nissayaṃ katvā.

Dhammaṃ sakkaronto ti yathā kato so dhammo suṭṭhu-kato hoti evam etaṃ karonto.

Dhammaṃ garukaronto ti tasmim gārav' uppattiyā taṃ garukaronto.

Dhammaṃ mānento ti tam eva dhammaṃ piyaṃ ca bhāvanīyaṃ ca katvā viharanto.

Dhammaṃ pūjento ti taṃ apadisitvā gandha-māl' ādi-pūjanena pūjaṃ karonto.

¹ B °paṭipattiyam.

Dhammaṃ apacayāmāno ti tass' eva dhammassa añjali-karaṇ' ādihi nica-vuttitāṃ karonto.

Dhamma-ddhajo dhamma-ketū ti taṃ dhammaṃ dhajam iva purakkhatvā, kuntam iva ukkhipitvā pavattiyā dhamma-dhajo dhamma-ketu ca hutvā ti attho.

Dhammādhipateyyo ti dhammādhipati-bhūto āgatā-bhāvena dhamma-vasen' eva ca sabba-kiriyānaṃ karaṇena dhammādhipateyyo hutvā.

Dhammikaṃ rakkhāvaraṇa-guttiṃ saṃvidahassū ti dhammo assa atthi ti dhammikā. Rakkhā ca āvaraṇaṃ ca gutti ca rakkhāvaraṇa-gutti. Tattha paraṃ rakkhanto attānaṃ rakkhati ti vacanato khanti-ādayo rakkhā. Vuttaṃ h' etaṃ: "Kathaṃ ca bhikkhave paraṃ rakkhanto attānaṃ rakkhati? Khantiyā avihimsāya metta-cittatā anuddayatā" ti. Nivāsana-pārūpana-geh' ādinaṃ nivāraṇ' āvaraṇaṃ. Cor' ādi-upaddava-nivāraṇ' atthaṃ gopāyanā gutti. Taṃ sabbam pi suṭṭhu-saṃvidahassu pavattaya tṭhāpehi ti attho. Idāni yattha sā saṃvidahitabbā, taṃ dassento *anto janasmin* ti ādim āha.

Tatrāyaṃ saṅkhep' attho. Anto-jana-saṅkhātaṃ tava putta-dāraṃ sila-saṃvare patiṭṭhāpehi, vattha-gandha-māl' ādini c' assa dehi, sabbūpaddave c' assa nivāraya. Bala-kāy' ādisu es' eva nayo. Ayam pana viseso. Balakāyo kālaṃ anatikkāmitvā bhatta-vetana-sampadānena pi anuggahetabbo. Abhisitta-khattiyā gadrabh' assājāneyy' ādi-ratana-sampadānena pi upagaṇhitabbā. Anuyutta-khattiyā tesam anurūpa-yānavahana-sampadānena pi paritosetabbā. Brahmanā annepāna-vatth' ādinā deyya-dhammena. Gahapatikā bhattabija-naṅgala-balivadd' ādi-sampadānena. Tathā nigama-vāsino ca negamā ca janapada-vāsino jānapadā. Samita-pāpā bāhita-pāpā samaṇa-brāhmaṇā samaṇa-parikkhāra-sampadānena sakkātabbā. Miga-pakkhino abhaya-dānena samassāsetabbā.

Vijite ti attano ānā-pavatti-tṭhāne.

Adhamma-kāro ti adhamma-kiriyā.

Mā pavattitthā ti yathā nappavattati tathā naṃ paṭipādehi ti attho.

Samaṇa-brāhmaṇā ti samita-pāpā bāhita-pāpā.

Mada-ppamādā paṭiviratā ti nava-vidhā māna-madā pañcasu kāma-guṇesu citta-vossajjana-saṅkhāta-pamādā ca paṭiviratā.

Khanti-soracce nivittā ti adhivāsana-khantiyañ ca sūratabhāve ca paṭiṭṭhitā.

Ekam attānaṃ ti attano rāg' ādīnaṃ daman' ādīhi *ekam attānaṃ damenti samenti parinibbāpentī* ti vuccanti.

Kālena kālaṃ ti kāle kāle.

Abhinivajjeyyāsī ti gūtham viya viṣaṃ viya aggim viya ca suṭṭhu vajjeyyāsī.

Samādāyā ti surabhi-kusuma-dāmaṃ viya amataṃ viya sammā ādāya vatteyyāsī. Idha ṭhatvā vattaṃ samānetabbam. Anto-janasmim bala-kāye pi ekam, khattiyesu ekam, anuyuttesu ekam, brāhmaṇa-gahapatikesu ekam, negama-jānapadesu ekam, samaṇa-brāhmaṇesu ekam, miga-pakkhisu ekam, adhamma-kāra-paṭikkhepo ekam, adhanānaṃ dhanā-nuppadānaṃ ekam, samaṇa-brāhmaṇesu upasaṅkamtivā pañha-pucchanam ekam, evam etaṃ dasa-vidham hoti. Gahapatike pana pakkhi-jāte ca viṣaṃ katvā gaṇhantassa dvādasa-vidham hoti. Pubbe avuttaṃ vā gaṇhantena adhamma-rāgassa ca visama-lobhassa ca pahāna-vasena dvādasa-vidham veditabbam.

Idaṃ kho taṃ ti idaṃ dasavidham dvādasavidhañ ca ariyaṃ cakkavatti-vattaṃ nāma.

Vattamānassā ti pūretvā vattamānassa.

Tadahu 'posathe ti ādi Mahā-Sudassane vuttaṃ.

9. *Samatenā* ti attano matiyā.

Sudan ti nipātā-mattaṃ.

Pasāsati ti anusāsati. Idaṃ vuttaṃ hoti: Porāṇakaṃ rājavamsaṃ rāja-paveṇim rāja-dhammaṃ pahāya attano matimatte ṭhatvā janapadaṃ anusāsati. Evam ayaṃ Makhādeva-vamsassa kalāra-janako viya Daḥhanemi-vamsassa upacchedako antima-puriso hutvā uppanno.

Pubbe nāparan ti pubba-kālena sadisā hutvā apara-kālam.

Janapadā na pabbantī ti na vaḍḍhanti.

Yathā taṃ pubbakānaṃ ti, yathā pubbakānaṃ rājūnaṃ pubbe ca pacchā ca sadisā yeva hutvā pabbimsu, tathā na pabbanti. Katthaci suññā honti hata-viluttā. Tela-madhu-

phāṇik' ādisu c' eva yāgu-bhatt' ādisu ca oḷā pi parihāyitthā ti attho.

Amaccā parisajjā ti amaccā c' eva parisāvacarā.

Gaṇaka-mahāmattā ti acchijjak' ādi-pāṭhaka-gaṇakā c' eva mahā-amaccā ca.

Anīkaṭṭhā ti hatthi-ācariy' ādayo.

Dovārikā ti dvāra-rakkhino.

Mantass' ājivino ti mantā vuccati paññā. Taṃ nissayaṃ katvā ye jīvanti paṇḍitā mahāmattā, tesam etaṃ nāmaṃ.

10. *Na ca kho adhanānan* ti balava-lobhattā pana adhanānaṃ dalidda-manussānaṃ dhanam nānuppādāsi.

Nānuppādeyyamāne ti ananuppādeyyamāne. Ayam eva vā pāṭho.

Daliddiyan ti daliddabhāvo.

Attanā ca jīvāhī ti sayaṃ ca jīvaṃ yāpehī ti attho.

Uddhaggikan ti ādisu uparūpari-bhūmisu phala-dāna-vasena uddham aggam assā ti uddhaggikā. Saggassa hitā tatr' uppatti-jananato ti *sovaggikā*. Nibbatta-ṭṭhānesu sukho vipāko assā ti *sukha-vipākā*. Suṭṭhu-aggaṇaṃ dibba-vanna' ādinaṃ dasannaṃ visesānaṃ nibbattanato *sagga-samvattanikā*. Evarūpaṃ *dakkhiṇaṃ* dānaṃ patiṭṭhapehī ti attho.

12. *Pavaḍḍhissatī* ti vaḍḍhissati, bahum bhavissati.

Sunisedham nisedheyyan ti suṭṭhu nisiddham katvā nise-dheyyaṃ.

Mūla-ghaccan ti mūla-hataṃ.

Khara-ssarenā ti pharusa-saddena.

Paṇavenā ti vajja-bheriyā.

13. *Sīsāni nesaṃ chijjissāmā* ti sesaṃ antamaso mūlaka-muṭṭhiṃ harissāma, tesam tatth' eva sīsāni chijjissāma: Yathā koci haṭabhāvam pi na jānissati, amhākaṃ dāni kim ettha rājā pi evaṃ uṭṭhāya paraṃ māretī ti, ayaṃ nesaṃ adhippāyo.

Upakkamimsū ti ārabhimsu.

Pantha-dūhanan ti pantha-ghātaṃ panthe ṭhatvā cora-kammaṃ.

14. *Na hi devā* ti so kira cintesi: “Ayaṃ rājā saccam devā ti, mukha-paṭiññāya dinnāya mārāpetī, handāham musā-vādaṃ karomī” ti, maraṇa-bhayena *na hi devā* ti avoca.

16. *Ek' idan* ti ettha idan ti nipāta-mattam, eke sattā ti attho.

Cārittan ti micchācāram.

17. *Abhijjhā-vyāpādo* ti abhijjhā ca vyāpādo ca.

Micchā-ditthi ti n' atthi dinnan ti ādikā antagahikā paccanika-ditthi.

Adhamma-rāgo ti mātā mātucchā pitā pitucchā mātulānī ti ādike ayutta-tṭhāne rāgo.

Visama-lobho ti paribhoga-yuttesu pi tṭhānesu atibalava-lobho.

Micchā-dhammo ti purisānam purisesu itthīnañ ca itṭhīsu chanda-rāgo.

Amatteyyatā ti ādisu mātuhito matteyyo. Tassa bhāvo matteyyatā. Mātari sammā-paṭipattiyā etaṃ nāmaṃ. Tassā abhāvo c' eva tappaṭipakkhatā ca amateyyatā. Apatteyyat' ādisu pi es' eva nayo.

Kule-jetthāpacāyitā ti kule jetthānam apacitiyā nīca-vuttīyā akaraṇa-bhāvo.

19. *Yaṃ imesan* ti yasmiṃ samaye imesaṃ.

Alam-pateyyā ti patino dātum yuttā.

Imāni rasānī ti imāni loke agga-rasāni.

Ativiy' ādippissantī ti ativiya dippissantī. Ayam eva vā pātho.

Kusalan ti pi na bhavissatī ti kusalan ti nāmam pi na bhavissati, paññattimattam pi na paññāyissatī ti attho.

Pujā ca bhavissantī pāsaṃsā cā ti pūjārahā ca bhavissantī pasaṃsārahā ca.

Tadā kira manussā asukena nāma mātā pahatā, pitā pahato, samaṇa-brāhmaṇā jīvitā voropitā. Kule jetthānam atthi-bhāvam pi na jānāti: "Aho puriso" ti, tam eva pūjessanti c' eva pasaṃsissantī ca.

20. *Na bhavissati mātā ti vā* ti: Ayam mayham mātā ti, garu-cittam na bhavissati. Gehe mātu-gāmaṃ viya nānāvidham asabbhi-katham kathayamānā agāra-vūpacārena upasaṇkamissantī. Mātucch' ādisu es' eva nayo. Ettha ca mātucchā ti mātū-bhaginī. Mātulānī ti mātula-bhariyā. Ācariya-bhariyā ti sipp' āyatanāni sukkhāpakassa ācariyassa bhariyā.

Garūnam dārā ti culla-pitu mahā-pitu-ādīnam bhariyā.

Sambhedan ti missī-bhāvaṃ, mariyāda-bhāvaṃ vā.

Tibbo āghāto paccupaṭṭhito bhavissati ti balava-kopo puna-puna uppatti-vasena paccupaṭṭhito bhavissati. Aparāṇi dve etass' eva vevacanāni. Kopo hi cittaṃ āghātetī ti *āghāto*. Attano ca parassa ca hita-sukhaṃ vyāpādetī ti vyāpādo.

Manam padūsanato *Mano-padoso* ti vuccati.

Tibbam vadhaka-cittan ti piyamānassā pi paraṃ maraṇ' atthāya vadhaka-cittaṃ. Tassa vatthum dassetum *mātu pi puttamhī* ti ādi vuttaṃ.

Māgarikassā ti miga-luddakassa.

21. *Satth' antara-kappo* ti satthena antara-kappo. Samvatta-kappaṃ appatvā antarā va loke vināso. Antara-kappo ca nām' esa dubbhikkh' antara-kappo rog' antara-kappo satth' antara-kappo ti tividho. Tattha lobh' ussadāya pajāya dubbhikkh' antara-kappo hoti, moh' ussadāya rog' antara-kappo, dos' ussadāya satth' antara-kappo. Tattha dubbhikkh' antara-kappena naṭṭhā yebhuyyena petti-visaye upapajjanti. Kasmā? Āhāra-nikantiyā balavattā. Rog' antara-kappena naṭṭhā yebhuyyena sagge nibbattanti. Kasmā? Tesam hi: Aho vat' aññesaṃ sattānaṃ evarūpo rogo na bhaveyyā ti, metta-cittaṃ uppajjati. Satth' antara-kappena naṭṭhā yebhuyyena nirayaṃ uppajjanti. Kasmā? Aññam-aññam balavāghātātāya.

Miga-saññan ti ayaṃ migo ti saññam.

Tinhāni satthāni hatthesu pātubhavissantī ti tesam kira hatthena puṭṭhamattaṃ yaṃ kiñci antamaso tiṇa-paṇṇam upādāya āvudham eva bhavissati.

Mā ca mayam kiñci ti mayam kiñci eka-purisaṃ jīvitaṃ mā voropayimha.

Mā c' amhe koci ti amhe koci eka-puriso pi jīvitaṃ mā voropayittha.

Yan nūna mayan ti ayaṃ loka-vināso paccupaṭṭhito, na sakkā dvīhi eka-tṭhāne ṭhitehi jīvitaṃ laddhun ti mañña-mānā evaṃ cintayimsu.

Vana-gahaṇan ti vana-saṅkhātehi tiṇa-gumbalat' ādihi gahaṇa-tṭhānaṃ.

Rukkha-gahaṇan ti rukkhehi gahaṇam duppavesana-tṭhānaṃ.

Nadī-viduggan ti nadīnaṃ antara-dīp' ādisu duggamana-
tṭhānaṃ.

Pabbata-visaman ti pabbatehi visamaṃ pabbatesu vā vi-
sama-tṭhānaṃ.

Sabhā gāyissanti ti: “Yathā ahaṃ jīvāmi, diṭṭhā bho sattā,
tvam pi tathā jīvāsī” ti evaṃ sammodamaṇa-kathāya attanā
sabhāge karissanti.

Āyatan ti mahantaṃ.

Pāṇātipātā virameyyāmā ti pāṇātipātato osakkeyyāma.
Pāṇātipātaṃ virameyyāmā ti pi sajjhāyanti. Tattha pāṇā-
tipātaṃ pajaheyyāmā ti attho.

Vīsati-vass' āyukā ti mātā-pitaro pāṇātipātā paṭiviratā
puttā kasmā vīsati-vass' āyukā ahesun ti? Khetta-visud-
dhiyā. Tesam hi mātā-pitaro silavanta jātā. Iti silavante
gabbhe vaḍḍhitattā imāya khetta-visuddhiyā diḡh' āyukā
ahesuṃ. Ye pan' ettha kālaṃ katvā tatth' eva nibbattā, te
attano va sīla-sampattiya diḡh' āyukā ahesuṃ.

22. *Assāmā* ti bhavēyyāma.

Cattarīsam-vass' āyukā ti ādayo koṭṭhāsā adinnādān' ādihi
paṭiviratānaṃ vasena veditabbā.

23. *Ichā* ti: Mayhaṃ bhattaṃ dethā ti, evaṃ uppajjanaka-
taṇhā.

Anasanan ti na asanaṃ avipphārikabhāvo kāyālasīyaṃ.
Bhattaṃ bhuttānaṃ bhatta-sammada-paccaya nīpajjitu-kā-
matā janako kāya-dubbalabhāvo ti attho.

Jarā ti pākāṭa-jarā.

Kukkuṭa-sampātikā ti eka-gāmassa chadana-piṭṭhito uppa-
titvā itara-gāmassa chadana-piṭṭhe patana-saṅkhāto kukkuṭa-
sampāto etāsu atthī ti kukkuṭa-sampātikā. Kukkuṭa-sam-
pādikā ti pi pāṭho. Gāmantarato gāmantaraṃ kukkuṭānaṃ
padasāgamana-saṅkhāto kukkuṭa-sampādo etāsu atthī ti
attho. Ubhayam p' etaṃ ghana-nivāsanaṃ yeva dīpeti.

Avīci maññe phuto bhavissati ti Avīci mahā-nirayo viya nir-
antara-pūrito bhavissati.

25. *Asīti-vassa-sahass' āyukesu bhikkhave manussesu Met-
teyyo nāma Bhagavā loke uppajjissati* ti na vaḍḍhamānaka-
vasena vuttaṃ. Na hi Buddhā vaḍḍhamāne āyumihi nibbat-
tanti, bhassamāne pana nibbattanti. Tasmā yadā taṃ āyumi

vaḍḍhitvā asaṅkheyyataṃ patvā puna bhassamānaṃ asīti-
vassa-sahass' āyu-kāle ṭhassati, tadā uppajjissatī ti attho.

Pariharissatī ti idaṃ parivāretvā vicarantānaṃ vasena
vuttaṃ.

26. *Yūpo* ti pāsādo.

Raññā Mahā-Panādena kārāpito ti raññā hetubhūtena tass'
atthāya Sakkena deva-rājena Vissakamma-devaputtaṃ pesetvā
kārāpito. Pubbe kira dve pitā-puttā naḷa-kārā. Pacceka-
buddhassa naḷehi ca udumbarehi ca paṇṇa-sālaṃ kārāpetvā
taṃ tattha vasāpetvā catūhi paccayehi upaṭṭhahimsu. Te
kālaṃ katvā devaloke nibbattā. Tesu pitā devaloke yeva
aṭṭhāsi. Putto devalokā cavitvā Surūcissa rañño deviyā
Sumedhāya kucchismiṃ nibbatto Mahā-Panādo nāma ku-
māro ahosi. So apara-bhāge chattaṃ ussāpetvā Mahā-Panādo
nāma rājā jāto. Ath' assa puññānubhāvena Sakko deva-rājā
Vissakamma-devaputtaṃ: "Rañño pāsādaṃ karohī" ti pa-
hiṇi. So tassa pāsādaṃ nimmini pañca-vīsati-yojan' ubbe-
dhaṃ satta-bhūmakam satta-ratana-mayaṃ. Taṃ sandhāya
Jātake* vuttaṃ—

Panādo nāma so rājā yassa yūpo suvaṇṇayo
Tiriyam solasa-pabbedho ubbham āhu sahassadhā
Sahassa-kaṇḍo sata-bheṇḍu dhajālu haritāmayo
Anaccuṃ tattha gandhabbā cha sahassāni sattadhā
Evam etaṃ tadā āsi yathā bhāsasi Bhaddaji.
Sakko ahaṃ tadā āsiṃ veyyāvaccakaro tavā ti.

So rājā tattha yāvat' āyukaṃ vasitvā devaloke nibbattati.
Tasmiṃ devaloke nibbatte so pāsādo Mahā-Gaṅgāya anusotaṃ
pati. Tassa dhura-sopāna-sammukha-tṭhāne Payāga-patitṭhā-
naṃ nāma nagaraṃ māpitaṃ. Thūpikāya sammukha-tṭhāne
Koṭigāmo nāma gāmo. Apra-bhāge amhākaṃ Bhagavato kāle
so Naḷakāra-devaputto devalokā cavitvā manussapathe Bhad-
daji-seṭṭhi nāma hutvā Satthu santike pabbajitvā arahattaṃ
pāpuṇi. So nāvāya Gaṅgā-taraṇa-divase bhikkhu-saṅghassa
taṃ pāsādaṃ dassesī ti vatthu vitthāretabbam. Kasmā pan'
esa pāsādo na antarahito ti? Itarassa ānubhāvena. Tena

saddhim puñña-kammaṃ katvā devaloke nibbatta-kulaputto anāgate Saṅkho nāma rājā bhavissati. Tassa paribhog' atthāya so pāsādo vuṭṭhahissati. Tasmā na antarahito ti.

Ussāpetvā ti taṃ pāsādaṃ utthāpetvā.

Ajjhāvasitvā ti tattha vasitvā.

Daditvā vissajjetvā ti taṃ pāsādaṃ dāna-vasena datvā nira-pekka-pariccāga-vasena ca vissajjetvā. Kassa evaṃ datvā ti? Samaṃ' ādinaṃ. Ten' āha *Samana-brāhmaṇa-kapaṇ-iddhikā-vanibbaka-yācakānaṃ dānaṃ datvā* ti. Kathaṃ pana so ekaṃ pāsādaṃ bahunnaṃ dassatī ti? Evaṃ kir' assa cittaṃ uppajjissati: "Ayaṃ pāsādo vippakiriyatū" ti. So khaṇḍa-khaṇḍaso vippakirissati. So taṃ alaggamāno hutvā: Yo yattakaṃ icchatī so taṃ gaṇhatū ti, dāna-vasena vissajjeti. Tena vuttaṃ *dānaṃ datvā Metteyyassa Bhagavato . . . pe . . . viharissatī* ti.

27. Ettakena Bhagavā vaṭṭa-gāmi-kusalassa anusandhim dassesi. Idāni vivaṭṭa-gāmi-kusalassa anusandhim dassento puna *Atta-dīpā bhikkhave viharathā* ti ādim āha.

28. *Idaṃ kho bhikkhave bhikkhuno āyusmin* ti bhikkhave yaṃ vo ahaṃ: "Āyunā pi vaḍḍhissathā" ti avocaṃ, tattha idaṃ bhikkhuno āyusmiṃ āyu-kāraṇaṃ ti attho. Tasmā tumhehi āyunā vaḍḍhitu-kāmehi ime cattāro iddhipādā bhāvetabbā ti dasseti.

Vaṇṇasmin ti yaṃ vo ahaṃ *Vaṇṇena pi vaḍḍhissathā* ti avocaṃ, idaṃ tattha vaṇṇa-kāraṇaṃ. Sīlavato hi avippati-sār' ādinaṃ vasena sarīra-vaṇṇo pi kitti-vasena guṇa-vaṇṇo pi vaḍḍhati. Tasmā tumhehi vaṇṇena vaḍḍhitu-kāmehi sīla-sampannehi bhāvetabbā ti dasseti.

Sukhasmin ti yaṃ vo ahaṃ *Sukhena pi vaḍḍhissathā* ti avocaṃ, idaṃ tattha vivekajaṃ pīti-sukh' ādi-nānappakāra-jhāna-sukhaṃ. Tasmā tumhehi sukhena vaḍḍhitu-kāmehi imāni cattāri jhānāni bhāvetabbāni.

Bhogasmin ti yaṃ vo ahaṃ *Bhogenā pi vaḍḍhissathā* ti avocaṃ, ayaṃ so appamāṇaṇaṃ sattānaṃ appaṭikūlat' āvaho sukha-sayan' ādi-ekādasānisamso sabba-disā vipphārīta-brahma-vihāra-bhogo. Tasmā tumhehi bhogenā vaḍḍhitu-kāmehi ime brahma-vihārā bhāvetabbā.

Balasmin ti yaṃ vo ahaṃ *Balena pi vaḍḍhissathā* ti avocaṃ,

idaṃ taṃ āsava-kkhaya-pariyosāne uppannaṃ arahatta-phala-saṅkhātāṃ balaṃ. Tasmā tumhehi balena vaḍḍhitukāmehi arahatta-pattiyaṃ yogo karaṇīyo.

Yatha-y-idaṃ bhikkhave Māra-balaṃ ti yathā idaṃ devaputta-Māra-maccu-Māra-kilesa-Mārānaṃ balaṃ duppasahaṃ durabhisambhavaṃ aññaṃ loke eka-balaṃ pi na samanupassāmi, taṃ pi balaṃ idaṃ eva arahatta-phalaṃ pasahati adhibhavati ajjhottharati. Tasmā etth' eva yogo karaṇīyo ti dasseti.

Evam idaṃ puññaṃ ti evam idaṃ lokuttara-puññaṃ pi yāva āsava-kkayaṃ pavaḍḍhati ti vivaḍḍa-gāmi-kusalānusandhiṃ niṭṭhapento arahatta-nikūṭeṇa desanaṃ niṭṭhapesi.

Sutta-pariyosāne vīṣati bhikkhu-sahasāni arahattaṃ pāpuṇṇsu. Caturāsīti pāṇa-sahasāni Amata-pāṇaṃ pivimsu ti.

Cakkavatti-sutta-vanānā niṭṭhitā.

XXVII.

AGGAÑÑA-SUTTA-VAÑÑANĀ.

1. *Evam me sutan ti Aggañña-suttam.* Tatrāyaṃ anuttāna-pada-vaññanā.

Pubbārāme Migāra-mātu pāsāde ti ettha ayaṃ ānupubbi-kathā. Atīte kappa-sata-sahassa-matthake ekā upāsikā Padumuttaram Bhagavantam nimantetvā Buddha-pamukhassa bhikkhu-sata-sahassassa dānaṃ datvā Bhagavato pāda-mūle nipajjitvā: Anāgate tumhādisassa Buddhassa agg' upaṭṭhāyikā homi ti, patthanam akāsi. Sā kappa-sata-sahassam devesu ca manussesu ca saṃsaritvā amhākam Bhagavato kāle Bhaddiya-nagare Mendaka-seṭṭhi-puttassa Dhanañjaya-seṭṭhino gehe Sumanā-deviyā kucchismim paṭisandhim gāhi. Jāta-kāle tassā Visākhā ti nāmam akāmsu. Sā yadā Bhagavā Bhaddiya-nagaram agamāsi tadā pañcahi dārikā-satehi saddhim Bhagavato paccuggamanam gatā paṭhama-dassanamhi yeva sot' āpannā ahosi. Aparā-bhāge Sāvattiyam Migāra-seṭṭhi-puttassa Puṇṇa-vaddhana-kumārassa geham gatā. Tattha nam Migāra-seṭṭhi mātu-ṭhāne ṭhapesi. Tasmā Migāra-mātā ti vuccati. Pati-kulam gacchantiyā tassā pitā mahālatā-pilāndhanam nāma kārāpesi.* Tasmim pilāndhane catasso vajira-nāliyo upayogam agamaṃsu. Muttānam ekādasa-nāliyo. Pavālassa dvā-visati nāliyo. Maññam tettiṃsa nāliyo. Iti etehi ca aññehi ca satta-vaññehi vara-ratanehi niṭṭhānam agamāsi. Tam sise paṭimukkam yāva pāda-piṭṭhiyā bhassati. Pancañnam hatthinam balaṃ dhāriyamānā va nam itthi dhāretum sakkoti. Sā aparā-bhāge Dasabalassa agg' upaṭṭhāyikā hutvā tam pasādhanam vissajjetvā navahi koṭṭhi Bhagavato vihāram kārayamānā karisa-matte bhūmi-bhāge pāsādam

* Cp. the identical description of this parure at DhA I. 394, where given as footnote.

kāresi. Tassa upari-bhūmiyaṃ pañca-gabbha-satāni honti, heṭṭhima-bhūmiyaṃ pañca-satāni-gabbha-sahassa-paṭimaṇḍito ahoṣi. Sā: Suddha-pāsādo na sobhatī ti, taṃ parivāretvā, pañca-duvaḍḍha-geha-satāni pañca-cūla-pāsāda-satāni pañca-dīgha-sālā-satāni ca kārapesi. Vihāra-maho catūhi māsehi niṭṭhānaṃ agamāsi. Mātugām' attabhāve t̐hitāya Visākhāya viya aññissā Buddha-sāsane dhana-pariccāgo nāma n' atthi. Puris' attabhāve t̐hitassa Anāthapiṇḍikassa viya aññassā ti. So hi catu-paṇṇāsa-koṭiyo vissajjetvā Sāvattthiyā dakkhiṇa-bhāge Anurādhapurassa Mahāvihāra-sadise t̐hāne Jetavana-mahāvihāraṃ nāma kāresi. Visākhā Sāvattthiya pācīna-bhāge Uttamadeviyā vihāra-sadise t̐hāne Pubbārāmaṃ nāma kāresi. Bhagavā imesaṃ dvinnāṃ kulānaṃ anukampāya Sāvattthiṃ nissāya viharanto imesu dvīsu vihāresu nibaddha-vāsaṃ vasi. Ekaṃ anto-vassaṃ Jetavane vasati, ekaṃ Pubbārāme. Tasmim̐ pana samaye Bhagavā *Pubbārāme* viharati. Tena vuttaṃ *Pubbārāme Migāra-mātu pāsāde* ti.

Vāsetṭha-Bhāradvājā ti Vāsetṭho ca sāmaṇero Bhāradvājo ca.

Bhikkhūsu parivasanti ti. Te n' eva titthiya-parivāsaṃ na āpatti-parivāsaṃ vasanti. Aparipuṇṇa vassattā pana bhikkhu-bhāvaṃ patthayamānā vasanti. Ten' ev' āha *bhikkhubhāvaṃ ākaṅkhamānā* ti. Ubho pi h' ete udicca brāhmaṇa-mahāsāla-kule nibbattā cattālīsa-koṭi-vibhavā tinnāṃ vedānaṃ pāragū Majjhima-nikāye Vāsetṭha-suttaṃ sutvā saraṇaṃ gatā, Tevijja-suttaṃ sutvā pabbajitā, imasmim̐ kāle bhikkhubhāvaṃ ākaṅkhamānā parivasanti.

Abbhokāse caṅkamati ti uttara-dakkhiṇena āyatassa pāsādassa puratthima-bhāge pāsāda-cchāya-yanta-rajjūhi ākaḍḍhiyamānaṃ ratana-sat' ubbedhaṃ suvaṇṇa-agghikaṃ viya anila-pathe vidhāvantihi chabbaṇṇāhi Buddha-rasmīhi sobhamāno aparāparaṃ caṅkamati.

2. *Anucaṅkamimsū* ti añjaliṃ paggayha onata-sarirā hutvā anuvattamānā caṅkamimsu.

3. *Vāsetṭhaṃ āmantesi* ti so tesāṃ paṇḍitataro gahetabbaṃ vissajjetabbaṃ jānāti, tasmā taṃ āmantesi.

Tumhe khv' atthā ti tumhe kho attha.

Brāhmaṇa-jaccā ti brāhmaṇa-jātikā.

Brāhmaṇa-kulīnā ti brāhmaṇesu kulīnā, kula-sampannā.

Brāhmaṇa-kulā ti brāhmaṇa-kulato. Bhog' ādi-sampan-
naṃ brāhmaṇa-kulaṃ pahāyā ti attho.

Nākkosanti ti dasa-vidhena akkosa-vatthunā na akkosanti.

Na paribhāsanti ti nānāvidha-paribhava-kathāya na gara-
hanti ti attho. Iti Bhagavā: brāhmaṇā ime sāmaṇere akko-
santi paribhāsanti ti, jānamāno va pucchati. Kasmā? Ime
mayā apucchitā paṭhamataraṃ na kathessanti, akathite kathā
na samuṭṭhāti ti, kathā-samuṭṭhāpan' atthāya.

Tagghā ti ekaṃsa-vacane nipāto. Ekaṃsen' eva *no bhante*
brāhmaṇā akkosanti paribhāsanti ti vuttaṃ hoti.

Atta-rūpāyā ti attano anurūpāya.

Paripunnāyā ti yathā-ruciṃ pada-vyañjanāni āropetvā āro-
petvā.pūritāya.

No aparipunnāyā ti antarā atṭhapitāya nirantaraṃ pavat-
tāya.

Kasmā pana brahmaṇā ime sāmaṇere akkosanti ti? Ap-
patitṭhatāya. Ime hi sāmaṇerā agga-brāhmaṇānaṃ puttā,
tiṇṇaṃ vedānaṃ pārāgū, Jambudīpe brāhmaṇānaṃ antare
pākaṭā sambhāvitā. Tesam pabbajitattā aññe brāhmaṇa-
puttā pabbajimsu. Atha kho brāhmaṇā: Appatitṭhā mayam
jātā ti, imāya appatitṭhatāya gāma-dvāre pi anto-gāme pi te
disvā: Tumhehi brāhmaṇa-samayo bhinnno, muṇḍa-samaṇa-
kassa pacchato pacchato sarasa-giddhā hutvā pi carathā ti,
ādīni c' eva pāliyaṃ āgatāni *Brāhmaṇo va seṭṭho vaṇṇo* ti ādīni
ca vatvā akkosanti. Sāmaṇerā tesu akkosantesu pi kopam
vā āghātaṃ vā akatvā, kevalaṃ Bhagavatā putṭhā *Taggha no*
bhante brāhmaṇā akkosanti paribhāsanti ti ārocesuṃ. Atha te
Bhagavā akkosan' ākāraṃ pucchanto *Yathā kathaṃ pana vo* ti
pucchi. Te ācikkhanta *brāhmaṇā bhante* ti ādim āhaṃsu.

Tattha *seṭṭho vaṇṇo* ti jāti-gott' ādīnaṃ paññāpana-tṭhāne
brāhmaṇā va seṭṭhā ti dassenti.

Hīno añño vaṇṇo ti itare tayo vaṇṇā hīnā lāmakā ti vadanti.

Sukko ti paṇḍaro.

Kaṇho ti kālako.

Sujjhanti ti jāti-gott' ādi-paññāpana-tṭhānesu sujjhanti.

Brahmuno puttā ti, Mahā-Brahmuno puttā.

Orasā mukhato jātā ti ure vasitvā mukhato nikkhantā, ure
katvā samvaddhitā ti vā orasā.

Brahmajā ti Brahmato nibbattā.

Brahma-nimmitā ti Brahmunā nimmitā.

Brahma-dāyādā ti Brahmuno dāyādā.

Hīnam attha vaṇṇaṃ ajjhupagatā ti hīnaṃ vaṇṇaṃ ajjhupagat' attha.

Muṇḍake samaṇake ti nindantā jigucchantā vadanti. Na muṇḍamattañ c' eva samaṇamattañ ca sandhāya.

Ibbhe ti gahapatike.

Kaṇhe ti kālake.

Bandhū ti Mārassa bandhubhūte Māra-pakkhike.

Pādāpacce ti Mahā-Brahmuno pādā apaccabhūte, pādato jāto ti adhippāyo.

4. *Taggha vo Vāsetṭha brāhmaṇā porāṇaṃ assarantā evaṃ āhaṃsū* ti ettha vo ti nipātamattaṃ sāmī-vacanaṃ. Tumhākaṃ brāhmaṇā ti attho. *Porāṇaṃ* ti porāṇakaṃ aggaññaṃ lok' uppattiṃ cariya-vaṃsaṃ. *Assarantā* ti asaramānā. Idaṃ vuttaṃ hoti. Ekamsena vo Vāsetṭha brāhmaṇā porāṇaṃ lok' uppattiṃ anussarantā ajānantā evaṃ vadantī ti.

Dissanti kho panā ti evaṃ-ādi tesaṃ laddhi-bhindaṇ' atthāya vuttaṃ. Tattha *brāhmaṇiyo* ti brāhmaṇānaṃ putta-paṭilābh' atthāya āvāha-vivāha-vasena kulaṃ ānītā brāhmaṇiyo dissanti. Tā kho pan' etā aparena samayena utuniyo pi honti sañjāta-pupphā ti attho.

Gabbhiniyo ti sañjāta-gabbhā.

Vijāyamānā ti putta-dhītaro janayamānā.

Pāyamānā ti dārake thaṇṇaṃ pāyantiyo.

Yonijā va samānā ti brāhmaṇīnaṃ passāva-maggena jātā samānā.

Evaṃ āhaṃsū ti evaṃ vadanti. Kathaṃ? *Brāhmaṇo va setṭho vaṇṇo . . . pe . . . Brahma-dāyādā* ti. Yadi pana nesaṃ sacca-vacanaṃ siyā, brāhmaṇīnaṃ kucchi Mahā-Brahmassa uro bhavēyya. Brahmaṇīnaṃ passāva-maggo Brahmuno mukhaṃ bhavēyya. Na kho pan' etaṃ evaṃ. Ten' āha *Te Brahmānañ c' eva abbhācikkhantī* ti ādi.

Ettāvatā: Mayā Mahā-Brahmuno ure vasitvā mukhato nikkhantā ti, vattum mā labhantū ti: imaṃ mukha-cchedaka-vādaṃ vatvā puna cattāro pi vaṇṇā kusale dhamme samādāya

vattantā va sujjhantī ti dassan' atthaṃ *Cattāro 'me Vāsettha vaṇṇā* ti ādim āha.

5. *Akusala-saṅkhātā* ti akusalā ti saṅkhātā, akusala-koṭṭhā-sabhūtā ti vā. Esa nayo sabbattha.

Na alam-ariyā ti ariya-bhāve asamatthā.

Kaṇhā ti pakati-kālakā.

Kaṇha-vipākā ti vipāko pi tesam kaṇho dukkho ti attho.

Khattiye pi te ti khattiyamhi pi te.

Ekacce ti ekasmim. Esa nayo sabbattha.

6. *Sukkā* ti nikkilesa-bhāvena paṇḍarā.

Sukka-vipākā ti vipāko pi tesam sukko, sukho ti attho.

7. *Ubhaya-vokiṇṇesu vattamānesū* ti ubhayesu vokiṇṇesu missibhūtesu hutvā vattamānesu. Katamesu ubhayesū ti ? *Kaṇha-sukkesu dhammesu viññu-garahitesu c' eva viññu-pasatthesu ca. Yad ettha brāhmaṇā evam āhaṃsū* ti. Ettha etesu kaṇha-sukka-dhammesu vattamānā pi brāhmaṇā yad eva taṃ evaṃ vadanti *Brāhmaṇo va seṭṭho vaṇṇo* ti ādi.

Taṃ nesaṃ viññū nānujānanti ye loke paṇḍitā te nānumodanti nappasaṃsanti ti attho.

Taṃ kissa hetu ? Imesaṃ hi Vāsetthā ti ādimhi ayaṃ saṅkhep' attho. Yaṃ vuttaṃ *nānujānanti* ti taṃ kasmā ti ce. *Yasmā imesaṃ catunnaṃ vaṇṇānaṃ yo bhikkhu araham , . . pe . . . sammad-aññā vimutto, so tesam aggam akkhāyati,* 'te n'eva evarūpā, tasmā tesam *viññū nānujānanti*.

Arahan ti-ādi-padesu c' ettha kilesānaṃ ārakatt' ādihi kāraṇehi araham.

Āsavānaṃ khīṇattā *khīṇ' āsavo*. Satta sekhā puthujjana-kalyāṇakā ca brahmacariya-vāsaṃ vasanti nāma. Ayam pana vuttha-vāso ti *vusitavā*. Catūhi maggehi catūsu saccesu pari jānan' ādi-karaṇīyaṃ kataṃ assā ti *kata-karaṇīyo*. Kilesa-bhāro ca khandha-bhāro ca ohito assā ti *ohita-bhāro*. Ohito ti otārito. Sundaro attho sako vā attho sad-attho. Anuppatto sad-attho etenā ti *anuppatta-sadattho*. Bhava-saṃyojanaṃ vuccati taṇhā. Sā ca parikkhīṇā assā ti *parikkhīṇa-bhava-saṃyojano*.

Sammad-aññā vimutto ti sammā-hetunā kāraṇena jānitvā vimutto.

Jane tasmin ti jane etasmiṃ, imasmiṃ loke ti attho.

Diṭṭhe c' eva dhamme abhisamparāyaṇā cā ti idhattabhāve ca parattabhāve ca.

8. *Anantarā ti antara-virahitā, attano kulena sadisā ti attho. Anuyuttā ti vasavattino.*

Nipaccakāraṇa ti mahallakatarā nipaccakāraṇa dassenti. Daharatarā abhivādan' ādini karonti. Tattha sāmīci-kammaṇa ti taṃ taṃ vatta-kāraṇāni anucchavika-kammaṇa.

9. *Nivīṭṭhā ti abhinivīṭṭhā acala-tṭhitā.*

Kassa pana evarūpā saddhā hoti ti? Sot' āpannassa. So hi nivīṭṭha-saddho asinā sise chijjamāne pi Buddho abuddho ti vā Dhammo adhammo ti vā Saṃgho asaṃgho ti vā na vadati. Patitṭhita-saddho hoti Sūrambatṭho viya. So kira Satthu dhamma-desanaṃ sutvā, sot' āpanno hutvā gehaṃ agamāsi. Atha Māro dvattimsa-vara-lakkhaṇa-patimaṇḍitaṃ Buddha-rūpaṃ māpetvā tassa ghara-dvāre ṭhatvā: Satthā āgato ti, sāsanaṃ paṇiṇi. Sūrambatṭho cintesi: “Ahaṃ idān' eva Satthu santike Dhammaṃ sutvā āgato, kin nu kho bhavissatī?” ti upasaṅkamitvā Satthu saññāya vanditvā atṭhāsi. Māro āha: “Ambatṭha, yaṇ te mayā rūpaṃ aniccaṃ . . . pe . . . viññāṇaṃ aniccaṇa ti kathitaṃ, taṃ dukkathitaṃ anupadhāretvā hi mayā etaṃ vuttaṃ, tasmā tvaṃ rūpaṃ niccaṃ . . . pe . . . viññāṇaṃ niccaṇa ti gaṇhāhi” ti. Sūro cintesi: “Atṭhānaṃ etaṃ yaṃ Buddha anupadhāretvā apaccakkhaṃ kātvā kiñci katheyyaṃ. Addhā ayaṃ mayhaṃ vicchinda-janaṇ' atthaṃ Māro āgato” ti. Tato naṃ: “Tvaṃ Māro” ti āha. So musā-vādaṃ kātuṃ nāsakkhi: “Āma Māro 'smi” ti paṭijānāti. “Kasmā āgato 'sī?” ti. “Tava saddhā-cālaṇ' atthaṇ” ti āha. “Kaṇha pāpima tvaṃ tāva eko tiṭṭha, tādisānaṃ Mārāṇaṃ satama pi sahaṣṣaṃ pi sata-sahaṣṣaṃ pi mama saddhaṃ cāletuṃ asamaṭṭhaṃ. Maggena āgata-saddhā nāma sīlā paṭhaviyaṃ patitṭhita-Sineru viya acalā hoti, kiṃ tvaṃ etthā” ti acchamaṃ pahari. So ṭhātuṃ asakkonto tatth' ev' antaradhāyi. Evarūpaṃ saddhaṃ sandhāy' etaṃ vuttaṃ nivīṭṭhā ti.

Mūla-jātā patitṭhitā ti magga-mūlassa sañjātattā tena magga-mūlena patitṭhitā.

Dalā ti thirā.

Asamhāriyā ti sunikhāta-inda-khīlo viya kenaci cāletuṃ asakkuṇeyyā.

Tass' etaṃ kallaṃ vacanāyā ti tassa ariya-sāvakkassa yuttaṃ eva vattuṃ. Kin ti? *Bhagavato 'mhi putto oraso* ti evam ādi.

So hi Bhagavantam nissāya ariya-bhūmiyaṃ jāto ti *Bhagavato putto*. Ure vasitvā mukhato nikkhanta-dhamma-ghosa-vasena magga-phalesu patiṭṭhitattā *oraso mukhato jāto*. Ariya-dhammato jātattā ariya-dhammena ca nimmitattā *dhammajō dhamma-nimmito*. Nava-lokuttara-dhamma-dāyājjaṃ arahatī ti *dhamma-dāyādo*.

Taṃ kissa hetū ti yad etaṃ *Bhagavato 'mhi putto* ti vatvā dhammajō dhamma-nimmito ti vuttaṃ. Taṃ kasmā ti? Idāni 'ssa atthaṃ dassento *Tathāgatassa h' etaṃ* ti ādim āha. Tattha *Dhamma-kāyo iti pī* ti; kasmā Tathāgato Dhamma-kāyo ti vutto? Tathāgato hi tepitakam Buddha-vacanam hadayena cintetvā vācāya abhinīhari. Ten' assa kāyo Dhammayattā Dhammo va. Iti Dhammo kāyo assāti *Dhamma-kāyo*. Dhamma-kāyattā eva *Brahma-kāyo*. Dhammo hi seṭṭh' aṭṭhena Brahmā ti vuccati. *Dhamma-bhūto* ti Dhamma-sabhāvo. Brahma-bhūtattā eva *Brahma-bhūto*.

10. Ettāvatā Bhagavā seṭṭha-cchedaka-vādaṃ dassetvā idāni aparena pi nayena seṭṭha-cchedaka-vādam eva dassetuṃ *hoti kho so Vāseṭṭha samayo* ti ādim āha. Tattha samvatta-vivaṭṭa-kathā Brahmajāle vitthāritā va.

Itthattam āgacchantī ti itthabhāvaṃ manussattam āgacchanti.

Te ca honti manomayā ti te idha manussa-loke nibbattamānā pi opapātikā hutvā manen' eva nibbattā ti *manomayā*. Brahma-loke viya idhāpi nesam pīti yeva āhāra-kiccaṃ sādhetī ti *pīti-bhakkhā*. Eten' eva nayena *sayam-pabhādīni* veditabāni.

11. *Ekodakī-bhūtan* ti sabbam cakkavālam ekodakam eva bhūtam.

Andhakāro ti tamo.

Andhakāra-timisā ti cakkhu-viññān' uppatti-nivāraṇena andhabhāva-karaṇam bahala-tamaṃ.

Samatānī ti patiṭṭhahi, samantato patthari.

Payas' otati' assā ti tatta-khīrassa.

Vanṇa-sampannā ti vaṇṇena sampannā. Kaṇikāra-puppha-sadiso tassā vaṇṇo ahoṣi.

Gandha-sampannā ti gandhena sampannā, dibba-gandhaṃ vāyati.

Rasa-sampannā ti rasena sampannā pakkhitta-dibb' oja viya hoti.

Khuddaṃ madhū ti khudda-makkhikāhi kataṃ madhū.

Anelakan ti niddosaṃ makkhik' aṇḍa-virahitaṃ.

12. *Lola-jātiko* ti lola-sabhāvo. Atitānantare pi kappe lolo yeva.

Ambho ti acchariya-jāto āha.

Kim ev' idaṃ bhavissatī ti vaṇṇo pi 'ssa manāpo gandho pi. Raso paṇ' assa kidiso bhavissatī ti attho. Yo tattha uppanna-lobho, so *rasa-paṭhavim aṅguliya sāyi* aṅguliya gahetvā jivh' agge ṭhapesi.

Acchādesī ti jivh' agge ṭhapita-mattā satta-rasa-haraṇī-sahassāni pharitvā manāpā hutvā tiṭṭhati.

Taṇhā c' assa okkamā ti tattha c' assa taṇhā uppajji.

Ālumpa-kārakaṃ upakkamimsu paribhuñjitum ti ālopaṃ katvā piṇḍa-piṇḍe chinditvā paribhuñjitum ārabhimsu.

Candima-suriyā ti candimā ca suriyo ca.

Pātur-ahaṃsū ti pātu-bhaviṃsu.* Ko pana tesam paṭhamam pātubhavati, ko kismim vasati, kassa kim pamāṇam, ko upari, ko sīgham gaṇḍhati? Kati tesam vīthiyo, kathaṃ caranti, kittake ṭhāne ālokaṃ karontī ti? Ūbho na ekato pātubhavanti. Suriyo paṭhamataram paññāyati. Tesam hi sattānam sayam pabhāya antarahitāya andhakāro ahoṣi. Te bhīta-tasitā: Bhaddakaṃ va tassa sace āloko pātubhaveyyā ti, cintayiṃsu. Tato mahā-janassa sūra-bhāvaṃ janayamānaṃ suriya-maṇḍalaṃ utṭhahi. Ten' ev' assa: Suriyo ti, nāmaṃ ahoṣi. Tasmim divasaṃ ālokaṃ katvā attham-ite puna andhakāro ahoṣi. Te: Bhaddakaṃ va tassa sace añño āloko uppajjeyyā ti, cintayiṃsu. Atha nesam chandaṃ űatvā canda-maṇḍalaṃ utṭhahi. Ten' ev' assa: Cando ti, nāmaṃ ahoṣi. Tesu cando anto-maṇi-vimāne vasati. Taṃ bahi-rajatena

* Cp. with the foll. Vism 417 sq.

parikkhittam. Ubhayam pi sītaṃ eva ahosi. Suriyo anto-kanaka-vimāṇe vasati. Taṃ bāhiram phalikā-parikkhittam hoti. Ubhayam pi unham eva. Pamānato cando ujukam ekūna-paññāsa-yojano, parimaṇḍalato tīhi yojanehi ūna-diyaḍḍha-sata-yojano. Suriyo ujukam paññāsa-yojano, parimaṇḍalato diyaḍḍha-sata-yojano. Cando heṭṭhā, suriyo upari. Antaram nesam yojanam hoti. Candassa heṭṭhimantato suriyassa uparimantato yojana-satam hoti. Cando ujukam saṇikam gacchati, tiriyam sīgham. Dvīsu passesu nakkhatta-tārakā gacchanti. Cando dhenū viya vaccham taṃ nakkhattam upasaṅkamati. Nakkhattāni pana attano ṭhānam na vijahanti. Suriyassa ujukam gamaṇam sīgham, tiriyam gamaṇam dandham. So kāḷa-pakkh' uposathato pāṭipada-divase yojanānam sata-sahassam canda-maṇḍalam ohāya gacchati. Atha cando lekhā viya paññāyati. Pakkhassa dutiyāya sata-sahassam ti evam yāva uposatha-divasā sata-sahassam sata-sahassam ohāya gacchati. Atha cando anukamena vaḍḍhitvā uposatha-divase paripuṇṇo hoti. Puna pāṭipada-divase yojanānam sata-sahassam dhāvitvā gaṇhāti. Dutiyāya sata-sahassam evam yāva uposatha-divasā sata-sahassam sata-sahassam dhāvitvā gaṇhāti. Atha cando anukamena hāyitvā uposatha-divase sabbaso na paññāyati. Candam heṭṭhā katvā suriyo upari hoti. Mahatiyā pāṭiyā khuddaka-bhājanam viya canda-maṇḍalam pithiyati. Majjhantike geha-cchāyā viya candassa chāyā na paññāyati. So chāyāya apaññāyamānāya dūre ṭhitānam divā dīpo viya sayam pi na paññāyati. Kati tesam vīthiyo ti? Ettha pana: Aja-vīthi nāga-vīthi go-vīthi ti, tisso vīthiyo honti. Tattha ajānam udakam paṭikkulam hoti. Hatthi-nāgānam manāpam, gunnam sītunha-samatāya phāsukam hoti. Tasmā yaṃ kalam candima-suriyā aja-vīthim ārohanti, tadā devo eka-bindum pi na vassati. Yadā nāga-vīthim ārohanti, tadā bhinnam viya nabham paggharati. Yadā go-vīthim ārohanti, tadā utu-samatā sampajjanti. Candima-suriyā cha māse Sineruto bahi nikkhamanti, cha māse anto vicaranti. Te hi Āsālhi-māse Sineru-samīpena caranti, tato dve māse nikkhamitvā bahi vicarantā paṭhama-Kattika-māse majjhena gacchanti. Tato Cakkavālābhimukhā gantvā, tayo māse Cak-

kavāla-samīpena caritvā, puna nikkhamitvā Citta-māse majjhena gantvā, tato pare dve māse Sineru 'bhimukhā pakkhanditvā puna Āsālhe Sineru-samīpena caranti. Kittake thāne ālokaṃ karontī ti? Ekappahārena tīsu dīpesu ālokaṃ karonti. Katham? Imasmiṃ dīpe suriy' uggamana-kālo, Pubbavidehe majjhantiko hoti, Uttarakurūsu atthaṅgamana-kālo, Aparagoyāne majjhima-yāmo. Pubbavidehe uggamana-kālo, Uttarakurūsu majjhantiko, Aparagoyāne atthaṅgamana-kālo, idha majjhima-yāmo. Uttarakurūsu uggamana-kālo, Aparagoyāne majjhantiko, idha atthaṅgamana-kālo, Pubbavidehe majjhima-yāmo. Aparagoyāna-dīpe uggamana-kālo, idha majjhantiko, Videha-dīpe atthaṅgamana-kālo, Uttarakurūsu majjhima-yāmo ti.

Nakkhattāni tāraka-rūpānī ti Kattik' ādi-nakkhattāni c' eva sesa-tāraka-rūpāni ca candima-suriyehi saddhiṃ yeva *pātur-ahesuṃ*.

Rattim divā ti tato suriy' atthaṅgamanato yāva aruṇ' uggamanā ratti, aruṇ' uggamanato yāva suriy' atthaṅgamanā divā ti. Evaṃ *rattin-divā paññāyimsu*. Atha pañca-dasa-rattiyo aḍḍha-māso, dve aḍḍha-māsā māso ti, evaṃ *mās' aḍḍha-māsaṃ paññāyimsu*. Atha cattāro māsā utu, tayo utū saṃvaccharo ti, evaṃ *utu-saṃvaccharā paññāyimsu*.

13. *Vanna-vevajjatā cā* ti vaṇṇassa vivaḍḍha-bhāvo.

Tesaṃ vaṇṇātimāna-paccayā ti tesaṃ vaṇṇe ārabha uppanna-atimāna-paccayā.

Mānātimāna-jātikānan ti punappuna uppajjamāna-mānātimāna-sabhāvānaṃ.

Rasāya paṭhaviyā ti sampanna-rasattā rasā ti laddhanāmāya paṭhaviyā.

Anutthunimsū ti anubhāsimsu.

Aho rasan ti aho amhākaṃ madhura-rasaṃ antarahitan ti.

Aggaññaṃ akkharan ti lok' uppatti-vamsa-kathaṃ.

Anupadanī ti anugacchanti.

14. *Evaṃ evaṃ pātur-ahoṣī* ti ediso hutvā utṭhahi. Anto vāpiyaṃ udake chinne sukkha-kalala-paṭalaṃ viya ca utṭhahi.

*Badālatā*¹ ti ekā madhura-rasā bhadda-latā.

¹ B padālatā.

Kalambukā ti nālikā.

15. *Ahu vata* no ti madhura-rasā vata no badālatā ahosi.
*Ahāyi*¹ vata no ti sā no etarahi antarahitā ti.

16. *Akattha-pāko* ti akatthe yeva bhūmi-bhāge uppanno.
Akaṇo ti nikkuṇḍako.

Athuso ti nitthuso.

Sugandho ti dibba-gandham vāyati.

Taṇḍula-pphalo ti parisuddham paṇḍaram taṇḍulam eva phalati.

Pakkam paṭivirūḷhan ti sāyaṃ gahita-tṭhānaṃ pāto va pak-kam hoti. Puna virūḷham paṭipākatikam eva gahita-tṭhānaṃ paññāyati.

Nāpadānaṃ paññāyati ti alāyikaṃ hutvā anūnam eva pañ-ñāyati.

Itthiyā cā ti yā pubbe manussa-kāle itthī, tassā itthi-liṅgaṃ pātubhavati, pubbe purisassa purisa-liṅgaṃ. Mātu-gāmo nāma hi puris' attabhāvaṃ labhanto anupubbena puri-satta-paccaye dhamme pūretvā labhati. Puriso itthatta-bhā-vaṃ labhanto kāma-micchācāraṃ nissāya labhati. Tadā pana pakatiyā mātugāmassa itthi-liṅgaṃ purisassa purisa-liṅgaṃ pātur ahosi.

Upanijjhāyatan ti upanijjhāyantānaṃ olokentānaṃ.

Parilāho ti rāga-parilāho.

Setthin ti chārikaṃ.

Nibbuyhamānāyā ti niyamānāya.

17. *Adhamma-sammataṃ* ti tam pana paṃsu-khipan' ādi adhammo ti sammataṃ. *Tad etarahi dhamma-sammataṃ* ti taṃ idāni dhammo ti sammataṃ. Dhammo ti taṃ gahetvā vicaranti. Tadā hi ekaccesu janapadesu kalahaṃ kurumānā itthiyo: "Tvam kasmā kathesi? Yā² gomaya-piṇḍamattam pi nālatthā" ti vadanti; *pāṭavyatan* ti sevitaḍḍataṃ.

Sannidhi-kārakan ti sannidhiṃ katvā.

Apadānaṃ paññāyithā ti chinna-tṭhānaṃ ūnam eva hutvā paññāyi.

Sanḍa-saṇḍā ti ekekasmiṃ tṭhāne kalāpa-bandhā viya gumba-gumbā hutvā.

18. *Mariyādaṃ ṭhapeyyāma* ti sīmaṃ ṭhapeyyāma.

19. *Yatra hi nāmā* ti yo nāma.

Pāṇinā paharimsū ti tayo vāre vacanaṃ agaṇhantaṃ pāṇinā paharimsu.

Tad agge kho panā ti taṃ aggaṃ katvā.

20. *Khīyitabbaṃ khīyeyyā* ti pakāsetabbaṃ pakāseyya, khi-pitabbaṃ vā khipeyya, hāretabbaṃ hāreyyā ti vuttaṃ hoti.

Yo nesam satto ti yo etesaṃ satto. Ko pana so ti? Amhākaṃ Bodhisatto.

Sālīnaṃ bhāgaṃ anupadassāmā ti: “Mayaṃ ek’ ekassa khettato ammaṇaṃ ammaṇaṃ āharitvā, tuyhaṃ sālī-bhāgaṃ dassāma. Tayā kiñci kammaṃ na kātabbaṃ, tvamaṃ amhākaṃ jeṭṭhaka-ṭṭhāne seṭṭha-ṭṭhāne tiṭṭhā” ti.

21. *Akkharaṃ upanibbattaṃ* ti saṅkhā samaññā paññatti vohāro uppanno.

Khattiyo khattiyo tv’ eva dutiyaṃ akkharan ti na kevalaṃ akkharam eva, te pan’ assa khetta-sāmino tīhi saṅkhehi abhisekam pi akamsu.

Paresaṃ rañjeti ti sukheti pīṇeti.

Aggaññenā ti aggaṃ ti ñātena, agge vā ñātena.

Lok’ uppatti-samaye uppannena. *Abhinibbatti ahoṣī* ti.

22. *Vit’ aṅgārā vīta-dhūmā* ti pacitvā khāditabbā bhāvato vigata-dhūm’ aṅgārā.

Panna-musalā ti koṭṭetvā pacitabbā bhāvato patita-musalā.

Ghāsaṃ esanā ti bhikkhā-cariya-vasena yāgu-bhattaṃ pariyesanā.

23. *Tam enaṃ manussā disvā* ti te ete manussā passitvā.

Anabhisambhuṇamaṇā ti asahamaṇā asakkontā.

Ganthe karontā ti tayo vede abhisāṅkharontā c’ eva vācentā ca.

Acchantī ti vasanti. *Acchenti* ti pi pāṭho. Es’ ev’ attho.

Hīna-sammataṃ ti mante dhārenti mante vācentī ti kho Vāseṭṭha idaṃ tena samayena hīna-sammataṃ.

Tad etarahi seṭṭha-sammataṃ ti, taṃ idāni ettake mante dhārenti ettake mante vācentī ti seṭṭha-sammataṃ jātaṃ.

Brāhmaṇa-maṇḍalassā ti brāhmaṇa-gaṇassa.

24. *Methunaṃ dhammaṃ samādāyā* ti methuna-dhammaṃ samādiyivā.

Vissu-kammante payojesun ti, gopa-kamma¹-vāṇija-kamm' ādike vissute uggate kammante payojesuṃ.

25. *Suddā Suddā* ti tena ludd' ācāra-khudd' ācāra-kam-munā. Suddaṃ Suddan ti lahuṃ lahuṃ kucchitaṃ gac-chanti vinassanti ti attho.

26. *Ahu kho* ti hoti kho.

Sakaṃ dhammaṃ garahamāno ti na seta-cchattaṃ ussāpana-mattena sujjhitaṃ sakkoti, evaṃ attano khattiya-dhammaṃ nindamāno. Esa nayo sabbattha.

Imehi kho Vāsetṭha catūhi maṇḍalehi ti iminā idaṃ dasseti: samaṇa-maṇḍalaṃ nāma viṣuṃ n' atthi, yasmā pana na sakkā jātiyā sujjhitaṃ attano sammā-paṭipattiyā visuddhi hoti, tasmā *imehi catūhi maṇḍalehi samaṇa-maṇḍalassa abhinibbatti* hoti. Imāni maṇḍalāni samaṇa-maṇḍalaṃ anuvattanti. Anuvattantāni ca dhammen' eva anuvattanti, no adhammena. Samaṇa-maṇḍalaṃ hi āgamma, sammā-paṭipattiṃ pūretvā suddhiṃ pāpuṇanti ti. Idāni yathā jātiyā na sakkā sujjhitaṃ, sammā-paṭipattiyā va sujjhanti. Tam atthaṃ pākaṭaṃ ka-ronto *Khattiyo pi kho Vasetṭhā* ti desanaṃ ārabhi.

27. Tattha *micchā-diṭṭhi-kamma-samādāna-hetū* ti micchā-diṭṭhi-vasena samādiṇṇa-kamma-hetu, micchā-diṭṭhi-kam-massa vā samādāna-hetu.

29. *Dvaya-kārī* ti kālena kusalaṃ karoti kālena akusalan ti, evaṃ ubhaya-kārī.

Sukha-dukkha-paṭisaṃvedī hoti ti eka-kkhaṇe ubhaya-vipā-ka-dānaṭṭhānaṃ nāma n' atthi. Yena pana akusalaṃ bahuṃ kataṃ hoti, kusalaṃ maṇḍaṃ so taṃ kusalaṃ nissāya khat-tiya-kule vā brāhmaṇa-kule vā nibbattati. Atha naṃ aku-sala-kammaṃ kāṇaṃ pi karoti khujjakam pi pīṭhasappim pi. So rajjassa vā araho hoti, anabhisitta-kāle vā evambhūto bhoge paribhuñjitaṃ no sakkoti. Aparassa maraṇa-kāle dve balava-mallā viya dve pi kusalākusala-kammāni upaṭṭhahanti. Tesu akusalaṃ balavataraṃ hoti, taṃ kusalaṃ paṭibāhetvā tiracchāna-yoniyam nibbattāpeti. Kusala-kammaṃ pavatti vedanīyaṃ hoti. Tam enaṃ maṅgala-hatthiṃ vā karonti, maṅgala-assaṃ vā, maṅgala-usabhaṃ vā. So taṃ sampattiṃ

anubhavati. Idam sandhāya vuttam *Sukha-dukkham paṭi-samvedī* hotī ti.

30. *Sattannam bodhi-pakkhiyānam* ti cattāro satipaṭṭhānā ti ādi koṭṭhāsa-vasena sattannam. Paṭipāṭiyā pana satta-timsāya bodhi-pakkhiyānam dhammānam.

Bhāvanam anvāyā ti bhāvanam anugantvā paṭipajjitvā ti attho.

Parinibbātī ti kilesa-parinibbānena parinibbāti. Iti Bhagavā cattāro vaṇṇe dassetvā paṭividdha-catusaccam khīṇ' āsavam eva deva-manussesu settham katvā dassesi.

31. Idāni tam ev' attham loka-sammatassa Brahmuno pi vacana-dassanānusārena dalham katvā dassento *Imesam hi Vāsetṭha catunnam vanñānam* ti ādim āha.

32. *Brahmunā p' esā* ti ādi Ambaṭṭha-sutte vitthāritam. Iti Bhagavā ettakena iminā kathā-maggena setṭha-cchedaka-vāram eva dassetvā suttantam vinivaṭṭetvā arahatta-nikūṭena desanam niṭṭhapesi.¹

Attamanā Vāsetṭha-Bhāradvājā ti Vāsetṭha-Bhāradvāja-sāmaṇerā pi hi saka-manā tuṭṭha-manā: Sādhu sadhū ti, Bhagavato bhāsitam abhinandiṃsu. Idam eva suttantam āvajjantā anumajjantā saha paṭisambhidāhi arahattam pā-puṇiṃsū ti.

Aggañña-sutta-vanñanā-niṭṭhitā.

¹ SS end here with the usual title; B continues.

XXVIII.

SAMPASĀDANIYA-SUTTA-VANṆANĀ.

Evam me sutam.

1. *Ekam samayan* ti Sampasādaniyam. Tatrāyam anuttāna-pada-vanṇanā.

Nālandāyan ti Nālandā ti evaṃ-nāmake nagare. Taṃ nagaraṃ gocara-gāmaṃ katvā.

Pāvārik' ambavane ti Dussa-Pāvārike seṭṭhino ambavane. Taṃ kira tassa uyyānaṃ ahosi. So Bhagavato dhamma-desanaṃ sutvā, Bhagavati pasanno tasmim uyyāne kuṭi-lena-maṇḍap' ādi-paṭimaṇḍitaṃ Bhagavato vihāraṃ katvā niyyādesi. So vihāro Jivak' ambavanaṃ viya Pāvārik' ambavanaṃ tv' eva saṅkhaṃ gato. Tasmim Pāvārik' ambavane viharatī ti attho.

Bhagavantam etad avoca : *Evam pasanno ahaṃ bhante Bhagavatī* ti. Kasmā evaṃ avoca ? Attano uppanna-somanassa-vedan' atthaṃ. Tatrāyam anupubba-kathā.

Thero kira taṃ divasaṃ kālāss' eva sarīra-paṭijagganaṃ katvā nivattha-nivāsano patta-cīvaraṃ ādāya pāsādikehi abhikkant' ādīhi deva-manussānaṃ pasādaṃ āvahanto Nālanda-vāsinaṃ hita-sukhaṃ anubrūhanto piṇḍāya pavisitvā, pacchābhataṃ piṇḍapāta-paṭikkanto vihāraṃ gantvā Satthu-vattaṃ dassetvā, Satthari gandha-kuṭim pavitṭhe Satthāraṃ vanditvā attano divātthānaṃ agamāsi. Tattha saddhivihārik' antevāsikesu vattaṃ dassetvā paṭikkantesu divātthānaṃ sammajjitvā camma-khaṇḍaṃ paññāpetvā udaka-kumbhato udakena hattha-pāde sitale katvā, ti-sandhi-pallaṅkaṃ āharitvā kāla-paricchedaṃ katvā phala-samāpattiṃ samāpajji. So yathā paricchinna-kāla-vasena samāpattito vuṭṭhāya attano guṇe anussarituṃ āraddho. Ath' assa guṇe anussarato sīlaṃ āpāthaṃ āgātaṃ. Tato paṭipāṭiyā ca samādhī paññā vimutti vimutti-ñāṇa-dassanaṃ paṭhamajjhānaṃ . . . pe

. . . nevasañña-nāsaññ' āyatana-samāpatti vipassanā-ñāṇaṃ dībbacakkhu-ñāṇaṃ sot' āpatti-maggo sot' āpatti-phalaṃ . . . pe . . . arahatta-maggo arahatta-phalaṃ, attha-paṭisambhidā dhamma-paṭisambhidā nirutti-paṭisambhidā paṭibhāna-paṭisambhidā sāvaka-pāramiññaṃ. Ito paṭṭhāya kappasata-sahass' ādhikassa asaṅkheyyassa upari Anomadassī-Buddhassa pāda-mūle kataṃ abhinīhāraṃ ādiṃ katvā attano guṇe anussarato yāva nisinna-pallaṅkā guṇā upaṭṭhahimsu. Evaṃthero attano guṇe anussaramāno guṇānaṃ pamāṇaṃ vā paricchedaṃ vā daṭṭhuṃ nāsakkhi. So cintesi: "Mayhaṃ tāva padesa-ñāṇe tṭhitaṃ sāvakaṃ guṇānaṃ pamāṇaṃ vā paricchedo vā n' atthi, ahaṃ pana yaṃ Satthāraṃ uddissa pabbajito, kīdisā nu kho tassa guṇā?" ti. Dasabalassa guṇe anusaritaṃ āradḍho.

So Bhagavato sīlaṃ nissāya, samādhim paññaṃ vimuttiṃ vimutti-ñāpadassanaṃ nissāya, cattāro satipaṭṭhāne nissāya, cattāro sammappadhāne cattāro iddhipāde cattāro magge cattāri phalāni catasso paṭisambhidā catu-yoni-paricchedakaṃ ñāṇaṃ cattāro ariya-vamse nissāya, Dasabalassa guṇe anusaritaṃ āradḍho. Tadā pañca-padhāniy' aṅgāni pañcaṅgikaṃ sammā-samādhim pañc' indriyāni pañca balāni pañca nissāraṇiyyā dhātuyo pañca vimutt' āyatanāni pañca vimutti-paripācaniyyā paññā; cha nissāraṇiye dhamme cha anussatiṭṭhānāni cha gārove cha nissāraṇiyyā dhātuyo cha satta-vihāre cha anuttariyāni cha nibbedha-bhāginiyyā paññā cha abhiññā cha asādhāraṇa-ñāṇāni; satta aparihāniye dhamme satta ariya-dhānāni satta bojjhaṅge satta sappurisa-dhamme satta nijjara-vatthūni satta paññā satta dakkhiṇeyya-puggale satta khīṇāsava-balāni; attha paññā-paṭilābha-hetū attha sammattāni attha loka-dhammātikkaṃ attha ārambha-vatthūni attha akkhaṇa-desanā attha Mahāpurisa-vitakke attha abhibhāyatanāni attha vimokkhe; nava yoniso-manasikāra-mūlake dhamme nava pārisuddhi-padhāniy' aṅgāni nava sattāvāsa-desanā nava āghāta-paṭivinaṇṇaṃ nava saññā nava nānattāni nava anupubba-vihāre; dasa nātha-karaṇe dhamme dasa kasip' āyatanāni dasa kusala-kammaṇṇe dasa Tathāgata-balāni dasa sammattāni dasa ariya-vāse dasa asekha-dhamme; ekādasā mettānisamse; dvādasā dhamma-cakk' ākāre: terasā dhu-

taṅga-guṇe; cuddasa Buddha-ñāṇāni; pañcadasa vimutti-paripācāniye dhamme; soḷasa-vidhaṃ ānāpāna-satim; aṭṭhā-rasa Buddhadhamme; ekūna-visati paccavekkhana-ñāṇāni; catu-cattālīsa ñāṇa-vatthūni; paropañṇāsa kusala-dhamme; satta-sattati ñāṇa-vatthūni; catu-vīsati koṭi-sata-sahassa sam-āpatti-sañcāra-mahāvajira-ñāṇaṃ nissāya Dasabalassa guṇe anussarituṃ ārabhi. Tasmim yeva ca divātṭhāne nisinnō ye upari aparaṃ [pana bhante]¹ etad ānuttariyaṃ ti āgamissanti soḷasa aparaṃ pariya-dhammā te pi nissāya anussarituṃ ārabhi.

So: Kusala-paññattiyaṃ anuttaro mayhaṃ Satthā, āyātana-paññattiyaṃ anuttaro, gabbhāvakkantiyaṃ anuttaro, ādesanā-vidhāsu anuttaro, dassana-sampattiyaṃ anuttaro, puggala-paññattiyaṃ anuttaro, padhāne anuttaro, paṭipadāsu anuttaro, bhassa-samācāre anuttaro, purisa-sīla-samācāre anuttaro, anusāsani-vidhāsu anuttaro, para-puggala-vimutti-ñāṇe anuttaro, sassata-vāde anuttaro, pubbe-nivāsa-ñāṇe anuttaro, dibba-cakkhu-ñāṇe anuttaro, iddhi-vidhe anuttaro, iminā ca iminā ca anuttaro ti: evaṃ Dasabalassa guṇe anussaranto Bhagavato guṇānaṃ n' eva antaṃ na pamāṇaṃ passi.

Thero attano pi tāva guṇānaṃ antaṃ vā pamāṇaṃ vā nāddasa. Bhagavato guṇānaṃ kiṃ passissati? Yassa yassa hi paññā mahatī ñāṇaṃ visadaṃ, so so Buddha-guṇe mahantato saddahati. Lokiya-mahājano ukkāsitvā pi khipitvā pi: Namo Buddhānaṃ ti, attano attano upanissaye ṭhatvā Buddhānaṃ guṇe sarati.² Sabba-lokiya-mahājanassa eko sot' āpanno Buddha-guṇe mahantato saddahati. Sot' āpannānaṃ satato pi saḥassato pi eko sakad-āgāmī, sakad-āgāmīnaṃ satato pi saḥassato pi eko anāgāmī, anāgāmīnaṃ satato pi saḥassato pi eko arahā Buddha-guṇe mahantato saddahati. Avasesa-arahantehi asīti mahātherā Buddha-guṇe mahantato saddahanti. Asīti mahātherehi cattāro mahātherā. Catūhi mahātherehi dve agga-sāvakā. Tesu Sāriputta-thero, Sāriputta-therato pi eko Pacceka-Buddho Buddha-guṇe mahantato saddahati. Sace pana sakala-cakkavāḷa-gabbhe saṅghāṭi-kappaṇa saṅghā-

¹ Sic MSS.² B anussarati.

ti-kamṇaṃ paharamānā nisinnā Pacceka-Buddhā Buddha-
 guṇe anussareyyuṃ, tehi sabbehi pi eko sabbaññu Buddho
 va Buddha-guṇe mahantato saddahati. Seyyathā pi nāma
 mahājano: Mahā-samuddo gambhīro uttāno ti, jānan' atthaṃ
 yottāni vaṭṭeyya. Tattha koci vyāma-ppamāṇaṃ yottaṃ
 vaṭṭeyya, koci dve-vyāmaṃ, koci nava-vyāmaṃ, koci dasa-
 vyāmaṃ, koci vīsati-vyāmaṃ, koci tiṃsa-vyāmaṃ, koci
 cattālisa-vyāmaṃ, koci paññāsa-vyāmaṃ, koci sata-
 vyāmaṃ, koci saḥassa-vyāmaṃ, koci catur-asīti-vyāma-
 saḥassaṃ. Te nāvaṃ vā ārūyha samudda-majjhe uggata-
 pabbat' ādimhi vā tthatvā attano attano yottaṃ otāreyyuṃ,
 tesu yassa yottaṃ vyāma-mattaṃ, so vyāma-matta-tṭhāne
 yeva udakaṃ jānāti . . . pe . . . yassa caturāsīti-vyāma-
 saḥassaṃ so caturāsīti-vyāma-saḥassa-tṭhāne yeva udakaṃ
 jānāti, parato udakaṃ ettakan ti na jānāti, mahā-samudde
 pana na tattakaṃ ñeva udakaṃ, atha kho anantam aparimā-
 ṇaṃ, caturāsīti-yojana-saḥassaṃ gambhīro hi mahā-samuddo.
 Evam eva eka-vyāma-yottato paṭṭhāya nava-vyāma-yottena
 ñāta-udakaṃ viya lokiya-mahājanena diṭṭha-Buddha-guṇā
 veditabbā. Dasa-vyāma-yottena dasa-vyāma-tṭhāne ñāta-
 udakaṃ viya sot' āpannena diṭṭha-Buddha-guṇā. Vīsati-vyā-
 ma-yottena vīsati-vyāma-tṭhāne ñāta-udakaṃ viya sakad-
 āgāminā diṭṭha-Buddha-guṇā. Tiṃsa-vyāma-yottena tiṃ-
 sa-vyāma-tṭhāne ñāta-udakaṃ viya anāgaminā diṭṭha-Bud-
 dha-guṇā. Cattālisa-vyāma-yottena cattālisa-vyāma-tṭhāne
 ñāta-udakaṃ viya arahatā diṭṭha-Buddha-guṇā. Paññāsa-
 vyāma-yottena paññāsa-vyāma-tṭhāne ñāta-udakaṃ viya
 asīti mahātherehi diṭṭha-Buddha-guṇā. Satta-vyāma-yot-
 tena sata-vyāma-tṭhāne ñāta-udakaṃ viya catūhi mahāthe-
 rehi diṭṭha-Buddha-guṇā. Saḥassa-vyāma-yottena saḥassa-
 vyāma-tṭhāne ñāta-udakaṃ viya Moggallāna-ttherena diṭ-
 ṭha-Buddha-guṇā. Caturāsīti-vyāma-saḥassa-yottena catūrā-
 sīti-vyāma-saḥassa-tṭhāne ñāta-udakaṃ viya Dhammasenā-
 patinā Sāriputta-ttherena diṭṭha-Buddha-guṇā. Tattha ya-
 thā so puriso: Mahāsamudde udakaṃ nāma na ettakaṃ
 yeva anantam aparimāṇan ti, gaṇhāti, evam eva āyasmā
 Sāriputto dhamm' anvayena dhamm' anvaya-buddhiyā anu-
 mānena naya-ggāhena sāvaka-pāramī-ñāṇe thatvā Dasaba

lassa guṇe anussaranto: Buddha-guṇā anantā aparimāṇā ti, saddahati.¹

Therena hi diṭṭha-Buddha-guṇehi dhamm' anvayena ga-hetabba-Buddha-guṇā yeva bahutarā. Yathā katham viya ? Yathā ito nava ito navā ti atṭharāsa yojanāni avattharitvā gacchantiyā canda-bhāgāya mahānadiyā puriso suci-pāsena udakam gaṇheyya, suci-pāsena gahita-udakato agahitam eva bahum hoti; yathā vā pana puriso mahāpaṭhavito aṅguliya paṃsum gaṇheyya, aṅguliya gahita-paṃsuto avasesa-paṃsu yeva bahu hoti; yathā vā pana puriso mahāsamuddābhimukhim aṅgulim kareyya, aṅguli-abhimukha-udakato sesa-udakam yeva bahu hoti; yathā ca puriso ākāse abhimukhim aṅgulim kareyya, aṅguli-abhimukha-ākāsato sesa-ākāsa-ppadeso va bahu hoti—evam therena diṭṭha-Buddha-guṇehi adiṭṭha²-guṇā va bahū ti veditabbā.

Vuttam pi c' etaṃ:—

Buddho pi Buddhassa bhaṇeyya vaṇṇam
Kappam pi ce aññaṃ abhāsamāno,
Khīyetha kappo cira dīgham antare
Vaṇṇena khīyetha Tathāgatassā ti.

Evam therassa attano ca Satthu ca guṇe anussarato yamaka-mahā-nadī mahogho viya abbhantare pīti-somanassam avattharamānam vāto viya bhasam ubbhijjivā uggatam udakam viya mahā-rahadam sakala-sarīram pūresi. Tato thero: Supatthitā vata me patthanā, suladdhā pabbajjā, yvāham evam-vidhassa Satthu santike pabbajito ti, āvajji. Tassa balavataram pīti-somanassam uppajji. Atha thero: Kassāham imam pīti-somanassam āroceyyan ti, cintento: Añño koci samaṇo vā brāhmaṇo vā Devo vā Māro vā Brahmā vā mama imam pasādam anucchavikam katvā paṭiggahetum na sakkhissati; aham imam somanassam Satthuno va paveddassāmi, Satthā ca me paṭiggaṇhitum sakkhissati. So hi: “Tiṭṭhatu mama pīti-somanassam,” mādisassa samaṇa-satassa vā samaṇa-sahassassa vā samaṇa-sata-sahassassa vā somanassam pavedentassa sabbesam manam gaṇhanto paṭiggahe-

¹ SS saddahi.

² SS omit; B adhittha°.

tum sakkoti. Seyyathāpi nāma atthārassa-yojanāni avattharamānaṃ gacchanti candabhāgaṃ mahānadiṃ kussubbho vā kandarā vā paṭicchitum na sakkoti, mahāsamuddo va taṃ paṭicchati, mahāsamuddo hi: “Tiṭṭhatu candabhāgaṃ,” evarūpānaṃ nadi-satam pi sahaṣṣam pi sata-sahaṣṣam pi paṭicchati, na ca tassa tena ūnattaṃ vā pūrattaṃ vā paññāyati. Evam eva mama Satthā mādisassa samaṇa-satassa samaṇa-sahaṣṣassa samaṇa-sata-sahaṣṣassa vā somanassaṃ pavedentassa sabbesaṃ maṇaṃ gaṇhanto paṭiggahetum sakkoti. Sesā samaṇa-brāhmaṇ’ ādayo candabhāgaṃ kussubbha-kandarā viya mama somanassaṃ paṭicchitum na sakkonti. Handāhaṃ mama pīti-somanassaṃ Satthuno va ārocemi ti, pallaṅkaṃ vinibhuñjitvā, camma-khaṇḍaṃ papphotetvā ādāya sāyaṇha-samaye pupphānaṃ vaṇṇato chinditvā paggharaṇakāle Satthāraṃ upasaṅkamitvā, attano somanassaṃ pavedento *Evam pasanno ahaṃ bhante* ti ādim āha.

Tattha *evam pasanno* ti evaṃ uppanna-saddho, evaṃ sad-dahāmi ti attho.

Bhiyyo ’bhiññataro ti bhiyyataro abhiññāto, bhiyyataro ’bhiñño vā uttar’ itara-ñāpo ti attho.

Sambodhiya ti, sabbaññuta-ñāṇe arahatta-magga-ñāṇe vā. Arahatta-maggen’ eva hi Buddha-guṇā nippadesā gāhitā honti. Dve hi agga-sāvaka¹ arahatta-maggen’ eva sāvaka-pārami-ñāṇaṃ paṭilabhanti. Pacceka-buddhā pacceka-bodhi-ñāṇaṃ. Buddhā sabbaññuta-ñāṇaṃ c’ eva sakale ca Buddha-guṇe. Sabbhaṃ hi tesāṃ arahatta-maggen’ eva ijjhati. Tasmā arahatta-magga-ñāṇaṃ sambodhi-nāma hoti. Tena uttar’ itaro Bhagavatā n’ atthi. Ten’ āha *Bhagavatā bhiyyo ’bhiññataro yadidaṃ sambodhiya* ti.

Uḷārā ti seṭṭhā. Ayaṃ hi uḷāra-saddo: Uḷārāni khādaniyāni khadanti ti, ādisu madhure āgacchati; Uḷārāya khalu bhavaṃ Vacchāyano Samaṇaṃ Gotamaṃ pasamsāya pasamsati ti, ādisu seṭṭhe. Appamāno uḷāro obhāso ti, ādisu vipule. Svāyam idha seṭṭhe āgato. Tena vuttaṃ *uḷārā* ti seṭṭhā.

Āsabhī ti usabhassa vācā-sadisī acalā asampavedī.

Ek’ aṃso gahīto ti anussavena vā ācariya-paramparāya vā.

¹ MSS. add “ti.”

Iti kirā ti vā piṭaka-sampadānena vā ākāra-parivitakkena vā dīṭṭhi-nijjhāna-khantiyā vā takka-hetu vā naya-hetu vā akathetvā paccakkhato ñānena paṭivijjhivā viya *ek' aṃso gahito*, sanniṭṭhāna-kathā va kathitā ti attho.

Sīha-nādo ti seṭṭha-nādo. N' eva dandhāyantena na gaggarāyantena sīhena viya uttama-nādo nadito ti attho.

Kin nu Sāriputtā ti imaṃ desanaṃ kasmā ārabhi? Anuyoga-dāpan' atthaṃ. Ekacco hi sīha-nādaṃ naditvā attano sīha-nāde anuyogaṃ dātum na sakkoti, nighaṃsanaṃ na khamati, lepe patita-makkaṭo viya hoti. Yathā dhamamānaṃ apari-suddha-lohaṃ jhāyivā aṅgāro hoti, evaṃ jhām' aṅgāro viya hoti. Eko sīha-nāde anuyogaṃ dāpiyamāno dātum sakkoti, nighaṃsanaṃ khamati, dhamamānaṃ nid-dosa-jātarūpaṃ viya adhikataṃ sobhati. Tādiso thero. Tena naṃ Bhagavā: Anuyoga-kkhamo ayan ti, ñatvā sīha-nāde anuyoga-dāpan' atthaṃ imaṃ desanaṃ ārabhi.

Tattha *sabbe te* ti sabbe te tayā. *Evam-sīlā* ti ādisu lokiya-lok' uttara-vasena sīl' ādini pucchati. Tesam vitthāra-kathā Mahāpadāne kathitā va.

Kim pana Sāriputta ye te bhavissantī ti atitā ca tāva niruddhā apannattika-bhāvaṃ-gatā dīpa-sikhā viya nibbutā, evaṃ niruddhe apannattika-bhāvaṃ-gate tvaṃ kathaṃ jānissasi anāgata-Buddhānaṃ pana guṇā *kin* ti tayā attano cittaṇa paricchinditvā viditā ti pucchanto evaṃ āha.

Kim pana Sāriputta ahan te etarahī ti: Anāgatā pi Buddhā ajātā anibbattā anuppannā, te pi kathaṃ tvaṃ jānissasi? Tesam hi jānanaṃ apade ākāse pada-dassanaṃ viya hoti. Idāni mayā saddhim eka-vihāre vasasi, ekato bhikkhāya carasi, dhamma-desanā-kāle dakkhiṇa-passe nisīdasi. Kim pana mayhaṃ guṇā attano cetasā paricchinditvā viditā tayā ti, anuyūñjanto evaṃ āha. Thero pana pucchite pucchite *No h' etaṃ bhante* ti paṭikkhipati. Therassa ca viditam pi atthi aviditam pi. Kim so attano viditaṭṭhāne paṭikkhepaṃ karoti aviditaṭṭhāne ti? Viditaṭṭhāne na karoti, aviditaṭṭhāne yeva karoti ti.

Thero kira anuyoge āradde yeva aññāsi: "Ayaṃ anuyogo sāvaka-pāramī-ñāṇe, sabbaññuta-ñāṇe ayaṃ anuyogo" ti, attano sāvaka-pāramī-ñāṇe paṭikkhepaṃ akatvā aviditaṭ-

ṭhāne sabbaññuta-ñāṇe paṭikkhepaṃ karoti. Tena idam pi dīpeti: “Bhagavā mayhaṃ atitānāgata-paccuppanānaṃ Bud-dhānaṃ sila-samādhī-paññā-vimutti-kāraṇa-jānana-samat-thaṃ sabbaññuta-ñānaṃ n’ atthi” ti.

Ettā ti etesu atit’ ādi-bhedesu Buddhesu.

Atha kiñ carahī ti atha: “Kasmā evaṃ ñāṇe asati tayā evaṃ kathitan?” ti vadati.

2. *Dhamm’ anvayo* ti dhammassa paccakkhato ñāṇassa anuyogaṃ anugantvā uppannaṃ anumāna-ñāṇaṃ naya-ggāho vidito. “Sāvaka-pārami-ñāṇe ṭhatvā va sabbaññuta-ñāṇaṃ iminā ākārena jānāmi Bhagavā” ti vadati. Therassa hi nayaggāho appamāṇo अपरियान्तो. Yathā sabbaññuta-ñāṇassa pamāṇaṃ vā pariyanto vā n’ atthi, evaṃ Dhamma-senāpatino nayaggāhassa. Tena so iminā evaṃ-vidho iminā anuttaro sati jānāti. Therassa hi nayaggāho sabbaññuta-ñāṇa-gatiko eva. Idāni taṃ nayaggāhaṃ pākataṃ kātuṃ upamaṃ dassento *seyyathā pi bhante* ti ādim āha.

Tattha yasmā Majjhima-padese uddāp’ ādīni thirāni vā hontu dubbalāni vā, sabbaso vā pana mā hontu corā saṅkā na hoti, tasmā taṃ agahetvā *paccantimaṃ nagaran* ti āha.

Daḥ’ uddāpan ti thira-pākāra-pādaṃ.

Daḥa-pākāra-toraṇan ti thira-pākāraṇ c’ eva thira-piṭṭhi-saṅghāṭaṇ ca.

Eka-dvāran ti kasmā āha? Bahu-dvāre nagare bahūhi paṇḍita-dovārikehi bhavitabbaṃ. Eka-dvāre eko vaṭṭati. Therassa ca paññāya sadiso añño n’ atthi. Tasmā attano paṇḍitabhāvassa opamm’ atthaṃ ekaṃ yeva dovāri-kaṃ dassetuṃ *eka-dvāran* ti āha.

Paṇḍito ti paṇḍiccena samannāgato.

Vyatto ti veyattiyena samannāgato visada-ñāṇo.

Medhāvī ti ṭhān’ uppatika-paññā-saṅkhātāya medhāya samannāgato.

Anupariyāya - pathan ti anupariyāya - nāmakam pākāra-maggaṃ.

Pākāra-sandhin ti dvinnaṃ iṭṭhakānaṃ apagata-ṭṭhānaṃ.

Pākāra-vivaran ti pākāra-chinna-ṭṭhānaṃ.

Cetaso upakkilese ti pañca-nīvaraṇa-cittaṃ upakkilesan ti

kiliṭṭhaṃ karonti upatāpenti viheṭṭhenti.¹ Tasmā cetaso upakilesā ti vuccanti.

Paññāya dubbālī-karaṇe ti nīvaraṇā uppajjamānā anuppannāya paññāya uppajjitum na denti,² uppannāya paññāya vadḍhitum na denti,² tasmā paññāya dubbālī-karaṇā ti vuccanti.

Supatitṭhita-cittā ti catūsu satipaṭṭhānesu suṭṭhu-ṭhapitā-cittā hutvā.

Satta bojjaṅge yathā-bhūtan ti satta-bojjaṅge yathā sa-bhāvena bhāvetvā.

Anuttaraṃ sammā-sambodhin ti arahattaṃ sabbaññuta-ñāṇaṃ pativijjhimsū ti dasseti. Api c' ettha satipaṭṭhānā ti vipassanā, bojjaṅgā maggo, anuttarā sammā-sambodhi arahattaṃ. Satipaṭṭhānā ti vā maggā ti vā bojjaṅga-missakā. Sammā-sambodhi arahattam eva. Dīghabhāṇaka-Mahasīvaththero pan' āha: "Satipaṭṭhāne vipassanā ti, gahevā bojjaṅge magge ca sabbaññuta-ñāṇaṃ cā ti, sundaro pañho bhaveyya. Na pan' evaṃ gahitaṃ" ti. Iti thero sabba-Buddhānaṃ nīvaraṇa-pahāne satipaṭṭhāna-bhāvanāya sambodhiyaṃ ca majjhe-bhinna-suvaṇṇa-rajatānaṃ viya nānattābhāvaṃ dasseti. Idha ṭhatvā upamā saṃsandetabbā. Āyasmā hi Sāriputto paccantaṃ nagaraṃ dassesi, pākāraṃ dassesi, pariyāya-paṭhaṃ dassesi, dvāraṃ dassesi, paṇḍita-dovārikaṃ dassesi, nagara-pavisaṇake nikkhamanaṃ olārika pāṇe dassesi, paṇḍita-dovārikassa tesam pāṇānaṃ pākātabhāvaṃ dassesi. Tattha 'kiṃ kena sadisaṃ' ti ce, nagaraṃ viya hi nibbānaṃ, pākāro viya sīlaṃ, pariyāya-patho viya samatho, dvāraṃ viya ariya-maggo, paṇḍita-dovāriko viya Dhamma-senāpati, naggaṃ-pavisaṇaka-nikkhamanaṃ olārika-pāṇā viya atitānāgata-paccuppannā Buddhā. Dovārikassa tesam pāṇānaṃ pākātabhāvo viya āyasmato Sāriputtassa atitānāgata-paccuppannānaṃ Buddhānaṃ sīla-samath' ādhi pākātabhāvo. Ettāvatā therena: Bhagavā evaṃ ahaṃ sāvaka-pāramī-ñāṇe ṭhatvā dhamm' anvayena naya-ggāhena jānāmi ti, attano sīha-nādassa anuyogo dinno hoti.

Idhāhaṃ bhante yena Bhagavā ti imaṃ desanaṃ kasmā

¹ B vibādhenti.

² SS omit.

ārabhi? Sāvaka-pāramī-ñāṇassa nipphatti-dassan' attham. Ayaṃ h' ettha adhippāyo: "Bhagavā ahaṃ sāvaka-pāramī-ñāṇaṃ paṭilabhanto pañca-navuti pāsāṇḍesu na aññaṃ ekam pi samaṇaṃ vā brāhmaṇaṃ vā upasaṅkamitvā paṭilabhiṃ, tumhe yeva upasaṅkamitvā, tumhe payirūpāsanto paṭilabhin" ti.

Tattha *idhā* ti nipātamattaṃ. *Upasaṅkamin* dhamma-savanāyā ti tumhe upasaṅkamanto pi cāhaṃ na cīvar' ādi-hetūpasaṅkamanto dhamma-savan' atthāya pana upasaṅkamanto evaṃ upasaṅkamitvā sāvaka-pāramī-ñāṇaṃ paṭilabhiṃ.

Kadā pana thero dhamma-savan' atthāya upasaṅkamanto? Sūkara-khata-leṇe bhāgineyya-Dīghanakha-paribbājakassa vedanā-pariggāhaka-suttanta-kathana-divase upasaṅkamanto. Tadā yeva sāvaka-pāramī-ñāṇaṃ paṭilabhi ti. Taṃ divasaṃ hi thero tāla-vaṇṭaṃ gahetvā Bhagavantaṃ vījamāno t̥hito taṃ desanaṃ sutvā tatth' eva sāvaka-pāramī-ñāṇaṃ hatthagataṃ akāsi.

Uttar' uttarim pañīta-pañītan ti uttar' uttariṇ c' eva pañīta pañītaṇ ca katvā desesi.

Kaṇha-sukka-sappatibhāgan ti kaṇhaṇ c' eva sukkaṇ ca, taṇ ca kho sappatibhāgaṃ savipakkaṃ katvā: Kaṇhaṃ paṭibāhitvā sukkaṃ, sukkaṃ paṭibāhitvā kaṇhan ti, evaṃ sappatibhāgaṃ katvā kaṇhaṃ sukkaṃ desesi. Kaṇhaṃ desento pi sa-ussāhaṃ savipākaṃ desesi. Sukkaṃ desento pi sa-ussāhaṃ savipākaṃ desesi.

Tasmim dhamme abhiññā *idh'* ekaccaṃ dhammaṃ dhammesu niṭṭham agaman ti ettha tasmim desite dhamme ekaccaṃ dhammaṃ nāma sāvaka-pāramī-ñāṇaṃ jānitvā dhammesu niṭṭham agamaṃ. Katamesu dhammesū ti? Catu-sacca-dhammesu. Etthāyaṃ thera-sallāpo, Kāḷhāvāsī¹ Summatthero tāva vadati: Catu-sacca-dhammesu idāni niṭṭhāgamana-kāraṇaṃ natthi. Assaji-mahāsāvakaassa diṭṭha-divase yeva so paṭhama-maggena catu-sacca-dhammesu niṭṭhamgato. Aparā-bhāge Sūkara-khaṭa-lena-dvāre upari tihi maggehi catu-sacca-dhammesu niṭṭhamgato. Imasmim pana

¹ B Kāḷavalla-vāsī.

ṭhāne dhammesū ti Buddha-guṇesu nitthamgato. Lok' ut-tara-vāsī Cūla-Sīvatthero pana sabbaṃ tath' eva vatvā : Imas-miṃ paṇa ṭhāne *dhammesū* ti arahatte nitthamgato ti āha. Dīghabhāṇaka-Tiṭṭhaka-Mahāsīvatthero pana tath' eva pu-rima-vādaṃ vatvā imasmiṃ paṇa ṭhāne *dhammesū* ti sāvaka-pāramī-ñāṇe nittham gato ti vatvā Buddha-guṇā pana nayato āgatā ti āha.

Satthari paṣīdin ti evaṃ sāvaka-paramī-ñāṇa-dhammesu nitthamgantvā bhiyyoso-mattāya *Sammā-Sambuddho vata Bhagavā* ti Satthari paṣīdiṃ.

Sv' ākkhāto Bhagavatā dhammo ti suṭṭhu akkhāto sukathito niyyāniko maggo phal' atthāya niyyāti rāga-dosa-moha-nimad-dana-samattho.

Suppaṭipanno saṅgho ti Buddhassa Bhagavato sāvaka-saṅgho pi vaṃk' ādi-dosa-virahitaṃ sammā-paṭipadaṃ paṭipannattā suppaṭipanno ti: Pasanno 'smi Bhagavatī ti, dasseti.

3. Idāni divātṭhāne nisīditva samāpajjite soḷasa aparāpa-riya-dhamme dassetuṃ *Aparam pana bhante etad anuttariyan* ti desanaṃ ārabhi.

Tattha *anuttariyan* ti anuttarabhāvo.

Yathā Bhagavā dhammaṃ deseti ti yathā yen' ākārena yāya desanāya Bhagavā dhammaṃ deseti, sā tumhākaṃ desanā anuttarā ti vadati.

Kusala-dhammesū ti tāya desanāya desitesu kusala-dham-mesu pi Bhagavā va anuttaro ti dīpeti. Yā vā sā desanā, tassā bhūmiṃ dassento pi *kusalesu dhammesū* ti āha.

Tatr' ime kusalā dhammā ti tatra *kusalesu dhammesū* ti vutta-pade ime kusale dhammā nāmā ti veditabbā.

Tattha: *Ārogy' atthena anavajj' atthena kosalla-sambhūt' atthena niddarath' atthena sukha-vipāk' atthenā* ti, pañ-cadhā kusalaṃ veditabbaṃ. Tesu Jātaka-pariyāyaṃ patvā *ārogy' atthena kusalaṃ vaḍḍhati*. Suttanta-pariyāyaṃ patvā *anavajj' atthena*. Abhidhamma-pariyāyaṃ patvā *ko-salla-sambhūta-niddaratha-sukha-vipāk' atthena*. Imasmiṃ paṇa ṭhāne bāhiya-suttanta-pariyāyena *anavajj' atthena kusa-lam dattha bbaṃ*.

Cattāro satipaṭṭhānā ti cuddasa-vidhena kāyānupassanā-satipaṭṭhānaṃ, nava-vidhena vedanānupassanā-satipaṭṭhā-

naṃ, soḷasa-vidhena cittānupassanā-satipaṭṭhānaṃ, pañca-vidhena dhammānupassanā-satipaṭṭhānaṃ—evaṃ nānā-nayehi vibhajitvā samatha-vipassanā magga-vasena lokiya-lok' uttara-missakā cattāro satipaṭṭhānā desitā. Phala-satipaṭṭhānaṃ pana idh' anadhippetam.

Cattāro sammappadhānā ti paggaḥ' aṭṭhena eka-lakkhaṇā, kicca-vasena nānā-kiccā: Idha bhikkhu anuppannānaṃ pāpakānaṃ akusalānaṃ dhammānaṃ anuppādāyā ti, ādinā nayena samatha-vipassanā magga-vasena lokiya-lok' uttara-missakā cattāro sammappadhānā desitā.

Cattāro iddhipādā ti ijjan' aṭṭhena eka-saṅgahā chand' ādivasena nānā-sabhāvā: Idha bhikkhu chanda-samādhipadhāna-saṅkhāra-samannāgataṃ iddhipādaṃ bhāveti ti ādinā nayena samatha-vipassanā magga-vasena lokiya-lok' uttara-missakā cattāro iddhipādā desitā.

Pañc' indriyānī ti adhipateyy' aṭṭhena eka-lakkhaṇāni adhi-mokkh' ādi-sabhāva-vasena nānā-sabhāvāni samatha-vipassanā magga-vasena lokiya-lok' uttara-missakāni saddhādīni pañc' indriyāni desitāni.

Pañca balānī ti upatthambhan' aṭṭhena akampiyy' aṭṭhena vā eka-saṅgahāni salakkhaṇena nānā-sabhāvāni samatha-vipassanā magga-vasen' eva lokiya-lok' uttara-missakāni saddhādīni pañca balāni desitāni.

Satta bojjhaṅgā ti niyyān' aṭṭhena eka-saṅgahā upaṭṭhān' ādinā salakkhaṇena nānā-sabhāvā samatha-vipassanā magga-vasen' eva lokiya-lok' uttara-missakā satta bojjhaṅgā desitā.

Ariyo aṭṭhaṅgiko maggo ti het' aṭṭhena eka-saṅgeho dassan' ādinā salakkhaṇena nānā-sabhāvo samatha-vipassanā magga-vasen' eva lokiya-lok' uttara-missako ariyo aṭṭhaṅgiko maggo desito ti attho.

Idha bhante bhikkhu āsavānaṃ khayā ti idaṃ kim-attham āraddham? Sāsanassa pariyosāna-dassan' attham. Sāsana hi na kevalaṃ maggen' eva pariyosānaṃ hoti, arahatta-phalena pana hoti. Tasmā taṃ dassetuṃ idaṃ āraddhan ti veditabbam.

Etad ānuttariyaṃ bhante kusalesu dhammesū ti bhante yā ayaṃ kusalesu dhammesū ti evaṃ desanā, etad ānuttariyaṃ.

Taṃ Bhagavā ti taṃ desanaṃ Bhagavā asesam sakalaṃ abhijānāti.

Taṃ Bhagavato ti taṃ desanaṃ Bhagavato asesam abhijānato.

Uttariṃ abhiññeyyaṃ n' atthi ti uttariṃ abhijānitabbam n' atthi. Ayam nāma ito añño dhammo vā puggalo vā yaṃ Bhagavā na jānāti ti idaṃ n' atthi. Yad abhijānaṃ añño samaṇo vā ti yaṃ tumhehi anabhiññātaṃ, taṃ añño samaṇo vā brāhmaṇo vā abhijānanto Bhagavatā bhiyyo 'bhiññataro assa adhikatarapañño bhaveyya.

Yad idaṃ kusalesu dhammesu ti ettha *yad idan* ti nipāta-mattam. Kusalesu dhammesu Bhagavatā uttar' itaro n' atthi ti ayam ettha attho. Iti Bhagavā va kusalesu dhammesu anuttaro ti dassento iminā pi kāraṇena evaṃ pasanno ahaṃ bhante Bhagavatī ti dīpeti.

4. Ito paresu *aparaṃ paṇā* ti ādisu visesamattam eva vaṇṇayissāma. Purima-vāra-sadisam pana vutta-nayen' eva veditabbam.

Āyatana-paññattīsū ti āyatana-paññāpanāsu. Idāni tā āyatana-paññattiyo dassento *cha imāni bhante* ti ādim āha. Āyatana-kathā pan' esā. Visuddhi-Magge* vitthārena kathitā, tena taṃ na vitthārayāma. Tasmā tattha vutta-nayen' eva vitthārato veditabbā. Etad ānuttariyaṃ bhante *āyatana-paññattīsū* ti yā ayam āyatana-paññattīsū ajjhattika-bāhira-vavatthān' ādi-vasena evaṃ desanā etad ānuttariyaṃ. Sesam vutta-nayen' eva.

5. *Gabbhāvakkantīsū* ti gabbh' okkamanesu. Tā gabbhāvakkantiyo dassento *catasso imā bhante* ti ādim āha.

Tattha *asampajāno* ti ajānanto sammūlho hutvā.

Mātu-kucchim okkamati ti paṭisandhi-vasena pavisati.

Thāfi ti vasati.

Nikkhamati ti nikkhamanto pi asampajāno sammūlho va nikkhamati.

Ayam paṭhamā ti ayam pakati-lokiya-manussānaṃ paṭhamā gabbhāvakkanti.

Sampajāno hi kho ti okkamanto sampajāno asammūlho hutvā okkamati.

Ayaṃ dutiyā ti ayaṃ asīti-mahā-therānaṃ dutiyā gabbhāvakkanti. Te hi pavisantā pajānanti, vasantā ca nikkhamantā ca na jānanti.

Ayaṃ tatiyā ti ayaṃ dvinnāṃ ca agga-sāvakānaṃ paccekabodhisattānaṃ ca tatiyā gabbhāvakkanti. Te kira kammajehi vātehi adho-sirā uddhaṃ-pādā neka-sata-porisa-papāte viya yoni-mukhe khittā, tāḷa-cchiggaḷena hatthi viya sambādhena yoni-mukhena nikkhamamānā anantaṃ dukkhaṃ pāpuṇanti. Tena tesam: Mayaṃ nikkhamamhā ti, sampajānatā na hoti, evaṃ pūrita-pāramīnaṃ pi ca sattānaṃ evarūpe ṭhāne mahantaṃ dukkhaṃ uppajjati ti alam eva gabbhāvāse nibbindituṃ alaṃ virajjituṃ.

Ayaṃ catutthā ti ayaṃ Sabbaññu-bodhisattānaṃ vasena catutthā gabbhāvakkanti. Sabbaññu-bodhisattā hi mātu-kucchismiṃ paṭisandhiṃ gaṇhantā pi jānanti. Tattha vasantā pi jānanti. Nikkhamana-kāle pi ca te kammaja-vātā uddhaṃ-pāde adho-sire katvā khipituṃ na sakkonti. Dve hatthe pasāretvā akkhīni ummiletvā ṭhitakā va nikkhamanti. Bhav' aggaṃ upādāya Avīci-antare añño tīsu kālesu sampajāno nāma n' atthi ṭhapetvā Sabbaññu-bodhisatte. Ten' eva tesam mātu-kucchiṃ okkamana-kāle ca nikkhamana-kāle ca dasasahassī-lokā-dhātu kampati. Sesam ettha vutta-nayen' eva veditabbam.

6. *Ādesana-vidhāsū* ti ādesana-kotṭhāsesu. Idāni tā ādesana-vidhā dassento *catasso imā* ti ādim āha.

Nimittena ādisatī ti āgata-nimittena gati-nimittena ṭhiti-nimittena vā idaṃ nāma bhavissatī ti katheti.

Tatr' idaṃ vatthu. Eko rājā tisso muttā gahetvā purohitaṃ pucchi: "Kim me ācariya hatthe?" ti. So ito c' ito ca olokesi. Tena ca samayena ekā sarabū: Makkhikaṃ gaheṣāmi ti, pakkhandi. Gaṇhana-kāle makkhikā palātā. So makkhikāya muttattā: "Muttā muttā ca mahārājā" ti āha.

"Muttā tāva hotu, kati muttā?" ti. So puna nimittaṃ olokesi. Atha avidūre kukkuṭo tikkhattuṃ sadhaṃ nicchāresi. Brāhmaṇo: "Tisso mahārājā" ti āha. Evaṃ ekacco āgata-nimittena katheti. Eten' upāyena gati-ṭhiti-nimittēhi pi kathenti ti veditabbam.

Amanussānan ti yakkha-pisāc' ādīnaṃ.

Devatānaṃ ti cātummahārājik' ādīnaṃ.

Saddaṃ sutvā ti aññassa cittaṃ ñatvā kathentānaṃ sutvā.

Vitakka-vipphāra-saddaṃ ti vitakka-vipphāra-vasena uppannaṃ vippalapantānaṃ sutta-ppamatt' ādīnaṃ saddaṃ.

Sutvā ti taṃ sutvā. Vitakkayato tassa so saddo uppanno. Tassa vasena *evam pi te mano* ti ādisati.

Mano-saṅkhārā paṇihitā ti citta-saṅkhārā suṭṭhapitā.

Vitakkessatī ti vitakkayissati pavattessatī ti pajānāti. Jānanto va āgamanena jānāti, pubba-bhāgena jānāti, anto-samāpattiyaṃ cittaṃ apaloketvā¹ jānāti. Āgamanena jānāti nāma kaṣiṇa-parikamma-kāle yeva yen' ākārena esa kaṣiṇa-bhavanaṃ āraddho paṭhama-jjhānaṃ vā . . . catuttha-jjhānaṃ vā aṭṭha ca samāpattiyo nibbattessatī ti jānāti. Pubba-bhāgena jānāti nāma, samatha²-vipassanāya āraddho yeva jānāti. Yen' ākārena esa vipassanaṃ āraddho sot' āpattimaggam vā nibbattessati . . . pe . . . arahatta-maggam vā nibbattessatī ti jānāti. Anto-samāpattiyaṃ cittaṃ oloketvā jānāti nāma yen' ākārena imassa mano-saṅkhārā suṭṭhapitā. Imassa nāma cittassa anantarā imaṃ nāma vitakkaṃ vitakkessati. Ito vuṭṭhitassa etassa hāna-bhāgiyo vā samādhi bhavissati, ṭhiti-bhāgiyo vā visesa-bhāgiyo vā, nibbhedha-bhāgiyo vā, abhiññāyo vā nibbattessatī ti jānāti. Tattha puthujjano ceto-pariya-ñāṇa-lābhi puthujjanānaṃ yeva cittaṃ jānāti, na ariyānaṃ. Ariyesu pi heṭṭhimo heṭṭhimo uparimassa uparimassa cittaṃ na jānāti. Uparimo pana heṭṭhimassa jānāti. Etesu ca sot' āpanno sot' āpatti-phala-samāpattiṃ samāpajjati, sakad-āgāmi . . . anāgāmi . . . arahā arahatta-phala-samāpattiṃ samāpajjati. Uparimo heṭṭhimam na samāpajjati. Tesam heṭṭhimā heṭṭhimā samāpatti tatra upapatti³ yeva hoti.

Tath' eva taṃ hotī ti idaṃ ekaṃsena tath' eva hoti. Ceto-pariya-ñāṇa-vasena ñataṃ hi aññathā-bhāvī nāma n' atthi. Sesam purima-nayen' eva yojetabbaṃ.

7. *Ātappam anvāyā* ti ādi Brahmajāle vitthāritaṃ,* ayaṃ

* DA I. 104.

¹ B oloketvā.

² SS paṭhama.

³ SS vatti.

pan' ettha saṅkhepo. *Atappan* ti viriyaṃ. Tad eva padahitabbato padhānaṃ. Anuyuñjitabbato anuyogo.

Appamādan ti sati-avippavāsaṃ.

Sammā-manasikāraṇ ti anicce aniccan ti ādi-vasena pavat-taṃ upāya¹ manasikāraṃ.

Ceto-samādhin ti, paṭhamajjhāna-samādhim.

Ayaṃ paṭhamā dassana-samāpatti ti ayaṃ dvattiṃsa-sā-kāraṃ paṭikkūlato manasikatvā paṭikkūla-dassana-vasena uppāditā paṭhamajjhāna-samāpatti paṭhamā-dassana-samāpatti nāma. Sace pana taṃ jhānaṃ pādakaṃ katvā sot' āpanno hoti, ayaṃ nippariyāyen' eva paṭhamā dassana-samāpatti.

Atikkamma cā ti atikkamitvā ca.

Chavi-mamsa-lohitaṇ ti chaviñ ca mamsañ ca lohitañ ca.

Aṭṭhiṃ paccavekkhati ti aṭṭhi aṭṭhī ti paccavekkhati, aṭṭhi aṭṭhī ti paccavekkhitvā uppāditā aṭṭhi-ārammaṇa-dibbacakkhupādaka-jjhāna-samāpatti *dutiyaṃ dassana-samāpatti* nāma. Sace pana taṃ jhānaṃ pādakaṃ katvā sakadāgāmi maggaṃ nibbatteti, ayaṃ nippariyāyena dutiyaṃ dassana-samāpatti. Kāḷhālaka-vāsi² Summatthero pana yāva tatiya-maggā vaṭṭati ti āha.

Viññāṇa-sotaṇ ti viññāṇaṃ eva.

Ubhayato abbocchinnan ti dvīhi pi bhāgehi acchinnam.

Idha-loke patitṭhitaṇ cā ti chanda-rāga-vasena imasmim loke patitṭhitam. Dutiya-pade pi es' eva nayo. Kamman vā kammato upagacchantam idha-loke patitṭhitam nāma. Kamma-bhavaṃ³ ākaḍḍhantam para-loke patitṭhitam nāma. Iminā kiṃ kathitam? Sekha-puthujjanānaṃ ceto-pariya-ñāṇam kathitam. Sekha-puthujjanānaṃ hi ceto-pariya-ñāṇam tatiyaṃ dassana-samāpatti nāma.

Idha-loke appatitṭhitam cā ti nicchanda-rāgattā idha-loke appatitṭhitam. Dutiya-pade pi es' eva nayo. Kamman vā kammato na upagacchantam idha-loke appatitṭhitam nāma. Kamma-bhavaṃ anākaḍḍhantam para-loke appatitṭhitam nāma. Iminā kiṃ kathitam? Khināsavassa ceto-pariya-ñāṇam kathitam. Khināsavassa hi ceto-pariya-ñāṇam catutthā dassana-samāpatti nāma. Api ca dvattiṃsa sākāre

¹ SS upamāya.

² B Kālavalla-vāsi.

³ SS °bhāvaṇ.

āraddha-vipassanā pi paṭhama-dassana-samāpatti. Atṭhi-ārammaṇe āraddha-vipassanā dutiyā dassana-samāpatti. Sekha-puthujjanānaṃ ceto-pariya-ñāṇaṃ khīṇāsavassa ceto-pariya-ñāṇaṃ ti idaṃ pana dvayaṃ niccalam eva. Aparo nayo. Paṭhama-jjhānaṃ paṭhama-dassana-samāpatti. Duttiya-jjhānaṃ dutiyā . . . , tatiya-jjhānaṃ tatiyā . . . , catuttha-jjhānaṃ catutthā. Paṭhama-maggo paṭhama-dassana-samāpatti. Duttiya-maggo . . . , tatiya-maggo . . . , catuttha-maggo catuttha-dassana-samāpatti ti. Sesam ettha purima-nayen' eva yojetabbaṃ.

8. *Puggala-paññattisū* ti loka-vohāra-vasena: Satto puggalo naro poso ti, evaṃ paññāpetabbāsu loka-paññattisu. Bud-dhānaṃ hi dve kathā, sammuti-kathā paramattha-kathā ti Poṭṭhapāde vittharitā. Taṃ tattha puggala-paññattisū ti ayaṃ sammuti-kathā. Idāni ye puggale paññāpento puggala-paññattisu Bhagavā anuttaro hoti. Te dassento *Satt' ime bhante puggalā ubhato-bhāga-vimutto* ti ādim āha.

Tattha *ubhato-bhāga-vimutto* ti dvīhi bhāgehi vimutto,* arūpa-samāpattiyā rūpa-kāyato vimutto, maggena nāma-kāyato. So catunnaṃ arūpa-samāpattīnaṃ ek' ekato vuṭṭhāya saṅkhāre sammasitvā arahatta-ppattānaṃ catunnaṃ nirodhā vuṭṭhāya arahatta-ppatta-anāgāmino ca vasena pañca-vidho hoti. Pāli pan' ettha : katamo ca puggalo *ubhato-bhāga-vimutto* ? Idh' ekacco puggalo atṭha-vimokhe kāyena phusitvā viharati, paññāya c' assa disvā: Āsavā parikkhīṇā honti ti, evaṃ atṭha-vimokha-lābhino vasena āgatā.

Paññā-vimutto ti paññāya vimutto. So sukkha-vipassako ca catūhi jhānehi vuṭṭhāya arahattaṃ pattā cattāro cā ti imesaṃ vasena pañca-vidho va hoti. Pāli pan' ettha atṭha-vimokha-paṭikkhepa-vasen' eva āgatā. Yath' āha: Na h' eva kho atṭha-vimokhe kāyena phusitvā viharati paññāya c' assa disvā āsavā parikkhīṇā honti, ayaṃ vuccati puggalo *paññā-vimutto* ti.

Phuṭṭhan taṃ sacchikarotī ti *kāya-sakkhi*. Yo kāye jhāna-phassaṃ paṭhamam phusati, pacchā nirodham nibbānaṃ sacchikaroti, so sot' āpatti-phalaṭṭham ādim katvā yāva ara-

* See DA II.

hatta-maggaṭṭhā chabbidho hoti ti veditabbo. Ten' ev' āha: Idh' ekacco puggalo aṭṭha-vimokhe kāyena phusitvā viharati, paññāya c' assa disvā ekacce āsavā parikkhīṇā honti. Ayaṃ vuccati puggalo *kāya-sakkhī* ti.

Diṭṭhan taṃ patto ti *diṭṭhi-patto*. Tatr' idaṃ saṅkhepa-lakkhaṇaṃ: Dukkā saṅkhārā sukho nirodho ti, ñāṇaṃ hoti. Diṭṭhaṃ viditaṃ sacchikataṃ passitaṃ paññāyati diṭṭhi-patto. Vitthārato paṇ' eso pi kāya-sakkhī viya chabbidho hoti. Ten' ev' āha: Idh' ekacco puggalo: Idaṃ dukkhaṇ ti, yathā-bhūtaṃ pajānāti . . . pe . . . ayaṃ dukkha-nirodha-gāminī paṭipadā ti, yathābhūtaṃ pajānāti, Tathāgata-ppaveditā c' assa dhammā paññāya vodiṭṭhā honti vocaritā paññāya. Ayaṃ vuccati puggalo *diṭṭhi-patto* ti.

Saddhāya vimutto ti *saddhā-vimutto*. So pi vutta-nayen' eva chabbidho hoti. Ten' āha: Idh' ekacco puggalo: Idaṃ dukkhaṇ ti . . . pe . . . ayaṃ dukkha-nirodha-gāminī paṭipadā ti, yathābhūtaṃ pajānāti, Tathāgata-ppaveditā c' assa dhammā paññāya vodiṭṭhā honti vocaritā paññāya. Ayaṃ vuccati puggalo *saddhā-vimutto* ti. No ca kho yathā diṭṭhi-pattassā ti, etesu hi saddhā-vimuttassa pubba-bhāga-magga-kkhaṇe saddahantassa viya okappentassa viya adhimuccantassa viya ca kilesa-kkhaṇo hoti. Diṭṭhi-pattassa pubba-bhāga-magga-kkhaṇe kilesa-cchedaka-ñāṇaṃ adaṇḍhaṃ tikhiṇaṃ sūraṃ hutvā vahati. Tasmā yathā-nāma nātītikhiṇena asinā kadaliṃ chindantassa chinnaṭṭhānaṃ na maṭṭhaṃ hoti, asi na sīghaṃ vahati, saddo sūyati, balavatāro vāyāmo kātābbo hoti, evarūpā saddhā-vimuttassa pubba-bhāga-magga-bhāvanā. Yathā pana atinisitena asinā kadaliṃ chindantassa chinnaṭṭhānaṃ maṭṭhaṃ hoti, asi sīghaṃ vahati, saddo na sūyati, balavataraṃ vāyāma-kiccaṃ na hoti, evarūpā paññā-vimuttassa pubba-bhāga-magga-bhāvanā veditabbā.

Dhammaṃ anussarāṇi ti dhammānussārī. Dhammo ti paññā. Paññā pubbaṅgamaṃ maggaṃ bhāvetīti attho. Saddhānusārimhi pi es' eva nayo. Ubho p' ete sot' āpatti-maggaṭṭhā yeva. Vuttam pi c' etaṃ: Yassa puggalassa sot' āpatti-phala-sacchikiriyaṃ paṭipannassa paññ' indriyaṃ adhimattaṃ hoti, paññavāhi paññā-pubbaṅgamaṃ ariya-maggaṃ bhāvetī ti, ayaṃ vuccati puggalo *dhammānussārī*.

Tathā yassa puggalassa sot' āpatti-phala-sacchikiriyaṃ paṭi-pannassa saddh' indriyaṃ adhimattaṃ hoti, saddhāvā hi saddhā pubbaṅgamaṃ ariya-maggaṃ bhāveti, ayaṃ vuccati puggalo *saddhānusārī* ti. Ayaṃ ettha saṅkhepo. Vitthārato pan' esā ubhato-bhāga-vimutt' ādi-kathā Visuddhi-Magge* paññā-bhāvanādhikāre vuttā. Tasmā tattha vutta-nayen' eva veditabbā. Sesam idhāpi purima-nayen' eva yojetabbam.

9. *Padhānesūti*. Idha padāhana-vasena satta bojjhaṅgā padhānā ti vuttā. Tesam vitthāra-kathā Mahā-Satipaṭṭhāne vutta-nayen' eva veditabbā. Sesam idhāpi purima-nayen' eva yojetabbam.

10. *Dukkhā paṭipad' ādisu* ayaṃ vitthāra-nayo. Tattha katamā *dukkhā paṭipadā dandhābhiññā* paññā? Dukkheṇa kasireṇa samādhim' uppādentassa dandham taṃ ṭhānaṃ abhijānantassa yā paññā pajānanā . . . pe . . . amoho dhamma-vicayo sammā-diṭṭhi. Ayaṃ vuccati *dukkhā paṭipadā dandhābhiññā* paññā. Tattha katamā *dukkhā paṭipadā khippābhiññā* paññā? Dukkheṇa kasireṇa samādhim' uppādentassa khippam taṃ ṭhānaṃ abhijānantassa yā paññā pajānanā . . . pe . . . sammā-diṭṭhi. Ayaṃ vuccati *dukkhā paṭipadā khippābhiññā* paññā. Tattha katamā *sukhā paṭipadā dandhābhiññā* paññā? Akiccena akasireṇa samādhim' uppādentassa dandham taṃ ṭhānaṃ abhijānantassa yā paññā pajānanā . . . pe . . . sammā-diṭṭhi. Ayaṃ vuccati *sukhā paṭipadā dandhābhiññā* paññā. Tattha katamā *sukhā paṭipadā khippābhiññā* paññā? Akiccena akasireṇa samādhim' uppādentassa, khippam taṃ ṭhānaṃ abhijānantassa yā paññā pajānanā . . . pe . . . sammā-diṭṭhi. Ayaṃ vuccati *sukhā paṭipadā khippābhiññā* paññā. Ayaṃ ettha saṅkhepo. Vitthāro pana Visuddhi-Magge vutto. Sesam idhāpi vutta-nayen' eva yojetabbam.

11. *Na c' eva musāvādūpasamhitan* ti bhassa-samācāre ṭhito kathā-maggaṃ anupacchinditvā kathento pi *idh' ekacco bhikkhu na c' eva musāvādūpasamhitaṃ bhāsati*. Aṭṭha anariya-vohāre vajjetvā aṭṭha-anariya-vohāra-yuttam eva bhāsati.

Na ca vebhūtiyan ti bhassa-samācāre ʒhito pi bheda-kāraka-vācam na bhāsati.

Na pesuniyan ti tassā yev' etaṃ vevacanam. Vebhūtiya-vācā hi piya-bhāvassa suñña-karanato *pesuniyan* ti vuccati. Nāmaṃ ev' assā etan ti Mahā-Sīvatthero avoca.

Na ca sārambhajan ti sārambhajā ca yā vācā, tañ ca na bhāsati. Tvaṃ dussilo ti vutte, tvaṃ dussilo tav' ācariyo dussilo ti vā, tuyhaṃ āpatti atthi ti vutte, ahaṃ piṇḍāya caritvā Pāṭaliputtam gato ti ādinā nayena bahiddhā vikkhepa-kathā pavattam vā kāraṇ' uttaram vācam na bhāsati.

Jayāpekkho ti jaya-purekkhāro. Yathā Hatthako Sakya-putto titthiyā nāma dhammena pi adhammena pi jetabbā ti saccālikam yañ kiñci bhāsati, evaṃ jayāpekkho jayapurekkhāro hutvā na bhāsati ti attho.

Mantāmantā ca vācam bhāsati ti ettha mantā vuccati paññā. Mantāya paññāya. Puna mantā ti upaparikkhitvā. Idam vuttam hoti: bhassa-samācāre ʒhito divasa-bhāgam pi kathento paññāya upaparikkhitvā yutta-katham eva katheti.

Nidhānavatin ti hadaye ʒhapetabba-yuttam.

Kālenā ti yutta-kālena. Evaṃ bhāsita hi vācā amusā c' eva hoti apisunā ca apharusā ca asaṭhā ca asamphappalāpā ca. Evarūpā ca ayam vācā catu-sacca-nissitā ti pi sikkhattaya-nissitā ti pi terasa-dhutaṅga-nissitā ti pi dasa-kathāvatthunissitā ti pi sattatiṃsa-bodhi-pakkiya-dhamma-nissitā ti pi magga-nissitā ti pi ti vuccati. Ten' āha *etad ānuttariyam bhante bhassa-samācāre* ti. Taṃ purima-nayen' eva yojetabbaṃ.

12. *Saccō c' assa saddho cā* ti sīl' ācāre ʒhito bhikkhu sacco ca bhaveyya sacca-katho saddho ca saddhā-sampanno. Nanu ca heṭṭhā saccam kathitam eva ? Idha kasmā puna vuttan ti ? Heṭṭhā vācā saccam kathitam, sīl' ācāre ʒhito pana bhikkhu antamaso bhassa-kathāya dava-kathāya pi musā-vādam na karoti ti dassetum idha vuttam. Idāni so dhammena samena jīvikam kappeti ti dassan' attham *na' ca kuhako* ti ādi vuttam.

Tattha *kuhako* ti ādini Brahmajāle* vitthāritāni.

Indriyesu gutta-dvāro bhojane mattaññū ti chasu indriyesu gutta-dvāro bhojane pi pamāṇaññu.

Sama-kārī ti sama-cārī. Kāyena vācāya manasā ca kāya-vaṅk' ādini pahāya samaṃ caratī ti attho.

Jāgarīyānuyogaṃ anuyutto ti rattim divaṃ cha koṭṭhāse katvā divasaṃ caṅkamaṇa nissajjāyā ti vutta-nayena jāgarīyānuyogaṃ yutta-payutto viharatī.

Atandito ti nittandiya-kāyālasīya-virahito.

Āraddha-viriyo ti kāyika-viriyeṇāpi āraddha-viriyo hoti. Gaṇa-saṅgaṇikaṃ vinodetvā catūsu iriyāpathesu atṭha-ārambha-vatthu-vasena eka-vihārī. Cetasika-viriyeṇāpi āraddha-viriyo hoti. Kilesa-saṅgaṇikaṃ vinodetvā atṭha-samāpatti-vasena eka-vihārī. Api ca yathā tathā kiles' uppattim nivārento cetasika-viriyeṇa āraddha-viriyo ca hoti.

Jhāyī ti ārammaṇa-lakkhaṇa-upanijjhāna-vasena jhāyī.

Satimā ti cira-kat' ādim anussaraṇa-samatthāya satiyā samannāgato.

Kalyāṇa-paṭibhāno ti vākkaraṇa-sampanno c' eva hoti paṭibhāna-sampanno ca. Yutta-paṭibhāno kho pana hoti no mutta-paṭibhāno. Sila-samācārasmim hi ṭhita-bhikkhu mutta-paṭibhāno na hoti, yutta-paṭibhāno pana hoti Vangīsatthero viya.

Gatimā ti gamana-samatthāya paññāya samannāgato.

Dhūtimā ti dhāraṇa-samatthāya paññāya samannāgato.

*Mutimā*¹ ti, ettha pana muti² ti paññāya nāmam eva. Tasmā paññavā ti attho. Iti tīhi pi imehi padehi paññā va kathitā. Tattha heṭṭhā samaṇa-dhamma-karaṇa-viriyaṃ kathitaṃ. Idha Buddha-vacana-gaṇhana-viriyaṃ. Tathā heṭṭhā vipaśanā-paññā kathitā. Idha Buddha-vacana-gaṇhana-paññā.

Na ca kāmesu giddho ti vatthu-kāma-kilesa-kāmesu agiddho.

Sato ca nipako care ti abhikkanta-paṭikkant' ādisu sattasu ṭhānesu satiyā c' eva ṇāṇena ca samannāgato caratī ti attho. Nepakkan ti paññā. Tāya samannāgatattāni pakoti vutto. Sesam idhāpi purima-nayen' eva yojetabbaṃ.

13. *Paccattaṃ yoniso manasikāro* ti attano upāya-manasikārena.

Yathānusiṭṭhaṃ tathā paṭipajjamāno ti yathā mayā anusitṭhaṃ anusāsaṇi dinnā, tathā paṭipajjamāno.

Tiṇṇaṃ saṃyojanānaṃ parikkhāyā ti ādi vutt' attham eva. Sesam idhāpi purima-nayen' eva yojetabbaṃ.

14. *Para-puggala-vimutti-ñāṇe* ti sot' āpann' ādinaṃ para-puggalānaṃ tena tena maggena kilesa-vimutti-ñāṇe. Sesam idhāpi purima-nayen' eva yojetabbaṃ.

15. *Amutrāsiṃ evaṃ nāmo* ti eko pubbe-nivāsaṃ anussaranto nāma-gottaṃ pariyādiyamāno gacchati. Eko suddha-khandhe yeva anussarati. Eko hi sakkoti, eko na sakkoti. Tattha yo sakkoti tassa vasena agahetvā asakkontassa vasena gahitaṃ. Asakkonto pana kiṃ karoti? Suddha-khandhe yeva anussaranto gantvā aneka-jāti sata-sahassa-matthake ṭhatvā nāma-gottaṃ pariyādiyamāno otarati. Taṃ dassento *evaṃ nāmo* ti ādim āha.

So evaṃ āhā ti so diṭṭhi-gatiko evaṃ āha. Tattha kiñcāpi *sassato* ti vatvā *te ca sattā saṃsarantī* ti vadantassa vacanaṃ pubbāpara-viruddhaṃ hoti. Diṭṭhi-gatikattā pan' esa etaṃ na sallakkheti. Diṭṭhi-gatikassa hi ṭhānaṃ vā niyamo vā n' atthi. Imāṃ gahetvā imaṃ vissajjeti, imaṃ vissajjetvā imaṃ gaṇhāti. Brahmajāle* vitthāritaṃ ev' etaṃ.

Ayaṃ tatiyo sassata-vādo ti. Thero lābhiss' eva vasena tayo sassata-vāde āha. Bhagavatā pana takkika¹-vādaṃ pi gahetvā Brahmajāle cattāro vuttā. Etesaṃ pana tiṇṇaṃ vādānaṃ vitthāra-kathā Brahmajāle vutta-nayen' eva vedi-tabbā. Sesam idhāpi purima-nayen' eva vitthāretabbaṃ.

16. *Gaṇanāya vā* ti piṇḍa-gaṇanāya.

Saṅkhyānenā ti, acchidda²-vasena mano-gaṇanāya. Ubhaya-thā pi piṇḍa-gaṇanam eva dasseti. Idaṃ vuttaṃ hoti. Vassānaṃ sata-vasena sahassa-vasena sata-sahassa-vasena koṭi-vasena piṇḍaṃ katvā ettakāni vassa-satānīti vā ettakā vassa-koṭiyo ti vā evaṃ saṅkhātum na sakkā. Tumhe pana attano dasannaṃ pārāmīnaṃ pūritattā sabbaññuta-ñāṇassa suppaṭividdhattā yasmā vo anāvaraṇa-ñāṇaṃ sūraṃ vahati, tasmā desana-ñāṇa-kusalataṃ purakkhatvā vassa-gaṇanāya pariyaṇtaṃ katvā kappa-gaṇanāya pi paricchinditvā ettakan

* DA I. 105.

B takki.

² B acchindaka°.

ti dassethā ti dīpeti. Pāli-y-attho pan' ettha vutta-nayo yeva. Sesam idhāpi purima-nayen' eva yojetabbam.

17. *Etad ānuttariyaṃ bhante sattānaṃ cutūpapūta nāṇe ti* Bhante yā pi ayaṃ sattānaṃ cuti-pāṭisandhi-nāṇa-desanā, sā pi tumhākaṃ yeva anuttarā. Atīta-Buddhā pi evam eva dassesum, anāgatā pi evam eva desessanti. Tumhe tesam atītānāgata-Buddhānaṃ nāṇena saṃsandetvā va desayittha. Iminā kāraṇena evaṃ pasanno ahaṃ bhante Bhagavatī ti dīpeti. Pāli-y-attho pan' ettha vitthārīto yeva.

18. *Sāsavā sa-upādhikā ti sadosā sa-upārambhā.*

No ariyā ti vuccatī ti ariy' iddhī ti na vuccatī.

Anāsavā anupādhikā ti niddosā anupārambhā.

Ariyā ti vuccatī ti ariy' iddhī ti vuccatī.

19. *Appaṭikkūla-saññī tattha viharatī ti* kathaṃ appaṭikkūla-saññī viharati? Paṭikkūla-satte mettā pharati, saṅkhāre dhātu-saññaṃ upasaṃharati. Yath' āha: "Kathaṃ paṭikkūle appaṭikkūla-saññī viharati? Anīṭṭhasmiṃ vatthusmiṃ mettāya vā pharati dhātuto vā upasaṃharatī" ti.

Paṭikkūla-saññī tattha viharatī ti appaṭikkūla-satte asubha-saññaṃ pharati, saṅkhāre anicca-saññaṃ upasaṃharati. Yath' āha: "Kathaṃ appaṭikkūle paṭikkūla-saññī viharati? Itṭhasmiṃ vatthusmiṃ asubhāya vā pharati aniccato vā upasaṃharatī" ti. Evaṃ sesa-padesu pi attho veditabbo.

Upekkhako tattha viharatī ti itṭhe arajjanto anīṭṭhe adusanto. Yathā aññe asama-pekkhanena moham uppādentī evaṃ anuppādentō chasu ārammaṇesu chalaṅg' upekkhāya upekkhako viharati.

Etad ānuttariyaṃ bhante iddhi-vidhāsū ti bhante yā ayaṃ dvīsu iddhīsu evaṃ desanā, etad ānuttariyaṃ.

Taṃ Bhagavā ti taṃ desanaṃ Bhagavā asesam sakalam abhijānāti.

Taṃ Bhagavato ti taṃ desanaṃ Bhagavato asesam abhijānato.

Uttarim abhiññeyyaṃ n' atthī ti uttarim abhijānitabbam n' atthi, ayaṃ nāma ito añño dhammo vā puggalo vā yaṃ Bhagavā na jānāti, idaṃ n' atthi *yad abhijānaṃ añño samaṇo vā brāhmaṇo vā ti yaṃ tumhehi anabhiññātāṃ añño samaṇo*

vā brāhmaṇo va abhijānanto Bhagavatā bhiyyo 'bhiññataro assa, adhikatarapañño bhaveyya.

Yad idam iddhi-vidhāsū ti ettha *yad idan* ti nipāta-mattam. Iddhividhāsu Bhagavatā uttar' itaro n' atthi. Atīta-Buddhā pi hi imā dve iddhiyo desesum, anāgatā pi imā va desessanti. Tumhehi tesam nāpēna saṃsandetvā imā va desayittha. Iti Bhagavā iddhividhāsu anuttaro ti dassento, iminā pi kāraṇena evaṃ pasanno ahaṃ bhante Bhagavatī ti dīpeti. Ettāvatā ye Dhammasenāpati divāṭṭhāne nisīditvā soḷasa aparampariya-dhamme sammasi. Te 'nena dassitā honti. Idāni aparena pi ākārena Bhagavato guṇe dassento *yan taṃ bhante* ti ādim āha.

20. Tattha *kulaputtenā* ti saddhā kulaputtā nāma atītānāgata-paccuppannā Bodhisattā. Tasmā yaṃ sabbaññu-Bodhisattena *pattabban* ti vuttaṃ hoti. Kim pana tena pattabbaṃ ? Nava lokuttara-dhammā.

Āraddha-viriyenā ti ādisu viriyaṃ thāmo ti ādini sabbān' eva viriya-vevacanāni. Tattha *āraddha-viriyenā* ti paggalita-viriyena.

Thāmavatā ti thāma-sampanna thira-viriyena.

Purisa-tthāmenā ti tena thāmavatāyaṃ purisa-tthāmena pattabban ti vuttaṃ hoti. Anantara-pada-dvaye pi es' eva nayo.

Purisa-dhorayhenā ti yā asama-dhurehi Buddhehi vahitabā dhurā, taṃ dhuraṃ vahana-samatthēna Mahā-purisena. Anuppattan taṃ Bhagavatā ti taṃ sabbam atītānāgata-Buddhehi pattabbam sabbam eva anuppattaṃ, Bhagavato eka-guṇo pi ūno n' atthi ti dasseti.

Kāmesu kāma-sukhallikānuyogan ti vatthu-kāmesu kāma-sukhānuyogaṃ. Yathā aññe Keṇiya-jaṭṭil' ādayo samaṇa-brāhmaṇā ko jānāti para-lokaṃ sukho imissā paribbājikāya mudukayā lomasāya bāhāya samphasso ti te moli-baddhāhi paribbājikāhi parivārenti sampatta-sattaṃ rūp' ādi-āramaṇaṃ anubhavamānā kāma-sukhaṃ anuyuttā na evaṃ anuyutto ti dasseti.

Hīnan ti lāmaḥkaṃ.

Gamman ti gāma-vāsinaṃ dhammaṃ.

Pothujjanikan ti puthujjanehi sevitabbam.

Anariyan ti na niddosaṃ, na ca ariyehi sevitabbam.

Anattha-saṃhitan ti anattha-yuttaṃ.

Atta-kilamathānuyogan ti attano ātāpana-paritāpanānuyogam.

Dukkhan ti dukkha-yuttaṃ dukkhamam¹ vā. Yathā eke samaṇa-brāhmaṇā kāma-sukhallikānuyogataṃ pariccajissāmā ti kāya-kilamathaṃ anudhāvanti, tato muccissāmā ti kāma-sukhaṃ anudhāvanti, na evaṃ Bhagavā. Bhagavā pana ubho ete ante vajjetvā: Yā sā atthi bhikkhave majjhimā paṭipadā Tathāgatenā abhisambuddhā cakkhu-karaṇi ti, evaṃ vuttā sammā-paṭipatti, tam eva paṭipanno tasmā *na ca attakilamathānuyogan* ti ādim āha.

Abhicetasikānan ti abhicetasikānaṃ kāmāvacara-cittāni atikkamitvā tthitānan ti attho.

Diṭṭha-dhamma-sukha-vihārānan ti imasmiṃ yeva attabhāve sukha-vihārānaṃ. Poṭṭhapāda-suttasmiṃ hi sappitikaṃ duttiya-jjhānikaṃ phala-samāpatti kathitā. Pāsādika-sutte saha-maggena vipassanā pādaka-jjhānaṃ. Dasuttara-sutte catuttha-jjhānika-phala-samāpatti. Imasmiṃ Sampasādaniye diṭṭha-dhamme sukha-vihāra-jjhānāni kathitāni.

Nikāma-lābhī ti yathā-kāma-lābhī.

Akicca-lābhī ti adukkha-lābhī.

Akasira-lābhī ti vipula-lābhī.

Ekissā loka-dhātuyā ti dasa-sahassī-loka-dhātuyā tīpi hi loka-khettāni: jāti-khettaṃ ānā-khettaṃ visaya-khettaṃ. Tattha jāti-kkhettaṃ nāma dasa-sahassī-loka-dhātu, sā hi Tathāgatassa mātu-kucchiṃ okkamana-kāle nikkamana-kāle sambodhi-kāle dhamma-cakka-ppavattane āyu-saṅkhār-ossaj-jane parinibbāne ca kampati. Koṭi-sata-sahassa-cakkavālaṃ pana ānā-kkhettaṃ nāma Ātānātiya-Moraparitta-Dhajagga-paritta-Ratanaparitt' ādinaṃ hi ettha ānā vattati. Visaya-kkhettaṃ pana parimānaṃ n' atthi. Buddhānaṃ hi yāvatakaṃ ñānaṃ tāvatakaṃ ñeyyaṃ, yāvatakaṃ ñeyyaṃ tāvatakaṃ ñānaṃ. Ñāna-pariyantikaṃ ñeyyaṃ, ñeyya-pariyantikaṃ ñānan ti, vacanato avisayo nāma n' atthi. Imesu pana tisu khettesu tthapetvā imaṃ cakkavālaṃ aññasmiṃ cakkavāle Buddhā uppajjanti ti suttaṃ n' atthi, na uppajjanti ti pana atthi. Tīpi Piṭakāni: Vinaya-piṭakaṃ Sutta-piṭakaṃ

Abhidhamma-piṭakam. Tisso saṅgītiyo: Mahākassapatttherassa saṅgīti, Yasa-ttherassa saṅgīti, Moggaliputta-Tissa-ttherassa saṅgīti. Imā tisso saṅgītiyo ārūḷhe tepītake Buddha-vacane imaṃ cakkavāḷaṃ muñcitvā aññatra Buddhā uppajjanti ti suttam n' atthi, na uppajjanti ti pana atthi.

Apubbam acariman ti apure apacchā ekato na uppajjanti, pure vā pacchā vā uppajjanti ti vuttam hoti. Tattha Bodhipallaṅke: Bodhiṃ appatvā na utṭhahissāmī ti, nisinna-kālato paṭṭhāya yāva mātu-kucchismim paṭisandhi-gahaṇam tāva pubbe ti na veditabbam. Bodhisattassa hi paṭisandhi-gahaṇe dasa-sahassa-cakkavāḷa kampanen' eva khetta-pariggaho kato. Aññassa Buddhassa uppatti nivārito hoti. Parinibbānato paṭṭhāya yāva sāsapa-mattā pi dhātuyo tiṭṭhanti, tava pacchā ti na veditabbam. Dhātūsu hi ṭhitāsu Buddhā pi ṭhitā va honti, tasmā etth' antare aññassa Buddhassa uppatti nivāritā va hoti. Dhātu-parinibbāne pana jāte aññassa Buddhassa uppatti na nivāritā.

Tīṇi antaradhānāni nāma : pariyatti-antaradhānam, paṭivedh' antaradhānam, paṭipatti-antaradhānan ti. Tattha pariyattī ti tīṇi piṭakāni. Paṭivedho ti sacca-paṭivedho. Paṭipattī ti paṭipadā. Tattha paṭivedho ca paṭipatti ca hoti pi na hoti pi. Ekasmim hi kāle paṭivedha-kārā bhikkhū bahū honti. Esa bhikkhu puthujjano ti aṅgulim pasāretvā dassetaḷbo hoti. Imasmim yeva dīpe eka-vāraṃ puthujjana-bhikkhu nāma na hoti. Paṭipatti-pūrakā pi kadāci bahū honti kadāci appā. Iti paṭivedho ca paṭipatti ca hoti pi na hoti pi. Sāsana-tṭhitiyā pana pariyatti-pamāṇam. Paṇḍito hi tepītakam sutvā dve pūreti. Yathā amhākam Bodhisatto Ālārassa santike pañcābhiññā satta ca samāpattiyo nibbattetvā nevasaññā-nāsaññ' āyatana-samapattiyā parikammaṃ pucchi. So: "Na jānāmī" ti āha. Tato Udakassa santikam gantvā adhigata-visesaṃ samsandetvā nevasaññā-nāsaññ' āyatanassa parikammaṃ pucchi. So ācikkhi. Tassa vacana-samanantaram eva Mahāsatto tam sampādesi. Evam eva paññavā bhikkhu pariyattim sutvā dve pi pūreti. Tasmā pariyattiyā ṭhitāya sāsanaṃ ṭhitaṃ hoti, yadā pana sā antaradhāyati tadā paṭhamam Abhidhamma-Piṭakam nassati. Tattha Paṭṭhānam sabba-paṭhamam antaradhāyati. Anukkamena pacchā

Dhamma-saṅgaho. Tasmiṃ antarahite itaresu dvīsu Piṭakesu tñitesu pi sāsanaṃ tñitam eva hoti. Tattha Suttanta-Piṭake antaradhāyamāne paṭhamam Aṅguttara-Nikāyo Ekādasakato paṭṭhāya yāva Ekakā antaradhāyati. Tad anantaram Saṃyutta-Nikāyo Cakka-peyyālato paṭṭhāya yāva Ogha-taraṇā antaradhāyati. Tad anantaram Majjhima-Nikāyo Indriya-bhāvanato paṭṭhāya yāva Mūla-pariyāyā antaradhāyati. Tad anantaram Dīgha-Nikāyo Dasuttara-suttato paṭṭhāya yāva Brahmajālā antaradhāyati. Ekissā pi dvinnam pi gāthāraṃ pucchā addhānaṃ gacchati. Sāsanaṃ dhāretuṃ na sakkoti Sabhiya-pucchā Ālavaka-pucchā viya ca. Ekā kira Kassapa-Buddha-kālīkā antarā-sāsanaṃ dhāretuṃ nāsak-khimsu. Dvīsu pana Piṭakesu antarahitesu pi Vinaya-Piṭake tñite sāsanaṃ tiṭṭhati. Parivāra-kkhandhesu antarahitesu ubhato Vibhaṅge tñite tñitam eva hoti. Ubhato Vibhaṅge antarahite Mātikāya tñitāya pi tñitam eva hoti. Mātikāya antarahitāya Pātimokkha-Pabbajjā-Upasampadāsu sāsanaṃ tiṭṭhati. Līgaṃ addhānaṃ gacchati. Setavattha-samaṇa-vaṃso pana Kassapa-Buddha-kālato paṭṭhāya sāsanaṃ dhāretuṃ nāsakki. Paṭisambhidā-pattehi vassa-sahassamaṭṭhāsi, chaḷ-abhiññehi vassa-sahassam, tevijjehi vassa-sahassam, sukkha-vipassakehi vassa-sahassam, pātimokkkena vassa-sahassam aṭṭhāsi. Pacchimakassa pana sacca-paṭivedhato pacchimakassa sila-bhedato paṭṭhāya sāsanaṃ osakkitaṃ nāma hoti. Tato paṭṭhāya aññassa Buddhassa uppatti na vāritā.

Tiṇi parinibbānāni nāma, kilesa-parinibbānaṃ, khandha-parinibbānaṃ, dhātu-parinibbānaṃ ti. Tattha kilesa-parinibbānaṃ Bodhi-pallaṅke ahosi, khandha-parinibbānaṃ Kusi-nārāyaṃ, dhātu-parinibbānaṃ anāgate bhavissati. Sāsana-sa kira osakkana-kāle imasmiṃ Tambapaṇṇi-dīpe dhātuyo sannipatitvā Mahācetiyaṃ gamissanti. Mahācetiyo Nāga-dīpe Rājāyatanacetiyaṃ. Tato Mahābodhi-pallaṅkaṃ gamissanti. Nāgabhavanatō pi devalokato pi Brahmālokato pi dhātuyo Mahābodhi-pallaṅkaṃ eva gamissanti. Sāsapamattā pi dhātuyo na antarāyaṃ nassissati. Sabba-dhātuyo Mahābodhi-pallaṅke rāsibhūtā suvaṇṇa-kkhandho viya eka-ghaṇā hutvā chabbaṇṇa-raṃsiyo vissajjessanti. Tā dasa-sahassā-

lokadhātum pharissanti. Tato dasa-sahassa-cakkavāḷa-devatā sannipatitvā: Ajja Satthā parinibbāti, ajja sāsanaṃ osakkati, pacchima-dassanaṃ dāni idaṃ amhākaṃ ti, Dasa-balassa parinibbāna-divasato mahantataraṃ kāruṇṇiṃ karissanti. Thapetvā anāgāmino khīṇāsava avasesā sabbhāvena saṇḥātum na sakkhissanti. Dhātūsu tejo-dhātu utṭhahitvā yāva Brahmaloḷā uggaḇchissanti. Sāsapamattiyā pi dhātuyā sati eka-jālo bhavissati. Dhātūsu pariyādānaṃ gatāsu upacchiḷḷissati. Eḇaṃ mahantaṃ anubhāḇaḇa dassetvā dhātūsu antarahitāsu sāsanaṃ antarahitaṃ nāṃa hoti. Yāḇa na eḇaṃ antaradhāyati tāḇa acarimaṃ nāṃa hoti. Eḇaṃ *apubbaṃ acarimaṃ uppajḷeyyuṃ n' etaṃ thānaṃ viḷḷati.*

Kasmā pana apubbaṃ acarimaṃ na uppajḷanti ti? Anacchariyattā. Buddhā hi acchariyattā manussā. Yath' āha: "Eka-puggalo bhikkhave loke uppajḷamāno uppajḷati acchariya-manusso. Katamo eka-puggalo? Tathāgato arahāṃ sammā-sambuddho" ti. Yadi ca dve vā cattāro vā aṭṭha vā soḷasa vā ekato uppajḷeyyuṃ, na acchariyā bhaveyyuṃ. Ekasmiṃ hi vihāre dvinnaṃ cetiyānaṃ pi lābha-sakkāro uḷāro na hoti. Bhikkhū bahutāya na acchariyā jātā, eḇaṃ Buddhā pi bhaveyyuṃ, tasmā na uppajḷanti. Desanāya ca viḷesābhāḇato. Yaṃ hi satipaṭṭhān' ādi-bhedaṃ dhammaṃ eko deseti, añṇeṇa uppajḷitvā, so va desetaḇbo siyā, tato anacchariyo siyā. Ekasmiṃ pana dhammaṃ desente desanā pi acchariyā hoti. Vivāda-bhāḇato ca. Bahūsu ca Buddhesu uppannesu bahunnaṃ ācariyānaṃ antevāsikā viya: Amhākaṃ Buddho pāsāḇiko, amhākaṃ Buddho madhura-ssaro lābhi puṇṇavā ti, vivadeyyuṃ. Tasmā pi eḇaṃ na uppajḷanti.

Api c' etaṃ kāraṇaṃ Milinda-raṇṇā puṭṭhena Nagasenattherena vitthāritaṃ eḇa. Vuttaṃ hi tattha*:

Bhante Nāgasena, bhāsitam p' etaṃ Bhagavatā: *Aṭṭhānaṃ etaṃ bhikkhave anavakāso yaṃ ekissā loka-dhātuyā dve arahanto sammā-sambuddhā apubbaṃ acarimaṃ uppajḷeyyuṃ, n' etaṃ thānaṃ viḷḷati* ti: "Desentā va¹ bhante Nāgasena

* Miln 236.

¹ Miln pi.

sabbe pi Tathāgatā satta-tiṃsa bodhi-pakkhiye dhamme desenti, kathayamānā ca cattāri ariya-saccāni kathenti, sikkhāpentā ca tīsu sikkhāsu sikkhāpentī, anusāsamānā ca appamāda-paṭipattiṃ anusāsanti. Yadi bhante Nāgasena sabbesam pi Tathāgatānaṃ ek' uddeso¹ eka-kathā eka-sikkhāpadaṃ ekānusatthi, kena kāraṇena dve Tathāgatā eka-kkhaṇe na uppajjanti? Ekena pi tāva Buddh' uppādena ayaṃ loko obhāsa-jāto. Yadi dutiyo Buddhō bhavēyya dvinnam pa-bhāya ayaṃ loko bhiyyoso-mattāya obhāsa-jāto bhavēyya, ovaḍantā ca dve Tathāgatā sukhaṃ ovādeyyuṃ, anusāsamānā ca sukhaṃ anusāseyyuṃ. Tattha me kāraṇaṃ desehi, yathā 'haṃ nissamsayo bhavēyyan' ti.

"Ayaṃ Mahārāja dasa-sahassī loka-dhātu eka-Buddha-dhāraṇī, ekass' eva Tathāgatassa guṇaṃ dhāreti. Yadi dutiyo Buddhō upajjēyya nāyaṃ dasa-sahassī loka-dhātu dhāreyya, caleyya kampeyya nameyya oṇameyya vinameyya vikireyya vidhameyya viddhamseyya, naṭṭhānam upagaccheyya. Yathā Mahārāja nāvā ekapurisa-santāraṇī bhavēyya, eka-purise abhirūḷhe samupādikā bhavēyya; atha dutiyo puriso āgaccheyya tādiso āyunā vaṇṇena vayena pamāṇena kisa-thūlena sabb' aṅga-paccaṅgena, so taṃ nāvāṃ abhirūheyya, api nu sā Mahārāja nāvā dvinnam pi dhāreyyā?" ti.

"Na hi bhante, caleyya kampeyya nameyya oṇameyya vinameyya vikireyya vidhameyya viddhamseyya, naṭṭhānam upagaccheyya, osīdeyya uḍake" ti.

"Evam eva kho Mahārāja ayaṃ dasa-sahassī loka-dhātu eka-Buddha-dhāraṇī, ekass' eva Tathāgatassa guṇaṃ dhāreti. Yadi dutiyo Buddhō uppajjēyya, nāyaṃ dasa-sahassī loka-dhātu dhāreyya . . . pe . . . naṭṭhānam upagaccheyya. Yathā vā pana Mahārāja puriso yāvad-atthaṃ bhojanaṃ bhuñjēyya, chādentam yāva kaṇṭham abhipūrayitvā, so dhāto piṇito paripuṇṇo nirantaro tandikato anonami-daṇḍa-jāto punad eva tattakaṃ bhojanaṃ bhuñjēyya, api nu kho so Mahārāja puriso sukho bhavēyyā?" ti.

"Na hi bhante, sakiṃ bhutto va mareyyā" ti.

"Evam eva kho Mahārāja ayaṃ dasa-sahassī loka-dhātu

eka - Buddha - dhārapi . . . pe . . . natthānam upagaccheyyā ” ti.

“ Kin nu kho bhante Nāgasena atidhamma-bhārena paṭhavi calati ? ” ti.

“ Idha Mahārāja dve sakaṭā ratana-paripūritā bhaveyyum, yāva mukhasmā,¹ ekassa² sakaṭato ratanaṃ gahe tvā ekasmiṃ sakaṭe ākireyyum, api nu taṃ Mahārāja sakaṭaṃ dvinnam pi sakaṭānaṃ ratanaṃ dhāreyyā ? ” ti.

“ Na hi bhante, nābhi pi tassa phaleyya, arā pi tassa bhijjeyyum, akkho pi tassa bhijjeyyā ” ti.

“ Kin nu kho Mahārāja atiratana-bhārena sakaṭaṃ bhijjati ? ” ti.

“ Āma bhante ” ti.

“ Evam eva kho Mahārāja atidhamma-bhārena paṭhavi calati. Api ca Mahārāja imaṃ kāraṇaṃ Buddha-bala-paridīpanāya osāritaṃ. Aññaṃ pi tattha abhirūpaṃ kāraṇaṃ suñhi yena kāraṇena dve Sammā-Sambuddhā eka-kkhaṇe n’ uppajjanti. Yadi dve Sammā-Sambuddhā eka-kkhaṇe uppajjeyyam, parisāya vivādo uppajjeyya—Amhākaṃ Buddho, amhakaṃ Buddho ” ti, ubhato-pakkha-jātā bhaveyyum. Yathā Mahārāja dvinnam balavāmaccānaṃ parisāya vivādo uppajjati: “ Tumhākaṃ amacco, amhākaṃ amacco ” ti, ubhato-pakkha-jātā honti, evam eva kho Mahārāja yadi dve Sammā-Sambuddhā eka-kkhaṇe uppajjeyyum, parisāya vivādo uppajjeyya: “ Tumhākaṃ Buddho, amhākaṃ Buddho ” ti, ubhato-pakkha-jātā bhaveyyum. Idaṃ paṭhamam kāraṇaṃ suñhi yena kāraṇena dve Sammā-Sambuddhā eka-kkhaṇe na uppajjanti.

Aparam pi uttarim kāraṇaṃ suñhi yena kāraṇena dve Sammā-Sambuddhā eka-kkhaṇe na uppajjanti. Yadi Mahārāja dve Sammā-Sambuddhā eka-kkhaṇe uppajjeyyum: “ Aggo Buddho ” ti, yaṃ vacanaṃ taṃ micchā bhaveyya, “ Jeṭṭho Buddho ” ti—“ Setṭho Buddho ” ti—“ Visiṭṭho Buddho ” ti—“ Uttamo Buddho ” ti—“ Pavaro Buddho ” ti—“ Asamo Buddho ” ti—“ Asama-samo Buddho ” ti—“ Appaṭṭisamo Buddho ” ti—“ Appaṭṭibhāgo Buddho ” ti—“ Appaṭṭi-

¹ Sic Miln; MSS. mukhasamā.

² Miln ekasmā.

puggalo Buddho" ti, yaṃ vacanaṃ taṃ micchā bhaveyya. Imam¹ pi tvaṃ Mahārāja kāraṇaṃ atthato sampaticcha yena kāraṇena dve Sammā-Sambuddhā eka-kkhaṇe na uppajjanti.

Api ca kho Mahārāja Buddhānaṃ² sabhāva-pakati esā yaṃ eko yeva Buddho³ loke uppajjati. Kamsā? Kāraṇa-mahanta-tāya sabbaññu-Buddha-guṇānaṃ. Yāṃ hi Mahārāja mahantaṃ hoti, ekaṃ yeva hoti. Paṭhavi Mahārāja mahantā, sā ekā yeva: sāgaro mahanto, so eko yeva: Sineru giri-rājā seṭṭho mahanto so eko yeva: ākāso mahanto so eko yeva: Sakko mahanto so eko yeva: Brahmā⁴ mahanto so eko yeva: Tathāgato araham Sammā-Sambuddho mahanto, so eko yeva. Yattha te uppajjanti, tattha aññesaṃ okāso na hoti. Tasmā Tathāgato araham Sammā-Sambuddho eko yeva loke uppajjati" ti.

"Sukathito bhante Nāgasena pañho opammehi kāraṇehi" ti.

Dhammassa ca anudhamman ti navavidhassa lok' uttarassa dhammassa anudhammaṃ pubbabhāga-paṭipadaṃ.

Sahadhammiko ti sakāraṇo.

Vādānuvādo ti vādo yeva.

21. *Āyasmā Udāyī* ti tayo therā Udāyī nāma: Lāḷudāyī Kāḷudāyī Mahā-Udāyī ti. Idha Mahā-Udāyī adhippeto. Tassa kira imaṃ suttaṃ ādito paṭṭhāya yāva pariyosānā suṇantassa abbhantare pañca-vannaṃ pīti uppajjitvā pāda-piṭṭhito sīsa-matthakaṃ gacchati sīsa-matthakato pāda-piṭṭhiṃ āgacchati ubhato paṭṭhāya majjhaṃ otarati majjhato paṭṭhāya ubhato gacchati. So niranteraṃ pītiyā phuṭa-sarīro hutvā balāva-somanassena Dasabalassa guṇaṃ kathento *Acchariyaṃ bhante* ti ādim āha.

| *Appicchatā* ti nittanhatā.

Santutṭhitā ti catūsu paccayeṣu tih' ākārehi santoso.

Sallekhatā ti sabba-kilesānaṃ sallikkhitabhāvo.

Yatra hi nāmā ti yo nāma.

Na attānaṃ pātukarissatī ti attano guṇe na āvikarissatī.

Paṭākaṃ parihareyyun ti: "Ko amhehi sadiso atthī" ti?"
vadantā paṭākaṃ ukkhipitvā Nālandaṃ vicareyyuṃ.

¹ Miln idam.

² Sic Miln; MSS. omit.

³ Miln adds Bhagavantānaṃ.

⁴ Miln Mahā-brahmā.

Passa kho tvam Udāyi Tathāgatassa appicchatā ti passa Udāyi yadisī Tathāgatassa appicchatā ti therassa vacanam paṭicchanto āha. Kim pana Bhagavā n' eva attānam pātukaroti na attano guṇam katheti ti? Na na katheti. Pāpicchat' ādihi kathetabbam cīvar' ādi-hetu na katheti. Ten' ev' āha Passa kho tvam Udāyi appicchatā ti ādi. Bujjhanaka-sattam pana āgama veneyya-vasena katheti. Yath' āha:

Na me ācariyo atthi, sadiso me na vijjati
Sadevakasmim lokasmim n' atthi me paṭipuggalo ti.

Evam Tathāgata-guṇa-dīpikā bahu-gāthāhi suttantā pi vitthāretabbā.

22. *Abhikkhaṇam bhāseyyāsī ti punappunam bhāseyyāsī. Pubbaṇhe me kathitan ti mā majjhantik' ādisu na kathayittha, ajja vā me kathitan ti mā paraḍivas' ādisu na kathayitthā ti attho.*

Pavedesī ti kathesi.

Imassa veyyākaraṇassā ti niggāthakattā imam suttaṃ veyyā-karaṇam ti vuttaṃ.

Adhivacanam ti nāmam. Idam pana iti h' idam ti paṭṭhāya padam saṅgīti-kārehi ṭhapitam.

Sesam sabbattha uttānam eva.

Sampasādaniya-sutta-vanṇanā niṭṭhitā.

XXIX.

PĀSĀDIKA-SUTTA-VAṆṆANĀ.

1. *Evam me sutan ti Pāsādika-suttaṃ.* Tatrāyaṃ anuttāna-pada-vaṇṇanā.

Vedhaññā nāma Sakyā ti dhanumhi kata-sikkhā Vedhañña-nāmakā ete Sakyā.

Tesaṃ ambavane pāsāde ti tesaṃ ambavane sipp' uggahan' atthāya kato digha-pāsādo atthi, tattha viharati.

Adhunā kālakato ti sampati-kālakato.

Dvedhika-jātā ti dvejjha-jātā, dve bhāgā jātā, daṇḍ' ādān' bhaṇḍan' ādisu bhaṇḍanaṃ pubba-bhāgaṃ.

Kalaho ti ādi-vasena paññatti vītikkama-vasena ca vaḍḍhitam kalaho.

Na tvaṃ imaṃ dhamma-vinayaṃ ājānāsī ti ādinā nayena viruddha-vacanaṃ vivādo.

Vitudentā ti vijjhantā.

Sahitaṃ me ti mama vacanaṃ attha-saṃhitam.

Avicinṇan te viparāvattan ti yaṇ tava avicinṇam cira-kāla-sevana-vasena paṇaṃ, taṃ mama vādaṃ āgamma nivattaṃ.

Āropito te vādo ti tuyhaṃ upari mayā doso āropito.

Cara-vāda-ppamokkhāyā ti bhatta-putaṃ ādāya taṃ taṃ upasaṅkamitvā vāda-pamokkh' atthāya uttaraṃ pariyesamaṇo vicara.

Nibbettehi vā ti atha vā mayā āropita-dosato attānaṃ mocehi.

Sace pahosī ti sace sakkosī.

Vadho yevā ti maraṇam eva.

Nātaputtiyesū ti Nātaputtassa¹ antevāsikesu.

Nibbinna-rūpā ti ukkaṇṭhita²-sabhāvā abhivādan' ādīni pi na karonti.

¹ SS Nāta°.

² SS ukkaṇṭhita°.

Viratta-rūpā ti vigata-pemā.

Paṭivāna - rūpā ti tesam sakkacca - kiriyaṭo nivatta-sabhāvā.

Yathā tan ti yathā durakkhāt' ādi-sabhāve Dhamma-Vinaye nibbinna-viratta-paṭivāna-rūpehi bhavitabbaṃ. Tath' eva jānā ti attho.

Durakkhāte ti dukkathite.

Duppavedite ti duviññāpīte.

Anupasama-saṃvattanike ti rāg' ādīnaṃ upasamaṃ kātuṃ asaṃmatthe.

Bhinna-thūpe ti bhinna-paṭiṭṭhe. Ettha hi Nāṭaputto va neṣaṃ paṭiṭṭh' aṭṭhena thūpo. So pana bhinno mato, tena vuttaṃ *bhinna-thūpe* ti.

Appaṭisarane ti, tass' eva abhāvena paṭisarane-virahite. Nanu cāyaṃ Nāṭaputto Nālanda-vāsiko, so kasmā Pāvāyaṃ kālakato ti ? So kira Upālinā gahapatiṇā paṭividdha-saccena dasahi gāthāhi bhāsīte Buddha-guṇe sutvā uṇkaṃ lohitaṃ chaddesi. Atha naṃ aphāsukaṃ gahetvā Pāvaṃ agamaṃsu. So tattha kālaṃ akāsi. Kālaṃ kurumāno ca cintesi: "Mama laddhi aniyyanikā sāra-virahitā, mayam tāva naṭṭhā, avasesa-jano pi mā apāya-pūraṃ ahosi; sace paṇāhaṃ: Mama sāsanaṃ aniyyanikaṃ ti, vakkhāmi, na saddahissanti; yaṃ nūnāhaṃ dve pi jane na eka-nīhārena uggaṇhāpeyyaṃ; te maṃ accayena aññaṃ aññaṃ vivadissanti; Satthā taṃ vivādaṃ paṭicca ekaṃ dhamma-kathaṃ kathessati, tato te sāsanaṃ mahanta-bhāvaṃ jānissanti." Atha naṃ eko antevāsiko upasaṅkaṃ mitvā āha: "Bhante tumhe dubbalā, mayhaṃ imasmiṃ dhamme sāraṃ ācikkhatha ācariya-pamaṇaṃ" ti.

"āvuso tvaṃ mama accayena: Sassatan ti, gaṇheyyāsi" ti. Aparo pi upasaṅkami. Taṃ ucchedaṃ gaṇhāpesi. Evaṃ dve pi jane eka-laddhike akatvā bahu-nānā-nīhārena uggaṇhāpetvā kālaṃ akāsi. Te tassa sarīra-kiccaṃ katvā san-nipatitā aññaṃ-aññaṃ pucchimsu—"Kass' āvuso ācariyo sāraṃ ācikkhī?" ti. Eko utṭhahitvā: "Mayhan" ti āha. "Kim ācikkhī?" ti. "Sassatan" ti. Aparo taṃ paṭibāhetvā: "Mayhaṃ sāraṃ ācikkhī" ti āha. Evaṃ sabbe: Mayhaṃ sāraṃ ācikkhī, ahaṃ jeṭṭhako ti, aññaṃ-aññaṃ vivādaṃ vadḍhetvā akkose c' eva paribhāse ca hattha-pāda-pahār'

ādīni ca pavattetvā eka-maggena dve āgacchantā nānā-disāsu pakkamimsu.

2. *Athā kho Cundo saman' uddeso* ti ayaṃ thero Dhamma-senāpatissa kaniṭṭha-bhātiko. Taṃ bhikkhū anupasampanna-kāle: Cundo saman' uddeso ti, samudā-caritvā, thera-kāle pi tath' eva samudācarimsu. Tena vuttaṃ *Cundo saman' uddeso* ti.

Pāvāyaṃ vassaṃ vuttho yena Sāmagāmo yen' āyasmā Ānando ten' upasaṅkamī ti. Kasmā upasaṅkami? Nātaputte kira kālakate Jambudīpe manussā tattha tattha kathaṃ pavattayimsu: “Nigaṇṭho Nātaputto: Eko Satthā ti, paññāyittha; tassa kāla-kiriyāya sāvakānaṃ evarūpo vivādo jāto, samaṇo pana Gotamo Jambudīpe cando viya suriyo viya ca pākato, sāvakā pi 'ssa pākata yeva; kīdiso nu kho samaṇe Gotame parinibbute sāvakānaṃ vivādo bhavissatī?” ti. Thero taṃ kathaṃ sutvā cintesi: “Imaṃ kathaṃ gahetvā Dasabalassa āroccsāmi, Satthā etaṃ atṭh' uppattim katvā ekaṃ desanaṃ kathessatī” ti. So nikkhamitvā *yena Sāmagāmo yen' āyasmā Ānando ten' upasaṅkami*.

Sāmagāmo ti sāmākānaṃ¹ ussannattā tassa gāmassa nāmaṃ.

Yen' āyasmā Ānando ti. Ujukam eva Bhagavato santikaṃ agantvā yen' assa upajjhāyo āyasmā Ānando ten' upasaṅkami. Buddha-kāle kira Sāriputtatthero ca Ānandatthero ca aññam-aññaṃ mamāyimsu. Sāriputtatthero: “Mayā kattabbaṃ Satthu upatṭhānaṃ karotī” ti, Ānandattheraṃ mamāyi. Ānandatthero: “Bhagavato sāvakānaṃ aggo” ti, Sāriputta-theraṃ mamāyi. Kula-dārake pabbājetvā Sāriputta-ttherassa santike upajjhaṃ gaṇhāpesi. Sāriputtatthero pi tath' eva akāsi. Evam ekaṃ ekena attano patta-cīvaraṃ datvā pabbājetvā upajjhaṃ gaṇhāpitāni pañca pañca bhikkhu-satāni ahesuṃ. Āyasmā Ānando paṇitāni cīvar' ādīni pi labhitvā therass' eva deti. Eko kira brāhmaṇo cintesi—“Buddharatanassa ca Saṅgha-ratanassa ca piyā paññāyati, kathaṃ nu kho Dhamma-ratanaṃ pūjitaṃ nāma hotī?” ti. So Bhagavantam upasaṅkamitvā taṃ atthaṃ pucchi. Bhagavā āha: “Sace pi brāhmaṇa Dhamma-ratanaṃ pūjetu-kāmo

¹ Sc sāvakānaṃ.

ekam bahussutam pūjehi” ti. “Bahussutam bhante ācikkhathā” ti. “Bhikkhusaṅgham pucchā” ti.

So bhikkhu-saṅgham upasaṅkamitvā: “Bahussutam bhante ācikkhathā” ti āha. “Ānandatthero brāhmaṇā” ti.

Brāhmaṇo theram sahaṣṣ’ agghanakena ti-civarena pūjesi. Thero tam gahetvā Bhagavato santikaṃ agamāsi. Bhagavā: “Kuto Ānanda laddhan?” ti āha. “Ekena

bhante brāhmaṇena dinnam, idaṃ panāham āyasmato Sāri-puttassa dātu-kāmo” ti. “Dehi Ānandā” ti.

“Cārikaṃ pakkanto bhante” ti. “Āgata-kāle dehī” ti. “Sikkhāpadam bhante paññattan” ti. “Kadā

pana Sāriputto āgamissatī?” ti. “Dasāha-mattena bhante” ti. “Anujānāmi Ānanda dasāha-paramam ati-

reka-civaram nikkhipitun” ti sikkhāpadam paññāpesi. Sāri-puttatthero tath’ eva yaṃ kiñci manāpam labhati tam Ānanda-ttherassa deti. So imam pi attano kaniṭṭha-bhātikaṃ ther-ass’ eva saddhi-vihārikaṃ ādāsi. Tena vuttam yen’ assa upajjhāyo āyasmā Ānando ten’ upasaṅkamī ti. Evaṃ kir’ assa ahosi: Upajjhāyo me mahā-pañño, so imam katham Satthu ārocessati, atha Satthā tad anurūpam dhammam desessatī ti.

Kathā-pābhatan ti kathāya mūlam, mūlam pi *pābhatan* ti vuccati. Yath’ āha:

Appakena pi medhāvī pābhatena vicakkhaṇo

Samutṭhāpeti attānam aṇum aggaṃ va sandhaman ti.

Bhagavantam dassanāyā ti Bhagavantam dassan’ atthāya. Kim pana tena Bhagavā na diṭṭha-pubbo ti? No na diṭṭha-pubbo. Ayam pi hi āyasmā divā nava vāre rattim nava vāre ti, ekāham atṭhārassa vāre upatṭhānam eva gacchati. Diva-sassa pana sata-vāram vā sahassa-vāram vā gantu-kāmo samāno pi na akāraṇā gacchati. Ekam pañh’ uddhāram ga-hetvā gacchati. So tam divasaṃ tena kathā-pābhatena gantu-kāmo evam āha.

4. *Evaṃ h’ etaṃ Cunda hoti* ti. Bhagavā Ānandattherena ārocite pi yasmā na thero imassā kathāya sāmiko Cundatthero pana sāmiko, so va tassā ādi-majjha-pariyosānam jānāti, tasmā Bhagavā tena saddhim kathento *evaṃ h’ etaṃ Cunda*

hoti ti ādim āha. Tass' attho. Cunda, evaṃ h' etaṃ hoti durakkhāt' ādi-sabbhāve Dhamma-Vinaye sāvaka dvedhikajātā bhaṇḍan' ādini katvā mukha-sattihi vitudantā viharanti. Idāni yasmā aniyyānika-sāsane yeva niyyānika-sāsanam pākataṃ hoti, tasmā ādito aniyyānika-sāsanam eva dassento *Idha Cunda Satthā ca hoti asammāsambuddho* ti ādim āha.

Tattha *vokkamma tamhā dhammā vattatī* ti, na niranta-ram pūreti, ukkamitvā ukkamitvā antaram antaram katvā vattatī ti attho.

Tassa te āvuso lābhā ti tassa tuyhaṃ etena dhammānudhamma-paṭipatti-ādayo lābhā.

Suladdhan ti manussattam pi te suladdham.

Tathā paṭipajjatu ti evaṃ paṭipajjatu.

Yathā ca te Satthārā dhammo desīto ti yena te ākārena Satthārā dhammo kathito.

Yo ca samādapetī ti yo ca ācariyo samādapeti.

Yaṇ ca samādapetī ti yaṃ antevāsīm samādapeti.

Yo ca samādapito ti yo ca evaṃ samādapito antevāsiko. Tathā ācariyena samādapitam, tathattāya paṭipajjati.

Sabbe te ti tayo pi te. Ettha hi ācariyo samādapitattā apuññaṃ pasavati. Samādinna' antevāsiko samādinnaṃ. Paṭipannaṃ paṭipannaṃ. Tena vuttaṃ *sabbe te bahum apuññaṃ pasavanti* ti. Eten' upāyena sabba-vāsesu attho veditabbo.

5. Api c' ettha *ñāya-paṭipanno* ti kāraṇa-paṭipanno.

Ñāyaṃ ārādhessatī ti kāraṇam nipphādessati.

Viriyaṃ ārabhatī ti attano dukkha-nibbattakam viriyaṃ karoti. Vuttaṃ h' etaṃ: "Durakkhāte bhikkhave Dhamma-Vinaye, yo āraddha-viriyo, so dukkhaṃ viharati. Yo kusīto, so sukhaṃ viharati" ti. Evaṃ aniyyānika-sāsanam dassetvā, idāni niyyānikaṃ dassento *Idha pana Cunda Satthā ca hoti Sammāsambuddho* ti ādim āha.

6. Tattha *niyyāniko* ti magg' atthāya phal' atthāya niyyāti.

7. *Viriyaṃ ārabhatī* ti attano sukha-nipphadakaṃ viriyaṃ ārabhatī. Vuttaṃ h' etaṃ: "Svākkhāte bhikkhave Dhamma-Vinaye yo kusīto so dukkhaṃ viharati, yo āraddha-viriyo so sukhaṃ viharati" ti. Iti Bhagavā niyyānika-sāsane sammā-

paṭipannassa kulaputtassa pasamsaṃ dassetvā, puna desanaṃ vaḍḍhento *Idha Cunda Satthā ca loke udapādī* ti ādim āha.

8. *Tattha aviññāpitatthā* ti abodhitattā.

Sabba-saṅgāhapadakatan ti sabba-saṅgāha-padehi kataṃ sabba-saṅgāhikaṃ kataṃ na hotī ti attho. *Sabba-saṅgāha-pada-gatan* ti pi pāṭho. Na sabba-saṅgāha-padesu gataṃ na eka-saṅgāha-jātan ti attho.

Sappāṭihīra-katan ti niyyānikaṃ.

Yāva deva-manussehī ti deva-lokato yāva manussa-lokā sup-pakāsitaṃ.

Anutappo hotī ti anutāpakaro hoti.

9. *Satthā ca no loke* ti idaṃ tesam anutappan' ākāra-dassanatthaṃ vuttaṃ.

Ananutappo hotī ti Satthāraṃ āgamma sāvakehi yaṃ pattabbaṃ tassa pattattā anutāpakaro no hoti.

10. *Thero* ti thiro thera-kārakehi dhammehi samannāgato.

Rattaññū-ādini vutt' atthāne va.

11. *Etehi ce pī* ti etehi hetthā-vuttehi.

Patta-yoga-kkhemā ti catūhi yogehi khemattā arahattaṃ. *Idha yoga-kkhemam nāma*. Tam pattā ti attho.

Alaṃ samakkhātum saddhammassā ti sammukhā gahitattā saddhammaṃ sammā ācikkhitum samatthā.

12. *Brahmacārino* ti brahmacariya-vāsaṃ vasamānā ariya-sāvakā.

Kāma-bhogino ti gihi-sot' āpannā.

Iddhan c' evā ti ādini Mahāparinibbāne vitthāritān' eva.

Lābh' agga-yas' agga-ppattan ti, lābh' aggaṃ c' eva yas' aggañ ca pattam.

15. *Santi kho pan' ime Cunda etarahi therā bhikkhū sāvakā* ti. Sāriputta-Moggallān' ādayo.

Therā bhikkhuniyo ti Khemā-theri Uppalavaṇṇa-therī ādayo.

Upāsakā sāvakā gihi odāta-vattha-vasanā brahmacārino ti. Citta-gahapati-Hatthaka-Ālavak' ādayo.

Kāma-bhogino ti Culla-Anāthapiṇḍika-Mahā-Anāthapiṇḍik' ādayo.

Brahmacāriniyo ti Nandamāt' ādayo.

Kāma-bhoginiyo ti Khujjuttar' ādayo.

16. *Sabb' ākāra-sampannan* ti sabb' ākārena sampannaṃ.

Idam eva tan ti idam eva brahmacariyaṃ idam eva Dhammam sammā-hetunā nayena vadamāno vadeyya.

Uddakā sudan ti Uddako sudam.

Passaṃ na passaṭi ti passanto na passati. So kira imaṃ pañhaṃ mahājanam pucchi. Tehi: “Na jānāma ācariya, kathehi no” ti vutto āha: “Gambhīro ayaṃ pañho, āhārasappāye sati thokaṃ cintetvā sakkā kathetun” ti. Tato tehi cattāro māse mahā-sakkāre kate taṃ pañhaṃ kathento *kiñci passaṃ na passaṭi* ti ādim āha.

Tattha sādhu nīsītassā ti suṭṭhu nīsītassa tikhiṇassa. Sunisita-khurassa kira talaṃ paññāyati, dhārā na paññāyati ti ayaṃ ettha attho.

17. *Saṅgama samāgammā* ti saṅgantvā samāgantvā.

Atthena atthaṃ vyañjanena vyañjanan ti atthena saha atthaṃ vyañjanena saha vyañjanam samānentehi ti attho.

Saṅgāyitabban ti vācetaḥḥam sajjhāyitabbaṃ.

Yathayidaṃ brahmacariyan ti yathā idaṃ sakalaṃ brahmacariyaṃ.

18. *Tatra ce* ti tatra saṅgha-majjhe tassa vā bhāsīte.

Atthañ c' eva micchā gaṇhāti vyañjanāni ca micchā ropetī ti cattāro satipaṭṭhānā ti ettha ārammaṇam satipaṭṭhānan ti atthaṃ gaṇhāti. Cattāri satipaṭṭhānāni ti vyañjanam ropeti.

Imassa nu kho āvuso atthassā ti sati yeva satipaṭṭhānan ti atthassa cattāro satipaṭṭhānā ti, kin nu kho imāni vyañjanāni udāhu cattāri satipaṭṭhānāni ti, etāni vā vyañjanāni.

Katamāni opāyikatarāni ti imassa atthassa katamāni vyañjanāni uppannatarāni allinatarāni.

Imesaṃ vā vyañjanānan ti cattāro satipaṭṭhānā ti vyañjanānam sati yeva satipaṭṭhānan ti. Kiṃ nu kho ayaṃ attho udāhu ārammaṇam satipaṭṭhānan ti? Eso attho ti *imassa kho āvuso atthassā* ti ārammaṇam satipaṭṭhānan ti imassa atthassa.

Yā c' eva etāni ti yān' eva etāni mayā vuttāni.

Yo c' eva eso ti yo c' eva esa mayā vutto.

*So n' eva ussādetabbo*¹ ti tumhehi tāva sammā-atthe ca

¹ B ussāretabbo.

sammā-vyañjane ca t̥hātabbāṃ. So pana n' eva ussādetabbo¹ na apasādetabbo.²

Saññāpetabbo ti jānāpetabbo.

Tassa ca atthassā ti sati yeva satipaṭṭhānan ti atthassa ca.

Tesañ ca vyañjanānan ti satipaṭṭhāna tivyañjanānam.³

Nisantiyā ti nisāman' atthaṃ dhāraṃ' atthaṃ. Iminā na-yena sabba-vāresu attho veditabbo.

21. *Tādīsan* ti tumhādisaṃ.

Atthūpetan ti atthena upetaṃ atthassa viññātāraṃ.

Vyañjanūpetan ti vyañjanehi upetaṃ vyañjanānaṃ viññātāraṃ. Evaṃ etaṃ bhikkhuṃ pasamsatha. Eso hi bhikkhu na tumhākaṃ sāvako nāma Buddho nāma esa Cundā ti. Iti Bhagavā bahussuta-bhikkhuṃ attano t̥hāne t̥hapeti.

22. Idāni tato pi uttar' itaraṃ desanaṃ vaḍḍhento *Na vo ahaṃ Cundā* ti āha. Tattha diṭṭha-dhammikā āsavā nāma idha-loke paccaya-hetu uppajjanakā āsavā. Samparāyikā āsavā nāma para-loke bhaṇḍana-hetu uppajjanakā āsavā.

Samvarāyā ti yathā tena paṭivasanti evaṃ pidahanāya.

Paṭighātāyā ti mūla-ghātena paṭihanāyā.

Alaṃ vo taṃ yāvad eva sītassa paṭighātāyā ti taṃ tumhākaṃ sītassa paṭighātāya samatthaṃ. Idaṃ vuttaṃ hoti. *Yaṃ vo mayā cīvaram anuññātaṃ* taṃ pārūpitvā dappaṃ vā mānaṃ vā kurumānā viharissathā ti na anuññātaṃ, taṃ pana pārūpitvā sīta-paṭighāt' ādīni katvā sukhaṃ samaṇa-dhammaṃ yoniso-manasikāraṃ karissathā ti anuññātaṃ. Yathā ca cīvaram evaṃ piṇḍapāt' ādayo pi. Anupada-vanṇanā pan' ettha Visuddhi-Magge vutta-nayen' eva veditabbā.

23. *Sukhallikānuyogān* ti sukhaṃ alliyanānuyogaṃ, sukha-sevanādhimuttan ti attho.

Sukheti ti sukhiṭaṃ karoti.

Piṇeti ti piṇitaṃ thūlaṃ karoti.

26. *Atthūta-dhammā* ti niṭṭhita-sabhāvā. Jivhā no atthī ti. Yaṃ yaṃ icchanti, taṃ taṃ kathēnti, kadāci maggaṃ kathēnti, kadāci phalaṃ, kadāci nibbānan ti adhippāyo.

Jānatā ti sabbaññuta-ñāṇena jānantena.

Passatā ti pañcahi cakkhūhi passantena.

¹ Bussāretabbo.

² B apasāretabbo.

³ Sic MSS.

Gambhīra-nemo ti gambhīra-bhūmiṃ anupaviṭṭho.

Sunikhāto ti suṭṭhu nikhāto.

Evam eva kho āvuso ti evaṃ khīṇ' āsavo abhabbo nava ṭhānāni ajjhācaritum. Tasmīṃ ajjhācāro acalo asampavedi. Tattha sañcicca paṇaṃ jīvitaṃ voropan' ādisu sot' āpann' ādayo pi abhabbā.

Sannidhi-kāraṇaṃ kāme paribhuñjitum ti vatthu-kāme ca kilesa-kāme ca sannidhiṃ katvā paribhuñjitum.

Seyyathā pi pubbe agārikabhūto ti yathā pubbe gihibhūto paribhuñjati, evaṃ paribhuñjitum abhabbo. Agāra-majjhe vasantā hi sot' āpann' ādayo ca yāva jīvaṃ gihi-vyañjanena tiṭṭhanti. Khīṇ' āsavo pana arahattaṃ patvā va manussa-bhūto parinibbāti vā pabbajati vā. Cātummahārājik' ādisu kāmāvacara-devesu muhuttam pi na tiṭṭhati. Kasmā? Viveka-ṭṭhānassa abhāvā. Bhumma-devattabhāve pana ṭhito arahattaṃ patvā pi tiṭṭhati. Tassa vasena ayaṃ pañho āgato bhinna-dosattā pan' assa bhikkhubhāvo veditabbo.

27. *Ātirakan* ti atīraṃ aparicchedaṃ mahantaṃ.

No ca kho anāgatan ti anāgataṃ pana addhānaṃ ārabba evaṃ paññāpeti. Atītaṃ eva mañña samaṇo Gotamo jānāti, na anāgataṃ. Tathā hi 'ssa atīte addha-cchaṭṭha-sata-jātakānussaraṇaṃ paññāyati. Anāgate evaṃ bahuṃ anus-saraṇaṃ na paññāyati ti imaṃ atthaṃ maññaṃānā evaṃ vadeyyum.

Tayidaṃ kiṃ sū ti anāgate apaññāpanaṃ¹ kin nu kho?

Kathaṃ sū ti kena nu kho kāraṇena? Ajānanto yeva nu kho anāgataṃ nānussarati, ananussaritu-kāmatāya, nānussarati ti.

Añña-vihitakena ñāṇena dassanenā ti paccakkhaṃ viya katvā dassana-samatthātāya dasanabhūtena ñāṇena añña-vihitakena ñāṇena. Aññaṃ ārabba pavattena añña-vihitakaṃ aññaṃ ārabba pavattamānaṃ ñāṇa-dassanaṃ saṅgāyetaḥḥaṃ paññāpetabbam maññanti. Te hi carato ca tiṭṭhato ca suttassa ca gāgarassa ca satataṃ samitaṃ ñāṇa-dassanaṃ paccupaṭṭhitaṃ maññanti, tādisaṃ ca ñāṇaṃ nāma n' atthi. Tasmā *yatha-r-iva bālā avyattā* evaṃ maññanti ti veditabbo.

¹ SS ayaṃ paññāpanaṃ.

Satānussarati ti pubbe-nivāsānussati-sampayuttam.

Yāvatakaṃ ākaṅkhati ti yattakaṃ ñātum icchati tat-takaṃ: Jānissāmi ti, ñāṇaṃ peseti. Ath' assa dubbala-patta-puṭe pakkhanta-nārāco viya appaṭihataṃ anivāritaṃ ñāṇaṃ gacchati. Tena yāvatakaṃ ākaṅkhati tāvatakaṃ anussarati.

Bodhiṇ ti bodhi-mūle jātaṃ.

Ñāṇaṃ uppajjati ti catu-magga-ñāṇaṃ uppajjati.

Ayaṃ antimā jātī ti tena ñāṇena jāti-mūlassa pahīnattā puna *ayaṃ antimā jātī*, n' atthi dāni *punabbhavo* ti. aparam pi ñāṇaṃ uppajjati.

28. *Anattha-saṃhitaṇ* ti na idha lok' atthaṃ vā para-lok' atthaṃ vā nissitaṃ.

Na taṃ Tathāgato vyākaroti ti taṃ Bhārata-yuddha-Sīt' āharaṇa-sadisam aniyyānika-kathaṃ Tathāgato na katheti.

Bhūtaṃ tacchaṃ anattha-saṃhitaṇ ti rāja-kath' ādi-tiracchāna-kathaṃ.

Kālaññū hoṭi ti kālaññū kalam jānāti. Sahetukaṃ kāraṇaṃ katvā yutta-patta-kāle yeva katheti.

Tasmā Tathāgato ti vuccati ti yathā yathā gaditabbam, tathā tath' eva gadanato da-kārassata-kāraṃ katvā *Tathāgato ti vuccati* ti attho.

29. *Diṭṭhaṇ* ti rūp' āyatanam.

*Sutaṇ ti dass' āyatanam.*¹

Mutaṇ ti mutvā patvā va gahetabbato gandh' āyatanam ras' āyatanam phoṭṭhabb' āyatanam.

Viññātaṇ ti sukha-dukkh' ādi-dhamm' ārammaṇam.

Pattaṇ ti pariyesitvā vā अपariyesitvā vā pattam.

Pariyesitaṇ ti pattam vā apattam vā pariyesitam.

Anuvicaritaṃ manasā ti cittaṇa anusañcaritam.

Tathāgatena abhisambuddhaṇ ti. Iminā etaṃ dasseti, yaṃ aparimāṇāsu loka-dhātūsu imassa sadevakassa lokassa nīlaṃ pītakaṇ ti ādi-rūp' ārammaṇam cakkhu-dvāre āpātham āgacchati, ayaṃ satto imasmiṃ khaṇe imaṃ nāma-rūp' ārammaṇam disvā sumano vā dummano vā majjhatto vā jāto ti: sabbaṃ taṃ Tathāgatassa evaṃ abhisambuddham. Yathā²

¹ Sic MSS.

² B tathā.

yaṃ aparimāṇāsu lokadhātūsu imassa sadevakassa lokassa bheri-saddo mutinga-saddo ti ādi-sadd' ārammaṇaṃ sota-dvāre āpāthaṃ gācchati, . . . mūla-gandho taca-gandho ti ādi-gandh' ārammaṇaṃ ghāna-dvāre āpāthaṃ āgacchati, . . . mūla-raso khandha-raso ti ādi-ras' ārammaṇaṃ jivhā-dvāre āpāthaṃ āgacchati, . . . kakkhalaṃ mudukaṃ ti ādi paṭhavi-dhātu tejo-dhātu vāyo-dhātu-bhedaṃ phoṭṭhabb' ārammaṇaṃ kāya-dvāre āpāthaṃ āgacchati, ayam satto imasmiṃ khaṇe imaṃ nāma phoṭṭhabb' ārammaṇaṃ phusitvā sumano vā dummano vā majjhatto vā jāto ti: sabbam taṃ Tathāgatassa evaṃ abhisambuddhaṃ. Tathā yaṃ aparimāṇāsu loka-dhātūsu imassa sadevakassa lokassa sukha-dukkh' ādi-bhedaṃ dhamm' ārammaṇaṃ manodvārassa āpāthaṃ āgacchati, ayam satto imasmiṃ khaṇe idaṃ nāma dhamm' ārammaṇaṃ vijānitvā sumano vā dummano vā majjhatto vā jāto ti: sabbam taṃ Tathāgatassa evaṃ abhisambuddhaṃ.

Yaṃ hi Cunda imesaṃ sabba-sattānaṃ diṭṭhaṃ sutam mutaṃ viññātaṃ, tattha Tathāgatena adiṭṭhaṃ vā asutaṃ vā amutaṃ vā aviññātaṃ vā n' atthi. Imassa pana mahājanassa pariyesitvā pattam pi atthi, pariyesitvā apattam pi atthi. Apariyesitvā pattam pi atthi, apariyesitvā apattam pi atthi. Sabbam pi taṃ Tathāgatassa apattam nāma n' atthi ñāṇena asacchikataṃ nāma. *Tasmā Tathāgato ti vuccatī* ti. Yaṃ yathā vā loka-gataṃ, tassa tath' eva gatattā Tathāgato ti vuccati. Pāliyaṃ pana abhisambuddhaṃ vuttaṃ, taṃ gata-saddena ekatthaṃ. Iminā nayena sabba-vāresu Tathāgato ti nigamanassa attho veditabbo. Tassa yutti Brahmajāle Tathāgata-sadda-vitthāre vuttā yeva.

30. Evaṃ attano asamaṭaṃ anuttaraṃ sabbaññutaṃ dhammarājabhāvaṃ kathetvā, idāni : Puthu-samaṇa-brāhmaṇānaṃ laddhīsu mayā aññātaṃ adiṭṭhaṃ nāma n' atthi, sabbam mama ñāṇassa anto yeva parivattati ti, sīha-nādaṃ nadanto *Thānaṃ kho paṇ' etaṃ Cunda vijjati* ti ādim āha.

Tattha *Tathāgato* ti satto.

31. *Na h' etaṃ āvuso attha-saṃhitā* ti idhaloka-paralokaṃ attha-saṃhitā na hoti.

Na dhamma-saṃhitā ti, nava-lok' uttara-dhamma-nissitaṃ na hoti.

Na ādi-brahmacariyakan ti sikkhattaya-saṅgahitassa sakala-sāsana-brahmacariyassa ādi-bhūtaṃ na hoti.

32. *Idaṃ dukkhaṃ ti kho* ti ādisu taṃhaṃ ṭhapetvā avasesā te bhūmakā dhammā *idaṃ dukkhaṃ* ti vyākataṃ. Tass' eva dukkhassa pabhāvikā janikā taṃhā *dukkha-samudayo* ti vyākataṃ. Ubhinnaṃ appavatti *dukkha-nirodho* ti vyākataṃ. Dukkha - parijānana samudaya - pajahana nirodha - sacchikaraṇa ariya-maggo *dukkha-nirodha-gāminī paṭipadā* ti vyākataṃ ti.

33. *Etam hi āvuso attha-saṃhitam* ti ādisu etaṃ idhaloka-paraloka attha-sannissitaṃ na va lok' uttara-dhamma-nissitaṃ sakala-sāsana-brahmacariyassa ādi-paṭṭhānaṃ pubbaṅgamaṃ ti ayam attho. Idāṃ yaṃ taṃ mayā vyākataṃ taṃ ajānanto na vyākataṃ ti mā evaṃ saññaṃ akaṃsu. Jānanto va ahaṃ evaṃ etasmim vyākate pi: Attho n' atthī ti, na vyākariṃ. Yaṃ pana yathā vyākātappaṃ taṃ mayā vyākataṃ evā ti, sīha-nadaṃ nadanto puna ye pi te *Cundā* ti ādim āha.

34. Tattha diṭṭhiyo va *diṭṭhi-nissayā*. Diṭṭhi-nissitakā diṭṭhi-gatikā ti attho.

Idam eva saccaṃ ti idam eva dassanaṃ saccaṃ.

Moghaṃ aññaṃ ti aññesaṃ vacanaṃ moghaṃ.

Asayaṃkāro ti asayaṃkato.

35. *Tatrā* ti tesu samaṇa-brāhmaṇesu.

Atthi kho idaṃ āvuso vuccatī ti āvuso yaṃ tumhehi " *sassato attā ca loko cā* " ti vuccati, idam atthi nu kho udāhu n' atthi ti: evaṃ bhante-pucchāmi ti attho.

Yañ ca kho te evaṃ āhaṃsū ti yaṃ pana te: " Idam eva saccaṃ moghaṃ aññaṃ " ti vadanti, taṃ tesam nānujānāmi.

Paññattiyā ti diṭṭhi-paññattiyā.

Sama-saman ti samena nāpeṇa samaṃ.

Yad-idaṃ adhipaññattī ti yā ayam adhipaññatti nāma. Ettha aham eva hi bhiyyo uttar' itaro, na mayā samo atthi. Tattha yañ ca vuttaṃ paññattiyā ti yañ ca adhipaññatti ti, ubhayam etaṃ atthato ekaṃ. Bhedato hi paññatti adhipaññatti ti dvayaṃ hoti. Tattha paññatti nāma diṭṭhi-paññatti. Adhipaññatti nāma khandha-paññatti dhātu-paññatti āyatana-paññatti indriya-paññatti sacca-paññatti puggala-paññatti ti ca vuttā cha paññattiyō. Idha pana paññattiyā ti

etthāpi paññatti c' eva adhipaññatti adhippetā adhipaññatti ti. Etthāpi Bhagavā hi paññattiyā pi anuttaro adhipaññattiyā pi anuttaro. Ten' āha *aham eva tattha bhiiyyo yad-idaṃ adhipaññatti* ti.

40. *Pahānāyā* ti pajahan' atthaṃ.

Samatikkamāyā ti tass' eva vevacanaṃ.

Desitā ti kathitā.

Paññattā ti ṭhapitā. Satipaṭṭhāna-bhāvanāya hi ghana-vinibbhogaṃ katvā sabba-dhammesu yathāvato diṭṭhesu suddha-saṅkhāra-puccho yaṃ na-y-idha sattūpalabhatī ti sanniṭṭhānato sabba-diṭṭhi-nissayānaṃ pahānaṃ hoti. Tena vuttaṃ *diṭṭhi-nissayānaṃ pahānāya samatikkamāya evaṃ mayā cattāro satipaṭṭhānā desitā paññattā* ti.

Sesaṃ sabbattha uttānattham evā ti.

Pāsādika-sutta-vaṇṇanā niṭṭhitā.

XXX.

LAKKHAṆA-SUTTA-VAṆṆANĀ.

1. 1. *Evam me sutaṃ* ti Lakkhaṇa-suttaṃ. Tatrāyaṃ anuttāna-pada-vaṇṇanā.

Dvattiṃsa-y-imānī ti dvattiṃsa imāni.

Mahāpurisa-lakkhaṇānī ti Mahāpurisa-vyañjanāni, Mahāpurisa-nimittāni: Ayaṃ Mahāpuriso ti, sañjānana-kāraṇāni.

Yehi samannāgatassa Mahāpurisassā ti ādi Mahāpadāne vitthārita-nayen' eva veditabbaṃ. Bāhirakā pi isayo dhārenti no ca kho jānanti: Imassa kammassa katattā imaṃ lakkhaṇaṃ paṭilabhati ti, kasmā āha? Atth' uppattiyā anurūpattā idaṃ hi suttaṃ atth' uppattikaṃ. Sā pan' assa atth' uppatti-kathā samuṭṭhitā antogāme manussānaṃ antare. Tadā kira Sāvatti-vāsino attano attano gehesu ca geḥa-dvāresu ca santhāgar' ādisu ca nisīditvā kathāṃ samuṭṭhāpesuṃ: "Bhagavato asīti anuvyañjanāni, vyāma-ppabhā, dvattiṃsa vara-lakkhaṇāni yehi Bhagavato kāyo sabba-phāliphullo viya pāricchat-tako, vikasitaṃ iva kamala-vanaṃ, nānā-ratana-vicittaṃ viya suvaṇṇa-toraṇaṃ, tārā-marīci-vikacaṃ¹ iva gagana-talaṃ, ito o' ito ca vidhāvamaṇā vipphandaṃ chabbaṇṇa-rasmiyo vissajjento ativiya sobhati, Bhagavato ca iminā nāma-kammena idaṃ lakkhaṇaṃ nibbatti-kathitaṃ n' atthi. Yāgu uḷuṅka-mattam pi pana kaṭacchu-bhatta-mattam vā pubbe dinna-paccayā evā uppajjati" ti. Bhagavatā vuttaṃ: "Kin nu kho Satthā kammaṃ akāsi yen' assa imāni lakkhaṇāni nibbattāni?" ti.

Ath' āyasmā Ānando antogāme caranto, imaṃ kathā-sallāpaṃ sutvā, katabhattakicco vihāraṃ āgantvā, Satthu vattaṃ katvā vandiṭvā tthito: "Mayā bhante antogāme ekā kathā sutā" ti āha.

¹ B virocanaṃ.

Tato Bhagavatā “ Kin te Ānanda sutan ?” ti vutto, sabbaṃ ārocesi. Satthā therassa vacanaṃ sutvā parivāretvā nisinne bhikkhū āmantetvā: *Dvattims’ imāni bhikkhave Mahāpurisassa Mahāpurisa-lakkhaṇāni* ti paṭipāṭiyā lakkhaṇāni dassetvā yena kammena yaṃ nibbattaṃ tassa ca dassan’ atthaṃ evaṃ āha.

4. *Purimaṃ jātin* ti ādisu pubbe nibbatta-kkhandhā jātā-vasena jāti ti vuttā. Tathā bhavana-vasena *bhavo* ti. Nivuttha-vasena ālayaṭṭhena vā *niketo* ti. Tiṇṇaṃ pi padānaṃ pubbe nivuttha-kkhandha-santāne ṭhito ti attho.

Idāni yasmā taṃ khandha-santānaṃ devalok’ ādisu pi pavattati, lakkhaṇa-nibbattana-samatthaṃ pana kusala-kammaṃ tattha na sukaraṃ, manussabhūtaṃ’ eva sukaraṃ, tasmā yathā-bhūtena yaṃ kammaṃ kataṃ taṃ dassento *Pubbe manussabhūto samāno* ti āha. Akāraṇaṃ vā etaṃ hatthi-assamiga-mahisa-vānar’ ādi-bhūto pi hi Mahāpuriso pāramiyo pūreti yeva, yasmā pana evarūpe attabhāve ṭhitena katakammaṃ na sakkā sukhena dīpetuṃ, manussa-bhāve ṭhitena kata-kammaṃ pana sukhena dīpetuṃ. Tasmā *Pubbe manussabhūto samāno* ti āha.

Daḷha-samādāno ti, ṭhira-gaḥaṇo.

Kusalesu dhammesū ti dasa-kusala-kamma-pathesu.

Avatthita-samādāno ti niccala-gaḥaṇo anivattita-gaḥaṇo. Mahāsattassa hi akusala-kammato aggim patvā kukkuṭa-pattaṃ viya cittaṃ patikuṭati, kusalaṃ patvā vitānaṃ viya pasāriyati. Tasmā daḷha-samādāno hoti avatthita-samādāno. Na sakkā kenaci samaṇena vā brāhmaṇena vā devena vā Mārena vā Brahmunā vā kusala-samādānaṃ vissajjāpetuṃ. Tatth’ imāni vatthūni.

Pubbe kira Mahāpuriso kalandaka-yoniyāṃ nibbattati. Atha deve vaddhe¹ mahogho āgantvā kulāvakaṃ gahetvā samuddam eva pavesesi. Mahāpuriso: Puttake nīharissāmi ti, naṅgutthaṃ temetvā temetvā samuddato udakaṃ bahi khipati. Sattame divase Sakko āvajjitvā tattha āgamma: “ Kim karosi ?” ti pucchi. So tassa ārocesi. Sakko mahā-samuddato udakassa dunnīharaṇīyabhāvaṃ kathesi. Bodhi-

¹ B vutthe.

satto tādīsena kusītena saddhiṃ kathetum pi na vaṭṭati: Mā idha tiṭṭhā ti, apasādesi.¹ Sakko: Anoma-purisenā gahita-gahaṇaṃ na sakkā vissajjāpetun ti, tuṭṭho tassa puttake ānetvā adāsi.

Mahājanaka-kāle pi mahāsamuddaṃ taramāno: “Kasmā mahāsamuddaṃ tarasi?” ti devatāya puṭṭho: “Pāraṃ gantvā, kula-santake raṭṭhe rajjaṃ gahetvā, dānaṃ dātuṃ tarāmi” ti āha. Tato devatāya: “Mahāsamuddo gambhīro c’ eva puthulo ca, kadā naṃ tarissati?” ti puṭṭho āha: “Tav’ eva so mahāsamudda-sadiso, mayhaṃ pana ajjhāsayāṃ āgamma khudda-mātikā viya khāyati, tvaṃ yeva mayi dakkhissasi samuddaṃ taritvā samudda-pārato dhaṇaṃ āharitvā kula-santake raṭṭhe rajjaṃ gahetvā dānaṃ dada-mānaṃ” ti. Devatā: “Anoma-purisenā gahita-gahaṇaṃ na sakkā vissajjāpetun” ti, Bodhisattaṃ ālīngitvā haritvā uyyāne nipajjāpesi. So chattaṃ ussāpetvā divase divase pañca-sata-sahassa-pariccāgaṃ katvā apara-bhāge nikkhamma pabbajito.

Evam Mahāsatto na sakkā kenaci samaṇena vā . . . pe . . . Brahmunā vā kusala-samādānaṃ vissajjāpetum. Tena vuttaṃ *Dalḥa-samādāno ahoṣi kusalesu dhammesu avatthita-samādāno* ti. Idāni yesu kusalesu dhammesu avatthita-samādāno ahoṣi, te dassetuṃ *kāya-sucaritesū* ti ādim āha.

Dāna-saṃvibhāge ti ettha dānaṃ eva dīyana-vasena dānaṃ, saṃvibhāga-karaṇa-vasena saṃvibhāgo.

Sīla-samādāne ti pañcasīla-dasa-sīla-catupārisuddhisīla-pūraṇa-kāle.

Uposathūpavāse ti cātuddasik’ ādi-bhedassa uposathassa upavasana-kāle.

Matteyyatāyā ti mātu-kātabba-vatte. Sesa-padesu pi es’ eva nayo.

Aññatar-aññataresu cā ti aññesu ca evarūpesu.

Adhikusalesū ti ettha atthi kusalā, atthi adhikusalā. Sabbe pi kāmāvacarā kusalā nāma rūpāvacarā adhikusalā. Ubho pi te kusalā nāma, arūpāvacarā adhikusalā. Sabbe pi te

¹ B apasāresi.

kusalā nāma, sāvaka-pāramī-ñāṇa-paṭilābha-paccayā kusalā adhikusalā. Te pi kusalā nāma, pacceka-bodhi-paṭilābha-paccayā kusalā adhikusalā. Te pi kusalā nāma, sabbaññuta-ñāṇa-paṭilābha-paccayā pana kusalā idha adhikusalā adhippetā. Tesu adhikusalesu dhammesu daḷha-samādāno ahosi avaṭṭhita-samādāno.

Katattā upacitattā ti ettha sakim pi kataṃ katam eva. Abhinha-karaṇena pana upacitaṃ hoti.

Ussannattā ti piṇḍikataṃ rāsikataṃ kammaṃ ussannan ti vuccati. Tasmā *ussannattā* ti vadanto: Mayā kata-kammasa cakkavāḷaṃ atisambādhaṃ, bhavaggaṃ atinīcaṃ, evam me ussannaṃ kamman ti, dasseti.

Vipulattā ti appamāṇattā. Iminā: Anantaṃ appamāṇaṃ mayā katakamman ti, dasseti.

Adhigaṇhātī ti adhigacchati.¹ Aññehi devehi atirekaṃ labhati ti attho.

Paṭilabhati ti adhigacchati.

Sabbāvantehi pāda-talehi ti, idaṃ samaṃ pādaṃ bhūmiyaṃ nikkhipatī ti etassa vitthāra-vacanaṃ. Tattha *sabbāvantehi* ti sabba-padesa-vantehi, na ekena padesena paṭhamam phusati, na ekena pacchā, sabbehi' eva pāda-talehi samaṃ phusati, samaṃ uddharati. Sace pi hi Tathāgato: 'Neka-sata-porisaṃ naraṃ akkamissāmi ti, pādaṃ abhinharati, tāvad eva ninnam ṭhānaṃ vāta-pūritā viya kammāra-bhastā unnamitvā paṭhavi samaṃ hoti. Unnata-tṭhānaṃ pi anto pavisati. Dūre akkamissāmi ti, abhinharantassa Sineru-pamāṇo pi pabbato sedita-vettaṅkuro viya onamitvā, pāda-samīpaṃ āgacchati. Tathā hi 'ssa yamaka-pāṭihāriyaṃ ka-tvā: Yugandhara-pabbataṃ akkamissāmi ti, pāde abhinhaṭṭe pabbato onamitvā pāda-samīpaṃ āgato. So taṃ akkamitvā dutiya-pādena Tāvatisa-bhavanaṃ akkami. Na hi cakkalakkhaṇena paṭiṭṭhātabba-tṭhānaṃ visamaṃ bhavitum sak-koti. Khānu vā kaṇṭako vā sakkharā vā kaṭhalā vā uccāra-passāva-kheḷa-siṅghāṇik' ādini vā purimataraṃ vā apagac-chanti, tattha tatth' eva vā paṭhaviṃ pavisanti. Tathāga-tassa hi sila-tejena puñña-tejena dhamma-tejena dasannaṃ

¹ MSS. adhigavati.

pāraminam ānubhāvena ayaṃ mahāpaṭṭhavi sammā mudu-
pupphābhikiṇṇā hoti.

5. *Sāgara-pariyantan* ti sāgara-sīmam. Na hi tassa rajjaṃ
karontassa antarā rukkho vā pabbato nadī vā sīmā hoti,
mahā-samuddo va sīmā. Tena vuttaṃ *sāgara-pariyantan* ti.

Akhilaṃ animittaṃ akaṇṭakan ti niccoraṃ. Corā hi khara-
samphass' atṭhena *khilā*, upaddava-paccay' atṭhena *nimittā*,
vijjhan' atṭhena *kaṇṭakā* ti vuccanti.

Iddhan ti samiddham.

Phītan ti sabba-sampattiyā phāli-phullam.

Khemaṇ ti nibbhayaṃ.

Sivaṇ ti nirupaddavaṃ.

Nirabbudaṇ ti abbuda-rahitaṃ gumba-gumbaṃ hutvā
carantehi corehi virahitaṇ ti attho.

Avikkhambhiyo ti avikkhambhaniyo. Na naṃ koci ṭhānato
cāletuṃ sakkoti.

Paccatthikenā ti paṭipakkhaṃ icchantena.

Paccāmittenā ti paṭiviruddhena amittena. Ubhayaṃ p'
etaṃ sapatta-vevacanaṃ.

Abbhantarehī ti anto-utṭhitehi rāg' ādīhi.

Bāhirehī ti samaṇ' ādīhi. Tathā hi naṃ Devadatta-Ko-
kālik' ādayo samaṇā pi Soṇadaṇḍa-Kūṭadant' ādayo brāh-
maṇā pi Sakka-sadisā devatā pi satta-vassāni anubandha-
māno Māro pi Bak' ādayo brahmaṇo vikkhambhetuṃ
nāsakkhimsu. Ettāvataṃ Bhagavatā kammaṇ ca kamma-
sarikkhakaṇ ca lakkhaṇaṇ ca lakkhaṇānisamso ca vutto hoti.
Kammaṇ nāma sata-sahassa-kapp' ādhikāni cattāri asaṅkheyyā-
ni daḥhena thirena hutvā katakammaṃ. Kamma-sarik-
khakaṃ nāma daḥhena hutvā katabhāvaṃ sadevake loke
jānātū ti suppatiṭṭhita-Mahāpurisa-lakkhaṇaṃ. Lakkhaṇaṃ
nāma supatiṭṭhita-pāda-talatā. Lakkhaṇānisamso nāma pac-
catthikehi avikkhambhaniyatā.

6. *Tatth' etaṃ vuccatī* ti tattha vutte kamm' ādi-bhede
aparam pi idaṃ vuccati gāthā-bandhanaṃ sandhāya vuttaṃ.
Etā pana gāthā Porāṇaka-therā Ānanda-therena ṭhapitā
vaṇṇa-gāthā ti vatvā gatā. Aparabhāge therā: Eka-padiko¹
atth' uddhāro ti, āhaṃsu.

¹ SS °padiyo.

Tattha *sacce* ti vaci-sacce.

Dhamme ti dasa kusala-kamma-patha-dhamme.

Dame ti indriya-damane.

Samyame ti sīla-samyame.

Soceyya-sīl' ālay' uposathesu cā ti ettha kāya-soceyy' ādi-tividhaṃ soceyyaṃ. Ālayabhūtaṃ silaṃ eva sīl' ālayo.

Uposathe kammaṃ uposatho.

Ahimsāyā ti avihimsāya.

Samattam ācarī ti sakalaṃ cari.

Āmbhī ti anubhavi.

Veyyañjanikā ti lakkhaṇa-pāṭhakā.

Parābhūbhū ti pare abhibhavana-samattho.

Sattūbhī ti sapattehi akkhambhiyo hoti.

Na so gacchati jātū-kkhambhanan ti so ekamsen' eva agga-puggalo vikkhambetabbataṃ na gacchati.

Esā hi tassa dhammatā ti tassa hi esā dhammatā ayaṃ sa-bhāvo.

7. *Ubbegaṃ uttāsaṃ bhayaṃ* ti ubbega-bhayaṃ c' eva uttāsa-bhayaṃ ca. Tattha corato vā rājato vā paccatthikato vā vilumpana-bandhan' ādi-nissayaṃ bhayaṃ ubbego nāma. Taṃ muhuttakaṃ caṇḍa-hatthi-ass' ādini vā ahi-yakkh' ādayo vā paṭicca lomahaṃsanakara-bhayaṃ uttāsa-bhayaṃ nāma. Taṃ sabbaṃ *apanuditā* vūpasametā.

Samvidhātā ti samvidahitā. Kathaṃ samvidahati? Aṭṭaviyaṃ sāsāṅka-tṭhānesu dāna-sālaṃ kāretvā, tattha āgate bhojetvā, manusse datvā va ativāheti. Taṃ ṭhānaṃ pavisitum asakkontānaṃ manusse pesetvā paveseti. Nagar' ādisu pi tesu tesu ṭhānesu ārakkaṃ ṭhapeti, evaṃ samvidahati.

Saparivāraṇa ca dānaṃ adāsi ti annaṃ pānaṃ ti dasa-vidhaṃ dāna-vatthum. Tattha annaṃ ti yāgu-bhattaṃ. Taṃ danto na dvāre ṭhatvā adāsi. Atha kho anto-nivesane haritupatte ṭhāne lājā c' eva pupphāni ca vikiritvā āsanaṃ paññāpetvā vitānaṃ bandhitvā gandha-dhūp' ādīhi sakkāraṃ katvā, bhikkhu-saṅghaṃ nisīdāpetvā yāguṃ adāsi. Yāguṃ danto ca savyañjanaṃ adāsi. Yāgu-pānāvasāne pāde dhovitvā telena makkhetvā nāna-ppakāraṃ antara-khajjaṃ datvā pariyosāne aneka-sūpaṃ aneka-vyañjanaṃ paṇitaṃ bhojanaṃ

adāsi. Pānaṃ dento amba-pān' ādi-aṭṭhavidha-pānaṃ adāsi. Tam pi yāgu-bhattaṃ datvā va adāsi. Vatthaṃ dento na suddha-vatthaṃ eva adāsi, ekaṇṇa-dupaṭṭ' ādi-pahonakaṃ pana vatthaṃ datvā sūcim adāsi suttaṃ adāsi suttaṃ vadḍhesi sūci-kamma-karaṇa-tṭhāne bhikkhūnaṃ āsanāni yāgu-bhattaṃ pāda-makkhaṇaṃ piṭṭhi-makkhaṇaṃ rajata-paṇḍu-palāsaṃ rajata-donikaṃ antamaso cīvara-rajanaka-kappiya-kārakaṃ pi adāsi.

Yānan ti upāhanaṃ. Taṃ dento pi upāhana-tṭhaviṇṇaṃ upāhana-daṇḍakaṃ makkhaṇa-telakaṃ heṭṭhā vuttāni ca ann' ādini tass' eva parivāraṃ katvā adāsi.

Mālaṃ dento pi na sumana-māl' ādi-mālaṃ eva adāsi. Atha kho taṃ gandhehi missetvā heṭṭhimāni cattāri tass' eva parivāraṃ katvā adāsi. Bodhi-cetiya-āsana-potthak' ādisu pūjan' atthāya c' eva ghara-dhūpan' atthāya vā gandhaṃ dento pi na suddha-gandhaṃ eva adāsi, gandhaṃ piṃsanaka-nisadāya c' eva pakkhipanaka-bhājanena ca saddhiṃ heṭṭhimāni pañca tassa parivāraṃ katvā adāsi. Cetiya-pūj' ādinaṃ atthāya haritāla-manosilā-cīnapiṭṭh' ādi-vilepanaṃ dento na suddha-vilepanaṃ eva adāsi, vilepana-bhājanena saddhiṃ heṭṭhimāni cha tassa parivāraṃ katvā adāsi.

Seyyā ti mañca-piṭhaṃ. Taṃ dento pi na suddha-mañca-piṭhaṃ eva adāsi, kojāva-kambala-paccattharaṇa-mañca-paṭi-pādahehi saddhiṃ antamaso makula-sodhana-daṇḍake heṭṭhimāni ca satta tassa parivāraṃ katvā adāsi.

Avasathaṃ dento pi na geḥa-mattam eva adāsi. Atha kho naṃ mālākamma-latākamma-paṭimaṇḍitaṃ supaññatta-mañca-piṭhaṃ kāretvā heṭṭhimāni aṭṭha tassa parivāraṃ datvā adāsi.

Paḍiṇeyyaṇ ti dīpa-telaṃ. Taṃ dento cetiy' aṅgane bodhiy' aṅgane dhamma-savana-geḥe vasana-geḥe potthaka-vācana-tṭhāne: Iminā dīpaṃ jālāpethā ti, na suddha-telaṃ eva adāsi, vaṭṭi-kapallaka-tela-bhājan' ādihi saddhiṃ heṭṭhimāni nava tassa parivāraṃ katvā adāsi.

Suvibhatt' antarānī ti suvibhatta-antarāni.

8. *Rājāno* ti abhisittā.

Bhogiyā ti bhojakā.

Kumārā ti rāja-kumārā.

Idha kammaṃ nāma saporivāraṃ dānaṃ; kamma-sarikkha-
kaṃ nāma saporivāraṃ katvā dānaṃ adāsī ti. Taṃ iminā
kāraṇena sadevako loko jānātū ti nibbattaṃ cakka-lakkhaṇaṃ.
Lakkhaṇaṃ nāma tad eva cakka-lakkhaṇaṃ. Ānisaṃso ma-
hā-parivāratā.

9. *Tatth' etaṃ vuccatī* ti imā tad-attha-paridīpanā gāthā
vuccanti. Duvidhā hi gāthā honti, tad-attha-paridīpanā ca
vises' attha-paridīpanā ca. Tattha Pāli-āgatam eva atthaṃ
paridīpiyamānā tad-attha-paridīpanā nāma. Pāliyaṃ anā-
gatam atthaṃ paridīpiyamānā vises' attha-paridīpanā nāma.
Imā pana tad-attha-paridīpanā.

Tattha *pure* ti pubbe.

Puratthā ti tass' eva vevacanaṃ.

Purimāsu jātīsū ti imissā jātiyā pubbe katakamma-paṭik-
khepa-dīpanaṃ.

Ubbega-uttāsa-bhayāpanudano ti ubbega-bhayassa ca ut-
tāsa-bhayassa ca apanudano.

Ussuko ti adhimatto.

Sata-puñña-lakkhaṇaṃ ti satena satena puñña-kammānaṃ
nibbattaṃ ek' eka-lakkhaṇaṃ. Evaṃ sante yo koci Buddho
bhavēyyā ti na rocaयिṃsu. Anantesu pana cakkavāḷesu sabbe
sattā ek' ekaṃ kammaṃ satakkhattuṃ kareyyuṃ. Ettakehi
janehi katakammaṃ Bodhisatto eko va ek' ekaṃ sata-guṇaṃ
katvā nibbatta, tasmā sata-puñña-lakkhaṇo ti imaṃ atthaṃ
rocaयिṃsu.

Manussāsurasatta-rakkhasū ti manussā ca āsura-sattā ca
rakkhasā ca.

11. *Antarā* ti paṭisandhito sarasa-cutiyā antare. Idha
kammaṃ nāma pāṇātipātā virati. Kamma-sarikkhakkaṃ
nāma pāṇātipātaṃ karonto pada-sadda-savana-bhayā agga-
pādehi akkamantā gantvā paraṃ ghātenti. Atha te iminā
kāraṇena tesam taṃ kammaṃ: Jano jānātū ti, anto-vaṅka-
pādā vā bahi-vaṅka-pādā vā ukkutika-pādā vā agga-koṇaṭṭhā¹
vā paṇhi-koṇaṭṭhā¹ vā bhavanti. Agg' agga-pādehi gantvā
parassa amāritabhāvaṃ pana Tathāgatassa sadevako loko
iminā kāraṇena jānātū ti, āyata-paṇhi Mahāpurisa-lakkhaṇaṃ

nibbattati. Tathā param ghātentā unnata-kāyena gacchanto: Aññe pasissantī ti, onatā gantvā param ghātenti. Atha te evam ime gantvā param ghātayimsū ti, nesam tam kammaṃ iminā kāraṇena paro jānātū ti, khujjā vā vāmanā vā pītha-sappī vā bhavanti. Tathāgatassa pana evaṃ gantvā paresaṃ aghātita-bhāvaṃ iminā kāraṇena sadevako loko jānātū ti brahm' ujju-gatta-Mahāpurisa-lakkhaṇaṃ nibbattati. Tathā param ghātentā āvudhaṃ vā muggaraṃ vā gaṇhitvā muṭṭhi-kata-hatthā param ghātenti. Te evaṃ tesam parassa ghātita-bhāvaṃ: Iminā kāraṇena jano jānātū ti, rass' aṅgulī vā rassa-hatthā vā vaṅk' aṅgulī vā phaṇa-hatthakā vā bhavanti. Tathāgatassa pana evaṃ paresaṃ aghātita-bhāvaṃ: Sadevako loko iminā kāraṇena jānātū ti digh' aṅgulī-Mahāpurisa-lakkhaṇaṃ nibbattati. Idam ettha kamma-sarikkhakaṃ. Idam eva lakkhaṇa-ttayaṃ lakkhaṇaṃ nāma. Dīghâyukabhāvo lakkhaṇānisamso.

12. *Marāṇa-vadha-bhayattano* ti ettha marāṇa-saṅkhāto vadho. Marāṇa-vadhato bhayaṃ marāṇa-vadha-bhayaṃ. Tam attano jānitvā *paṭivirato param maraṇāyā* ti ya-thā mayhaṃ maraṇato bhayaṃ mama jīvitam piyaṃ, evaṃ paresam pi ti ñatvā param maraṇato paṭivirato ahosi.

Sucaritenā ti sucittena.

Saggam agamā ti saggam gato.

Caviya-puna-r-idh' āgato ti cavitvā puna idh' āgato.

Dīgha-pāsāniko ti dīgha-paṇhiko.

Brahma-visujjū ti Brahmā viya suṭṭhu uju.

Subhujo ti sundara-bhujo.

Susū ti mahallaka-kāle pi taruṇa-rūpo.

Susaṇṭhito ti saṇṭhāna-sampanno.

Mudu-taluṇ' aṅgulī-y-assā ti mudū ca taluṇā ca aṅgulīyo assā ti mudu-taluṇ' aṅgulī.

Tihi purisa-var' agga-lakkhaṇehī ti purisa-varassa agga-lakkhaṇehi.

Cira-yapanāyā ti ciraṃ yāpanāya dīghâyuka-bhāvāya.

Ciraṃ yapeti ti ciraṃ yāpeti.

Cirataṃ pabbajati yadi tato hī ti tato hi cirataṃ yāpeti yadi pabbajati ti attho.

Yāpayati vas' iddhi-bhāvanāyā ti vasi-ppatto hutvā iddhi-bhāvanāya yāpeti.

13. *Rasitānan* ti rasa-sampannānaṃ.

Khādanīyānan ti ādisu khādanīyāni nāma piṭṭha-khajjak' ādini. *Bhojanīyānī* ti pañca-bhojanīyāni. *Sāyanīyānī* ti sāyitabbāni sappi-navanīt' ādini. *Lehanīyānī* ti nillehitabāni piṭṭha-pāyās' ādini. *Pānādī* ti aṭṭha pānakāni. Idha kammaṃ nāma kappa-sata-sahass' ādhikāni cattāri asaṅkheyāni pi dinnam idaṃ paṇīta-bhojana-dānaṃ. Kamma-sarikkhakaṃ¹ nama lūkha-bhojane kucchigate lohitaṃ sussati, maṃsaṃ milāyati. Tasmā lūkha-dāyakā sattā iminā kāraṇena tesam lūkha-bhojanassa dinnabhāvaṃ jano jānātū ti, appa-maṃsā appa-lohitā manussa-petā viya dullabh'-anna-pānā bhavanti. Paṇīta-bhojane pana kucchigate maṃsa-lohitaṃ vaḍḍhati, paripunṇa-kāyā pāsādikā abhirūpa-dassaniyā honti. Tasmā Tathāgatassa dīgha-rattaṃ paṇīta-bhojana-dāyakattaṃ sadevako loko iminā kāraṇena jānātū ti, sattussada-Mahāpurisa-lakkhaṇaṃ nibbattati. Lakkhaṇaṃ nāma satt' ussada-lakkhaṇaṃ eva. Paṇīta-lābhitaṃ ānisaṃso.

15. *Khajja-bhojjaṃ atha leyya-sāyikan* ti khajjakaṇ ca bhojanaṇ ca lehaniyaṇ ca sāyaniyaṇ ca.

Uttam-agga-rasa-dāyako ti uttamo agga-rasa-dāyako, uttamānaṃ agga-rasānaṃ dāyako.

Satta c' ussade ti sattassa ca ussade.

Tad-attha-jotakan ti khajja-bhojj' ādi-jotakaṃ, tesam lābhasamvattanikaṃ ti attho.

Pabbajjam pi cā ti pabbajamāno pi ca.

Tad adhigacchaṭi ti taṃ adhigacchati.

Lābhi-r-uttaman ti lābhiṃ uttamam.

16. *Dānenā* ti ādisu ekacco dānen' eva saṅgaṇhitabbo hoti, taṃ dānena saṅgaheṣi. Pabbajitānaṃ pabbajita-parikkhāraṃ gihīnaṃ gihi-parikkhāraṃ adāsi.

Peyya-vācenā ti ekacco hi ayaṃ dātappaṃ nāma deti, ekena pana vacanena sabbam makkhetvā nāseti: "Kiṃ etassa dānaṃ?" ti vattā hoti. Ekacco ayaṃ kiñcāpi dānaṃ na deti, kathento pana telena viya makkheti: "Esa detu vā mā vā,

vacanam eva tassa sahaṣṣaṃ agghatī ” ti vattā hoti. Evarūpo puggalo dānaṃ na paccāsiṃsati, piya-vacanam eva paccāsiṃsati. Taṃ piya-vacanena saṅgahesi.

Attha-cariyāyā ti attha-saṃvaddhana-kathāya. Ekacco hi n’ eva dānaṃ na piya-vacanaṃ paccāsiṃsati, attano hita-kathaṃ vaddhi-kathaṃ eva paccāsiṃsati: Evarūpaṃ puggalaṃ idaṃ te kātappaṃ, idaṃ te na kātappaṃ, evarūpo puggalo sevitabbo, evarūpo puggalo na sevitabbo ti, evaṃ attha-cariyāya saṅgahesi.

Samānattatāyā ti samāna-sukha-dukkha-bhāvena. Ekacco hi dān’ ādisu ekam pi na paccāsiṃsati, ek’ āsane nipajjaṃ ekapallaṅke sayanaṃ ekato bhojanan ti, evaṃ samāna-sukha-dukkhataṃ paccāsiṃsati. Tattha jātiyā hīno bhogena adhiko dussaṅgaho hoti. Na hi sakkā tena saddhiṃ eka-paribhoge kātum. Tathā akayiramāne ca so kujjhati. Bhogena hīno jātiyā adhiko pi dussaṅgaho hoti. So hi: Ahaṃ jātimā ti, bhoga-sampannaena saddhiṃ eka-paribhogaṃ icchati, tasmīṃ akayiramāne kujjhati. Ubhohi pi hīno pana susaṅgaho hoti. Na hi so itarena saddhiṃ eka-paribhogam icchati, na akayiramāne kujjhati. Ubhohi sadiso pi susaṅgaho yeva. Bhikkhusu dussīlo dussaṅgaho hoti. Na hi sakkā tena saddhiṃ eka-paribhogaṃ kātum, akayiramāne kujjhati. Sīlavā dussaṅgaho hoti. Sīlavā hi adīyamāne pi akayiramāne pi na kujjhati. Aññaṃ attanā saddhiṃ paribhogaṃ akarontaṃ pi na pāpakena cittena passati, paribhogo pi tena saddhiṃ sukarō hoti. Tasmā evarūpaṃ puggalaṃ evaṃ samānattatāya saṅgahesi.

17. *Susaṅgahitā ’ssa hontī* ti susaṅgahitā assa honti: Detu vā mā vā detu, karotu vā mā vā karotu ti, susaṅgahitā va honti. Na bhijjanti, yadā ’ssa dātappaṃ hoti, tadā deti. Idāni maññe n’ atthi, tena na deti. Kiṃ mayaṃ dadamānam eva upatṭhahāma ? adentaṃ akarontaṃ na upatṭhahāma ti, evaṃ cintenti. Idha kammaṃ nāma dīgha-rattaṃ kataṃ dān’ ādi-saṅgaha-kammaṃ. Kamma-sarikkhakaṃ nāma yo evaṃ asaṅgāhako hoti, so iminā kāraṇena ’ssa asaṅgāhakabhāvaṃ: jano jānātū ti, chadda-hattha-pādo c’ eva hoti visama-tṭhitass’ eva lakkhaṇo ca. Tathāgatassa pana dīgha-rattaṃ saṅgāhakabhāvaṃ sadevako loko iminā kāraṇena jānātū ti, imāni

dve lakkhaṇāni nibbattanti. Lakkhaṇaṃ nāma idam eva lakkhaṇa-dvayaṃ. Susaṅgahita-parijanatā ānisaṃso.

18. *Kariyā* ti karitvā.

Cariyā ti caritvā.

Anavamatenā ti anavañātena. Anapamadenā ti pi pāṭho. Na apamadena na dītena¹ na gabbitenā² ti attho.

Caviyā ti cavitvā.

Atirucira-suvaggu-dassaneyyan ti atirucirañ ca supāsā-dikaṃ suvagguñ ca suṭṭhu-chekkaṃ dassaneyyañ ca daṭṭhabbayuttam.

Susu-kumāro ti suṭṭhu-sukumāro.

Parijanassa vo ti parijano assa vo vacanakaro.

Vidheyyo ti kattabbā kattabbesu yathā-ruciṃ vidhātabbo.

Mahiman ti mahiṃ imaṃ.

Piyavadu-hita-sukhataṃ jigimsamāno ti piya-vādo hutvā hitaṃ ca pariyesamāno.

Vacana-paṭikarass-abhippasannā ti vacana-paṭikarā assa abhippasannā.

Dhammānudhamman ti dhammañ ca anudhammañ ca.

19. *Atth' upasaṃhitā* ti idhaloka-paralok' attha-nissitaṃ.

Dhammūpasaṃhitā ti dasa-kusala-kamma-patha-nissitaṃ.

Bahujanam nidaṃseti ti bahujanassa nidaṃsana-kathaṃ katheti.

Pāṇīnan ti sattānaṃ.

20. *Aggo* ti ādini sabbāni aññam-añña-vevacanāni. Idha kammaṃ nāma dīgha-rattaṃ bhāsitaṃ uddhaṃ-gamanīyā atth' upasaṃhitā vācā. Kamma-sarikkhakaṃ nāma yo evarūpaṃ uggata-vācaṃ na bhāsati, so iminā 'ssa kāraṇena uggata-vācāya abhāsaṇaṃ jano jānātū ti, adhogata-saṅkha-pādo ca hoti adhogata-lomo ca. Tathāgatassa pana dīgha-rattaṃ evarūpāya uggata-vācāya bhāsita-bhāvaṃ sadevako loko iminā lakkhaṇena jānātū ti ussaṅkha-pāda-lakkhaṇaṃ ca uddhagga-loma-lakkhaṇaṃ ca nibbattati. Lakkhaṇaṃ nāma idam eva lakkhaṇa-dvayaṃ. Uttama-bhāvo ānisaṃso.

¹ Sic SS; B dinnena.

² Sic SS; B gabbhitena.

21. *Erayan* ti bhaṇanto.

Bahujanam nidaṃsatī ti bahujanassa hitaṃ dassesi.

Dhamma-yāgan ti dhamma-dāna-yaññaṃ.

Ubbham-uppatita-loma-vāsaso ti so esa uddhaṃ uggata-loma-vāho ti.

Pāda-gaṇṭhi ahū ti pāde gopphakā ahesuṃ.

Sādhū saṇṭhitā ti suṭṭhu saṇṭhitā.

Mamsa-lohita-citā ti mamsahi ca lohiteṇa ca ācitā.

Tac' otatā ti tacena pariyonaddhāni gūlha.

Vajati ti gacchati.

Anoma-nikkamo ti anoma-vihārī seṭṭha-vihārī.

22. *Sippaṃ vā* ti ādisu sippaṃ nāma dve sippāni, hīnaṃ ca sippaṃ ukkaṭṭhaṃ ca sippaṃ. Hīnaṃ nāma sippaṃ naḷakāra-sippaṃ kumbhakāra-sippaṃ pesakāra-sippaṃ nahāpita-sippaṃ. Ukkaṭṭhaṃ nāma sippaṃ lekha muddā gaṇanā.

Vijjā ti ahi-vijj' ādi anekavidhā.

Caraṇaṃ ti pañca-sīlaṃ dasa-sīlaṃ pāṭimokkha-saṃvara-sīlaṃ.

Kammaṃ ti kammassakat' ājānana-pañña.

Kilisseyyaṃ ti kilameyyuṃ. Antevāsika-vattaṃ nāma dukkhaṃ. Taṃ tesam mā ciraṃ ahoṣi ti cintesi.

23. *Rājārahāṇī* ti rañño anurūpāni hatthi-ass' ādini. Tāni yeva rañño senāya agga-bhūtattā *rāj' aṅgānī* ti vuccanti.

Rāj' upabhogaṇī ti rañño upabhoga-paribhoga-bhaṇḍāni c' eva satta-ratanāni ca.

Rājānucchavikāṇī ti rañño anucchavikāni. Tesam yeva sabbesaṃ idaṃ gahaṇaṃ.

Samaṇārahāṇī ti samaṇānaṃ anurūpāni cīvar' ādini.

Samaṇ' aṅgānī ti samaṇānaṃ koṭṭhāsabhūtā catasso parisā.

Samaṇ' upabhogaṇī ti samaṇānaṃ upabhoga-parikkhārā.

Samaṇānucchavikāṇī ti tesam ñeva adhivacanaṃ.

Idha kammaṃ nāma digha-rattaṃ sakkacca-sipp' ādi-vācanaṃ. Kamma-sarikkhakaṃ nāma yo evaṃ sakkaccaṃ sippaṃ avācento antevāsike ukkuṭik' āsana-jaṅghe pesanik' ādini kilameti, tassa jaṅgha-mamsaṃ likhitvā pātikaṃ viya hoti. Tathāgatassa pana sakkacca-vācītābhāvaṃ sadevako loko iminā kāraṇena jānātū ti anupubbaṃ uggata-vaḍḍhitaṃ

eni-jaṅgha-lakkhaṇaṃ nibbattati. Lakkhaṇaṃ nāma idam eva lakkhaṇaṃ. Anucchavika-lābhitā ānisaṃso.

24. *Yat' upaghātāyā* ti yaṃ sippaṃ kassaci upaghātāya na hoti.

Kilissatī ti kilamati.

Sukhuma-ttac' oṭṭhatā ti sukhumā-ttacāya pariyonaddhā. Kiṃ pana aññena kammena aññaṃ lakkhaṇaṃ nibbattati? Na nibbattati. Yaṃ na nibbattati, taṃ anuvyañjanaṃ hoti. Tasmā idam vuttaṃ.

25. *Samaṇaṃ vā* ti samita-pāp' atṭhena samaṇaṃ.

Brāhmaṇaṃ vā ti bāhita-pāp' atṭhena brāhmaṇaṃ.

26. *Mahā-paṇṇō* ti ādisu mahāpaṇṇ' ādihi samannāgato hoti ti attho. Tatth' idam mahāpaṇṇ' ādīnaṃ nānattaṃ. Tattha katamā mahā-paṇṇā? Mahante sīla-kkhandhe parigaṇhatī ti mahā-paṇṇā. Mahante samādhī-kkhandhe paṇṇā-kkhande vimutti-kkhandhe vimutti-ñāṇa-dassana-kkhandhe parigaṇhatī ti mahā-paṇṇā. Mahantāni ṭhānāni mahāvihāra-samāpattiyo mahantāni ariya-saccāni mahante satipaṭṭhāne sammappadhāne iddhipāde mahantāni indriyāni balāni bojjaṅgāni, mahante ariya-magge, mahantāni sāmāñña-phalāni mahā-abhiññāyo, mahantaṃ paramatthaṃ nibbānaṃ parigaṇhatī ti mahā-paṇṇā.

Katamā *puthu-paṇṇā*? Puthu-nānā-khandhesu ñāṇaṃ pavattatī ti puthu-paṇṇā. Puthu-nānā-dhātusu puthu-nānā-āyatanesu puthu-nānā-paṭiccasamuppādesu puthu-nānā-suññatam-anupalabhesu puthu-nānā-atthesu dhammesu niruttisu paṭibhānesu puthu-nānā-sīla-kkhandhesu puthu-nānā-samādhī-paṇṇā-vimutti-vimuttiñāṇa-dassana-kkhandhesu puthu-nānā-ṭhānesu puthu-nānā-vihāra-samāpattisu puthu-nānā-ariyasaccesu puthu-nānā-satipaṭṭhānesu sammappadhānesu iddhipādesu indriyesu balesu bojjaṅgesu puthu-nānā-ariya-maggesu sāmāñña-phalesu-abhiññāsu puthujjana-sādhāraṇe dhamme samatikkamma paramatthe nibbāne ñāṇaṃ pavattatī ti puthu-paṇṇā.

Katamā *hāsu-paṇṇā*? Idh' ekacco hāsu-bahulo veda-bahulo tuṭṭhi-bahulo pāmuja-bahulo sīlam paripūreti, indriya-samvaraṃ paripūreti, bhojane mataññutaṃ jāgariyānuyogaṃ sīla-kkhandhaṃ samādhī-kkhandhaṃ paṇṇā-kkhandhaṃ vi-

mutti-kkhandham vimutti-ñāṇa-dassana-kkhandham paripūretī ti hāsu-paññā. Hāsu-bahulo pāmuja-bahulo tñhā-tñhānam paṭivijjhatī ti hāsu-paññā. Hāsu-bahulo vihāra-samāpattiyo paripūretī ti hāsu-paññā. Hāsu-bahulo ariya-saccāni paṭivijjhatī ti. Satipaṭṭhāne sammappadhāne iddhipāde indriyāni balāni bojjhaṅgāni ariya-maggaṃ bhāvetī ti hāsu-paññā. Hāsu-bahulo sāmāñña-phalāni sacchikaroti abhiññāyo paṭivijjhatī ti hāsu-paññā. Hāsu-bahulo vedatutṭhi-pāmuja-bahulo paramattham nibbānam sacchikaroti ti hāsu-paññā.

Katamā *javana-paññā*? Yaṃ kiñci rūpaṃ atītānagata-paccuppannam yaṃ dūre santike vā sabbaṃ rūpaṃ aniccato khippaṃ javatī ti javana-paññā. Dukkato khippaṃ javatī ti javana-paññā. Anattato khippaṃ javatī ti javana-paññā. Yā kāci vedanā yaṃ kiñci viññāṇam atītānagata-paccuppannam sabbaṃ viññāṇam aniccato dukkato anattato khippaṃ javatī ti javana-paññā . . . pe . . . jarā-maraṇam atītānagata-paccuppannam aniccato dukkato anattato khippaṃ javatī ti javana-paññā. Rūpaṃ atītānagata-paccuppannam aniccaṃ khay' atṭhena dukkhaṃ bhay' atṭhena anattā asārak' atṭhenā ti tulayitvā tīrayitvā vibhāvayitvā vibhūtaṃ katvā rūpa-nirodhe nibbāne khippaṃ javatī ti javanā-paññā . . . Vedanā . . . Saññā . . . Saṅkhārā . . . Viññāṇam . . . Cakkhum . . . Jarā-maraṇam atītānagata-paccuppannam aniccaṃ khay' atṭhena . . . pe . . . vibhūtaṃ katvā jaramaraṇa-nirodhe nibbāne khippaṃ javatī ti javana-paññā. Rūpaṃ atītānagata-paccuppannam . . . Viññāṇam . . . Cakkhum . . . pe . . . Jarā-maraṇam aniccaṃ saṅkhatam paṭicca-samuppannam khaya-dhammaṃ vaya-dhammaṃ virāga-dhammaṃ nirodha-dhammaṃ ti tulayitvā tīrayitvā vibhāvayitvā vibhūtaṃ katvā va jarā-maraṇa-nirodhe nibbāne khippaṃ javatī ti javana-paññā.

Katamā *tikkha-paññā*? Khippaṃ kilese chindatī ti tikkha-paññā. Uppannaṃ kāma-vitakkaṃ nādhivāseti. Uppannaṃ vyāpāda-vitakkaṃ . . . uppannaṃ vihiṃsā-vitakkaṃ . . . uppannuppanne pāpake akusale dhamme . . . uppannaṃ rāgaṃ dosaṃ moham kodham upanāham makkham palāsam issā-macchariyaṃ māyaṃ sātheyyaṃ thamhmaṃ

sārambhaṃ mānaṃ maḍaṃ pamādaṃ sabbe kilesu sabbe duc-carite sabbe abhisankhāre sabbe bhava-gāmi-kamme vā nādhivāseti pajahati vinodeti vyantikaroti anabhāvaṃ gametī ti tikkha-paññā. Ekamhi āsane cattāro ariya-magge, cattāri ca sāmāñña-phalāni, catasso ca patisambhidāyo, cha abhiññāyo adhigatā honti sacchikatā passitā paññāyā ti tikkha-paññā.

Katamā *nibbedhika-paññā* ? Idh' ekacco sabba-saṅkhāresu ubbega-bahulo hoti uttāsa-bahulo ukkaṇṭhana-bahulo anabhirati bahi-mukho na ramati sabba-saṅkhāresu anibbiddha-pubbaṃ appadālita-pubbaṃ lobha-kkhandhaṃ nibbijjhati padāletī ti nibbedhika-paññā. Anibbiddha-pubbaṃ appadālita-pubbaṃ dosa-kkhandhaṃ moha-kkhandhaṃ kodhaṃ upanāhaṃ . . . pe . . . sabbe bhava-gāmike kamme nibbijjhati padāletī ti nibbedhika-paññā.

27. *Pabbajitaṃ upāsītā* ti paṇḍitaṃ pabbajitaṃ upasaṅka-mitvā payirūpāsītā.

Atth' antaro ti yathā eke randha-gavesino upārambha-cittatāya dosaṃ abbhantaraṃ katvā nisāmayanti, evaṃ anisāmetvā atthaṃ abbhantaraṃ katvā attha-yuttaṃ kathaṃ nisāmayi upadhārayi.

Paṭilābha-gatenā ti paṭilābh' atthāya gatenā.

Uppāda-nimittako vidā ti uppāde ca nimitte ca chekā.

Avecca dakkhatī ti ñatvā passissati.

Atthānāsattīsu¹ pariggahesu vā ti ye atthānusāsanesu pariggahā atthānatthaṃ pariggāhak' ādi-ñāṇāni, tesū ti attho.

28. *Akkodhano* ti na anāgāmi-maggena kodhassa pahinattā tathā kho sace pi me kodho uppajjeyya khippam eva naṃ paṭivinodeyyan ti, evaṃ akkodha-vasikataṃ.

Nābhisaññī ti kuṭila-kaṇṭako viya tattha ca cammaṃ tudanto viya na laggi.

Na kuppi na vyāpajjī ti ādisu pubb' uppattiko kopo. Tato balavatāro vyāpādo, tato balavatāro paṭiṭṭhiyyanā. Taṃ sabbaṃ akaronto, na kuppi na vyāpajji na paṭiṭṭhiyi.

Appaccayan ti domanassaṃ.

Pātvākāsī ti na kāya-vikārena na vacī-vikārena vā pākāṭam akāsi. Idha kammaṃ nāma dīgha-rattaṃ akkodhanatā c'

¹ B atthānusiṭṭhisu.

eva sukhum' attharaṇ' ādi-dānañ ca. Kamma-sarikkhakam nāma kodhanassa hi chavi-vaṇṇo āvilo hoti, mukhaṃ duddasiyam, vattha-cchādana-sadisañ ca maṇḍanam nāma n' atthi. Tasmā yo kodhano c' eva vattha-cchādanañ ca adānā¹ pi, so iminā kāraṇen' assa jano kodhan' ādi-bhāvaṃ jānātū ti dubbaṇṇo hoti dussaṇṭhāno. Akodhanassa pana mukhaṃ viroceti, chavi-vaṇṇo vippasīdati. Sattā hi catuhi kāraṇehi pāsādikā honti, āmisa-dānena vā vattha-dānena vā sammajjanena vā akkodhanatāya vā. Imāni cattāri pi kāraṇāni dīgharattaṃ Tathāgatena katān' eva. Ten' assa imesaṃ katabhāvaṃ sadevako-loko iminā kāraṇena jānātū ti suvaṇṇa-vaṇṇam Mahāpurisa-lakkhaṇam nibbattati. Lakkhaṇam nāma idam eva lakkhaṇam. Sukhum' attharaṇ' ādi-lābhitā ānisaṃso.

30. *Abhivissajjī* ti vissajjesi.

Mahim iva suro abhivassan ti suro vuccati devo mahā-paṭhaviṃ abhivassanto devo viya.

Sura-varataro-r-iva Indo ti surānaṃ varataro Indo viya.

Apabbajjam icchan ti apabbajjam gihi-bhāvaṃ icchanto.

Mahati-mahin ti mahantaṃ paṭhaviṃ.

Acchādana-vattha-mokkha-pāpuṇānan ti acchādanānañ c' eva vatthānañ ca uttama-pāpuraṇānañ ca.

Panāso ti vināso.

31. *Mātaram pi puttana samānetā ahoṣī* ti imaṃ kammaṃ rajje ṭhiteṇa sakkā kātum. Tasmā Bodhisatto pi rajjaṃ kārayamāno anto ca nagare catukk' ādisu catusu nagara-dvāresu bahi-nagare catusu disāsu: imaṃ kammaṃ karoṭhā ti, manusse ṭhapesi. Te mātaraṃ: "Kuhim me putto? puttam na passāmi" ti vilapantiṃ pariyesaṃānaṃ disvā: "Ehi amma, puttaṃ dakkhasi" ti, taṃ ādāya gantvā nahāpetvā bhojetvā puttaṃ assā pariyesitvā dassenti. Esa nayo sabbattha. Idha kammaṃ nāma dīgha-rattaṃ nātinaṃ samaṅgibhāva-karaṇaṃ. Kamma-sarikkhakam nāma' nāta-yogi-samaṅgibhūtā aññaṃ-aññaṃ vajjaṃ paṭicchādeti. Kiñcāpi hi te kalahakāle kalahaṃ karonti, ekassa pana dose uppanne aññaṃ jānāpetum na icchanti. "Ayaṃ nāma etassa doso" ti vutte, sabbe

uṭṭhahitvā: “Kena diṭṭhaṃ kena suttaṃ? amhākaṃ ñāṭṭisu evarūpaṃ kattā nāma n’ atthi” ti. Tathāgatenā ca ñāṭṭi-saṅgahaṃ karontena dīgha-rattaṃ idaṃ vajja-paṭicchādana-kammaṃ nāma kataṃ hoti. Ath’ assa: Sadevako loko iminā kāraṇena evarūpassa kammaṃ katabhāvaṃ jānātū ti, koso-hita-vattha-guyha-lakkhaṇaṃ nibbattati. Lakkhaṇaṃ nāma idaṃ eva lakkhaṇaṃ. Pahūta-puttatā ānisaṃso.

33. *Vattha-cchādiyaṇ* ti vatthena chādetabbhaṃ vattha-guyhaṃ.

Amitta-tāpanā ti amittānaṃ patāpanā.

Gihissa pīti-jananā ti gihibhūtaṃ sato pīti-jananā.

2. 1. *Samam jānātī* ti “Ayaṃ Tārakkha-samo, ayaṃ Pokkharasāti-samo” ti: evaṃ tena samaṃ jānātī.

Sāmaṃ jānātī ti sayam jānātī.

Purisaṃ jānātī ti: Ayaṃ seṭṭha-sammato ti, purisaṃ jānātī.

Purisa-visesaṃ jānātī ti muggaṃ māseṇa samaṃ akatvā guṇa-visiṭṭhassa visesaṃ jānātī.

Ayaṃ idaṃ arahatī ti ayaṃ puriso idaṃ nāma dānaṃ mānaṃ sakkāraṃ arahati.

Purisa-visesa-karo pure ahoṣi ti purisa-visesaṃ ñatvā kārako ahoṣi. Yo yaṃ arahati tass’ eva taṃ adāsi. Yo hi kahāpaṇārahassa aṭṭhaṃ deti, so parassa aṭṭhaṃ nāseti. Yo dve kahāpaṇe deti, so attano kahāpaṇaṃ nāseti. Tasmā idaṃ ubhayaṃ pi akatvā yo yaṃ arahati tassa tad eva adāsi.

2. *Saddhā-dhanaṇ* ti ādisu sampatti-paṭilābh’ atthena saddhādīnaṃ dhanabhāvo veditabbo. Idha kammaṃ nāma dīgha-rattaṃ purisa-visesaṃ ñatvā kataṃ saṅgaha-kammaṃ. Kamma-sarikkhakaṃ nāma tad assa kammaṃ sadevako loko iminā kāraṇena jānātū ti, imāni dve lakkhaṇāni nibbattanti. Lakkhaṇaṃ nāma idaṃ eva lakkhaṇa-dvayaṃ. Dhana-sampatti ānisaṃso.

3. *Tuleyyā* ti tulayitvā.

Paviciyyā ti pavicinitvā.

Mahājana-saṅgahataṇ ti mahājana-saṅgahaṃ.

Samekkhamaṇo ti samaṃ pekkhamāno.

Abhinipunā manujā ti atinipunā sukhuma-paññā lakkhaṇa-pāṭhaka-manussā.

Bahu-vividha-gihī tad ārahānī ti bahu vividhāni gihīnaṃ anucchavikāni paṭilabhati.

Daharo susukumāro ti: Ayaṃ daharo kumāro paṭilabhissati ti, vyākariṃsu.

Mahīpatissā ti rañño.

4. *Yoga-kkhema-kāmo* ti yogato khema-kāmo.

Paññāyā ti kammassa katapaññāya.

Idha kammaṃ nāma mahājanassa attha-kāmatā. Kamma-sarikkhakam nāma taṃ mahājanassa attha-kāmatāya vaḍḍhitam eva paccāsiṃsita-bhāvaṃ sadevako loko iminā kāraṇena jānātū ti, imāni samanta-paripūrāni aparihīnāni tīpi lakkhaṇāni nibbattanti. Lakkhaṇaṃ nāma idam eva lakkhaṇa-ttayaṃ. Dhan' ādīhi c' eva saddhādīhi ca aparihāni ānisaṃso.

6. *Saddhāyā* ti okappana-saddhāya pasāda-saddhāya.

Sīlenā ti pañcasīla-dasasīlena.

Sutenā ti pariyatti-savanena.

Buddhiyā ti etesaṃ buddhiyā. “Kin ti etehi vaḍḍhey-yun?” ti evaṃ cintesī ti attho.

Dhammenā ti lokiya-dhammena.

Bahūhi sādhuhi ti aññehi pi bahūhi uttama-guṇehi.

*Asahāna*¹-dhammatan ti asahāna²-dhammaṃ.

7. *Samabhivāhaniyo* ti yathā tila-phalamattam pi jivh-agge ṭhapitaṃ sabbattha pharati, evaṃ samā hutvā vahanti.

Idha kammaṃ nāma aviheṭhana-kammaṃ kamma-sarikkhakam nāma paṇi-ādīhi pahāraṃ laddhassa tattha tattha lohitaṃ saṇṭhāti gaṇṭhi gaṇṭhi hutvā anto va pubbaṃ gaṇhāti, anto va bhijjati, evaṃ so bahu-rogo hoti. Tathāgatena pana dīgha-rattaṃ imaṃ ārogya-kāraṇa-kammaṃ kataṃ. Tad assa sadevako loko iminā kāraṇena jānātū ti, ārogyakaraṃ rasagga-saggi-lakkhaṇaṃ nibbattati. Lakkhaṇaṃ nāma idam eva lakkhaṇaṃ. App' ābādhatā ānisaṃso.

Marāṇa-vadhenā ti: Etaṃ māretha etaṃ ghātethā ti, evaṃ ānattena marāṇa-vadhena.

¹ B aparihāna.

² B aparihīna.

Ubbādhanañyā ti bandhanâgāra-ppavesanena.

Pajasā ti ujukā.

10. *Na ca viṣaṭan* ti kakkāṭo viya akkhīni nīharitvā na kodha-vasena pekkhitā ahosi.

Na ca viṣācikhitan ti vaṅk' akkhi-koṭiyā pekkhitā pi nāhosi.

Na ca pana viceyya-pekkhitā ti viceyya-pekkhitā nāma yo kujjhitvā yadā naṃ paro oloketi tadā nimilati na oloketi. Puna gacchantam kujjhitvā oloketi, evarūpo nāma hoti. Viteyya¹-pekkhitā ti pi pāṭho, ayaṃ ev' attho.

Uju tathā pasaṭam udumano ti uju²-mano hutvā ujjuṃ pekkhitā ahosi. Ye chā ca ujjuṃ tathā pasaṭam vipulaṃ vitthāritam pekkhitā ahosi.

11. *Piya-dassano* ti piyāyamānehi passitabbo.

Idha kammaṃ nāma dīgha-rattam mahājanassa piya-cakkhunā olokana-kammaṃ. Kamma-sarikkhakaṃ nāma kujjhitvā olovento kāṇo viya kāk' akkhī viya hoti vaṅk' akkhī pana āvil' akkhī ca hoti yeva. Pasanna-cittassa pana olokayato akkhīnaṃ pañca-vaṇṇo pasādo paññāyati. Tathāgato ca tathā olokesi. Ath' assa dīgha-rattam piya-cakkhunā olokitabhāvaṃ sadevako loko iminā kāraṇena jānātū ti, imāni netta-sampattī karāni dve Mahāpurisa lakkhaṇāni nibbattanti. Lakkhaṇaṃ nāma idam eva lakkhaṇa-dvayaṃ. Piya-dassanatā ānisaṃso.

12. *Abhiyogino* ti lakkhaṇa-satthe yuttā.

13. *Bahujana-pubbaṅgamo ahoṣī* ti bahujanassa pubbaṅgamo ahosi gaṇa-jeṭṭhako. Tassa diṭṭhānugatim aññe apajjimsu.

Idha kammaṃ nāma pubbaṅgamatā. Kamma-sarikkhakaṃ nāma yo pubbaṅgamo hutvā dān' ādini kusala-kammāni karoti, so amaṅkubhūto sīsaṃ ukkhipitvā pīti-pāmojjena ripuṇṇa-sīso vicarati Mahāpuriso ca hoti. Tathāgato ca tathā akāsi. Ath' assa sadevako loko iminā kāraṇena imaṃ pubbaṅgama-kammaṃ jānātū ti, uṇhisa-lakkhaṇaṃ nibbattati. Lakkhaṇaṃ nāma idam eva lakkhaṇaṃ. Mahā-parivāratā ānisaṃso.

15. *Bahunnaṃ hassatī* ti bahujanassa bhavissatī ti.

¹ Perhaps read Vineyya.

² B uju°.

Paṭibhogiyānī ti veyyāvacca-karā. Etassa bahū veyyāvaccakarā bhavissantī ti attho.

Abhiharanti tadā ti dahara-kāle yeva tadā evaṃ vyākaronṭi.

Pāṭihārikan ti veyyāvacca-kara-bhāvaṃ.

Visavī ti ciṇṇa-vasī.

17. *Upavattatī* ti ajjhāsayaṃ anuvattati.

Idha kammaṃ nāma dīgha-rattaṃ sacca-kathanāṃ. Kamma-sarikkhakam nāma dīgha-rattaṃ advejjha-kathāya parisuddha-kathāya kathitabhāvaṃ assa sadevako loko iminā kāraṇena jānātū ti ek' eka-loma-lakkhaṇaṃ ca nibbattati. Lakkhaṇaṃ nāma idam eva lakkhaṇa-dvayaṃ. Mahājanassa ajjhāsayaṇukūlena anuvattanatā ānisaṃso.

18. *Ek' eka-lomūpacit' āṅgavā* ti ek' ekehi lomehi upacitasarīro.

20. *Abhejja-pariso* ti abhinditabba-pariso.

Idha kammaṃ nāma dīgha-rattaṃ apisuṇa-vācāya kathanāṃ. Kamma-sarikkhakam nāma pisuṇa-vācassa kira samaggabhāvaṃ bhindanato dantā aparipunnā c' eva honti virata ca. Thatāgatassa pana dīgha-rattaṃ apisuṇa-vācatam sadevako loko iminā kāraṇena jānātū ti, idam lakkhaṇa-dvayaṃ nibbattati. Lakkhaṇaṃ nāma idam eva lakkhaṇa-dvayaṃ. Abhejja-parisatā ānisaṃso.

21. *Caturo dasā* ti cattāro dasa cattārīsaṃ.

23. *Ādeyya-vāco hoti* ti gahetabba-vacano hoti.

Idha kammaṃ nāma dīgha-rattaṃ apharusa-vācādītā.¹ Kamma-sarikkhakam nāma ye pharusa-vācā honti te iminā kāraṇena tesam jivhaṃ parivattetvā pharusa-vācāya kathitabhāvaṃ jano jānātū ti baddha-jivhā vā honti guḷa-jivhā vā dvi-jivhā vā mammanā vā. Ye pana jivhaṃ parivattetvā parivattetvā pharusa-vācam na vadanti te baddha-jivhā vā dvi-jivhā vā na honti, mudu tesam jivhā hoti ratta-kambalavaṇṇā. Tasmā Tathāgatassa dīgha-rattaṃ jivhaṃ parivattetvā parivattetvā pharusa-vācāya akathitabhāvaṃ sadevako loko iminā kāraṇena jānātū ti pahūta-jivhā-lakkhaṇaṃ nibbattati. Pharusa-vācam kathentānaṃ ca saddo bhijjati. Te sadda-bhedam katvā pharusa-vācāya kathitabhāvaṃ jano

¹ Sic MSS.

jānātū ti, chinna-ssarā vā honti bhinna-ssarā vā kāka-ssarā vā. Ye pana sara-bheda-karaṃ pharusa-vācaṃ na kathenti, tesam saddo madhuro ca hoti pemaṇiyo ca. Tasmā Tathāgatassa dīgha-rattaṃ sara-bheda-karāya pharusa-vācāya akathitabhāvaṃ sadevako loko iminā kāraṇena jānātū ti brahma-ssara-lakkhaṇaṃ nibbattati. Lakkhaṇaṃ nāma idaṃ lakkhaṇa-dvayaṃ. Ādeyya-vacanatā ānisaṃso.

24. *Ubbāyikan*¹ ti akkosa-yuttatā ābādha-karaṃ.

Bahujana-pamaddanan ti bahujana-maddanaṃ.

Abālhaṃ giram so na 'bhaṇi pharusan ti ettha a-kāro parato bhaṇi-saddena yojetabbo. Bālhaṃ balavatiṃ atipharusaṃ giram so na abhaṇi ti ayaṃ ettha attho.

Susamhitā ti suṭṭhu pema-samhitā.

Sakhilā ti mudukaṃ.

Vācā ti vācāyo.

Kaṇṇa-sukhā ti kaṇṇa-sukhāyo. Kaṇṇa-sukhan ti pi pāṭho. Yathā kaṇṇānaṃ sukhaṃ hoti, evaṃ *erayati* ti attho.

Vedayathā ti vedayittha.

Brahma-ssarattan ti brahma-ssaraṭṭaṃ.

Bahuno bahun ti bahujanassa bahuṃ bahun ti attho.

26. *Appadhamisiko hoti* ti gūṇato vā ṭhānato vā padhaṃ-setuṃ cāvetuṃ asakkuṇeyyo.

Idha kammaṃ nāma palāpa-kathāya akathanāṃ. Kamma-sarikkhakaṃ nāma ye taṃ kathenti te iminā kāraṇena tesam hanukaṃ cāletvā palāpa-kathāya kathitabhāvaṃ jano jānātū ti anto-paviṭṭha-hanukā vā vaṅka-hanukā vā pabbhāra-hanukā vā honti. Tathāgato pana na tathā kathesi. Ten' assa hanukaṃ cāletvā cāletvā dīgha-rattaṃ palāpa-kathāya akathitabhāvaṃ sadevako loko iminā kāraṇena jānātū ti sīha-hanu lakkhaṇaṃ nibbattati. Lakkhaṇaṃ nāma idaṃ eva lakkhaṇaṃ. Appadhamasikatā ānisaṃso.

27. *Avikiṇṇa-vacana-vyappatho cū* ti avikiṇṇa-vacanānaṃ viya purima-Bodhisattānaṃ vacana-vyappatho assā ti avikiṇṇa-vacana-vyappatho.

Dvidu-gama-varatara-hanuttam alatthā ti dvīhi dvīhi gacchati

ti dvidu-gamo. Dvīhi dvīhi catūhi. Catuppadānaṃ varatarassa sīhass' eva hanubhāvaṃ alatthā ti attho.

Manujānādhīpati ti manujānaṃ adhipati.

Tathatto ti tathā-sabhāvo.

30. *Suci-parivāro* ti parisuddha-parivāro.

Idha kammaṃ nāma sammā-jīvitā. Kamma-sarikkhakaṃ nāma yo visamena saṅkiliṭṭh' ājīvena jīvikaṃ kappeti tassa dantā pi visamā honti dāṭhā pi kiliṭṭhā. Tathāgatassa pana samena suddh' ājīvena jīvikaṃ kappitabhāvaṃ sadevako loko imina kāraṇena jānātū ti sama-danta-lakkhaṇaṃ ca susukka-dāṭhā-lakkhaṇaṃ ca nibbattati. Lakkhaṇaṃ nāma idam eva lakkhaṇa-dvayaṃ. Suci-parivāratā ānisaṃso.

31. *Avassajī* ti pahāsi.

Tidiva-pura-vara-samo ti tidiva-pura-varena Sakkena samo.

Lapanajan ti mukhajaṃ, dantaṃ ti attho.

Dija-sama-sukka-suci-sobhana-danto ti dve vāre jātattā dija-nāmakā sukkā suci sabhanā vā assā ti dija-sama-sukka-suci-sobhana-danto.

Na ca janapada-tudanan ti yo tassa cakkavāḷa-paricchinno janapado, tassa aññena tudanaṃ piḷā vā ābādho vā n' atthi.

Hitam pi ca bahujana-sukhaṃ carantī ti bahujanā samāna-sukha-dukkhā hutvā tasmim janapade aññaṃ-aññāssa hitam eva sukhaṃ ca caranti.

Vipāpo ti vigata-pāpo.

Vigata-daratha-kilamatho ti vigata-kāyika-daratha-kilamatho.

Mala-khita-kali-kiles' apanudehī ti rāg' ādi-malānaṃ c' eva rāg' ādi-khilānaṃ ca dosa-kilānaṃ ca sabba-kilesānaṃ ca apanudehi.

Sesaṃ sabbattha uttānam evā ti.

Lakkhaṇa-sutta-vanṇanā niṭṭhitā.

XXXI.

SIGĀLAKA*-SUTTA-VANĀNĀ.

Evam me sutan ti Sigālaka-suttam. Tatrāyaṃ anuttāna-pada-vanṇanā.

Veḷuvane Kalandanivāpe ti. Veḷuvanan ti tassa uyyānassa nāmaṃ. Taṃ kira veḷūhi parikkhittam ahoṣi atṭhārassa-hatthena ca pākārena gopur-atṭāla-yuttam nil-obhāsaṃ manoramam, tena Veḷuvanan ti vuccati. Kalandakā nam c' ettha nivāpaṃ adamsu, tena *kalandakanivāpe* ti vuccati.

Pubbe kira aññataro rājā tattha uyyāne kilan' attham āgato surā-madena matto divā niddam okkami. Parijano pi 'ssa: Sutto rājā ti, puppha-phal' ādihi palobhiyamāno ito cito ca pakkami. Atha surā-gandhena aññatarasmā susira-rukkhā kaṇha-sappo nikkhamitvā rañño abhimukho āgacchati. Taṃ disvā rukkha-devatā: Rañño jivitaṃ dammī ti, kālaka-vesena āgantvā kaṇṇa-mūle saddam akāsi. Rājā paṭibujjhi, kaṇha-sappo nivatto. So taṃ disvā: Imāya kālakāya mama jivitaṃ dinnan ti, kālakanam tattha nivāpaṃ paṭṭhapesi, abhaya-ghosañ ca ghosāpesi. Tasmā taṃ tato-ppabhuti Kalandakanivāpo ti saṅkham gatam. Kalandakā ti hi kālakanam etaṃ nāmaṃ.

Tena kho pana samayenā ti yasmiṃ samaye Bhagavā Rājagaham gocara-gāmaṃ katvā Veḷuvane Kalandakanivāpe viharati, tena samayena.

Sigālako gahapati-putto ti. *Sigālako* ti tassa nāmaṃ. Gahapatissa putto ti *gahapati-putto*. Tassa kira pitā gahapati mahā-sālo nidahitvā ṭhapitā c' assa gehe cattālisa-dhana-

* Concerning the spelling of the title, I would here, as in many other cases of Pāli orthography, give the Sinhalese MSS. the preference and read *Sigāla* instead of *Siṅgāla*. In D.T. Carpenter has preferred *Siṅgāla*. (See D. III. 180, with note.)—It appears that only the Sinhalese MSS. of D.T. read *Sigāl'ovāda-sutta* (evidently because of their familiarity with *Sigāl'ovāda-jātaka*), but not the Burmese nor Siamese texts. All MSS. of the Commentary omit the *ovāda*. But cp. *infra*, p. 942, l. 2 fr. b. (*Sigālovāda-suttanta*).

koṭiyo atthi. So Bhagavati nitthaṃ gato upāsako sot' āpanno. Bhariyā pi 'ssa sot' āpannā yeva. Putto pan' assa assaddho appasanno. Atha naṃ mātā-pitaro abhikkhaṇaṃ evaṃ ovadanti: "Tāta, Satthāraṃ upasaṅkama, Dhammasenā-patiṃ Mahāmoggalānaṃ Mahākassapaṃ asīti mahā-sāvake upasaṅkamā" ti. So evaṃ āha: "N' atthi mama tumhākaṃ samaṇānaṃ upasaṅkamana-kiccaṃ. Samaṇānaṃ santikaṃ gantvā 'bhivanditabbaṃ hoti, oṇamitvā vandantassa piṭṭhi rujaṭi, jānukāni kharāni honti, bhūmiyaṃ nisīditabbaṃ hoti, tattha nisinnassa vatthāni kilissanti jīranti, samīpe nisinnakālato paṭṭhāya kathā-sallāpo hoti, tasmiṃ sati vissāso uppajjati, tato nimantetvā cīvara-piṇḍapāt' ādīni dātabbāni honti. Evaṃ sante attho parihāyati, n' atthi mayhaṃ tumhākaṃ samaṇānaṃ upasaṅkamana-kiccaṃ" ti. Iti taṃ yāvajjivaṃ ovadantā pi matā-pitaro sāsanaṃ upanetuṃ nāsak-khimsu. Ath' assa pitā maraṇa-mañce nipanno: Mama puttassa ovādaṃ dātuṃ vaṭṭatī ti, cintetvā, puna cintesi: Disā tāta namassāhī ti, evaṃ assa ovadaṃ dassāmi. So atthaṃ ajānanto disā namassissati. Atha naṃ Satthā vā sāvaka vā passitvā: "Kim karosī?" ti pucchissanti. Tato "Mayhaṃ pitā: Disā namassanaṃ karohī ti, maṃ ovadatī ti, vakkhati. Ath' assa: Tena tuyhaṃ pitā etā disā namassāpeti. Imā pana disā namassāpeti ti, dhammaṃ desessanti. So Buddha-sāsane guṇaṃ ñatvā puñña-kammaṃ karissatī ti. Atha naṃ āmāntāpetvā: "Tāta pāto va vuṭṭhāya cha disā namasseyyāsī" ti āha. Maraṇa-mañce nipannassa kathā nāma anussaraṇiyyā hoti. Tasmā so gahapati-putto taṃ pitu-vacanaṃ anussaranto tathā akāsi. Tasmā *kālass' eva vuṭṭhāya Rājagahā nikkhamitvā* ti ādi vuttaṃ.

Puthu-disā ti bahu-disā. Idāni tā dassento *puratthimaṃ disaṃ* ti ādim āha.

2. *Pāvisi* ti na tāva pavitṭho: Pavisissāmī ti, nikkhantattā pana antarā-magge vattamāno pi evaṃ vuccati.

Addasā kho Bhagavā ti na idān' eva addasa, paccūsa-samaye pi Buddha-cakkhunā lokaṃ volokento evaṃ disā namassamānaṃ disvā: Ajjāham Sigālakassa gahapati-puttassa gihi-vinayaṃ Sigālovāda-suttantaṃ kathessāmi, mahājanassa sā kathā saphalā bhavissati, gantabbaṃ mayā tatthā ti.

Tasmā pāto va nikkhamitvā Rājagaham piṇḍāya pāvisi. Pavisanto ca nam tath' eva addasa. Tena vuttam *addasā kho Bhagavā* ti.

Etad avocā ti so kira avidūre ʈhitam pi Satthāram passati, disā c' eva namassati. Atha nam Bhagavā suriya-rasmi-samphassena vikasāmānam mahā-padumaṃ viya mukhaṃ vivaritvā *kin nu tvaṃ gahapati-puttā* ti ādikaṃ etad avoca.

Yathā katham pana bhante ti so kira taṃ Bhagavato vacanaṃ sutvā cintesi: Yā kira mama pitarā: Cha disā namassitabbā ti, vuttā, na kira tā etā, aññā kira ariya-sāvakena cha disā namassitabbā, handāham ariya-sāvakena namassitabbā disā yeva pucchitvā namassāmi ti. So tā pucchanto *yathā katham pana bhante* ti ādim āha.

Tattha *yathā* ti nipātamattaṃ.

Katham panā ti idam eva pucchā-padam.

3. *Kamma-kilesā* ti tehi kammehi sattā kilissanti, tasmā *kilesā* ti vuccanti.

Ṭhānehī ti kāraṇehi.

Apāya-mukhānī ti vināsa-mukhānī.

So ti so sot' āpanno ariya-sāvako.

Cuddasa pāpakā 'pagato ti etehi cuddasahi pāpakehi lāma-kehi apeto.

Chaddisā paṭicchādī ti chaddisā paṭicchādentō.

Ubho-loka-vijayāyā ti ubhinnaṃ idhaloka-paralokānaṃ vijinan' atthāya.

Ayañ c' eva loko āraddho hotī ti evarūpassa hi idha-loke pañca verāni na hontī, ten' assa ayañ c' eva loko āraddho hoti paritosito c' eva nipphādito ca. Para-loke pi pañca verāni na hontī, ten' assa ca para-loko ārādhito hoti. Tasmā *so kāyassa bhedā param maraṇā sugatim saggam lokam uppaṇṇati*.

Iti Bhagavā saṅkhepena mātikaṃ ʈhapetvā, idāni tam eva vitthārento *katamassa cattāro kamma-kilesā* ti ādim āha.

Kamma-kilesō ti kammañ ca taṃ kilesa-sampayuttattā kilesō cā ti kamma-kilesō. Sakilesō yeva hi paṇaṃ hanati, nikkilesō na hanati. Tasmā pāṇātipāto *kamma-kilesō* ti vutto. Adinn' ādān' ādisu es' eva nayo.

4. *Athāparan* ti aparam pi tad-attha-paridīpakam eva gāthā-bandhanaṃ avocā ti attho.

5. *Pāpaṃ kammaṃ karotī* ti idaṃ Bhagavā yasmā rāga-kārake dassite akārako pākato hoti, tasmā pāpa-kammaṃ na karotī ti mātikaṃ ṭhapetvā pi desanā-kusalatāya paṭhamataram kāraṃ dassento āha.

Tattha *chandāgatiṃ gacchanto* ti chandena pemena agatiṃ gacchanto akattabbaṃ karonto. Para-padesu pi es' eva nayo.

Tattha yo: Ayam me mitto vā sandiṭṭho vā nātako vā lañcam vā pana me detī ti, chanda-vasena asāmikaṃ sāmikaṃ karoti, ayam chandāgatiṃ gacchanto pāpa-kammaṃ karoti nāma. Yo: Ayam me verī ti, pakati-vera-vasena vā tañkhaṇ' uppattanā kodha-vasena vā sāmikaṃ asāmikaṃ karoti, ayam dosāgatiṃ gacchanto pāpakam kammaṃ karoti nama. Yo pana mandattā momūhattā yaṃ vā taṃ vā vatvā asāmikaṃ sāmikaṃ karoti, ayam mohāgatiṃ gacchanto pāpa-kammaṃ karoti nāma. Yo pana : Ayam rāja-vallabho vā visama-nissito vā, anattam pi me kareyyā ti, bhīto asāmikaṃ sāmikaṃ karoti, ayam bhayāgatiṃ gacchanto pāpakam kammaṃ karoti nāma. Yo pana kiñci bhājanto: Ayam me sandiṭṭho vā sambhatto vā ti, pema-vasena atirekaṃ deti: Ayam me verī ti, dosa-vasena ūnakaṃ deti, yo mohūmattā dinnādinnaṃ ajānamāno kassaci ūnakaṃ kassaci adhikaṃ deti: Ayam mayham adhiyyamāne anattam pi kareyyā ti, bhīto kassaci atirekaṃ deti, so catubbidho pi yathā 'nukkamena chandāgatiyādīni gacchanto pāpakam kammaṃ karoti nāma. Ariya-sāvako pana jīvita-kkhaṃ pāpuṇanto pi chandāgatiṃ ādīni na gacchati. Tena vuttaṃ imehi catūhi ṭhānehi pāpakam kammaṃ na karotī ti.

6. *Nihīyati tassa yaso* ti tassa agati-gāmino kitti-yaso pi parivāra-yaso pi nihīyati parihāyati.

7. *Surā-meraya-majja-pamādatṭhānānuyogo* ti ettha *surā* ti pūva-surā piṭṭha-surā odana-surā kiṇṇa-saṃyuttā sambhāra-saṃyuttā ti pañca surā. *Merayan* ti pupph' āsavo phal' āsavo madhv' āsavo gul' āsavo sambhāra-saṃyutto ti pañca āsavā. Taṃ sabbam pi mada-karaṇa-vasena *majjam*.

Pamādatṭhānan ti pamāda-kāraṇaṃ. Yāya cetanāya taṃ majjam pivanti tassā etaṃ adhivacanam. *Anuyogo* ti tassa surā-meraya-majja-pamādatṭhānassa anuyogo punappuna-karaṇaṃ. Yasmā pana etaṃ anuyuttassa uppannā c'

eva bhogā parihāyanti anuppannā c' anuppajjanti, tasmā *bhogānaṃ apāya-mukhaṃ* ti vuttaṃ.

Vikāla-visikhā-cariyānuyogo ti avelāya visikhā-sucariyānuyuttatā.

Samajjābhicaraan ti nacc' ādi-dassana-vasena samajjā-gamanam.

Ālassānuyogo ti kāy' ālasiyatāya yutta-payuttatā.

8. Evaṃ channaṃ apāya-mukhānaṃ mātikaṃ t̐hapetvā idāni tāni vibhajanto *cha kho' me gahapati-putta ādīnavā* ti ādim āha.

Tattha *sandiṭṭhikā* ti sāmaṃ passitabbā idha-loka-bhavinī.

Dhana-jānī ti dhana-hāni.

Kalaha-ppavaḍḍhanī ti vācā-kalahassa c' eva hattha-parā-mās' ādi-kalahassa ca vaḍḍhanī.

Rogānaṃ āyatanaṃ ti tesam tesam akkhi-rog' ādīnaṃ khet-tam.

Akitti-sañjananī ti suraṃ pivitvā mātaraṃ paharanti pita-ram pi, aññaṃ pi bahuṃ avattabbaṃ vadanti akātabbaṃ karonti. Tena garaham pi daṇḍam pi hattha-pād' ādi-chedaṃ pi pāpuṇanti, idha-loke pi para-loke pi akittiṃ pāpuṇanti. Iti tesam sā surā *akitti-sañjananī* nāma hoti.

Kopīna-nidaṃsanī ti guyha-ṭhānaṃ hi vivariyamānaṃ hirim kopeti vināseti, tasmā *kopīnaṃ* ti vuccati. Surā-madamattā ca taṃ taṃ aṅgaṃ vivaritvā vicaranti, tena tesam sā surā kopīnassa nidaṃsanato *kopīna-nidaṃsanī* ti vuccati.

Paññāya dubbālī-karaṇī ti Sāgatatherassa viya kammaṣa-katapuññaṃ dubbalaṃ karoti, tasmā *paññāya dubbālī-karaṇī* ti vuccati. Magga-paññaṃ pana dubbalaṃ kātum na sakoti. Adhigata-maggānaṃ hi sā anto-mukhaṃ eva na pavī-sati.

Chaṭṭhaṃ padan ti chaṭṭhaṃ kāraṇam.

9. *Attā pi 'ssa agutto arakkhito hoti* ti avelāya caranto hi khānu-kaṇṭak' ādīni pi akkamati, ahinā pi yakkh' ādīhi pi samāgacchati: Taṃ taṃ ṭhānaṃ gacchatī ti, nātvā verino pi taṃ niliyitvā gaṇhanti vā hananti vā. Evaṃ *attā pi 'ssa agutto hoti arakkhito*.

Putta-dāro pi amhākaṃ pitā amhākaṃ sāmī rattim vicarati, kim aṅgaṃ pana mayan ti iti 'ssa putta-dhītaro pi bha-

riyā pi bahi patthanaṃ katvā rattim carantā anaya-vyasanam pāpuṇanti. Evaṃ *putta-dāro pi 'ssa agutto arakkhito hoti.*

Sāpateyyan ti tassa putta-dāra-parijanassa rattim-carana-bhāvaṃ ñatvā, corā suñña-gehaṃ pavisitvā yaṃ icchanti taṃ haranti. Evaṃ *sāpateyyam pi 'ssa aguttaṃ arakkhitaṃ hoti.*

Saṅkiyo ca hoti ti: Aññehi kata-pāpa-kammesu pi iminā kataṃ bhavissatī ti, saṅkitabbo hoti, yassa-yassa ghara-dvārena yāti, tattha yaṃ aññena cora-kammaṃ paradārika-kammaṃ vā kataṃ, taṃ iminā katan ti vutte abhūtaṃ asantaṃ pi asmim rūhati patitthāti.

Bahunnañ ca dukkha-dhammānaṃ ti: Ettakaṃ dukkhaṃ ettakaṃ domanassan ti, vattum na sakkā, aññasmim pi pugale asati sabbam vikāla-cārimhi āharitabbaṃ hoti. Iti so bahunnaṃ dukkha-dhammānaṃ dukkhato pure gāmi hoti.

10. *Kva naccan* ti “Kasmim thāne naṭa-nāṭak’ ādi-naccaṃ atthī?” ti pucchitvā, yasmim gāme vā nigame vā taṃ atthi tattha gantabbaṃ hoti. Tassa: Sve nacca-dassanaṃ gamisāmī ti, ajja vattha-gandha-māl’ ādini paṭiyādentass’ eva sakala-divasam pi kamma-cchedo hoti nacca-dassanena ekāham pi dviha-tiham pi tath’ eva hoti. Atha vuṭṭhi-sampattiy-ādini labhitvā pi vapp’ ādi-kāle vapp’ ādini akarontassa anuppannā bhogā n’ uppajjanti. Tassa bahi-gata-bhāvaṃ ñatvā anārakkhe gehe corā yaṃ icchanti taṃ karonti. Ten’ assa uppannā pi bhogā vinassanti.

Kva gītan ti ādisu pi es’ eva nayo. Tasaṃ nānā-karaṇaṃ Brahmajāle vuttam eva.

11. *Jayaṃ veran* ti jitaṃ mayā ti, parisamajjhe parassa sātakaṃ vā veṭhanaṃ vā gaṇhāti. So parisamajjhe: Me avamānaṃ karosi, hotu sikkhāpessāmi taṃ ti, tattha veraṃ bandhati. Evaṃ jinanto veraṃ pasavati.

Jino ti aññena jito samāno yaṃ tena tassa veṭhanaṃ vā sātako vā aññaṃ vā pana hiraññaṃ suvaṇṇ’ ādi-vittaṃ gahitaṃ anusocati: Ahosi vata me taṃ, n’ atthī ti, tappaccayā socati. Evaṃ *jino vittaṃ anusocati.*

Sabhā-gatassa vacanaṃ na rūhati ti vinicchaya-tthāne sakhi-putthassa sato vacanaṃ na patitthāti: Ayaṃ akkhaṇḍo jūta-karo, mā tassa vacanaṃ gaṇhitthā ti, vattāro bhavanti.

Mittāmaccānaṃ paribhūto hoti ti taṃ hi mittāmaccā evaṃ vadanti: “Samma tvam pi nāma kulaputto jūta-karo chinna-bhinnako hutvā vicarasi, na te idaṃ jāti-gottānaṃ anurūpaṃ, ito paṭṭhāya mā evaṃ kareyyāsi” ti. So evaṃ vutto pi tesam vacanaṃ na¹ karoti. Tato tena saddhiṃ ekato na tiṭṭhanti na nisīdanti. Tassa kāraṇā sakkhi-putṭhā pi na kathenti. Evaṃ *mittāmaccānaṃ paribhūto hoti*.

Āvāha-vivāhakānaṃ ti āvāhakā nāma ye tassa gharato dāra-kam gahetu-kāmā. Vivāhakā nāma ye tassa gehe dārikam dātu-kāmā.

Apatthito hoti ti anicchito hoti.

Nālaṃ dāra-bharaṇāyā ti dāra-bharaṇ’ atthāya na samattho. Etassa gehe dārikā dinnā pi, etassa gehato āgatā pi, amhehi eva positabbā bhavissati.

12. *Ye dhuttā* ti akkha-dhuttā.

Soṇḍā ti itthi-sonḍā bhatta-sonḍā pūva-sonḍā mūla-sonḍā.

Pipāsā ti pāna-sonḍā.

Nekatikā ti paṭirūpakena vañcanakā.

Vañcanikā ti sammukhā vañcanā hi vañcanikā.

Sāhasikā ti ekāgārik’ ādi-sāhasa-kamma-kārino.

Tyassa mittā hontī ti te assa mittā hontī, aññehi sappurisehi saddhiṃ na ramati, gandha-māl’ ādihi alaṅkaritvā, vara-sayanaṃ aropita-sūkaro gūtha-kūpaṃ iva, te pāpa-mitte yeva upasaṅkamati. Tasmā diṭṭhe c’ eva dhamme samparāyaṇī ca bahum anattaṃ nigacchati.

13. *Atisītan ti kammaṃ na karotī* ti manussehi kālass’ eva vuṭṭhāya: Etha bho kammantaṃ gacchāmā ti, vutto, atisītaṃ, tāva atṭhīni bhijjanti viya, gacchatha tumhe, pacchā jānissāmī ti, aggim tapanto nisīdati. Te gantvā kammaṃ karonti, itarassa kammaṃ parihāyati.

Ati-unṇhan ti ādisu es’ eva nayo.

14. *Hoti pāna-sakhā nāmū* ti ekacco pāna-ṭṭhāne surā-gehe yeva sahāyo hoti. *Pāna-sakhā* ti pi pāṭho. Ayam ev’ attho.

Sammiya-sammiyo ti: Samma-sammā ti, vadanto sammukhe yeva sahāyo hoti, parammukhe verī-sadiso otāram eva gavesati.

Atthesu jātesū ti tathārūpesu kiccesu samuppannesu.

Vera-ppasaṅgo ti vera-bahulatā.

Anatthātā ti anatta-kāritā.

Sukadariyatā ti suṭṭhu-kadariya-thaddha-macchariya-bhāvo.

Udakam iva iṇaṃ vigāhati ti pāsāṇo udakam viya sīdanto iṇaṃ vigāhati.

Rattiṃ 'nutthāna-dassinā ti rattiṃ anuṭṭhāna sīlena.

Atisāyam idaṃ ahū ti: Idaṃ atisāyam jātan ti, evaṃ vatvā kammaṃ na karonti.

Iti vissattha-kammante ti evaṃ vatvā pariccatta-kammante.

Atthā accenti mānave ti evarūpe puggale atthā atikkamanti, tesu na tiṭṭhanti.

Tiṇā bhiyyo ti tiṇato pi uttarim.

So sukhā na viḥāyatī ti so puriso sukhaṃ na jahāti, sukha-samaṅgī yeva hoti. Iminā kathā-maggena imaṃ atthaṃ dasseti gihi-bhūtena satā ettakaṃ kammaṃ na kattabbam, karontassa vaddhi nāma n' atthi, idha-loke para-loke garaham eva pāpunāti ti.

15. Idāni yo evaṃ karoto anatto uppajjati, aññāni vā pana yāni-kānici bhayāni ye keci upaddavā ye keci upasaggā, sabbe te bālaṃ nissāya uppajjanti. Tasmā evarūpā bālā na sevittabbā ti bāle mitta-paṭirūpake amitte dassetuṃ, *Cattāro 'me gahapatiputtā amittū* ti ādim āha.

Tattha *aññadatthu-haro* ti sayam tuccha-hattho āgantvā ek' aṃsena yaṃ kiñci harati yeva.

Vacī-paramo ti vacana-paramo, vacana-matten' eva dāyako viya hoti.

Anuppiya-bhāṇī ti anuppiyaṃ bhaṇati.

Apāya-sahāyo ti bhogaṇaṃ apāyesu sahāyo hoti.

16. Evaṃ cattāro amitte dassetvā puna tattha ek' ekaṃ catūhi kārāṇehi vibhajanto *Catūhi kho gahapatiputtā* ti ādim āha.

Tattha *aññadatthu-haro hoti* ti ek' aṃsen' eva hārako yeva hoti sahāyassa geḥaṃ ritta-hattho āgantvā nivattha-sālāk' ādinaṃ vaṇṇaṃ bhāsati. So: Ativiya tvaṃ samma imassa vaṇṇaṃ bhāsasi ti, aññaṃ nivāsetvā taṃ deti.

Appena bahum icchatī ti yaṃ kiñci appakaṃ datvā tassa santikā bahum pattheti.

Bhayassa kiccaṃ karotī ti attano bhaye uppanne tassa sayam dāso viya hutvā taṃ taṃ kiccaṃ karoti; ayaṃ sabbadā na karoti, bhaye upanne karoti, na pemeṇā ti *amitto nāma jāto*.

Sevati attha-kāraṇā ti mitta-santhava-vasena na sevati, attano attham eva paccāsimsanto sevati.

17. *Atītena paṭisantharatī* ti sahāye āgate: Hiyvo vāpare vā na āgato 'si, amhākaṃ imasmim vāre sassam ativiya nipphanam bahūni sāli-yava-bij' ādini tṭhapetvā maggaṃ olokentā nisīdimha, ajja panna sabbaṃ khīṇaṃ ti, evaṃ atītena saṅgaṇhāti.

Anāgatenā ti: Imasmim vāre amhākaṃ sassam manāpaṃ bhavissati, phala-bhāra-bharitā sāli-ādayo, sassa-saṅgahe kate tumhākaṃ saṅgahaṃ kātuṃ samatthā bhavissāmā ti, evaṃ anāgatenā saṅgaṇhanti.

Nirattakenā ti hatthi-khandhe vā assa-piṭṭhe vā nisinno sahāyaṃ disvā: "Ehi bho, idha nisidā" ti vadati. Manāpaṃ sātakaṃ nivāsetvā: "Sahāyakassa vata me anucchaviko, aññaṃ pana mayhaṃ n'atthī" ti vadati. Evaṃ nirattakena saṅgaṇhāti nāma.

Paccuppannesu kicesu vyasanaṃ dassetī ti: Sakaṭena me attho ti, vutte: Cakkam assa bhinnaṃ, akkho bhinno ti, ādini vadati.

18. *Pāpakam pi 'ssa anujānāti* ti pāṇātipāt' ādisu: Yaṃ kiñci karomā ti, vutte: Sādhū samma, karomā ti, anujānāti. Kalyāṇe pi es' eva nayo.

19. *Sahāyo hotī* ti asuka-tṭhāne suraṃ pivanti: Ehi tattha gacchāmā ti vutte: Sādhū ti, gacchati. Es' eva nayo sabbattha.

20. *Iti viññāyā* ti mitta-paṭirūpakā ete ti, evaṃ jānitvā.

21. Evaṃ na sevitabbe pāpa-mitte dassetvā, idāni sevitabbe kalyāṇa-mitte dassento, puna *Cattāro 'me gahapati puttā* ti ādim āha.

Tattha *suhadā* ti sundara-hadayā.

22. *Pamattaṃ rakkhatī* ti majjaṃ pivitvā gāma-majjhe vā gāma-dvāre vā magge vā nipannaṃ disvā, evaṃ nipannassa: Kocid eva nivāsana-pāpuraṇaṃ vā hareyyā ti, samūpe nisīditvā, pabuddha-kāle gahetvā gacchati.

Pamattassa sāpateyyan ti sahāyo bahi-gato vā hoti, suraṃ pivitvā vā matto, gehaṃ anārakkhaṃ: Kocid eva yaṃ kiñci vittaṃ hareyyā ti, gehaṃ pavisitvā tassa dhaṇaṃ rakkhati.

Bhūtassā ti kismimcid eva bhaye uppanne: Mā bhāyi, mādise sahāye ṭhite kiṃ bhāyasī ti, taṃ bhayaṃ haranto¹ paṭisaraṇaṃ hoti.

Tad dviguṇaṃ bhogaṇ ti kicca-karaṇiye uppanne sahāyaṃ attano santikaṃ āgataṃ disvā vadati: “Kasmā āgato ‘sī?” ti. “Rāja-kule kammaṃ atthī” ti. “Kiṃ laddhuṃ vaṭṭatī?” ti. “Eko kaḥāpaṇo” ti. “Nagare kammaṃ nāma eka-kaḥāpaṇena na nippajjati, dve gaṇhāhī” ti: evaṃ yattakaṃ vadati, tato diguṇaṃ deti.

23. *Guyhaṃ assa ācikkhaṭī* ti attano guyhaṃ nigūhituṃ yutta-kathaṃ aññassa akathetvā tass’ eva ācikkhati.

Guyhaṃ assa pariguyhaṭī ti tena kathitaṃ guyhaṃ atthaṃ yathā añño na jānāti evaṃ rakkhati.

Āpadāsu na vijahatī ti uppanne bhaye na pariccajati.

Jīvitam pi ’ssa atthāyā ti attano jīvitam pi tassa sahāyassa atthāya pariccattam eva hoti. Jīvitam agaṇetvā pi tassa kiccaṃ karoti yeva.

24. *Pāpā nivāreti* ti: Amhesu passantesu tvaṃ evaṃ kātum na labhati, pañca verāni dasa akusala-kamma-pathe mā karohī ti, nivāreti.

Kalyāṇe nivesetī ti kalyāṇa-kamme tisu saraṇesu pañcasu sīlesu dasa kusala-kamma-pathesu vattassu dānaṃ deti: Puñña-kammaṃ karohi, dhammaṃ suṇāhī ti, evaṃ kalyāṇe niyojati.

Assutaṃ vāceti ti assuta-pubbaṃ sukhumaṃ nipuṇaṃ kāraṇaṃ sāveti.

Saggassa maggaṇ ti: Imaṃ kammaṃ katvā sagge nibbattantī ti, evaṃ saggassa maggaṃ ācikkhati.

25. *Abhaven’ assa na nandatī* ti tassa abhavana avuḍḍhiyā putta-dārassa vā parijanassa vā tathārūpaṃ pārijuññaṃ disvā vā sutvā vā na nandati anattamaṇo hoti.

Bhavenā ti vaḍḍhiyā tathārūpaṃ assa-sass’ ādi-sampattiṃ

vā issariya-paṭilābham vā disvā vā sutvā vā nandati attamano hoti.

Avanṇaṃ bhaṇamānaṃ nivāreti ti: “Asuko virūpo na pāsādiko dujjātiko dussīlo” ti vā vutte: Evaṃ mā bhaṇi, rūpavā ca so, pāsādiko ca sujāto ca sīla-sampanno cā ti, ādivacanehi paraṃ attano sahāyassa avanṇaṃ bhaṇamānaṃ nivāreti.

Vanṇaṃ bhaṇamānaṃ pasamsati ti: “Asuko rūpavā pāsādiko sujāto sīla-sampanno” ti vutte: Aho suṭṭhu vadasī. Subhāsitaṃ tayā evaṃ ev’ etaṃ, esa puriso rūpavā pāsādiko sujāto sīla-sampanno ti, evaṃ attano sahāyakassa paraṃ vanṇaṃ bhaṇamānaṃ pasamsati.

26. *Jalaṃ aggaṃ va bhāsatī* ti rattimaṃ pabbata-matthake jalamāno aggaṃ viya virocati.

Bhoge saṃharamānassā ti attānaṃ pi paraṃ pi apīletvā dhammena samena bhoge samvaḍḍhentassa rāsiṃ karontassa.

Bhamarass’ eva iriyato ti yathā bhamaro pupphānaṃ vanṇagandham aheṭṭhayaṃ tuṇḍena pi pakkhehi pi rajaṃ āharitvā anupubbena cakka-ppamānaṃ madhu-paṭalaṃ karoti, evaṃ anupubbena mahantaṃ bhoga-rāsiṃ karontassa.

Bhogā sannicayaṃ yantī ti tassa bhogā nicayaṃ gacchanti. Kathaṃ? Anupubbena upacikāhi saṃvaḍḍhamāno vammiko viya. Ten’ āha vammiko *upacīyati* ti. Yathā vammiko upacīyati evaṃ nicayaṃ yantī ti attho.

Samāgantvā ti samāharitvā.

Alaṃ attho ti yutta-sabhāvo samattho vā pariyatta-rūpo gharāvāsaṃ saṇṭhapetum, idāni yathā vā gharāvāso saṇṭhapetabbo, tathā ovaḍanto *catudhā vibhaje bhoge* ti ādim āha.

Tattha *ghare mittāni ganthati* ti so evaṃ vibhajento mittāni ganthati nāma, abhijjamānāni ṭhapeti. Yassa hi bhogā santi, so eva mitte ṭhapetum sakkoti, na itaro.

Ekena bhoge bhuñjeyyā ti ekena koṭṭhāsena bhoge bhuñjeyya.

Dvīhi kamman ti dvīhi koṭṭhāsehi kasi-vanijj’ ādi-kammaṃ payojeyya.

Nidhāpeyyā ti catuttham koṭṭhāsaṃ nidhāpetvā ṭhapeyya.

Āpadāsu bhaviṣṣatī ti kulānaṃ hi na sabba-kālaṃ ekasadisam vattati, kadāci, rāj’ ādi-vasena āpadā pi uppajjanti,

tasmā evaṃ āpadāsu uppannāsu bhavissatī ti ekaṃ koṭṭhāsaṃ *nidhāpeyyā* ti āha. Imesu pana catusu koṭṭhāsesu katara-koṭṭhāsaṃ gahetvā gahetvā kusalaṃ kātābbaṃ ti? Bhoge bhuñjeyyā ti vutta-koṭṭhāsaṃ. Tato gahetvā bhikkhūnaṃ pi kapaṇ' addhik' ādīnaṃ pi dānaṃ dātābbaṃ pesakāra-nahāpit' ādīnaṃ vetanaṃ dātābbaṃ.

27. Iti Bhagavā ettakena kathā-maggena: Evaṃ gahapati-putta ariya-sāvako catūhi kārāṇehi akusalaṃ pahāya, chahi kārāṇehi bhogānaṃ apāya-mukhaṃ vajjetvā, solasa-mittāni sevanto, gharāvāsaṃ saṇṭhapetvā, dārā-bharaṇ' ādīni karonto, dhammikenā ajīvena jīvati, deva-manussānañ ca antare aggi-kkhandho viya virocātī ti, vajjaniya-dhammaṃ vajjan' atthaṃ sevitābbaṃ sevan' atthañ ca ovādaṃ datvā idāni namassitābbā chad-disā dassento *Kathañ ca gahapatiputtā* ti ādim āha.

Tattha *cha-ddisā paṭicchādī* ti yathā chahi disāhi āgama-naka-bhayaṃ na āgacchati khemaṃ hoti nibbhayaṃ, evaṃ viharanto *cha-ddisā paṭicchādī* ti vuccati.

Puratthimā disā mātā-pitaro veditābbā ti ādisu mātā-pitaro pubbūpakāritāya *puratthimā disā* ti veditābbā.

Ācariyā dakkhiṇeyyatāya *dakkhinā disā* ti.

Putta-dārā piṭṭhito anubandhana-vasena *pacchimā disā* ti.

Mittāmaccā yasmā so mittāmacce nissāya te te dukkha-visese uttaratī, tasmā *uttarā disā* ti.

Dāsa-kamma-karā pāda-mūle patiṭṭhana-vasena *hetthimā disā* ti.

Samāṇa-brāhmaṇā guṇehi upariṭṭhita-bhāvena *uparimā disā* ti veditābbā.

28. *Bhato nesaṃ bharissāmī* ti: Ahaṃ mātā-pitūhi thaññaṃ pāyetvā hattha-pāde vaḍḍhetvā mukhena siṅghānikaṃ apānetvā nahāpetvā maṇḍetvā bhato bharito jaggito, sv' āhaṃ ajja te mahallake pāda-dhovana-nahāpana-yāgu-bhatta-dān' ādihi bharissāmi.

Kiccaṃ nesaṃ karissāmī ti: Ahaṃ attano kammaṃ ṭhapetvā mātā-pitunnaṃ rāja-kul' ādisu uppannaṃ kiccaṃ gantvā karissāmi.

Kula-vaṇsaṃ ṭhapessāmī ti mātā-pitunnaṃ santakaṃ khetta-vatthūhi rañña-suvaṇṇ' ādim avināsetvā rakkhanto

pi kula-vamsaṃ ṭhapeti nāma. Mātā-pitaro adhammika-vamsato hāretvā¹ dhammika-vamse ṭhapento kula-vamsena āgatāni salāka-bhatt' ādini anupacchinditvā pavattento pi kula-vamsaṃ ṭhapeti nāma. Idam sandhāya vuttaṃ *kula-vamsaṃ ṭhapessāmī* ti.

Dāyajjaṃ paṭipajjāmī ti mātā-pitaro attano ovāde avattamāne micchā-paṭipanne dārake vinicchayaṃ patvā aputtakam karonti. Te dāyajjārahā na honti. Ovāde vattamāne pana kula-santakassa sāmike karonti: Ahaṃ evaṃ vattissāmī ti, adhippāyena *dāyajjaṃ paṭipajjāmī* ti vuttaṃ.

Dakkhiṇaṃ anupadassāmī ti tesam patti-dānaṃ katvā tatiya-divas' ādito paṭṭhāya dānaṃ anupadassāmī.

Pāpā nivārentī ti pānātipāt' ādinaṃ diṭṭha-dhammikaṃ samparāyikaṃ ādinaṃ vatvā: Tāta evarūpaṃ mā karī ti, nivārenti, katam pi garahanti.

Kalyāṇe nivesentī ti Anāthapiṇḍiko viya laddhañ ca datvā pi sīla-samādān' ādisu nivesenti.

Sippaṃ sikkhāpentī ti attano ovāde ṭhitabhāvaṃ űatvā vams' āgata-muddā-gaṇan' ādi-sippaṃ sikkhāpentī.

Paṭirūpenā ti kula-sīla-rūp' ādihi anurūpena.

Samaye dāyajjaṃ niyyādentī ti same dhaṇaṃ denti. Tattha nicca-samayo kāla-samayo ti dve samayā. Nicca-samaye denti nāma: Uṭṭhāya samuṭṭhāya imaṃ gaṇha, ayaṃ te paribbayo hotu, iminā kusalaṃ karohī ti, denti. Kāla-samaye denti nāma sikhā-ṭhapana-āvāha-vivāh' ādi-samaye denti. Api ca pacchima-kāle maraṇa-mañce nipannassa: Iminā kusalaṃ karohī ti, dentā pi samaye denti nāma.

Paṭicchannā hotī ti yaṃ puratthima-disato bhayaṃ āgaccheyya yathā taṃ n' āgacchati evaṃ pihitā hoti. Sace hi puttā vipphaṭṭipannā assu, mātā-pitaro dahara-kālato paṭṭhāya jaggan' ādihi supphaṭṭipannā, ete dārakā mātā-pitunnaṃ appaṭirūpā ti, etaṃ bhayaṃ āgaccheyya. Puttā sammā-paṭipannā, mātā-pitaro vipphaṭṭipannā, mātā-pitaro puttānaṃ nānurūpā ti, etaṃ bhayaṃ āgaccheyya. Ubhosu vipphaṭṭipannesu duvidham pi taṃ bhayaṃ hoti.

¹ B hāpetvā.

Sammā-paṭipannesu sabbam nāhosī ti. Tena vuttam paṭicchannā hoti khemā appaṭibhayā ti. Evañ ca pana vatvā Bhagavā Sigālakaṃ etad avoca: “ Na kho te gahapatiputta pitā loka-sammataṃ puratthimaṃ disaṃ namassāpeti, mātā-pitaro pana puratthimā disā sadise katvā namassāpeti. Ayaṃ hi te pitarā puratthimā disā akkhātā no aññā ” ti.

29. *Uṭṭhānenā* ti āsanā uṭṭhānena. Antevāsikena hi ācariyaṃ dūrato va āgacchantam disvā, āsanā uṭṭhāya paccugga-manam katvā haṭṭhato bhaṇḍam gahetvā āsanam paññāpetvā nisīdāpetvā vijāna - pāda - dhovana - makkhanāni kātābbāni. Tam sandhāya vuttam *uṭṭhānenā* ti.

Upaṭṭhānenā ti, divasassa tikkhattum upaṭṭhāna-gamanena. Sippam gaṇhana-kāle pana avassakam eva gantabbam hoti.

Sussūsāyā ti saddahitvā savanena, asaddahitvā suṇanto hi visesaṃ nādhigacchati.

Pāricariyāyā ti avasesa-khuddaka-pāricariyāya. Antevāsikena hi ācariyassa pāto va uṭṭhāya, mukh’ odakaṃ danta-katṭham datvā, bhatta-kicca-kāle pi pāṇiyam gahetvā, pac-cuṭṭhān’ ādīni katvā vanditvā gantabbam. Kiliṭṭha-vatth’ ādīni dhovitaṭṭhāni, sāyam nahān’ odakaṃ paccupaṭṭhāpetabbam, aphāsuka-kāle upaṭṭhātaṭṭhāni. Pabbajitena pi sabbam antevāsika-vattam kātābbam. Idam sandhāya vuttam *pāricariyāyā* ti.

Sakkaccaṃ sippa-paṭiggahanenā ti sakkacca-paṭiggahanam nāma thokaṃ gahetvā bahu-vāre sajjhāya-karaṇam, eka-padam pi visuddham eva gahetabbam.

Survīṇāṃ vinentī ti evaṃ te nisīditaṭṭhāni, evaṃ ṭhātaṭṭhāni, evaṃ khāditaṭṭhāni, evaṃ bhuñjitaṭṭhāni, pāpa-mittā vajjetaṭṭhāni, kalyāṇa-mittā sevitaṭṭhāni ti, evaṃ ācāram sikkhāpentā vinenti.

Suggahītaṃ gāhāpentī ti yathā suggahītaṃ gaṇhāti, evaṃ atthañ ca vyañjanañ ca sodhetvā paṇāsaṃ dassetvā gaṇhāpentī.

Mittāmaccesu parivedentī ti: Ayaṃ amhākaṃ antevāsiko vyatto bahussuto mayā sama-samo, evaṃ sallakkheyyathā ti, evaṃ guṇam kathetvā mittāmaccesu paṭiṭṭhapenti.

Disāsu parittānam karontī ti sippam sikkhāpanen’ ev’ assa

sabba-disāsu rakkhaṃ karonti. Uggahita-sippo hi yaṃ yaṃ disaṃ gantvā sippaṃ dasseti, tattha tatth' assa lābha-sakkāro uppajjati. So ācariyena kato nāma hoti. Guṇaṃ kathento pi 'ssa mahājano : Ācariya-pāde dhovitvā vasita-antevāsiko vata ayan ti, paṭhamaṃ ācariyass' eva guṇaṃ kathenti. Brahma-loka-ppamāṇo pi 'ssa lābho uppajjamāno ācariya-santako va hoti. Api c' ayaṃ vijjaṃ pariappitvā gacchantam aṭaviyaṃ corā na passanti amanussā vā dīgha-jāti-ādayo va na viheṭhenti. Taṃ sikkhāpentā pi *disāsu parittānaṃ karonti*. Yaṃ vā so disaṃ gato hoti, tato kaṅkhaṃ uppādetvā attano santikaṃ āgata-manusse: Etissaṃ disāyaṃ amhākaṃ antevāsiko vasati, tassa ca mayhañ ca imasmiṃ sippe nānā-karaṇaṃ n' atthi. Gacchatha taṃ eva pucchathā ti, evaṃ antevāsikaṃ paggaṇhantā pi tattha lābha-sakkār' uppatiyā parittānaṃ karonti nāma, patitṭhaṃ karonti ti attho. Sesam ettha purima-nayen' eva yojetabbaṃ.

30. Tatiya-disā-vāre *sammānanāyā* ti deve māneti disā māneti: evaṃ sambhāvita-kathā-kathanena.

Avimānanāyā ti yathā dāsa-kammakar' ādayo viheṭhetvā kathenti, evaṃ hīletvā vimānetvā akathanena.

Anaticariyāyā ti taṃ atikkamitvā bahi aññāya itthiyā sadhim paricaranto aticarati nāma tathā akaraṇena.

Issariya-vossaggenā ti itthiyo hi mahā-latāya sadisaṃ pi ābharaṇaṃ labhitvā bhattaṃ vicāretum alabhamānā kujjanti, kaṭacchum hatthe ṭhapetvā: Tava ruciyā karohi ti, bhatta-gehe vissatṭhe sabbaṃ issariyaṃ vissatṭhaṃ nāma hoti evaṃ karaṇenā ti attho.

Alaṅkāraṇuppadānenā ti attano vibhavānurūpena alaṅkāradānenā.

Susaṃvihita-kammantā ti yāgu-bhatta-pacana-kal' ādini anatikkamitvā tassa tassa sādhuṃ karaṇe suṭṭhu-saṃvihita-kammantā.

Susaṅghahita-pariṇā ti sammānan' ādhi c' eva paheṇakapesak' ādhi ca saṅghahita-pariṇā. Idha pariṇāno nāma sāmikkassa c' eva attano ca nāti-jano.

Anaticārinī ti sāmikaṃ muñcitvā aññaṃ manasā pi na pattheti.

Sambhata ti kasi-vaṇijj' ādini katvā ābhattaṃ dhanam.

Dakkhā ca hoti ti yāgu-bhatta-sampādan' ādisu chekā nipunā hoti.

Analasā ti nikkosajjā. Yathā aññā kusitā nisinnatṭhāne nisinnā va honti, ṭhitatṭhāne ṭhitā va, evaṃ ahutvā vipphārikena cittena sabbaṃ kiccaṃ nipphādeti.

Sesaṃ idhāpi purima-nayena, eva yojetabbaṃ.

31. Catuttha-disā-vāre *avisamvādanatāyā* ti yassa yassa nāmaṃ gaṇhāti taṃ avisaṃvādetvā: Idam pi amhākaṃ gehe atthi, idam pi atthi, gaḥetvā gacchāhi ti, evaṃ avisaṃvādetvā dānena.

Apara-pajāñ c' assa paṭipūjenti ti sahāyassa putta-dhītarō pajā nāma. Tesam pana putta-dhītarō ca nattu-panattakā¹ ca apara-pajā nāma. Te paṭipūjenti kelāyanti mamāyanti, maṅgala-kāl' ādisu tesam maṅgalāni karonti.

Sesaṃ idhāpi purima-nayen' eva yojetabbaṃ.

32. *Yathā-balaṃ kammanta-saṃvidhānenā* ti daharehi kātābbaṃ mahallakehi, mahallakehi kā kātābbaṃ daharehi, itthihi kātābbaṃ purisehi, purisehi vā kātābbaṃ itthihi akāretvā tassa balānurūpen' eva kammanta-saṃvidhānena.

Bhatta-vetan' uppādenā ti: Ayaṃ khuddaka-putto, ayaṃ ekavihārī ti, tassa anurūpaṃ sallakkhetvā bhatta-dānena c' eva paribbaya-dānena ca.

Gilān' upatṭhānenā ti aphāsuka-kāle kammaṃ akāretvā sapāya-bhesajj' ādini datvā paṭijagganena.

Acchariyānaṃ rasānaṃ saṃvibhāgenā ti acchariye madhura-rase labhitvā sayam eva akhāditvā tesam pi tato saṃvibhāga-karaṇena.

Samaye vossaggenā ti nicca-samaye ca kāla-samaye ca vossajjanena. Nicca-samaye vossajjanaṃ nāma sakalaṃ divasaṃ kammaṃ karontā kilamanti. Tasmā yathā na kilamanti evaṃ veḷaṃ ṇatvā vissajjanaṃ. Kāla-samaye vossaggo nāma chaṇa nakkhatta-kīl' ādisu alaṅkāra-bhaṇḍaka-khādaniya-bhojanīy' ādini datvā vissajjanaṃ.

Dinnādayino ti corikāya yaṃ kiñci agahetvā sāmikehi dinnass' eva ādayino.

Sukuta-kamma-kārakā ti: Kiṃ etassa kammena katena ? na

mayam kiñci labhāmā ti, anujjhāyitvā tuṭṭha-hadaya, yathā taṃ kammaṃ sukataṃ hoti evaṃ kārakā.

Kitti-vanṇa-harā ti parisamajjhe kathāya sampattāya: Ko amhākaṃ sāmikehi sadiso atthi? Mayaṃ attano dāsa-bhāvam pi na jānāma, tesam sāmika-bhāvam pi na jānāma evaṃ no anukampantī ti, guṇa-kathā-hārakā.

Sesam idhāpi purima-nayen' eva yojetabbaṃ.

33. *Mettena kāya-kammenā* ti ādisu metta-cittam paccupaṭṭhapetvā katāni kāya-kamm' ādini mettāni nāma vuccanti. Tattha bhikkhūni mantessāmi ti vihāra-gamaṇaṃ. Dhamma-karaṃ gahetvā udaka-parissāvanaṃ piṭṭhi-parikamma-pāda-parikamm' ādi-karaṇaṃ ca mettaṃ kāya-kammaṃ nāma. Bhikkhū piṇḍāya pavitṭhe disvā: Sakkaccaṃ yāguṃ detha bhattaṃ dethā ti, ādi-vacanaṃ c' eva sādhu-kāraṃ datvā dhamma-savanaṃ sakkaccaṃ paṭisanthāra-karaṇ' ādini ca mettaṃ vaci-kammaṃ nāma. Amhākaṃ kulūpaka-therā averā hontu avyāpajjhā ti, evaṃ cintanaṃ mettaṃ mano-kammaṃ nāma.

Ānāvata-dvāratāyā ti apihita-dvāratāya. Tattha sabba-dvārāni vivaritvā silavantānaṃ adāyako akārako pihita-dvārako yeva. Sabba-dvārāni pana pidahitvā pi tesam dāyako kārako vivaṭa-dvāro yeva. Iti silavantesu geha-dvāraṃ āgatesu: Santaṃ yeva n' atthi ti, avatvā dātābbaṃ. Evaṃ anāvata-dvāratā nāma hoti.

Āmisānuppādānenā ti pure-bhattaṃ paribhuñjitabbaṃ āmiṣaṃ nāma. Tasmā silavantanaṃ yāgu-bhatta-sampādanā ti attho.

Kalyāṇena manasā anukampantī ti: Sabbe sattā sukhī hontu arogā avyāpajjhā ti, evaṃ hita-pharaṇena. Api ca upaṭṭhākaṇaṃ gehaṃ aññe silavante sabrahmacārī gahetvā pavisantā pi kalyāṇena cetasā anukampanti nāma.

Sutaṃ pariyodapenti ti yaṃ tesam pakatiyā satam atthi, tassa atthaṃ kathetvā kaṅkhaṃ vinodenti, tathattāya vā paṭipajjāpenti.

Sesam idhāpi purima-nayen' eva yojetabbaṃ.

34. *Alam attho* ti putta-dāra-bharaṇaṃ katvā agāraṃ ajjhāvasana-samattho.

Paṇḍito ti disā-namassana-tṭhāne paṇḍito hutvā.

Sanho ti sukhumattha-dassanena saṅha-vācā bhaṇanena vā saṅho hutvā.

Paṭibhānavā ti disā-namassana-tṭhāne paṭibhānavā hutvā.

Nivāta-vutti ti nīca-vutti.

Atthaddho ti thambha-rahito.

Uṭṭhānako ti uṭṭhāna-viriya-sampanno.

Analaso ti nikkosajjo.

Acchidda-vutti ti nirantara-karaṇa-vasena akhaṇḍa-vutti.

Medhāvī ti tṭhān' uppattiyā paññāya samannāgato.

Saṅgāhako ti catuḥ saṅgaha-vatthūhi saṅgaha-karo.

Mittakaro ti mitta-gavesano.

Vadaññū ti pubba-kārinā vutta-vacanam jānāti. Sahā-yassa gharam gata-kāle: Mayham sahāyakassa veṭhanam detha sātakaṃ detha manussānam bhatta-vetanam dethā ti, vutta-vacanam anussaranto, tassa attano geham āgatassa tattakam vā tato atirekam vā paṭikattā ti attho. Api ca sahāyassa gharam gantvā: Idam nāma gaphissāmī ti, āgataṃ sahāyakam lajjāya vaditum asakkontaṃ anicchāritam pi tassa vācam ñatvā yen' atthena so āgato taṃ nipphādentō vadaññū nāma. Yena yena vā pana sahāyassa ūnam hoti, oloketvā taṃ taṃ dento pi vadaññū yeva.

Netā ti taṃ taṃ attham dassento paññāya netā. Vividhāni kāraṇāni dassento netī ti *vinetā*. Punappuna netī ti *anunetā*.

Tattha tatthā ti tasmim tasmim puggale.

Rathass' āṇi va yāyato ti yathā āṇiyā sati yeva ratho yāti, asati na yāti, evaṃ imesu saṅgahesu sati yeva loko vattati, asati na vattati. Tena vuttaṃ *ete kho saṅgahā loke rathass' āṇiva yāyato* ti.

Na mātā putta-kāraṇā ti yadi mātā ete saṅgahe puttassa na kareyya, putta-kāraṇā mānam vā pūjam vā na labheyya.

Saṅgahā ete ti upayoga-vacane paccattaṃ. Saṅgahe ete ti vā pātho.

Samapekkhantī ti sammā pekkhanti.

Pāsamsā ca bhavanti ti pasamsaniyā ca bhavanti.

Iti Bhagavā: Yā disā sandhāya gahapatiputta pitā te āha disā namassitabbā ti, imā tā cha-ddisā. Yadi tvaṃ pitu vacanam karosi, imā disā namassā ti, dassento, Sigālassa pucchāya tathā desanam matthakam pāpetvā Rājagaham piṇ-

dāya pāvīsi. Sigālako pi saraṇesu patitṭhāya cattārīsa koṭi-dhanaṃ Buddha-sāsane vikiritvā puñña-kammaṃ katvā sagga-parāyano ahosi.

Imasmim pana sutte yaṃ kiñci gihīhi kattaḅbaṃ-kammaṃ nāma, taṃ akathitaṃ n' atthi. Gihī-vinayo nāmāyaṃ sut-tanto. Tasmā imaṃ sutvā yathānusiṭṭhaṃ tathā paṭipaj-jaṃānassa vuddhi yeva pāṭikaṅkhā no parihānī ti.

Sigālaka-sutta-vaṇṇanā niṭṭhitā.

XXXII.

ĀTĀNĀṬIYA*-SUTTA-VANṆANĀ.

1. *Evam me sutan ti Ātānāṭiya-Suttam.* Tatrāyaṃ apubba-pada-vanṇanā.

Catuddisaṃ rakkhāṃ ṭhapetvā ti asura-senāya-nivāraṇ' atthaṃ Sakkassa devānaṃ Indassa catusu disāsu ārakkhāṃ ṭhapetvā.

Gumbaṃ ṭhapetvā ti, bala-gumbaṃ ṭhapetvā.

Ovaraṇaṃ ṭhapetvā ti catusu disāsu disā-rakkhike, ṭhapetvā. Evaṃ Sakkassa deva-rājassa ārakkhāṃ susaṃvhitāṃ katvā Ātānāṭa-nagare nisinnā satta Buddhhe ārabbhā imaṃ parittāṃ bandhitvā ye Satthu dhamme āṇaṃ amhākaṇ ca rāj' āṇaṃ na suṇanti, tesaṃ idaṇ c' idaṇ ca karissāmā ti, sāvaṇaṃ katvā attano catuddisāsu mahatiyā ca yakkha-senāyā ti ādīhi catuhi senāhi ārakkhāṃ saṃvidahitvā abhikkantāya rattiya . . . pe . . . ekamantaṃ nisīdimsu.

Abhikkantāya rattiya ti ettha abhikkanta-saddo khaya-sundarābhirūpa-abbhanumodan' ādisu dissati. Tattha: Abhikkantā bhante ratti, nikkhanto paṭhamo yāmo, cira-nisinno bhikkhu-saṅgho, uddissatu bhante Bhagavā bhikkhūnaṃ pātimokkhaṇ ti, evaṃ ādisu khaye dissati. Ayaṃ imesaṃ catunnaṃ puggalānaṃ abhikkhantataro ca paṇītataro cā ti evaṃ ādisu sundare.

* The Ātānāṭiyasutta forms also the last one of the twenty-two chapters of the Catubhāṇavāra (collection of Parittas), of which seven are contained in the Khuddakapāṭha. A commentary on the Catubhāṇavāra (abbr. C.A.) is called Sēratthasamuccaya. I have compared the portion of the latter corresponding to the Sumaṅgala, which was made available to me in a transcript done from a Cambodian MS. of the Royal Copenhagen Library by Dr. Helmer Smith. The discrepancies between the two versions of Commentary are irrelevant except for the two passages: § 1 of Sum. which is greatly shortened in C.A., and § 10, beginning, which is omitted in Sum.

Ko me vandati pādāni iddhiyā yasasā jalam
Abhikkantena vaṇṇena sabbā obhāsayaṃ disā ti

evam ādisu abhirūpe. Abhikkantaṃ bho Gotama abhikkantaṃ bho Gotamā ti, evam ādisu abbhanumodane. Idha pana khaye. Tena *abhikkantāya rattiyā* parikkhīṇāya rattiyā vuttaṃ hoti.

Abhikkanta-vaṇṇā ti idha abhikkanta-saddo abhirūpe. Vaṇṇa-saddo pana chavi-thuti-kula-vagga-kāraṇa-saṅghāna-pamāṇa-rūp' āyatan' ādisu dissati. Tattha: Suvanna-vaṇṇo 'si Bhagavā ti, evam ādisu chaviyā. Kādā samyūlhā pana te gahapati samaṇassa Gotamassa vaṇṇā ti, evam ādisu thutiyam. Cattāro 'me bho Gotama vaṇṇā ti, evam ādisu kula-vagge. Atha kena nu vaṇṇena gandhattheno ti vuccatī ti, evam ādisu kāraṇe. Mahantaṃ hatthi-rāja-vaṇṇaṃ abhinimminītvā ti, evam ādisu saṅghāne.

Tayo pattassa-vaṇṇā ti, evam ādisu pamāṇe. Vaṇṇo gandho raso oḷā ti, evam ādisu rūp' āyatane. So idha chaviyā daṭṭhabbo. Tena *abhikkanta-vaṇṇā* abhirūpa-cchavī ti vuttaṃ hoti.

Kevala-kappaṇ ti ettha *kevala*-saddo anavasesa-yebhuyya-avyāmissānatireka-dalhattha-visaṃyog' ādi-anekattho. Tathā hi 'ssa kevala-paripunṇaṃ parisuddhaṃ brahmacariyaṃ ti, evam ādisu anavasesattho. Kevala-kappā ca Aṅga-Magadhā pahūtaṃ khādaniyaṃ bhojaniyaṃ ādāya abhikkamitu-kāmā hontī ti, evam ādisu yebhuyyatā. Kevalassa dukkha-kkhandhassa samudayo hotī ti, evam ādisu avyāmissatā. Kevalaṃ saddhā-mattakaṃ nūna ayam āyasmā ti, evam ādisu anantirekatā. Āyasmato Anurudhassa Bāhiko nāma saddhi-vihāriko kevala-kappaṇaṃ saṅgha-bhedāya thito ti, evam ādisu dalhatthatā. Kevala-vusitavā uttama-puriso ti vuccatī ti, evam ādisu visaṃyogo.

Idha pan' assa anavases' attham attho adhippeto.

Kappa-saddo paṇāyaṃ abhisaddahana-vohāra-kāla-paññatti-chedana-vikappa-lesa-samantabhāv' ādi-anek' attho.

Tathā hi 'ssa okappaṇiyaṃ etaṃ bho Gotamassa yathā taṃ arahato Sammāsambuddhassā ti, evam ādisu abhisaddahanattho. Anujānāmi bhikkhave pañcahi samaṇa-kap-

pehi phalaṃ paribhuñjitun ti, evaṃ ādisu vohāro. Yena
 sudam nicca-kappaṃ viharāmi ti, evaṃ ādisu kālo. Icc'
 āyasmā kappo ti, evaṃ ādisu paññatti. Alamkato kap-
 pita-kesamassū ti evaṃ ādisu chedanam. Kappati dvaṅ-
 gulaṃ kappo ti, evaṃ ādisu vikappo. Atthi kappo nip-
 pajjitun ti, evaṃ ādisu lesa. Kevala-kappaṃ Veluvanaṃ
 obhāsetvā ti, evaṃ ādisu samanta-bhāvo. Idha pan'
 assa samantabhāvo attho adhippeto. Tasmā *kevala-kappaṃ*.

Gijjhakūṭan ti ettha anavasesaṃ samantato Gijjhakūṭan ti
 evaṃ attho daṭṭhabbo.

Obhāsetvā ti vattha-mālālaṅkāra-sarīra-samuṭṭhitāya ābhāya
 pharitvā candimā viya sūriyo viya ca ek' obhāsaṃ eka-paj-
 jotaṃ karitvā ti attho.

Ekamantaṃ nisīdimṣū ti devatānaṃ Dasabalassa santike
 nisinnatṭhānaṃ nāma bahu. Imasmiṃ pana sutte paritta-
 gārava-vasena nisīdimṣu.

2. *Vessavaṇo* ti kiñcāpi cattāro Mahārājāno āgatā, Vessa-
 vaṇo pana Dasabalassa vissāsiko kathā-pavattane vyatto
 susikkhito. Tasmā *Vessavaṇo Mahārājā Bhagavantaṃ etad
 avoca*.

Uḷārā ti mahesakkhānubhāva-sampannā.

Pāṇātipātā veramaṇiyā ti pāṇātipāte diṭṭha-dhammika-
 samparāyikaṃ ādinavaṃ dassetvā, tato *veramaṇiyā dhammaṃ
 deseti*. Sesaṃ pi es' eva nayo.

Tattha *santi uḷārā yakkhā nivāsino* ti tesu sen' āsanesu santi
 uḷārā yakkhā nibaddha-vāsino.

Ātānāṭiyan ti Ātānāṭa-nagare baddhattā evaṃ nāmaṃ.

Kim pana Bhagavato apaccakkha-dhammo nāma atthi ti ?
 N' atthi. Atha kasmā Vessavaṇo *Uggaṇḥātu bhante Bhagavā*
 ti āha ? Okāsa-karaṇ' atthaṃ. So hi Bhagavantaṃ imaṃ
 parittaṃ sāvetuṃ okāsaṃ kārento evaṃ āha, Satthu kathite
 imaṃ parittaṃ garu bhavissatī ti, pi āha.

Phāsu-vihārāyā ti gamana-tṭhān' ādisu catusu iriyāpathesu
 sukha-vihārāya.

3. *Cakkhumantassā* ti na Vipassī yeva cakkhumā, satta pi
 Buddhā cakkhumanto, tasmā ek' ekassa Buddhassa etāni satta-
 satta-nāmāni honti. Sabbe hi Buddhā cakkhumanto, sabbe
sabba-bhūtānukampino, sabbe pi nahāta-kilesattā *nahātakā*,

sabbe *Māra-sena-ppamaddanā*, sabbe vusitavanto, sabbe vimuttā, sabbe aṅgato rasmināṃ nikkhantattā aṅgirasā. Na kevalañ ca Buddhānaṃ etān' eva satta nāmāni asaṅkheyyāni nāmāni saṃuṇṇena mahesino ti vuttaṃ. Vessavaṇo pana atano pākāṭa-nāma vasena evam āha.

Te janā ti idha khīṇ' āsavā janā ti adhippeto.

Apisunā ti desanā-sīsamattam etaṃ. Amusā apisunā aphaṇṇasā manta-bhāṇino ti attho.

Mahattā ti mahantabhāvaṃ pattā. Mahantā ti pi pāṭho. Mahantā ti attho.

Vīta-sāraddā ti visāraddā vigata-lomahaṃsā.

Hitaṇ ti mettā-pharaṇena hitaṃ.

Yaṃ namassanti ti ettha *yaṇ* ti nipātamattaṃ.

Mahattaṇ ti mahantaṃ. Ayam eva vā pāṭho.

Idaṃ vuttaṃ hoti. Ye vāpi loke kilesa-nibbānena *nibbutā yathābhūtaṃ vipassisun*, vijj' ādi-guṇa-sampannaṃ hitaṃ deva-manussānaṃ Gotamaṃ namassanti te janā apisunā. Tesam pi nam' atthū ti.

Atthakathāyaṃ pana *te janā apisunā* ti te Buddhā apisunā ti. Tāva paṭhamāya gāthāya Buddhānaṃ yeva vaṇṇo kathito. Tasmā paṭhama-gāthā sattannaṃ Buddhānaṃ vasena vuttā. Duttiya-gāthāya *Gotamaṇ* ti 'desanā-mukhamattaṃ etaṃ. Ayam pi pana sattannaṃ yeva vasena vuttā ti veditabbā. Ayam h' ettha attho. Loke paṇḍitā deva-manussā yaṃ namassanti Gotamaṃ, tassa ca tato purimānaṃ ca Buddhānaṃ nam' atthū ti.

4. *Yato uggacchati* ti yato thānato udeti.

Ādicco ti Aditiyā putto. Vevacanamattaṃ vā etaṃ suriya-saddassa. Mahantaṃ maṇḍalaṃ assā ti *maṇḍalī*.

Yassa c' uggacchamānassā ti yaṃhi uggacchamāne.

Samvārī pi nirujjhati ti ratti antaradhāyati.

Yassa c' uggate ti yasmiṃ uggate.

Rahado ti udaka-rahado.

Tatthā ti yato uggacchati suriyo tasmīṃ thāne.

Samuddo ti yo so rahado ti vutto so na añño. Atha kho *samuddo sarit' odako* ti viṣaṭ' odako saritā nāna-ppakārā nadiyo assa udake pavitṭhā ti vā sarit' odako.

Evam taṃ tattha jānanti ti taṃ rahadaṃ tattha evaṃ

jānanti. Kin ti jānanti? Samuddo sarit' odako ti evaṃ jānanti.

Ito ti Sineruto vā tesam nisinna-ṭṭhānato vā.

Jano ti ayaṃ mahājano.

Eka-nāmā ti Inda-nāmena eka-nāmā. Sabbesaṃ kira tesam Sakkassa deva-rañño nāmaṃ eva nāmaṃ akamsu.

Asītiṃ dasa eko cā ti eka-navuti janā.

Inda-nāmā ti Indo ti evaṃ-nāmā.

Buddhaṃ Ādicca-bandhunaṃ ti kilesa-niddāpagamen āpi Buddhaṃ. Ādiccena pana samāna-gottatāya pi Ādicca-bandhunaṃ.

Kusalena samekkhasī ti anavajjena nipuṇena vā sabbaññuta-ñāṇena mahājanaṃ olokesi.

Amanussā pi taṃ vandanti ti amanussā pi: Taṃ sabbaññuta-ñāṇena mahājanaṃ oloketi ti, vatvā vandanti.

Sutaṃ n' etaṃ abhīṇhaso ti etaṃ amhehi abbhikkhaṇaṃ sutam.

Jinaṃ vandāma Gotaman ti amhehi puṭṭhā: "Jinaṃ vandāma Gotaman" ti vadanti.

5. *Yena petā pavuccanti ti petā nāma kālakatā te yena disā-bhāgena nīhariyanti ti vuccanti.*

Pisunā piṭṭhi-mamsikā ti pisunā vācā c' eva piṭṭhi-mamsaṃ khādanti viya param-mukhā garahakā ca. Ete ca yena nīhariyanti ti vuccanti. Sabbe pi h' ete dakkhiṇa-dvāre nīharitvā dakkhiṇato nagarassa dayhantu vā chiyyantu vā haññantu vā ti evaṃ vuccanti.

Ito sā dakkhiṇā disā ti yena disā-bhāgena te petā ca pisuṇ' ādikā ca nīhariyanti ti vuccanti, ito sā dakkhiṇā disā. Ito Sineruto vā tesam nisinna-ṭṭhānato vā.

Kumbhaṇḍānaṃ ti te kira devā mah' odarā honti, rahassa' aṅgaṃ pi ca tesam kumbho viya mahantaṃ hoti. Tasmā Kumbhaṇḍā ti vucanti.

6. *Yattha c' oggacchate suriyo ti yasmim disā-bhāge suriyo atthamgacchati.*

7. *Yenā ti yena disā-bhāgena.*

Mahā-Nerū ti Sineru pabbata-rājā.

Sudassano ti sovaṇṇamayattā sundara-dassano. Sinerussa hi pācīna-passaṃ rajata-mayaṃ, dakkhiṇa-passaṃ maṇi-

mayam, pacchima-passam phalika-mayam, uttara-passam sovaṇṇa-mayam. Tam manuñña-dassanam hoti. Tasmā yena disā-bhāgena Sineru *sudassano* ti ayam ettha attho.

Manussā tattha jāyanti ti tattha Uttara-Kurumhi manussā jāyanti.

Amamā ti vatth' ābharaṇa-pāna-bhojan' ādisu pi mamatta-virahitā.

Apariggahā ti itthi-pariggahena apariggahā. Tesam kira: Ayam mayham bhariyā ti, mamattam na hoti. Mātaram vā bhaginim vā disvā chanda-rāgo na uppajjati.

Na pi nīyanti naṅgalā ti naṅgalāni pi tattha: Kasi-kammaṃ karissāmā ti, na khettaṃ nīyanti.

Akaṭṭha-pākimaṃ sālīn ti akaṭṭhe bhūmi-bhāge araṇṇe sa-yaṃ eva jātaṃ.

Taṇḍula-pphalan ti taṇḍulā va tassa phalaṃ hoti.

Tuṇḍi-kīre pacitvānā ti ukkhaliyaṃ ākiritvā niddhum' aṅgarena agginā pacitvā. Tattha kira joti-pāsāṇā nāma honti. Atha te tayo pāsāṇe ṭhapetvā ukkhalim āropenti. Pāsāṇehi tejo samutṭhahitvā tam pacati.

Tato bhuñjanti bhojanam ti tato ukkhalito bhojanam eva bhuñjanti, añño sūpo vā vyañjanam vā na hoti. Bhuñjan-tānam cittānukūlo yeva c' assa raso hoti. Te tam ṭhānam sampattānam denti yeva, macchariyaṃ cittaṃ nāma na hoti. Ye ca Buddha-paccekabuddh' ādayo pi mah' iddhikā tattha gantvā piṇḍapātaṃ gaṇhanti.

Gāvim eka-khuraṃ katvā ti gāvim gahetvā eka-khuraṃ vāhanam katvā tam piṭṭhi-abhiruyha tattha Vessavanassa paricārikā yakkhā.

Diso disaṃ anuyanti ti tāya tāya disāya caranti.

Pasum eka-khuraṃ katvā ti ṭhapetvā gāvim avasesam pi catuppada-jātikaṃ pasum eka-khura-vāhanam eva katvā diso disaṃ anuyanti.

Itthi-vāhanam katvā ti, yebhuyyena gabbhini-mātugāmaṃ vāhanam katvā. Tassā piṭṭhiyaṃ nisīditvā caranti. Tassā kira piṭṭhi onamituṃ sahati. Itarā pana itthiyo yāne yojenti.

Purisa-vāhanam katvā ti purise gahetvā yāne yojenti. Gaṇhantā ca sammā-diṭṭhike gahetuṃ na sakkonti. Yebhuyyena paccanta-milakkha-vāsike gaṇhanti. Aññataro pi kir'

ettha jānapado ekassa therassa samīpe nisīditvā niddāyati. Thero: “Upāsaka ativiya niddāyasī?” ti pucchi. “Ajja

bhante sabba-rattim Vessavana-dāsehi kilamito ’mhī” ti āha.

Kumāri-vāhanam katvā ti kumāriyo gahetvā eka-khura-vāhanam katvā rathe yojenti. Kumāra-vāhane pi es’ eva nayo.

Pacārā tassa rājino ti tassa rañño paricārīkā.

Hatthi-yānam assa-yānan ti na kevalam go-yān’ ādini yeva, hatthi-assa-yān’ ādini pi abhirūhitvā vicaranti.

Dibbam yānan ti aññam pi nesam bahuvidham dibba-yānam upaṭṭhitam eva hoti. Etāni tāva nesam upakappana-yānāni. Te pana pāsāde vara-sayanamhi nipannā yeva pīṭhaka-sivik’ ādisu ca nisinnā pi vicaranti. Tena vuttam *pāsādā sivikā c’ evā* ti.

Mahārājassa yasassino ti evam ānubhāva-sampannassa yasassino Mahārājassa etāni yānāni nibbattanti.

Tassa ca nagarā ahu antalikkhe sumāpitā ti tassa rañño ākāse suṭṭhu-māpitā ete Ātānāt’ ādikā nagarā ahesum. Nagarāni bhavimsū ti attho. Ekam hi ’ssa nagaram Ātānātā nāma āsi, ekam Kusinātā nāma, ekam Parakusinātā nāma, ekam Nāṭapuriyā nāma, ekam Parakusitanātā nāma.

Uttarena Kapīvanto ti tasmim thatvā ujum uttara-disāyam Kapīvanto nāma aññam nagaram.

Janogham aparena cā ti etassa apara-bhāge Janogho nāma aññam nagaram.

Navanavatiyo ti aññam pi Navanavatiyo nāma ekam nagaram. Aparam *Ambar’ Ambaravatiyo* nāma.

Ekam nagaram *Ālakamandā nāma rāja-dhāni*.

Tasmā Kuvero Mahārājū ti ayam kira anuppanne Buddhhe Kuvero nāma brāhmaṇo hutvā ucchu-vappam kāretvā satta yantāni yojesi. Ekissā pana sālāyam uṭṭhitam ayam āgat’ āgatassa muhājanassa datvā puññam akāsi. Avasesa-sālāhi tath’ eva bahutaro āyo uṭṭhāsi. So tena pasīditvā avasesa-sālāsu uppajjanakam gahetvā vīsati-vassa-sahassāni dānam adāsi. So kalam katvā Catummahārājikesu Kuvero nāma devaputto jāto, apara-bhāge Visānāya rāja-dhāniyā rajjam kāresi. Tato paṭṭhāya Vessavano ti vuccati.

Puccesanto pakūsentī ti paṭiesanto visum visum atthe upa-

parikkhamānā anusāsamānā aññe dvādasa yakkha-raṭṭhikā pakāsentī. Te kira yakkha-raṭṭhikā sāsanaṃ gahetvā dvādasannaṃ yakkha-dovārikānaṃ nivedenti. Yakkha-dovārikānaṃ sāsanaṃ mahārājassa nivedenti. Idāni tesāṃ yakkha-raṭṭhikānaṃ nāmaṃ dassento *Tatolā* ti ādim āha. Tesu kira eko *Tatolā* nāma, eko *Tattalā* nāma, eko *Tattotalā* nāma, eko *Ojasī* nāma, eko *Tejasī* nāma, eko *Tatojasī* nāma.

Suro Rājā ti eko Suro nāma, eko Rājā nāma, eko Suro Rājā nāma.

Ariṭṭho Nemī ti eko Ariṭṭho nāma, eko Nemi nāma, eko Ariṭṭho Nemi nāma.

Rahado pi tattha Dharanī nāmā ti tattha pan' eko nāmena Dharanī nāma udaka-rahado atthi. Paṇṇāsa yojanā mahā-pokkharanī atthi ti vuttaṃ hoti.

Yato meghā pavassantī ti yato pokkharanito udakaṃ gahetvā meghā pavassanti.

Vassā yato patāyanti ti yato vuṭṭhiyo avattharamānāni gacchanti meggesu kiro utṭhitesu tato pokkharanito pūraṇa¹-udakaṃ bhassati. Upari meghā utṭhahitvā taṃ pokkharanī udakena pūrenti. Pūraṇ' odakaṃ heṭṭhimā hutvā nikkhamati. Paripunṇāya pokkharanīyā valāhakā viyacchanti.

Sabhā pī ti tassā pokkharanīyā tīre Bhagalavatiyā nāma latāya parikkhito dvādasa-yojaniko ratana-maṇḍapo atthi. Taṃ sandhāy' etaṃ vuttaṃ.

Payirūpāsanti ti nisīdanti.

Tattha nicca-phalā rukkhā ti tasmīṃ ṭhāne taṃ mandapaṃ parivāretva sadā phalitā amba-jambu-ādayo rukkhā nicca-pupphitā. Campaka-sāl' ādayo dasseti.

Nānā dija-gaṇ' āyutā ti vividha-pakkhi-saṅgha-samākulā.

Mayūra-koṇcābhīrudā ti mayūrehi ca koṇca-sakuṇehi ca abhirutā upagītā.

Jivaṃ-jīvaka-sadd' etthū ti: Jīva jīvā ti, evaṃ viravantānaṃ jīva-jīvaka-sakuṇānaṃ pi ettha saddo atthi.

Oṭṭhava-cittakā ti: Utṭhehi Cितte utṭhehi Cितte ti, evaṃ vassamānā utṭhava-citta-sakuṇā pi tattha vicaranti.

Kukutthakā ti vana-kukkuṭakā.

Kulīrakā ti suvaṇṇa-kakkaṭakā.

Vane ti paduma-vane.

Pokkhara-sātakā ti pokkhara-sātakā nāma sakunā.

Suka-sālika-sadd' etthā ti sukānañ ca sālikānañ ca saddo ettha.

Daṇḍa-mānavakāni cā ti manussa-mukha-sakunā. Te kira dvīhi hatthehi suvaṇṇa-daṇḍaṃ gahetvā ekaṃ pokkhara-pattaṃ akkamitvā anantare pokkhara-patte suvaṇṇa-daṇḍaṃ nikkhipantā vicaranti.

Sobhati sabba-kālaṃ sā ti sā pokkharaṇī sabba-kālaṃ sobhati.

Kuvera-naḷinī ti Kuverassa naḷinī paduma-sarabhūtā sādha-ṇī nāma pokkharaṇī sadā nirantaraṃ sobhati.

8. *Yassa kassacī* ti idaṃ Vessavaṇo Ātānāṭiyam rakkaṃ niṭṭhapetvā tassā parikkammaṃ dassento āha.

Tattha suggahitā ti attha-vyañjanañ ca parisodhetvā suṭṭhu uggahitā.

Samattā pariyaṇṇatā ti pada-vyañjanaṃ ahāpetvā paripuṇṇā uggahitā. Atthaṃ pi pāḷiṃ pi viśaṃvādetvā sabbaso vā pana apagaṇaṃ katvā bhaṇantassa hi parittaṃ tejavantam na hoti. Sabbaso pagaṇaṃ katvā bhaṇantass' eva tejavantam hoti. Lābha-hetu uggahetvā bhaṇantassā pi atthaṃ na sādheti. Nissaraṇa-pakkhe ṭhatvā imaṃ parittaṃ mettaṃ pure-cārikaṃ katvā bhaṇantass' eva atthāya hoti ti dasseti.

Yakkha-pacāro ti yakkha-paricārako.

Vatthum vā ti ghara-vatthum vā.

Vāsaṃ vā ti tattha nibaddha-vāsaṃ.

Samitī ti samāgamaṃ.

Anavayhaṇ ti na āvāha-yuttaṃ.

Avivayhaṇ ti na vivāha-yuttaṃ. Tena saha āvāha-vivāhaṃ na kareyyun ti attho.

Attāhi pi paripuṇṇāhi ti kaḷār' akkhi-kaḷāra-dantā ti evaṃ tesam attabhāvaṃ upanetvā vuttāhi paripuṇṇa-vyañjanāhi.

Paribhāsāhi paribhāseyyum yakkha-akkosehi nāma akkoseyyun ti attho.

Rittam pi pattaṃ ti, bhikkhūnaṃ patta-sadisam eva loha-pattaṃ hoti. Taṃ sīse nikkujjitaṃ yāva gala-vāṭakā bhassati. Atha naṃ majjhe ayo-khīlena ākoṭenti.

9. *Caṇḍā* ti kodhanā.

Ruddā ti viruddhā.

Rabhasā ti kāraṇ' uttariyā.

N' eva Mahārājānaṃ ādiyaṇṭi ti vacanaṃ na gaṇhanti, āṇaṃ na karonti.

Mahārājānaṃ purisakānaṃ ti aṭṭha-vīsati yakkha-senāpatināṃ.

Purisakānaṃ purisakānaṃ ti yakkha-senāpatināṃ ye amanussā tesāṃ.

Avaruddhā nāmā ti paccāmittā verino.

Ujjhāpetabban ti parittaṃ vatvā amanusse paṭikkamāpetuṃ asakkontena etesaṃ yakkhānaṃ ujjhāpetabbaṃ. Ete jānāpetabbā ti attho.

Idha pana paritassa parikammaṃ kathetabbaṃ. Paṭhamam eva hi Ātānāṭiya-suttaṃ na bhaṇitabbaṃ: Metta-suttaṃ Dhajagga-suttaṃ, Ratana-suttan ti, imāni sattāhaṃ bhaṇitabbāni. Sace muṇcati sundaraṃ, no ce muṇcati Ātānāṭiya-suttaṃ bhaṇitabbaṃ. Taṃ bhaṇantena ca bhikkhunā piṭṭhaṃ vā maṃsaṃ vā na khāditaṃ, susāne na vasitaṃ. Kas-mā? Amanussā otāraṃ labhanti. Paritta-kāraṇa-ṭṭhānaṃ haritu-pattaṃ kāretvā, tattha parisuddhaṃ āsanaṃ paññāpetvā nisīditaṃ. Paritta-kārako bhikkhu vihārato gharaṃ netehi phalak' āvudhehi parivāretvā netabbo. Abbhokāse nisīditvā na vattabbaṃ. Dvāra-vātapānāni pidahitvā nisinena āvudha-hatthehi samparivāritena metta-cittaṃ purecārikaṃ katvā vattabbaṃ. Paṭhamam sikkhāpadāni gāhāpetvā sīle paṭiṭṭhitassa parittaṃ katabbaṃ. Evam pi moce-tuṃ asakkontena vihāraṃ netvā cetiy' angaṇe nipajjāpetvā āsana-pūjaṃ kāretvā, dīpe jālāpetvā cetiy' anganaṃ sammajjitvā Maṅgala-gāthā vattabbā. Sabba-sannipāto ghoṣetabbo. Vihārassa upavane jeṭṭhaka-rukko nāma hoti. Tattha: Bhikkhu-saṅgho tumhākaṃ āgamaṃ paṭimāneti ti, paṇi-tabbaṃ. Sabba-sannipāta-ṭṭhāne anāgantū nāma na labhati. Tato amanussa-gahitako: "Tvam ko nāmā?" ti pucchitabbo. Nāme kathite nāmen'eva ālapitabbo. "It-than-nāma, tuyhaṃ gandha-māl' ādisu patti āsana-pūjāya patti piṇḍapāte patti. Bhikkhu-saṅghena tuyhaṃ paṇṇākār' atthāya mahā Maṅgala-gāthā vuttā, bhikkhu-

saṅghe gāravena etaṃ muñcāhī” ti mocetabbo. Sace pana na muñcati, devatānaṃ ārocetabbaṃ: “Tumhe jānātha, ayaṃ amanusso amhākaṃ vacanaṃ na karoti, mayaṃ Buddha-āṇaṃ karissāmā” ti parittaṃ katabbaṃ. Etaṃ tāva gihīnaṃ parikammaṃ.

Sace pana bhikkhu amanussena gahito hoti, āsanāni dhovitvā sabba-sannipātaṃ ghoṣetvā gandha-māl’ ādisu pattiṃ datvā parittaṃ bhaṇitabbaṃ. Idaṃ bhikkhūnaṃ parikammaṃ.

Vikkanditabban ti sabba-sannipātaṃ ghoṣetvā atṭha-vīsati yakkha-senāpatiyo kanditabbā.

Viravitabban ti: *Ayaṃ yakkho gaṇhātī* ti ādini bhaṇantena tehi saddhiṃ kathetabbaṃ. Tattha gaṇhātī ti sarīre adhi-muccati.

Āvisatī ti tass’ eva vevacanaṃ. Atha vā laggati na apeti ti vuttaṃ hoti.

Heṭṭhetī ti uppannaṃ rogaṃ vaḍḍhento bādhati.

Vihetṭhetī ti tass’ eva vevacanaṃ.

Himsatī ti appa-maṃsa-lohitakaṃ karonto dukkhāpeti.

Vihimsatī ti tass’ eva vevacanaṃ.

Na muñcatī ti apamāra-gāho hutvā muñcituṃ na icchati.

Evaṃ etesaṃ viravitabbaṃ. Idāni yesaṃ evaṃ viravitabbaṃ, te dassetuṃ *Katamesaṃ yakkhānaṃ* ti ādim āha.

10. Tattha *Indo Somo* ti ādini tesāṃ nāmāni. Tesu *Vessāmitto* Vessāmitta-pabbata-vāsiko yakkho, Yugandharo pi Yugandhara-vāsī yeva.

Hiri-Nettī ca Mandiyo ti Hirī ca Nettī ca Mandiyo ca.

Maṇi Māṇicarō Dīgho ti Maṇi ca Māṇicarō ca Dīgho ca.

Atho Serissako saḥā ti tehi saha añño Serissako nāma.

Imesaṃ yakkhānaṃ . . . pe . . . vjñhāpetabban ti: Ayaṃ yakkho heṭṭheti vihetṭheti, na muccati, evaṃ etesaṃ yakkha-senāpatīnaṃ ārocetabbaṃ.

Tato te: Bhikkhu-saṅgho attano dhamma-āṇaṃ karoti, mayaṃ pi amhākaṃ yakkha-rāja-āṇaṃ karomā ti, ussukkaṃ karissanti. Evaṃ amanussānaṃ okāso na bhavissati, Buddha-sāvakaṇaṃ phāsu-vihāro bhavissati ti dassento *Ayaṃ kho sā Mārīsa Ātānāṭiya-rakkhā* ti ādim āha.

Taṃ sabbaṃ tato paraṇ ca uttānattham evā ti.

Ātānāṭiya-sutta-vaṇṇanā niṭṭhitā.

XXXIII.

SAṄĠĪTI-SUTTA-VAṆṆANĀ

Evam me sutan ti Saṅgīti-suttaṃ. Tatrāyaṃ apubba-pada-vaṇṇanā.

1. 1. *Cārikaṃ caramāno* ti nibaddha-cārikaṃ caramāno. Tadā kira Satthā dasa-sahassa-cakkavāle ñāṇa-jālaṃ pattharivā lokam volokayamāno Pāvā-nagara-vāsino Malla-rāje disvā: Ime rājāno mayhaṃ sabbaññuta-ñāṇa-jālassa anto paññāyanti, kin nu kho ti āvajjanto rājāno ekaṃ santhāgāraṃ kāresuṃ, mayi gate maṅgalaṃ bhaṇāpessanti, ahaṃ tesam maṅgalaṃ vatvā uyyojetvā: “Bhikkhu-saṅghassa dhamma-kathaṃ kathehi” ti, Sāriputtaṃ vakkhāmi, Sāriputto tīhi Piṭakehi sammasitvā cuddasa-pañh’ ādhikena pañha-sahassena paṭimaṇḍetvā bhikkhu-saṅghassa Saṅgīti-suttaṃ nāma kathessati, suddantaṃ āvajjetvā pañca-bhikkhu-satāni saha paṭisambhidāhi arahattaṃ pāpuṇissanti ti, imam atthaṃ disvā cārikaṃ pakkanto. Tena vuttaṃ *Mallesu cārikaṃ caramāno* ti.

2. *Ubbhatakan* ti tassa nāmaṃ, uccattā vā evaṃ vuttaṃ.

Santhāgāraṇ ti nagaramajjhe santhāgāra-sālā.

Samaṇena vā ti ettha yasmā ghara-vatthu pariggaha-kāle yeva devatā attano vasanaṭṭhānaṃ gaṇhanti, tasmā devena vā ti avatvā *Samaṇena vā brāhmaṇena vā kenaci vā manussa-bhūtenā* ti vuttaṃ.

Yena Bhagavā ten’ upasaṅkamimsū ti Bhagavato āgamaṇaṃ sutvā: Amhehi gantvā pi na Bhagavā ānīto, dūtaṃ pesetvā pi na pakkosāpito, sayam eva pana mahā bhikkhu-saṅgha-parivāro amhākaṃ vasanaṭṭhānaṃ sampatto, amhehi ca santhāgāra-sālā kārītā, ettha mayam Dasabalaṃ ānetvā maṅgalaṃ bhaṇāpessāmā ti, cintetvā upasaṅkamimsu.

3. *Yena santhāgāraṃ ten’ upasaṅkamimsū* ti taṃ divasaṃ

kira santhâgāre citta-kammaṃ niṭṭhāpetvā atṭhakā¹ muttamattā honti, Buddhā ca nāma araṇṇī' ajjhāsayaṃ araṇṇa-rāmā anto-gāme vaseyyuṃ vā no vā ti. Tasmā Bhagavato manam jānitvā va: Paṭijagissāmā ti, cintetvā te Bhagavantam upasaṅkamimsu. Idāni pana manam labhitvā paṭijaggitu-kāmā yena santhâgāram ten' upakamimsu.

Sabba-santharin ti yathā sabbam santhatam hoti, evaṃ.

Yena Bhagavā ten' upakamimsu ti ettha pana te Malla-rājāno santhâgāram paṭijaggitvā, nagara-vithiyo pi sammajjāpetvā, dhaje ussāpetvā geḥa-dvāre punṇa-ghaṭe ca kadaliyo ca ṭhapāpetvā, sakala-nagaram dīpa-mālāhi vippakiṇṇa-tārakam viya katvā: Khīra-pāyake dārake khīram pāyetha, dahara-kumāre lahuṃ lahuṃ bhojetvā sayāpetha, uccā-saddam mā karittha, ajja eka-rattim Satthā anto-gāme vasissati, Buddhā nāma appasadda-kāmā honti ti, bherim carāpetvā, sayam daṇḍaka-dīpikā ādāya, *yena Bhagavā ten' upakamimsu*.

4. *Bhagavantam yeva purakkhatvā* ti Bhagavantam purato katvā. Tattha Bhagavā bhikkhūnañ c' eva upāsakānañ ca majjhe nisinno ativiya virocati samanta-pāsādiko suvaṇṇa-vaṇṇo abhirūpo dassaniyo, puratthima-kāyato suvaṇṇa-vaṇṇā rasmi utṭhahitvā asīti-hattha-tṭhānam gaṇhāti, pacchima-kāyato . . . dakkhiṇa-hatthato . . . vāma-hatthato suvaṇṇa-vaṇṇa-rasmi utṭhahitvā asīti-hattha-tṭhānam gaṇhāti. Uparima-kes' antato paṭṭhāya sabba-kesa-vatṭhehi² mora-gīva-vaṇṇā rasmi utṭhahitvā gagana-tale asīti-hattha-tṭhānam gaṇhāti. Hetthā pāda-talehi pavāḷa-vaṇṇā rasmi utṭhahitvā ghana-pāṭhaviyaṃ asīti-hattha-tṭhānam gaṇhāti. Evaṃ samantā asīti-hattha-mattam ṭhānam chabbanna-Buddharasmiyo vijjotamānā vipphandamānā vidhāvanti. Sabbe disā-bhāgā suvaṇṇa-campaka-pupphehi vikiriyamānā viya, suvaṇṇa-ghaṭato nikkhanta-suvaṇṇa-rasa-dhārāhi siñcamānā viya pasārīta-suvaṇṇa-paddha³-parikkhittā viya verambhavātā samutṭhitā kimsuka-kaṇikāra-puppha-cuṇṇa-samā kiṇṇā viya vippakāsanti. Bhagavato pi asīti anuvyañjana-vyāma-ppabhā dvattiṃsa vara-lakkhaṇa-samujjalam sarīram samuggata-tārakam viya gagana-talam, vikasitam iva

¹ B atṭhakā.

² B °vatṭhehi.

³ B paṭa.

paduma-vanaṃ, sabba-phāliphullo viya yojana-satiko pārīcchattako, paṭipāṭiyā ṭhapitānaṃ dvattiṃsa candānaṃ dvattiṃsa suriyānaṃ dvattiṃsa cakkavattīnaṃ dvattiṃsa deva-rājanaṃ dvattiṃsa Mahābrahmānaṃ suriyā sirim abhibhavamānaṃ viya virocati. Parivāretvā nisinnā bhikkhū pi sabbe va appicchā santuṭṭhā pavivittā asaṃsaṭṭhā āradhaviyā vattāro vacana-kkhamā codakā pāpa-garahino silasampannā samādhi-sampannā . . . pe . . . paññā . . . vimutti . . . vimutti-ñāṇa-dassana-sampannā. Tehi parivārito Bhagavā ratta-kambala-parikkhitto viya suvaṇṇa-kkhandho ratta-paduma-saṇḍa-majjhagatā viya suvaṇṇa-nāvā, pavāla-vedikāya parikkhitto viya suvaṇṇa-pāsādo virocittha. Asīti mahātherā pi naṃ megha-vannaṃ paṃsu-kūlaṃ pārūpitvā maṇi-vammitā viya mahānāgā parivārayimsu, vanta-rāgā bhīṇa-kilesā vijaṭṭita-jaṭṭa chinna-bandhanā kule vā gaṇe vā alaggā. Iti Bhagavā sayamaṃ vīta-rāgo vīta-rāgehi vīta-doso vīta-dosehi vīta-moho vīta-mohehi nittaṇho nittaṇhehi nikkilesa nikkilesehi, sayama-buddho bahussuta-buddhehi parivārito, patta-parivāritaṃ viya kesamaṃ kesara-parivāritā viya kaṇṇikā, aṭṭha-nāga-sahassa-parivārito viya Chaddanto nāga-rājā, navuti-haṃsa-sahassa-parivārito viya Dhataratṭho haṃsa-rājā, sen' aṅga-parivārito viya cakkavatti-rājā, marugaṇa-parivārito viya Sakko deva-rājā, brahma-gaṇa-parivārito viya hārito¹ Mahā-Brahmā, asamaena Buddha-vesena aparimāṇena Buddha-vilāsena tāsaṃ parisatiṃ nisinna Pāveyyake Malle bahud eva rattim dhammiyā kathāya sandassetvā uyyojesi.

Ettha ca dhammi-kathā nāma santhāgāra-anumodana-paṭisaṃyuttā pakiṇṇaka-kathā veditabbā. Tadā hi Bhagavā ākāsa-Gaṇaṃ otārento viya, paṭhav' ojaṃ ākaḍḍhanto viya, mahā-jambūṃ matthake gaheṭvā cāliento viya, yojaniya madhu-gaṇḍaṃ cakkayantena piḷetvā madhu-pānaṃ pāyamāno viya, Pāveyyakānaṃ Mallānaṃ hita-sukhāvahaṃ pakiṇṇaka-kathaṃ kathesi.

5. *Tuṇhī-bhūtaṃ tuṇhī-bhūtaṃ* ti yaṃ yaṃ disaṃ anuviloketi tattha tattha tuṇhī-bhūtaṃ eva.

Anuviloketvā ti maṃsa - cakkhunā dibba - cakkhunā ti dvīhi cakkhūhi tato tato viloketvā. Maṃsa-cakkhunā hi nesam bahiddhā iriyāpatham pariggahehi. Eka-bhikkhussāpi h' etthā n' eva hattha-kukkuccam na pāda-kukkuccam ahosi, na koci sīsam ukkhipi, na katham kathesi, na niddāyanto nisīdi. Sabbe tīhi sikkhāhi sikkhitā nivāte dīpa-sikhā viya niccalā nisīdimsu. Iti tesam imam iriyāpatham maṃsa-cakkhunā pariggahehi. Ālokaṃ pana vaḍḍhayitvā dibba-cakkhunā hadaya-rūpaṃ disvā, abbhantara-gataṃ sīlaṃ olokesi. Aneka-satānaṃ bhikkhūnaṃ anto-kumbhiyaṃ jala-mānaṃ padīpaṃ viya arahattūpagaṃ sīlaṃ addasa. Āradha-vipassanā te bhikkhū. Iti tesam sīlaṃ disvā: Ime pi bhikkhū mayham anucchavikā, aham pi imesaṃ anucchaviko ti, cakkhu-tesu nimittaṃ t̐hapetvā bhikkhu-saṅghaṃ oloketvā āyasmantaṃ Sāriputtaṃ āmantesi.

Piṭṭhi me āgilāyati ti kasmā āgilāyati? Bhagavato hi chabbassāni mahā-padhānaṃ padahantassa mahantaṃ kāya-dukkhaṃ ahosi. Ath' assa apara-bhāge mahallaka-kāle piṭṭhi-vāto uppajji.

Saṅghāṭim paññāpetvā ti santhāgārassa kira eka-passe te rājāno kappiya-mañcakaṃ paññāpesum: App' eva nāma Satthā nipajjeyyā ti. Satthā pi: Catūhi iriyāpathehi paribhuttaṃ imesaṃ mahapphalaṃ bhavissati ti, tattha saṅghāṭim paññāpetvā nipajji.

6. *Tassa kāla-kīriyāyā* ti ādisu yaṃ vattabbaṃ taṃ sabbaṃ heṭṭhā vuttaṃ eva.

7. *Āmantesi* ti bhaṇḍan' ādisu vūpasama-karaṃ sv' ākkhātaṃ dhammaṃ desetu-kāmo āmantesi.

Tatthā ti tasmaṃ dhamme.

Saṅgāyitabban ti samaggehi gāyitabbaṃ. Eka-vacanehi aviruddha-vacanehi bhavitabbaṃ.

Na vivaditabban ti atthe vā vyañjane vā vivādo na kātabbo.

Eko dhammo ti eka-duka-tik' ādi-vasena bahudhā sāmaggirasam dassetu-kāmo paṭhamam tāva eko dhammo ti āha.

Sabbe sattā ti kāma-bhav' ādisu saññā-bhav' ādisu eka-vohāra-bhav' ādisu ca sabba-bhavesu sabbe sattā.

Āhāra-t̐thitikā ti āhārato t̐thiti etesaṃ ti āhāra-t̐thitikā. Iti sabba-sattānaṃ t̐thiti-hetū āhāro nāma *eko dhammo* amhā-

kaṃ Satthārā yathāvato ñatvā *sammad-akkhāto* āvuso ti dīpeti. Nanu ca evaṃ sante yaṃ vuttaṃ asaṇṇa-sattā devā ahetukā anāhārā athassakā¹ ti ādi taṃ vacanaṃ virujjhati ti ? Idam pi na virujjhati. Tesam hi jhānaṃ āhāro hoti. Evaṃ sante pi: Cattāro 'me bhikkhave āhārā bhūtānaṃ vā sattānaṃ t̥hitiyā sambhavesiṇaṃ vā anuggahāya. Katame cattāro ? Kabaliṃ-kāro āhāro oḷāriko vā sukhumo vā, phasso dutiyo, mano-saṃcetanā tatiyā, viññānaṃ catutthānaṃ ti idam virujjhati. Idam pi na virujjhati. Etasmiṃ hi sutte nippariyāyena āhāra-lakkhaṇā va dhammā āhārā ti vuttā. Idha pana pariyāyena paccayo āhāro ti vutto. Sabba-dhammānaṃ hi paccayo laddhuṃ vaṭṭati. So ca yaṃ yaṃ phalaṃ janeti, taṃ taṃ āharati nāma. Tasmā āhāro ti vuccati. Ten' ev' āha: "Avijjaṃ p' ahaṃ bhikkhave sāhāraṃ vadāmi no anāhāraṃ. Ko ca bhikkhave avijjāya āhāro ? Pañca nīvaraṇāni 'ssa vacanīyaṃ. Pañca nīvaraṇe p' ahaṃ bhikkhave sāhāre vadāmi no anāhāre. Ko ca bhikkhave pañca nīvaraṇānaṃ āhāro ? Ayoniso manasikāro ti 'ssa vacanīyaṃ" ti. Ayam idha adhippeto. Ekasmiṃ hi paccayāhāre gahite pariyāyāhāro pi nippariyāyāhāro pi sabbo gahito va hoti. Tattha asaṇṇa-bhave paccayāhāro labbhati. Anuppanne pi Buddhē titth' āyatane pabbajito vā yo kasiṇe kasiṇa-parikkammaṃ katvā catuttha-jjhānaṃ nibbattetvā, tato vuṭṭhāya adhiccitaṃ dhivatetam² cittaṃ, cittassa nāma abhāvo yeva sādhu, cittaṃ hi nissāya vadha-bandh' ādi-paccayaṃ dukkhaṃ uppajjati, citte asati n' atth' etan ti khantiṃ ruciṃ uppādetvā aparihīna-jjhānā kālaṃ katvā asaṇṇa-bhave nibbattanti. Yo yassa iriyāpatho manussa-loke paṇihito ahosi, so tena iriyāpathena nibbattitvā pañca kappāsatāni t̥hito vā nisinno vā nipanno vā hoti. Evarūpānaṃ pi sattānaṃ paccayāhāro labbhati. Te h-yaṃ jhānaṃ bhāvetvā nibbattā, tad eva nesam paccayo hoti. Yathā jiyā-vegena khitta-saro yāva jiyā-vego atthi tāva gacchati, evaṃ yāva jhāna-paccayo atthi, tāva tiṭṭhanti. Tasmiṃ t̥hite khīṇa-vego saro viya patati. Ye pan' ete nerayikā n' eva vuṭṭhāna-phalūpajīvī na puñña-phalūpajīvī ti vuttā. Tesam ko āhāro ti ? Tesam kammam eva āhāro.

¹ Sic MSS.² Sic SS; B dhibbatetam.

Kim pañca āhārā atthīti? Pañca na pañcā ti idaṃ na vattabbaṃ. Nanu paccayo āhāro ti vuttaṃ etaṃ, tasmā yena kammena te niraye nibbattā tad eva tesam t̥hiti-paccayattā āhāro hoti. Yaṃ sandhāya idaṃ vuttaṃ, na ca tāva kālaṃ karoti yāva na taṃ pāpa-kammaṃ vyanti hoti. Ka-baḷiṅkāra' āhāraṃ ārabbhāpi v' ettha vivādo na kātabbo. Mukhe uppajjana-kheḷo pi hi tesam āhāra-kiccaṃ sādheti. Kheḷo pi hi niraye dukkha-vedaniyo hutvā paccayo hoti. Sagge sukha-vedaniyo. Iti kāma-bhave nippariyāyena cat-tāro āhārā. Rūpārūpa-bhavesu t̥hapetvā asaṇṇaṃ sesānaṃ tayo. Asaṇṇānaṃ c' eva avasesānaṃ ca paccayāhāro ti iminā āhārena sabbe sattā āhāra-t̥thitikā ti, evaṃ pañhaṃ kathetvā: Ayaṃ kho āvuso ti, evaṃ niyyātanam pi: Atthi kho āvuso ti, puna uddharaṇam pi akatvā: Sabbe sattā saṅkhāra-t̥thitikā ti, dutiya-pañhaṃ vissajjesi. Kasmā pana na niyyātesi na ud-dharī ti? Tattha tattha niyyātiyamāne pi uddhāriyamāne pi pariyāpūṇitum vācetum dukkhaṃ hoti. Tasmā dve ek' ābaddhe katvā vissajjesi. Imasmiṃ vissajjane heṭṭhā-vutta-paccayo va attano phalassa karaṇato saṅkhāraṇato saṅkhāro ti vutto. Iti heṭṭha-āhāra-paccayo kathito. Idha saṅkhāra-paccayo ti.

Ayaṃ ettha heṭṭhimato viseso. Heṭṭhā nippariyāy' āhāro gahito. Idha pariyāy' āhāro ti evaṃ gahite viseso pākaṭo bhavēyya. No ca gaṇhimsū ti, Mahāśivatto āha. Indriya-baddhassa pi hi anindriya-baddhassa pi paccayo laddhum vaṭṭati. Vinā paccayena dhammo nāma n' atthi. Tattha anindriya-baddhassa tiṇa-rukka-lata' ādino paṭhavi-raso āpo-raso ca paccayo hoti. Deve avassante hi tiṇ' ādini milāyanti, vassante pana haritāni honti. Iti tesam paṭhavi-raso āpo-raso ca paccayo hoti. Indriya-baddhassa avijjā taṇhā kam-maṃ āhāro ti evaṃ ādayo paccayā. Iti heṭṭhā paccayo va āhāro ti kathito, idha saṅkhāro ti. Ayaṃ ettha viseso.

Ayaṃ kho āvuso ti āvuso amhākaṃ Satthārā. Mahābodhi-maṇḍe nisīditvā sayam sabbaññuta-ñāṇena sacchikatvā ayaṃ eka-dhammo desito. Yattha eka-dhamme tumhehi sabbehi' eva saṅgāyitabbaṃ na vivaditabbaṃ, yathayidaṃ brahmaca-riyaṃ ti yathā saṅgāyamānānaṃ tumhākaṃ idaṃ sāsana-brahmacariyaṃ addhaniyaṃ assa cira-t̥thitikaṃ. Ekena hi

bhikkhunā: Atthi kho āvuso ti, eko dhammo sammad-akkhāto. Katamo eko dhammo? Sabbe sattā āhāra-ttḥitikā sabbe sattā saṅkhāra-ttḥitikā ti, kathite tassa katham sutvā añño kathessati, tassa pi añño ti evaṃ paramparā kathā niyāmena idaṃ brahmacariyaṃ ciraṃ tiṭṭhamānaṃ sadevakassa lokassa atthāya hitāya bhavissatī ti, ek' eka vasena Dhammasenāpati Sāriputtathero sāmaggi-rasaṃ dassesī ti.

Ekakaṃ nitṭhitaṃ.

9. Iti ek' eka-vasena sāmaggi-rasaṃ dassetvā idāni dukavasena dassetuṃ puna desanaṃ ārabhi.

Tattha nāma-rūpa-duke *nāman* ti cattāro arūpino khandhā nibbānaṃ ca. Tattha cattāro khandhā *nāman'* atṭhena *nāmaṃ*. *Nāman'* atṭhenā ti *nāma-karaṇ'* atṭhena. Yathā hi mahājana-sammatattā mahā-sammatassa Mahā-sammato ti *nāmaṃ* ahosi, yathā mātā-pitaro: Ayaṃ Tisso *nāma* hotu, Phusso *nāma* hotū ti, evaṃ puttassa kittima-*nāmaṃ* karonti, yathā vā dhamma-kathiko vinaya-dharo ti *guṇato* *nāmaṃ* āgacchati na evaṃ vedanādināṃ, vedanādayo hi mahāpaṭhavī-ādayo viya attano *nāmaṃ* karontā va uppajjanti. Tesu uppannesu tesam *nāmaṃ* uppannam eva hoti. Na hi vedanaṃ uppannam: Tvaṃ vedanā *nāma* hohī ti, koci bhaṇati. Na c' assā yena kenaci kāraṇena *nāma-gaḥaṇa-kiccaṃ* atthi, yathā paṭhaviyā uppannāya: Tvaṃ paṭhavi *nāma* hohī ti, *nāma-gaḥaṇa-kiccaṃ* n' atthi, Cakkavāḷa-Sinerumhi candima-suriya-nakkhattesu uppannesu: Tvaṃ Cakkavāḷaṃ *nāma*, tvaṃ nakkhattaṃ *nāma* hohī ti, *nāma-gaḥaṇa-kiccaṃ* n' atthi, *nāmaṃ* uppannam eva hoti, opapātikā paññatti nipatati. Evaṃ vedanāya uppannāya: Tvaṃ vedanā *nāma* hohī ti, *nāma-gaḥaṇa-kiccaṃ* n' atthi. Tāya uppannāya vedanā ti *nāmaṃ* uppannam eva hoti. Saññādisu pi es' eva nayo. Atīte pi hi vedanā vedanā yeva, saññā . . . saṅkhārā . . . viññāṇaṃ viññāṇaṃ eva. Anāgate pi paccuppanne pi. Nibbānaṃ pana sadā pi nibbānaṃ evā ti. Iti *nāman'* atṭhena *nāmaṃ*. *Nāman'* atṭhena pi c' ettha cattāro khandhā *nāmaṃ*. Tehi ārammaṇābhimukhā namanti. *Nāman'* atṭhena sabbam pi *nāmaṃ*. Cattāro pi khandhā ārammaṇe aññaṃ-aññaṃ

nāmenti. Nibbānaṃ ārammaṇādhipati-paccayatāya attani anavajja-dhamme nāmeti.

Rūpan ti cattāro mahābhūtā catunnañ ca mahābhūtānaṃ upādāya rūpaṃ. Taṃ sabbam pi ruppan' atthena rūpaṃ. Tassa vitthāra-kathā Visuddhimagge¹ vutta-nayen' eva veditabbā.

Avijjā ti dukkh' ādisu aññānaṃ. Ayam pi vitthārato Visuddhimagge* kathitā yeva.

Bhava-taṇhā ti bhava-patthanā. Yath' āha : " Tattha katamā bhava-taṇhā ? Yo bhavesu bhava-cchando " ti ādi.

Bhava-diṭṭhī ti bhavo vuccati sassataṃ, sassata-vasena uppajjana-diṭṭhi. Sā : Tattha katamā bhava-diṭṭhi ? Bhavissati attā ca loko cā ti, yā evarūpā diṭṭhi diṭṭhi-gatan ti ādinā nayena Abhidhamme vitthāritā.

Vibhava-diṭṭhī ti vibhavo vuccati ucchedaṃ, uccheda-vasena uppajjana-diṭṭhi. Sā pi : Tattha katamā vibhava-diṭṭhi ? Na bhavissati attā ca loko cā ti, yā evarūpā diṭṭhi diṭṭhi-gatan ti ādinā nayena tatth' eva vitthāritā.

Ahirikan ti yaṃ na hiriyati hiriyitabbenā ti evaṃ vitthāritā nillajjatā.

Anottappan ti yaṃ na ottappati ottappitabbenā ti evaṃ vitthārito abhāyanaka-ākāro.

Hiri ca otappañ cā ti yaṃ hiriyati hiriyitabbena ottappati ottappitabbenā ti evaṃ vitthāritāni hiri-ottappāni. Api o' ettha ajjhatta-samuṭṭhānā hiri. Bahiddhā samuṭṭhānaṃ ottappaṃ. Attādhipeyyā hiri. Lokādhipeyyaṃ otappaṃ. Lajjā sabhāva-saṇṭhitā hiri. Bhaya-sabhāva-saṇṭhitāṃ ottappaṃ. Vitthāra-kathā pan' ettha sabb' ākārena Visuddhimagge* vuttā.

Dovacassatā ti dukkhaṃ vaco etasmiṃ vippatikūla-gāhimhi vippaccanika-sāte anādare-puggale ti dubbaco. Tassa kammaṃ dovacassaṃ. Tassa bhāvo dhovacassatā. Vitthārato pan' esā : Tattha katamā dovacassatā ? Saha-dhammike vuccamāne dovacassāyan ti Abhidhamme āgatā. Sā atthato saṅkhārā-kkhandho hoti. Catunnaṃ ca khandhānaṃ eken' ākārena pavattānaṃ etaṃ adhivacanan ti vadanti.

Pāpa-mittatā ti pāpā asaddhādayo puggalā etassa mittā ti pāpa-mitto. Tassa bhāvo pāpa-mittatā. Vitthārato pan' esā : Tattha katamā pāpa-mittatā ? Ye te puggalā assaddhā dussilā appa-ssutā maccharino kadariyā duppaññā, yā tesam sevanā nisevanā samsevanā bhajanā sambhajanā bhatti sambhatti, tam sampavaṅkatā ti evam āgatā. Sā pi atthato dovaccassatā viya daṭṭhabbā.

Sovaccassatā ca kalyāṇa-mittatā ca vutta-paṭipakkha-nayena veditabbā. Ubho pi pan' etā idhalokiya-lokuttara-missakā kathitā.

Āpatti-kusalatā ti pañca pi āpatti-kkhandhā āpattiyo satta pi āpatti-kkhandhā āpattiyo. Yā tāsam āpattiṇaṃ āpatti kusalatā-paññā pajānanā ti evam vutto āpatti-kusala-bhāvo.

Āpatti-vuṭṭhāna-kusalatā ti yā tāhi āpattihi āpatti-vuṭṭhāna-kusalatā-paññā-pajānanā ti evam vuttā saha-kamma-vācāya āpattihi vuṭṭhāna-pariccheda-jānana-paññā.

Samāpatti-kusalatā ti atthi savitakka-savicārā samāpatti, atthi avitakka-avicārā samāpatti. Yā tāsam samāpattiṇaṃ samāpatti-kusalatā-paññā-pajānanā ti evam vuttā saha-parikkammaena appanā -pariccheda-pajānanā-paññā.

Samāpatti-vuṭṭhāna-kusalatā ti yā tāhi samāpattihi vuṭṭhāna-kusalatā-paññā pajānanā ti. Yathā paricchinna-samaya-vasen' eva samāpattito vuṭṭhāna-samatthā : Ettakaṃ gate suriye vuṭṭhahissāmī ti, vuṭṭhāna-kāla-pariccheda-karaṇa-paññā.

Dhātu-kusalatā ti aṭṭhārasa-dhātuyo, cakkhu-dhātu . . . pe . . . mano-viññāṇa-dhātu. Yā tāsam dhātūnaṃ dhātu-kusalatā-paññā-pajānanā ti, evam vuttā aṭṭhārasannaṃ dhātūnaṃ sabhāva-paricchedikā savana-dhāraṇa-sammasana-paṭivedha-paññā.

Manasikāra-kusalatā ti yā tāsam dhātūnaṃ manasikāra-kusalatā-paññā-pajānanā ti evam vuttā tāsam yeva dhātūnaṃ sammasana-paṭivedha-paccavekkhana-paññā.

Āyatana-kusalatā ti dvādas' āyatanāni cakkh' āyatanam . . . pe . . . dhamm' āyatanam. Yā tesam āyatanānaṃ āyatana-kusalatā-paññā-pajānanā ti evam vuttā dvādasannaṃ āyatanānaṃ uggaha-manasikāra pajānanā-paññā. Api ca dhātu-kusalatā pi uggaha-manasikāra-savana-sammasana-paṭivedha-

paccavekkhanesu vaṭṭati. Manasikāra-kusalatā pi āyatana-kusalatā pi. Ayaṃ paṇ' ettha viseso : savana-uggaha-paccavekkhanā lokiyā, paṭivedho lok' uttaro, sammāsana-manasikāra lokiya-lok' uttara-missakā.

Paṭicasamuppāda-kusalatā ti avijjā-paccayā saṅkhārā . . . pe . . . samudayo hoti ti. Yā tattha paññā pajānanā ti evaṃ-vuttā dvādasannaṃ paccay' ākārānaṃ uggah' ādivasena pavattā paññā.

Thāna-kusalā ti ye ye dhammā yesaṃ yesaṃ dhammānaṃ hetu-paccayā uppādāya taṃ taṃ thānaṃ ti; yā tattha paññā-pajānanā ti: evaṃ vuttā cakkhuṃ vatthuṃ katvā rūpaṃ ārammaṇaṃ katvā uppannassa cakkhu-viññāṇassa cakkhu-rūpaṃ thānaṃ c' eva kāraṇaṃ cā ti: evaṃ thāna-paricchindana-samatthā paññā.

Aṭṭhāna-kusalatā ti ye ye dhammā yesaṃ yesaṃ dhammānaṃ na hetu na paccayā uppādāya taṃ taṃ aṭṭhānanti; yā tattha paññā-pajānanā ti: evaṃ vuttā cakkhuṃ vatthuṃ katvā rūpaṃ ārammaṇaṃ katvā sota-viññāṇ' ādini na uppajjanti. Tasmā tesāṃ cakkhu-rūpaṃ na thānaṃ na kāraṇaṃ ti: evaṃ aṭṭhāna-paricchindana-samatthā paññā.

Api ca etasmiṃ duke : Kittāvatā pana bhante thānāthāna-kusalo bhikkhū ti, alaṃ vacanāyā ti. Idh' Ānanda bhikkhu aṭṭhānaṃ etaṃ anavakāso yaṃ diṭṭhi-sampanno puggalo kañci saṅkhāraṃ niccato upagaccheyya: N' etaṃ thānaṃ vijjatīti, pajānāti. Thānaṃ ca kho etaṃ vijjati yaṃ puthujjana kañci saṅkhāraṃ niccato upagaccheyyā ti iminā pi suttena attho veditaḃbo.

Ajjavan ti gomutta-vaṅkatā canda-vaṅkatā naṅgala-koṭi-vaṅkatā ti tayo anajjavā. Ekacco hi bhikkhu paṭhama-vaye eka-vīsatiyā anesanāsu chasu ca agocaresu carati, majjhima-pacchima-vayesu ca lajjī kukkuccako sikkhā-kāmo hoti. Ayaṃ gomutta-vaṅkatā nāma. Eko paṭhama-pacchima-vaye catu-pārisuddhi-sīlaṃ pūreti lajjī kukkuccako sikkhā-kāmo hoti, majjhima-vaye purima-sadiso. Ayaṃ canda-vaṅkatā nāma. Eko paṭhama-vaye pi majjhima-vaye pi catu-pārisuddhi-sīlaṃ pūreti lajjī kukkuccako sikkhā-kāmo hoti, pacchima-vaye purima-sadiso. Ayaṃ naṅgala-koṭi-vaṅkatā nāma. Eko sabbam p' etaṃ vaṅkataṃ pahayā tīsu vāyesu pi pesalo

lajjī kukkuccako sikkhā-kāmo hoti. Tassa yo sa ujubhāvo idaṃ ajjavam nāma. Abhidhamme pi vuttam: Tattha katamo ajjavo? Yo ajjavo ajjavatā ajimhatā avaṅkatā akuṭilatā, ayaṃ vuccati ajjavo ti.

Lajjavan ti katamo lajjavo? Yo hiriyati hiriyitabbena hiriyati pāpakānaṃ akusalānaṃ dhammānaṃ samāpattiyā, ayaṃ vuccati lajjavo ti, evaṃ vutto lajja-bhāvo.

Khantī ti tattha katamā khanti? Yā khanti khamanatā adhivāsanaṭā acaṇḍikkam anassuro po attamanatā cittassā ti, evaṃ vuttā adhivāsana-khanti.

Soraccan ti tattha katamaṃ soraccaṃ? Yo kāyiko avītikkamo vācasiko avītikkamo kāya-vācasiko avītikkamo, idaṃ vuccati soraccaṃ. Sabbo pi sīla-saṃvaro soraccan ti, evaṃ vutto sorata-bhāvo.

Sākhalyan ti tattha katamaṃ sākhalayaṃ? Yā sā vācā caṇḍā eḷakā kakkasā pharusā paraṃ-kaṭukā parābhisajjani kodha-sāmantā asamādhi-saṃvattanikā: tathārūpiṃ vācam pahāya. Yā sā vācā neḷā kaṇṇa-sukhā pemaṇiyā hadayaṃ-gamā porī bahujaṇa-kantā bahujaṇa-manāpā tathārūpiṃ vācam bhāsitaṃ hoti. Yā tattha saṇḥa-vācatā sakhila-vācatā aphaṇṇa-vācatā, idaṃ vuccati sākhalayan ti. Evaṃ vutto sammoda-muduka-bhāvo.

Paṭisanthāro ti ayaṃ loka-sannivāso āmisena ca dhammena cā ti dvīhi chiddo. Tassa taṃ chiddaṃ yathā na paññāyati evaṃ pīthassa viya paccattharaṇena āmisena ca dhammena ca paṭisanthāraṃ. Abhidhamme pi vuttam: Tattha katamo paṭisanthāro. Dve paṭisanthārā, āmisa-paṭisanthāro ca dhamma-paṭisanthāro ca. Idh' ekacco paṭisanthārako hoti āmisa-paṭisanthārena vā dhamma-paṭisanthārena vā, ayaṃ vuccati *paṭisanthāro* ti. Ettha ca āmisena saṅgaho āmisa-paṭisanthāro nāma. Taṃ karontena mātā-pitunnaṃ bhikkhubhātikassa¹ veyyāvacca-karassa rañño corānaṃ ca aggaṃ agāhetvā pi dātuṃ vaṭṭati. Āmasitvā dinnehi rājāno ca corā ca anattam pi karonti jīvita-kkhaṇḍaṃ pi pāpentī, anāmasitvā dinne attamanā honti. Cora-nāga-vatthu-ādīni c' ettha vatthūni kathetabbāni. Tāni Samantapāsādikāya Vinayaṭ-

¹ B gatikassa.

ṭhakathāya vitthāritāni. Sakkaccaṃ uddesa-dānaṃ pāli-vanṇanā dhammakathā-kathanan ti evaṃ dhammena saṅgaho dhamma-paṭisanthāro nāma.

Avihimsā ti karuṇā karuṇa-pubba-bhāgopi. Vuttam pi c' etam: tattha katamā avihimsā? Yā sattesu karuṇā karuṇāyanā karuṇāyitattaṃ karuṇā-cetovimutti, ayaṃ vuccati avihimsā ti.

Soceyyan ti mettāya ca mettā-pubbabhāgassa ca vasena suci-bhāvo. Vuttam pi c' etam: tattha katamaṃ soceyyaṃ? Yā sattesu metti mettāyanā mettāyitattaṃ mettā-cetovimutti, idaṃ vuccati soceyyan ti.

Muṭṭha-saccan ti sati-vippavāso. Yatth' āha: tattha katamaṃ muṭṭha-saccaṃ? Yā asati ananussati apaṭissati asaraṇatā adhāraṇatā apilāpanatā sammussanatā, idaṃ vuccati muṭṭha-saccaṃ.

Asampajaññan ti tattha katamaṃ asampajaññaṃ? Yaṃ aññaṃ adassanaṃ avijjālāgi moho akusala-mūlan ti, evaṃ vuttā avijjā yeva, sati sati yeva, sampajaññaṃ ñaṇaṃ.

Indriyesu agutta-dvāratā ti tattha katamā indriyesu agutta-dvāratā? Idh' ekacco cakkhunā rūpaṃ disvā nimitta-ggāhi hoti ti ādinā nayena vitthārito indriya-saṃvara-bhedo.

Bhojane amattaññutā ti tattha katamā bhojane amattaññutā? Idh' ekacco appaṭisaṅkhā ayoniso āhāraṃ āhāreti davāya madāya maṇḍanāya vibhūsanāya. Yā tattha asantutṭhitā amattaññutā appaṭisaṅkhā bhojane ti, evaṃ āgato bhojane amattaññu-bhāvo.

Anantara-duko vutta-paṭipakkha-nayena veditabbo.

Paṭisaṅkhāna-balan ti tattha katamaṃ paṭisaṅkhāna-balaṃ? Yā paññā pajānanā ti evaṃ vitthāritaṃ appaṭisaṅkhāya akampana-ñāṇaṃ.

Bhāvanā-balan ti bhāventassa uppannaṃ balaṃ. Atthato viriya-sambojjhaṅga-sīsena satta bojjhaṅgā honti. Vuttam pi c' etam: tattha katamaṃ bhāvanā-balaṃ? Yā kusalanāṃ dhammānaṃ āsevanā bhāvanā bahulī-kammaṃ, idaṃ vuccati bhāvanā-balaṃ. Satta pi bojjhaṅgā bhāvanā-balan ti.

Sati-balan ti asatiyā akampana-vasena sati yeva.

Samādhi-balan ti uddhacce akampana-vasena samādhi yeva.

Samatho samādhi. Vipassanā paññā. Samatho va taṃ ākāraṃ gahetvā punappuna pavattetabbassa samathassa nimitta-vasena *samatha-nimittaṃ*. Paggaha-nimitte pi es' eva nayo. *Paggaho viriyaṃ.*

Avikkhepo ekaggatā. Imehi pana *sati ca sampajannaṃ ca, paṭisaṅkhāna-balaṃ ca bhāvanā-balaṃ ca, sati-balaṃ ca saṃādhi-balaṃ ca, samatho ca vipassanā ca, samatha-nimittaṃ ca paggaha-nimittaṃ ca, paggaho ca avikkhepo cā* ti chahi dukehi parato sīla-diṭṭhi-sampadā dukena ca lokiya-lokuttara-misakā dhammā kathitā.

Sīla-vipattī ti tattha katamo sīla-vipatti? Kāyiko vitikkamo . . . pe . . . sabbam pi dussīlyaṃ sīla-vipattī ti evaṃ vutto sīla-vināsako asaṃcaro.

Diṭṭhi-vipatī ti tattha katamā diṭṭhi-vipatti? N' atthi dinnam n' atthi yitṭhan ti, evaṃ āgatā sammā-diṭṭhi-vināsako micchā-diṭṭhi.

Sīla-sampadā ti tattha katamā sīla-sampadā? Kāyiko avitikkamo ti evaṃ pubbe vutta-soraccam eva sīlassa sampadānato paripūraṇato *sīla-sampadā* ti vuttaṃ. Ettha ca sabbo pi sīla-saṃvaro sīla-sampadā ti: idaṃ mānasikassa pariyādān' atthaṃ vuttaṃ.

Diṭṭhi-sampadā ti tatthe katamā diṭṭhi-sampadā? Atthi dinnam, atthi yitṭham . . . pe . . . sacchikatvā pavedentī ti. Yā evarūpā paññā pajānanā ti evaṃ āgataṃ diṭṭhi-pāripūribhūtaṃ ñāṇam.

Sīla-visuddhī ti visuddhiṃ pāpetuṃ samatthaṃ sīlam. Abhidhamme panāyaṃ: tattha katamā sīla-visuddhi? Kāyiko avitikkamo vācasiko avitikkamo kāyika-vācasiko avitikkamo, ayaṃ vuccati sīla-visuddhī ti evaṃ vibhattā.

Diṭṭhi-visuddhī ti visuddhiṃ pāpetuṃ samatthaṃ dassanaṃ. Abhidhamme panāyaṃ: tattha katamā diṭṭhi-visuddhi? Kammassakataṃ ñāṇam sammānulomikaṃ ñāṇam magga-samaṅgissa ñāṇam phala-samaṅgissa ñāṇan ti, evaṃ vuttā. Ettha ca tividhaṃ duccharitaṃ attanā katam pi. Parena katam pi sakaṃ nāma na hoti, attha-bhañjanato,¹ sucaritaṃ sakaṃ nāma attha-bhañjanato ti: evaṃ jānanaṃ kammassa-

¹ Sic MSS.

katam ṇāṇam nāma. Tasmim̐ thatvā bahum vaṭṭa-gāmi-kammaṃ āyūhitvā sukhato sukhen' eva arahattam̐ pattānam̐ gaṇanā vitivattā. Vipassanā-ṇāṇam̐ pana vaci-saccañ ca anulometi, paramattha-saccañ ca na vilometi ti saccānulomika-ṇāṇan ti vuttam̐.

Diṭṭhi-visuddhi kho pana yathā diṭṭhissa ca padhānan ti ettha diṭṭhi-visuddhī ti ṇāṇa-dassanam̐ kathitam̐. Yathā diṭṭhissa ca padhānan ti tam̐ sampayuttam̐ eva viriyam̐. Api ca purima-padena catu-magga-ṇāṇam̐. Pacchima-padena tam̐ sampayuttam̐ viriyam̐. Abhidhamme pana diṭṭhi-visuddhi kho panā ti yā paññā pajānanā amoho dhamma-vicayo sammā-diṭṭhi, yathā diṭṭhissa ca padhānan ti yo cetasiko viriy' ārambho sammā-vāyāmo ti, evam̐ ayam̐ duko vibhatto.

Samvego ca samveganiyesu thānesū ti ettha samvego ti jāti-bhayaṃ jarā-bhayaṃ vyādhi-bhayaṃ maraṇa-bhayaṃ evam̐ jāti-ādini bhayato dassana-ṇāṇam̐. Samveganiyam̐ thānan ti jāti-jarā-vyādhi-maraṇam̐. Etāni hi cattāri: jāti-dukkham̐ jarā-dukkham̐ vyādhi-dukkham̐ maraṇa-dukkham̐ ti: evam̐ samveg' uppatti-kāraṇattā samvejaniyam̐ thānan ti vuttāni.

Samviggassa ca yoniso padhānan ti evam̐ samvega-jātassa upāya-padhānam̐. Idha bhikkhu anuppannānam̐ pāpakānam̐ akusalānam̐ dhammānam̐ anuppādāya chandam̐ janeti ti: evam̐ āgata-viriyass' etam̐ adhivacanam̐.

Asantiṭṭhitā ca kusalesu dhammesū ti yā kusalānam̐ dhammānam̐ bhāvanāya asantuṭṭhassa bhiyyo-kamyatā. Tāya hi samaṅgi-bhūto puggalo sīlam̐ puretvā jhānam̐ uppādeti, jhānam̐ labhivā vipassanam̐ ārabhati, āraddha-vipassako arahattam̐ gahetvā antarā-vosānam̐ nāpajjati.

Appaṭivānitā ca padhānasmin ti yā kusalānam̐ dhammānam̐ bhāvanāya sakkacca-kiriyatā sātacca-kiriyatā aṭṭhita-kiriyatā anolīna-vuttitā anikkhitta-candatā anikkhitta-dhuratā āsevanā bhāvanā bahulī-kamman ti: evam̐ vuttā rattin-divam̐ cha koṭṭhāse katvā jāgariyānuyoga-vasena āraddhe padhānas-mim̐ arahattam̐ appatvā anivattanatā.

Vijjā ti tisso vijjā.

Vimuttī ti dve vimuttiyo: cittassa ca adhimutti nibbānañ ca. Ettha ca aṭṭha samāpattiyo nīvaraṇ' ādihi suṭṭhu-muttatā.

adhimutti nāma. Nibbānaṃ sabba-saṅkhatato muttattā vimutti ti veditabbam.

Khaye ñāṇan ti kilesa-khaya-kare ariyamagge ñāṇaṃ.

Anuppāde ñāṇan ti paṭisandhi-vasena anuppāda-bhūte taṃ taṃ magga-vajjha-kilesānaṃ vā anuppāda-pariyosāne uppanne ariya-phale ñāṇaṃ. Ten' ev' āha *khaye ñāṇan* ti magga-samaṅgissa ñāṇaṃ. *Anuppāde ñāṇan* ti phala-samaṅgissa ñāṇan ti.

Ime kho āvuso ti ādi: Ayaṃ kho āvuso ti, ekake vutta-nayen' eva yojetabbam. Iti pañca-ttimsāya dukānaṃ vasena thero sāmaggi-rasaṃ dassetī ti.

Dukaṃ niṭṭhitam.

10. Iti duka-vasena sāmaggi-rasaṃ dassetvā idāni tika-vasena dassetuṃ puna desanaṃ ārabhi.

Tattha lubbhatī ti *lobho*.

Akusalaṇ ca taṃ mūlaṇ ca, akusalānaṃ vā mūlan ti *akusala-mūlaṃ*.

Dussatī ti *doso*. Muyhatī ti *moho*. Tesam paṭipakkha-vasena alobh' ādayo veditabbā.

Duṭṭhu-caritāni virūpāni vā caritāni ti *duccaritāni*. Kāya-duccaritaṃ kāyato vā pavattaṃ duccaritaṃ ti *kāya-duccaritaṃ*. Seseṣu pi es' eva nayo. Suṭṭhu-caritāni suṇḍarāni vā caritāni ti *sucaritāni*. Dve pi c' ete tikā paññattiyā vā kamma-pathehi vā kathetabbā. Paññattiyā tāva kāya-dvāre paññatta-sikkhāpadassa vītikkamo kāya-duccaritaṃ, avītikkamo kāya-sucaritaṃ. Vacī-dvāre paññatta-sikkhāpadassa vītikkamo vacī-duccaritaṃ, avītikkamo vacī-sucaritaṃ. Ubhayattha-paññattassa sikkhāpadassa vītikkamo mano-duccaritaṃ, avītikkamo mano-sucaritaṃ. Ayaṃ paññatti-kathā. Pāṇā i-pāt' ādayo pana tisso cetanā kāya-dvāre pi vacī-dvāre pi uppannā kāya-duccaritaṃ. Catasso musā-vād' ādi-cetanā vacī-duccaritaṃ. Abhiṇṇhā vyāpādo micchā-diṭṭhi tayo cetanā-sampayutta-dhammā mano-duccaritaṃ. Pāṇātipāt' ādihi viramantassa uppannā tisso cetanā pi viratiyo pi kāya-sucaritaṃ. Musā-vādihi viramantassa catasso cetanā pi viratiyo pi vacī-sucaritaṃ. Anabhiṇṇhā avyāpādo sammā-diṭṭhi ti tayo

cetanā-sampayutta-dhammā mano-sucaritan ti. Ayaṃ kammapatha-kathā.

Kāma-paṭisaṃyutto vitakko *kāma-vitakko*. Vyāpāda-paṭisaṃyutto vitakko *vyāpāda-vitakko*. Vihimsā-paṭisaṃyutto vitakko vihiṃsā-vitakko. Tesu dve sattesu pi saṅkhāresu pi uppajjanti. Kāma-vitakko hi piya-manāpe satte vā saṅkhāre vā vitakkentassa uppajjati. Vyāpāda-vitakko appiye amanāpe satte vā saṅkhāre vā kujjhivā olokana-kālato paṭṭhāya yāva vināsā uppajjati. Vihimsā-vitakko saṅkhāresu na uppajjati. Saṅkhāro hi dukkhāpetabbo nāma n' atthi. "Ime sattā haññantu vā ucchijjantu vā vinassantu vā mā vā ahesun" ti, cintana-kāle pana sattesu uppajjati.

Nekkhamma-paṭisaṃyutto vitakko *nekkhamma-vitakko*. So asubha-pubbabhāge kāmāvacaro hoti, asubha-jjhāne rūpāvacaro. Taṃ jhānaṃ pādaṃ katvā uppanna-magga-phala-kāle lok' uttaro.

Avyāpāda-paṭisaṃyutto vitakko *avyāpāda-vitakko*. So mettā-pubbabhāge kāmāvacaro hoti, mettā-jjhāne rūpāvacaro, taṃ jhānaṃ pādaṃ katvā uppanna-magga-phala-kāle lok' uttaro.

Avihimsā-paṭisaṃyutto vitakko *avihiṃsā-vitakko*. So karuṇā-pubbabhāge kāmāvacaro. Karuṇā-jjhāne rūpāvacaro. Taṃ jhānaṃ pādaṃ katvā uppanna-magga-phala-kāle lok' uttaro. Yadā alobho sīsaṃ hoti, tadā itare dve tad-anvāyikā bhavanti. Yadā mettā sīsaṃ hoti, tadā itare dve tad-anvāyikā bhavanti ti.

Kāma-saṅkapp' ādayo vutta-nayen' eva veditabbā. Desanā-mattam eva hoti. Atthato pana kāma-vitakk' ādīnaṃ ca kāma-saṅkapp' ādīnaṃ ca nānā-karaṇaṃ n' atthi.

Kāma-paṭisaṃyuttā saññā *kāma-saññā*. Vyāpāda-paṭisaṃyuttā saññā *vyāpāda-saññā*. Vihimsā-paṭisaṃyuttā saññā *vihiṃsā-saññā*. Tāsam pi kāma-vitakk' ādīnaṃ viya uppajjan' ākāro veditabbo. Taṃ sampayuttā yeva hi etā.

Nekkhamma-saññādayo pi nekkhamma-vitakk' ādi-sampayuttā yeva. Tasmā tāsam pi tath' eva kāmāvacar' ādibhāvo veditabbo.

Kāma-dhātu-ādisu kāma-paṭisaṃyutto takko vitakko micchā-saṅkappo. Ayaṃ vuccati *kāma-dhātū*. Sabbe pi aku-

salā *kāma-dhātū* ti ayam *kāma-dhātu*. Vyāpāda-paṭisaṃyutto takko vitakko micchā-saṅkappo, ayam vuccati *vyāpāda-dhātu*. Dasasu āghāta-vatthūsu cittassa āghāto paṭighāto anattamanatā cittassā ti, ayam *vyāpāda-dhātu*. Vihimsā-paṭisaṃyutto takko vitakko micchā-saṅkappo, ayam vuccati *vi-himsā-dhātu*. Idh' ekacco paṇinā vā leḍḍunā vā daṇḍena vā satthena vā rajjuyā vā aññatar' aññatarena vā satte viheṭhetī ti ayam *vi-himsā-dhātu*.

Tattha dve kathā sabba-saṅgāhikā ca asambhinnā ca. Tattha *kāma-dhātuyā* gahitāya itarā dve pi gahitā va honti. Tato pana nīharitvā: Ayam *vyāpāda-dhātu* ayam *vi-himsā dhātū* ti dassetī ti. Ayam sabba-saṅgāhika-kathā nāma.

*Kāma-dhātu*ṃ kathento pana Bhagavā *vyāpāda-dhātu*ṃ *vyāpāda-dhātu-tṭhāne* *vi-himsā-dhātu*ṃ *vi-himsā-dhātu-tṭhāne* ṭhapetvā, avasesaṃ *kāma-dhātu-nāma* ti kathesī ti: ayam asambhinna-kathā nāma.

Nekkhamma-dhātu-ādisu nekkhamma-paṭisaṃyutto takko . . . pe . . . Ayam vuccati *nekkhamma-dhātu*. Sabbe pi kusalā dhammā nekkhamma-dhātū ti ayam *nekkhamma-dhātu*. Avyāpāda-paṭisaṃyutto takko . . . pe . . . ayam vuccati *avyāpāda-dhātu*. Yā sattesu metti . . . pe . . . mettā ceto-vimuttī ti, ayam *vyāpāda-dhātu*. Avihimsā-paṭisaṃyutto takko . . . pe . . . ayam vuccati *avi-himsā-dhātu*. Yā sattesu karuṇā . . . pe . . . karuṇā ceto-vimuttī ti, ayam *avi-himsā-dhātu*.

Idhāpi vutta-nayen' eva dve kathā veditabbā. Aparā pi tisso dhātuyo ti aññā pi suññāt' atthena tisso dhātuyo. Tāsu tattha katamā *kāma-dhātu*? Heṭṭhato Avici-nirayaṃ pariyantaṃ karitvā ti: evaṃ vitthārito *kāma-bhavo kāma-dhātu* nāma. Heṭṭhato Brahmaloḷaṃ pariyantaṃ karitvā ākāśānañcāyatanūpage deve pariyantaṃ karitvā ti: evaṃ vitthāritā pana rūpārūpa-bhavā itarā dve dhātuyo. Dhātuyā āgata-tṭhānasmim hi bhavena paricchinditabbam. Bhavassa āgata-tṭhāne dhātuyā paricchinditabbam. Idha bhavena paricchedo kathito. Rūpa-dhātu-ādisu rūpārūpa-dhātuyo rūpārūpa-bhavā yeva. Nirodha-dhātuyā nibbānaṃ kathitaṃ. Hīnādisu *hīnā dhātū* ti dvādasa akusala-citt' uppādā. Avasesā

te-bhūmakā dhammā *majjhima-dhātu*. Nava lok' uttara-dhammā *pañña-dhātu*.

Kāma-taṇhā ti pañca-kāma-guṇiko rāgo. Rūpārūpa-bhavesu pana rāgo jhāna-nikanti-sassata-diṭṭhi-sahagato rāgo bhava-vasena patthanā va *bhava-taṇhā*. Ucceda-diṭṭhi-sahagato rāgo *vibhava-taṇhā*. Api ca ṭhapetvā pacchimaṃ taṇhā-dvayaṃ sesa-taṇhā kāma-taṇhā nāma. Yath' āha: "Tattha katamā bhava-taṇhā? Bhava-diṭṭhi-sahagato rāgo cittassa sārāgo, ayaṃ vuccati bhava-taṇhā. Tattha katamā vibhava-taṇhā? Ucceda-diṭṭhi-sahagato rāgo cittassa sārāgo, ayaṃ vuccati vibhava-taṇhā. Avasesā taṇhā kāma-taṇhā" ti. Puna kāma-taṇhādisu pañca-kāma-guṇiko rāgo kāma-taṇhā. Rūpārūpa-bhavesu chanda-rāgo itarā dve taṇhā. Abhidhamme* pan' etā kāma-dhātu-paṭisaṃyuttā . . pe . . . arūpa-dhātu-paṭisaṃyuttā ti: evaṃ vitthāritā.

Iminā vārena kiṃ dassesi? Sabbe pi te-bhūmakā dhammā rajanīy' atthena taṇhā-vatthukā ti, sabbe taṇhā kāma-taṇhāya pariyādiyitvā tato nīharitvā itarā dve taṇhā dassesi. Rūpa-taṇh' ādisu rūpa-bhave chanda-rāgo rūpa-taṇhā. Arūpa-bhave chanda-rāgo arūpa-taṇhā. Ucceda-diṭṭhi-sahagato rāgo nirodha-taṇhā.

Samyojana-tike vaṭṭasmim yojayanti bandhanti ti *saṃyojanāni*. Sati rūp' ādi-bhede kāye diṭṭhi, vijjamānā vā kāye diṭṭhi ti *sakkāya-diṭṭhi*. Vicinanto etāya kicchati na sakkoti sannitthānaṃ kātun ti *vicikicchā*. Silāñ ca vatañ ca parāmasatī ti *sīlabbata-parāmāso*. Atthato pana rūpaṃ attato samanupassatī ti ādinā nayena āgatā vīsati-vatthukā diṭṭhi *sakkāya-diṭṭhi* nāma. Satthari kaṅkhatī ti ādinā nayena āgatā attha-vatthukā vimati *vicikicchā* nāma. Idh' ekacco sīlena suddhi, vatena visuddhi, sīla-vatena suddhī ti sīlaṃ parāmasatī, vataṃ parāmasatī, sīlabbataṃ parāmasatī. Yā eva-rūpā diṭṭhi diṭṭhi-gatan ti ādinā nayena āgato vipariyesa-gāho *sīlabbata-parāmāso* nāma.

Tayo āsavā ti ettha cira-parivāsiy' atthena vā āsavan' atthena āsavā. Tattha: Purimā bhikkhave koṭi na paññāyati avijjāya ito pubbe avijjā nāhosi, atha pacchā sambhavi ti.

Purimā bhikkhave koṭi na paññāyati bhava-taṇhāya bhava-diṭṭhiyā ito pubbe bhava-diṭṭhi nāhosi, atha pacchā sambhavi ti. Evaṃ tāva cira-parivāsiy' atṭhena āsavā veditabbā.

Cakkhuto rūpe savati assavati sandati pavattati. Sotato sadde . . . Ghānato gandhe . . . Jivhāto rase . . . Kāyato phoṭṭhabbe . . . Manato dhamme savati assavati sandati pavattati ti evaṃ assavan' atṭhena āsavā veditabbā. Pāliyaṃ pana katthaci dve āsavā āgatā: Diṭṭhi-dhammikā ca āsavā samparāyikā ca āsavā ti. Katthaci: Tayo 'me bhikkhave āsavā, kām' āsavo bhav' āsavo avijjāsavo ti tayo. Abhi-dhamme te yeva diṭṭhāsavena saddhiṃ cattāro. Nibbe-

dhika-pariyāye : “ Atthi bhikkhave āsavā niraya-gāminiyā, atthi āsavā tiracchānayanigāminiyā, atthi āsavā pittvisaya-gāminiyā, atthi āsavā manussa-loka-gāminiyā, atthi āsavā devaloka-gāminiyā ” ti ; evaṃ pañca. Chakka-nipāte Āhuneyyā-sutte*: “ Atthi bhikkhave āsavā saṃvarā pahātabbā, atthi āsavā paṭisevanā pahātabbā, atthi āsavā parivajjanā pahātabbā, atthi āsavā adhivāsanaṃ pahātabbā, atthi āsavā vinodanā pahātabbā, atthi āsavā bhāvanā pahātabbā ” ti evaṃ cha. Sabb-āsava-pariyāye te yeva dassanā pahātabbehi saddhiṃ satta.

Imasmiṃ pana Saṅgīti-sutte tayo. Tattha yo kāmesu kāmācchando ti evaṃ vutto pañca-kāma-guṇiko rāgo kām' āsavo nāma. Yo bhavesu bhava-cchando ti evaṃ vutto sassata-diṭṭhi-sahagato rāgo bhava-vasena vā patthanā bhav' āsavo nāma. Dukkhe aññānan ti ādinā nayena āgatā avijjā avijjāsavo nāmā ti. Kāma-bhav' ādayo kāmā-dhātu-ādi-vasena vuttā yeva.

Kām' esan' ādisu tattha katamā kām' esanā ? Yo kāmesu kāmācchando kām' ajjhosaṇaṃ, ayaṃ vuccati kāmēsaṇā ti, evaṃ-vutto kāmā-gavesana-rāgo kāmēsaṇā nāma. Tattha katamā bhavesanā ? Yo bhavesu bhava-cchando bhav' ajjhosaṇaṃ, ayaṃ vuccati bhavesanā ti evaṃ-vutto bhava-gavesana-rāgo bhav' esanā nāma. Tattha katamā brahmacariy' esanā ? Sassato loko ti vā . . . pe . . . n' eva hoti na na hoti Tathāgato param-maraṇā ti yā evarūpā diṭṭhi diṭṭhi-gataṃ

vipariyesa-gāho, ayaṃ vuccati *brahmacariy'* esanā ti, evaṃ-vuttā diṭṭhi-gatika-sammatassa brahmacariyassa gavesana-diṭṭhi brahmacariy' esanā nāma. Na kevalañ ca bhava-rāga-diṭṭhiyo eva, tad ekaṭṭhaṃ kammaṃ pi esanā yeva. Vuttaṃ h' etaṃ: "Tattha katamā kām' esanā? Kāma-rāgo tad ekaṭṭhaṃ akusalaṃ kāya-kammaṃ vacī-kammaṃ mano-kammaṃ, ayaṃ vuccati kām' esanā. Tattha katamā bhav' esanā? Bhava-rāgo tad ekaṭṭhaṃ akusalaṃ kāya-kammaṃ, vacī-kammaṃ mano-kammaṃ, ayaṃ vuccati bhav' esanā. Tattha katamā brahmacariy' esanā? Anta-gāhikā-diṭṭhi tad ekaṭṭhaṃ akusalaṃ kāya-kammaṃ vacī-kammaṃ mano-kammaṃ, ayaṃ vuccati brahma-cariy' esanā" ti.

Vidhāsu kathaṃ-vidhaṃ sīlavantaṃ vadanti, kathaṃ-vidhaṃ paññāvantaṃ vadanti ti ādisu ākāra-saṅghānaṃ *vidhā* nāma. Eka-vidhena ñāṇa-vatthu, duvidhena ñāṇa-vatthū ti ādisu koṭṭhāso. *Seyyo 'ham asmī ti vidhā* ti ādisu māno-vidhā nāma. Idha so adhippeto. Māno hi seyy' ādi-vasena vidahanato vidhā ti vuccati. "Seyyo 'ham asmī" ti, iminā seyya-sadisa-hīnānaṃ vasena tayo mānā vuttā. Sadisa-hīnesu pi es' eva nayo. Ayaṃ hi māno nāma seyyassa tividho, sadisassa tividho, hīnassa tividho ti, nava-vidho hoti. Tattha seyyassa: "Seyyo 'ham asmī" ti, māno rājūnañ c' eva pabbajitānañ ca uppajjati. Rājā hi: "Raṭṭhena vā dhanena vā vāhanehi vā ko mayā sadiso atthī" ti, etaṃ mānaṃ karoti. Pabbajito pi: "Sīla-dhūtaṅg' ādihi ko mayā sadiso atthī" ti, etaṃ mānaṃ karoti. "Seyyassa sadiso 'ham asmī" ti, māno pi etesaṃ yeva uppajjati. Rājā hi raṭṭhena vā dhanena vā vāhanehi vā: "Aññā-rājūhi saddhiṃ mayhaṃ kiṃ nānā-karaṇaṃ" ti, etaṃ mānaṃ karoti. Pabbajito pi sīla-dhūtaṅg' ādihi: "Aññena bhikkhunā mayhaṃ kiṃ nānā-karaṇaṃ" ti, etaṃ mānaṃ karoti. "Seyyassa hīno 'ham asmī" ti, māno pi etesaṃ yeva uppajjati. Yassa hi rañño raṭṭhaṃ vā dhana-vāhan' ādini vā nātisampannāni honti: "So mayhaṃ rājā" ti vohāra-sukha-mattakam eva, "kiṃ rājā nāma ahan" ti, etaṃ mānaṃ karoti. Pabbajito pi appa-lābha-sakkāro: "Ahaṃ dhammakathiko bahussuto mahā-thero" ti kathā-mattakam eva, "Kiṃ dhamma-kathiko nāmāhaṃ, kiṃ bahussuto, kiṃ mahā-thero? Yassa me lābha-sakkāro n' atthī"

ti, etaṃ mānaṃ karoti. “Sadisassa seyyo ’ham asmī” ti, mān’ ādayo amacc’ ādīnaṃ uppajjanti. Amacco vā hi raṭṭhiyo vā bhoga-yāna-vāhan’ ādīhi: “Ko mayā sadiso añño rāja-puriso atthī” ti vā, “Mayhaṃ aññehi saddhiṃ kiṃ nānā-karaṇaṃ” ti vā, “Amacco ti nāma eva mayhaṃ, ghāsa-cchādanamattam pi me n’ atthi, kiṃ amacco nāmāhan” ti, ete māne karonti. “Hīnassa seyyo ’ham asmī”

ti, mān’ ādayo dās’ ādīnaṃ uppajjanti. Dāso hi mātiko vā pitiko vā: “Ko mayā sadiso añño dāso nāma atthi? Aññe jīvitum asakkontā kucchi-hetu dāsā jātā, paveṇi-āgatattā seyyo ti vā paveṇi-āgata-bhāvena ubhato suddhika-dāsattena asuka-dāsena nāma saddhiṃ kiṃ mayhaṃ nānā-karaṇaṃ” ti vā, “kucchi-vasenāhaṃ dāsavyaṃ upagato, mātā-pitu-koṭiyā pana me dāsaṭṭhānaṃ n’ atthi, kiṃ dāso nāma ahan” ti vā, ete māne karoti. Yathā ca dāso evaṃ Pukkusa-Canḍāl’ ādayo pi ete māne karonti yeva. Ettha ca: “Seyyassa seyyo ’ham asmī” ti ca, “Sadisassa sadiso ’ham asmī” ti ca,

“Hīnassa hīno ’ham asmī” ti ca, ime tayo mānā yāthāva-mānā nāma arahatta-magga-vajjhā. Sesā cha mānā ayāthāva-mānā nāma paṭhama-magga-vajjhā.

Tayo addhā ti tayo kālā. *Atīto addhā* ti ādisu dve pariyāyā Suttanta-pariyāyo ca Abhidhamma-pariyāyo ca. Suttanta-pariyāyena paṭisandhito pubbe atīto addhā nāma. Cutito pacchā anāgato addhā nāma. Saha-cuti-paṭisandhī ti tad-anantaraṃ paccuppanno addhā nāma. Abhidhamma-pariyāyena tisu khaṇesu bhaṅgato uddhaṃ atīto addhā nāma. Uppādato pubbe anāgato addhā nāma. Khaṇa-ttaye paccuppanno addhā nāma. Atīt’ ādi-bhede ca nāma ayaṃ dhammānaṃ hoti na kālassa. Atīt’ ādi-bhede pana dhamme upādāya idha paramatthato avijjamāno pi kālo ten’ eva vohārena vutto ti veditabbo.

Tayo antā ti tayo koṭṭhāsā. Kāya-bandhanassa anto jīratī ti ādisu hi anto yev’ anto. “Es’ ev’ anto dukkhassā” ti ādisu parabhāgo anto. “Antam idaṃ bhikkhave jīvikānaṃ” ti ettha lāmaka-bhāvo anto. “Sakkāyo kho āvuso paṭhamo anto” ti ādisu koṭṭhāso anto. Idha koṭṭhāso adhippeto.

Sakkāyo ti pañc’ upādāna-kkhandhā.

Sakkāya-samudayo ti tesam nibbattikā purima-taṇhā.

Sakkāya-nirodho ti ubhinnaṃ appavatti-bhūtaṃ nibbānaṃ. Maggo pana nirodhādhigamassa upāyattā nirodhe gahite gahito vā ti veditabbo.

Dukkha-dukkhatā ti dukkha-bhūtā dukkhatā. Dukkha-vedanān' etaṃ nāmaṃ.

Sankhāra-dukkhatā ti saṅkhāra-bhāvena dukkhatā. Adukkha-m-asukha-vedanāy' etaṃ nāmaṃ. Sā hi saṅkhatattā uppāda-jarā-bhaṅga-pīlītā, tasmā añña-dukkha-sabhāva-virahato saṅkhāra-dukkhatā ti vuttā.

Vipariṇāma-dukkhatā ti vipariṇāme dukkhatā. Sukha-vedanāy' etaṃ nāmaṃ. Sukhassa hi vipariṇāme dukkhaṃ uppajjati, tasmā sukhaṃ vipariṇāma-dukkhatā ti vuttaṃ. Api ca ṭhapetvā dukkha-vedanaṃ sukha-vedanañ ca sabbe pi te-bhūmakā dhammā sabbe saṅkhārā dukkhā ti-vacanato saṅkhāra-dukkhatā ti veditabbā.

Micchatta-niyato ti micchā-sabhāvo hutvā niyato. Niyamita - micchā - diṭṭhiyā saddhiṃ ānantariya - kammass' etaṃ nāmaṃ.

Sammā-bhāve niyato *sammatta-niyato*. Catunnaṃ ariya-maggānaṃ etaṃ nāmaṃ.

Na niyato ti *aniyato*. Avasesānaṃ dhammānaṃ etaṃ nāmaṃ.

Tayo tamā ti tam' andhakāro sammoho avijj' ogho mahābhayo ti vacanato avijjā tamo nāma. Idha pana avijjā sīsena vicikicchā vuttā.

Ārabbhā ti āgama.

Kaṅkhatī ti kaṅkhaṃ uppādeti.

Vicikicchā ti vicinanto kiccaṃ āpajjati sannitṭhātum na sakkoti.

Nādhimuccatī ti tattha adhimuñcituṃ na sakkoti.

Na sampasīdatī ti taṃ ārabbhā pasādaṃ āropetuṃ na sakkoti.

Ārakkheyyānī ti na rakkhitaṃ. Tisu dvāresu paccekkaṃ rakkhā-kiccaṃ n' atthi. Sabbāni satiyā eva rakkhitaṃ ti dīpeti.

N' atthi Tathāgatassā ti. "Idaṃ nāma me sahasā uppannaṃ kāya-duccaritaṃ, imāhaṃ yathā me paro na

jānāti tathā rakkhāmi paṭicchādemī” ti, evaṃ rakkhitabbaṃ n’ atthi Tathāgatassa kāya-duccaritaṃ. Sesesu pi es’ eva nayo.

Kim pana sesa-khīṇ’ āsavānaṃ kāya-samācār’ ādayo aparisuddhā ti? No aparisuddhā. Na pana Tathāgatassa viya aparisuddhā. Appassuta-khīṇ’ āsavo hi kiñcāpi loka-vajjaṃ nāpajjati, paṇṇattiyaṃ pana akovidattā vihāra-kāraṃ kuṭi-kāraṃ sahakāraṃ sahaseyyaṃ ti, evarūpā kāya-dvāre āpattiyo apajjati. Sañcarittam padaso dhammaṃ uttarim cha-ppaṇcavācam bhūt’ ārocanaṃ ti, evarūpā vaci-dvāre āpattiyo apajjati. Upanikkhittā sādiyana-vasena mano-dvāre rūpiya-patiggahaṇ’ āpattim apajjati. Dhammasenāpati-sadisassāpi hi khīṇ’ āsavassa mano-dvāre sa-upārambha-vasena mano-duccaritaṃ uppajjati eva.

Cātuma-vatthusmiṃ hi pañcahi bhikkhu-satehi saddhiṃ Sāriputta-Moggallānānaṃ paṇāmita-kāle tesam atthāya cātumeyyakehi sakkehi Bhagavati khamāpite therō Bhagavatā: “Kin ti te Sāriputta ahosi mayā bhikkhu-saṅghe paṇāmite” ti puṭṭho: Ahaṃ parisayā avyatta-bhāvena Satthārā paṇāmito, ito dāni paṭṭhāya paraṃ na ovadissāmi ti cittaṃ uppāditvā āha: “Evaṃ kho me bhante ahosi Bhagavatā bhikkhu-saṅgho paṇāmito. Appossukko dāni Bhagavā diṭṭha-dhamma-sukha-vihāraṃ anuyutto viharissati, mayam pi dāni upposukkā diṭṭha-dhamma-sukha-vihāraṃ. anuyuttā viharissāmā” ti. Ath’ assa tasmim mano-duccarite upārambhaṃ āropento Satthā āha: “Āgamehi tvaṃ Sāriputta, na kho te Sāriputta puna pi evarūpaṃ cittaṃ uppādetabban.” ti. “Evaṃ paraṃ na ovadissāmi nānusāsissāmi” ti, vitakkitamattam pi therassa mano-duccaritaṃ nāma jātaṃ. Bhagavato pana ettakam pi n’ atthi, anacchariyaṃ etaṃ Sabbaññutaṃ patassa duccaritaṃ na bhavyeṃ. Bodhisatta-bhūmiyaṃ ṭhitassa chabbassāni padhānaṃ anuyuñjantassāpi pan’ assa nāhosi. “Udara-cchaviyā piṭṭhi-kaṇṭakaṃ allīnāya kālakato samaṇo Gotamo” ti: devatānaṃ vimatiyā uppajjamānāya pi: “Siddhattha kasmā kilamasi? Sakkā bhoge ca bhuñjitum puññāni ca kātun” ti, Mārena pi pāpimatā vuccamānassa: Bhoge bhuñjissāmi ti, vitakkamattam pi na uppajjati. Atha naṃ Māro Bodhisatta-kāle chabbassāni Buddha-kāle ekaṃ

vassam anubandhitvā kiñci vajjam apassitvā idam vatvā pakkāmi.

Satta vassāni Bhagavantam anubandhim padā-padam
Otāram nādhigacchissam Sambuddhassa satīmato ti.*

Api ca aṭṭhārasannaṃ Buddha-dhammānaṃ vassenāpi Bhagavato duccharitābhāvo veditabbo. Aṭṭhārasa Buddha-dhammā nāma: N' atthi Tathāgatassa kāya-duccaritaṃ, n' atthi vaci-duccaritaṃ, n' atthi mano-duccaritaṃ: atīte Buddhassa appaṭihatamā ñānaṃ, anāgate . . ., paccuppanne Buddhassa appaṭihatamā ñānaṃ: sabbaṃ kāya-kammaṃ Buddhassa Bhagavato ñānānuparivatti, sabbaṃ vaci-kammaṃ . . ., sabbaṃ mano-kammaṃ Buddhassa Bhagavato ñānānuparivatti: n' atthi chandassa hāni, n' atthi viriyassa hāni, n' atthi satiyā hāni: n' atthi davā, n' atthi ravā, n' atthi khali-taṃ, n' atthi sahasā, n' atthi avyāvaṭṭo mano, n' atthi akusala-cittan ti.

Kiñcanā ti palibodhā. Rāgo kiñcanan ti rāgo uppajjamāno satte bandhati palibuddhati, tasmā kiñcanan ti vuccati. Itaresu pi dvīsu es' eva nayo.

Aggī ti anudahan' aṭṭhena aggī. Rāg-aggī ti rāgo uppajjamāno satte anudahati jhāpeti, tasmā aggī ti vuccati. Itaresu pi dvīsu es' eva nayo.

Tattha vatthūni. Ekā dahara-bhikkhunī Cittalapabbata-vihāre uposathāgāraṃ gantvā dvāra-pāla-rūpakam olokayamānā ṭhitā. Ath' assā anto rāgo uppanno. Sā ten' eva jhāyitvā kālaṃ akāsi. Bhikkhuniyo ca gacchamānā: "Ayaṃ daharā ṭhitā pakkosatha nan" ti āhaṃsu. Ekā gantvā: "Kasmā ṭhitā 'sī?" ti, hatthe gaṇhi. Gahitamattā parivattitvā papatā. Idam tāva rāgassa anudahahatāya vatthu. Dosassa pana anudahanatāya mano-padosikā devā. Mohassa anudahanatāya khiḍḍa-padosikā devā daṭṭhabbā. Mohavasena hi tesam sati-sammoho hoti. Tasmā khiḍḍa-vasena āhāra-kālaṃ ativattetvā kālaṃ karonti.

Āhuneyy' aggī ti ādisu āhunam vuccati sakkāro. Āhunam arahantīti āhuneyyā. Mātā-pitaro puttānaṃ bahūpakāraṇāya

āhunam arahanti. Tesu vippatipajjamānā puttā niray' ādisu nibbattanti. Tasmā kiñcāpi mātā-pitaro na anudahanti, anudahanassa pana paccayā honti. Iti anudahan' atthena *ahuneyy' aggī* ti vuccati. Svayaṃ attho Mittavindaka-vatthunā veditabbo. Mittavindako hi mātara: "Tāta ajja uposathiko hutvā vihāre sabba-rattim dhamma-savanam suṇa, sahasam te dassāmi" ti vutto dhana-lobhena uposatham samādāya vihāram gantvā: Idam thānam akuto-bhayan ti, sallakkhetvā dhammāsanassa hetthā nippanno, sabba-rattim niddāyitvā gharam agamāsi. Mātā pāto va yāgum pacitvā upanāmesi. So sahasam gahetvā va pivi. Ath' assa etad ahosi: "Dhanam saṃharissāmi" ti. So nāvāya samuddam pakkhanditu-kāmo ahosi. Atha nam mātā: "Tāta imasmim kule cattālīsa-koṭi-dhanam atthi, alam gamanenā" ti vāresi. So tassā vacanam anādiyitvā gacchati eva. Sā purato atthāsi. Atha nam kujjhitvā: Ayam mayham purato tiṭṭhatī ti, pādena paharitvā patitam antaram katvā agamāsi. Mātā utthahitvā: "Mādisā-mātari evarūpaṃ kammaṃ katvā gatassa te gata-tthāne sukham bhavissati ti, evaṃ saññī nāma tvam puttā" ti āha. Tassa nāvam āruya gacchato sattame divase nāvā atthāsi. Atha te manussā: Addhā ettha pāpa-puriso atthi, salākam dethā ti, salāk' ādiyamānā tass' eva tikkhattum pāpuṇi. Te tassa ulumpaṃ datvā samudde pakkhipimsu. So ekaṃ dīpaṃ gantvā vimāna-petīhi saddhim sampattim anubhavanto tāhi: "Purato purato mā agamasī" ti vuccamāno pi tad diguṇaṃ sampattim passanto anupubbena khura-cakkadharam addasa. Tassa taṃ cakkam paduma-pupphaṃ viya upatthāsi. So taṃ āha: "Ambho idam tayā pilandhitam padumaṃ mayham dehī" ti. "Na idam sāmi padumaṃ, khura-cakkam etan" ti. So: "Vañcesi maṃ tvam, kiṃ mayā padumaṃ na diṭṭha-pubban?" ti vatvā: "Tyam lohita-candanam vilimpitvā pilandha-paduma-pupphaṃ mayham na dātu-kāmo" ti āha. So cintesi: "Ayam pi mayā katasadisam kammaṃ katvā tassa phalaṃ anubhavitukāmo" ti. Atha nam: "Handa dhārehi"¹ ti vatvā tassa matthake cakkam pakkhipi. Tena vuttam:

Catubbhi aṭṭh' ajjhagamā aṭṭhāhi ca soḷasa
 Soḷasāhi ca battimsa atticchaṃ cakkhaṃ āsado
 Icchā-hatassa posassa cakkhaṃ bhamati matthake* ti.

Gahapati ti pana geha-sāmiko vuccati. So mātu-gāmassa sayana-vatthālaṅkāra' ādi anuppādānena bahūpakāro. Taṃ aticaranto mātugāmo niraya' ādisu nibbattati. Tasmā so pi purima-nayen' eva anudahan' aṭṭhena *gahapat-aggī* ti vutto. Tattha vatthum.†

Kassapa-buddha-kāle sot' āpannasssa upāsakassa bhariyā aticārini ahoṣī. So taṃ paccakkhato disvā: "Kasmā evaṃ karosī?" ti āha. Sā: "Sacāhaṃ evarūpaṃ karomi, ayaṃ me sunakho vilumpāmāno khādatū" ti vatvā, kālaṃ katvā Kaṇṇamuṇḍaka-dahe vemānika-petī hutvā nibbattā. Divā sampattiṃ anubhavati, rattim dukkhaṃ. Tadā Bārāṇasī-rājā migavaṃ caranto araṇṇaṃ pavisitvā anupubbena Kaṇṇamuṇḍaka-dahaṃ sampatto tāya saddhiṃ sampattiṃ anubhavi. Sā taṃ vañcetvā rattim dukkhaṃ anubhavati. So ñatvā: Kattha nu kho gacchatī ti, piṭṭhito piṭṭhito gantvā, avidūre ṭhito, Kaṇṇamuṇḍaka-dahato nikkhamitvā, taṃ paṭa-paṭan ti khādamānaṃ ekaṃ sunakhaṃ disvā asinā dvedhā chindi. Dve ahesuṃ. Puna pi chinne cattāro . . . puna pi chinne aṭṭha . . . puna pi chinne soḷasa ahesuṃ. Sā: "Kiṃ karosi sāmī?" ti āha. So: "Kim idan?" ti āha. Sā: "Evaṃ akatvā khela-piṇḍaṃ bhūmiyaṃ niṭṭhuhitvā pādena ghaṃsāhī" ti āha. So tathā akāsi. Sunakhā antaradhāyimsu. Taṃ divasaṃ tassā kammaṃ khīṇaṃ. Rājā vippatīsārī hutvā gantum āraddho. Sā: "Mayhaṃ sāmī kammaṃ khīṇaṃ, mā agamāsi" ti āha. Rājā asutvā va gato.

Dakkhiṇeyya' aggī ti ettha pana dakkhiṇā ti cattāro pacaya. Bhikkhu-saṅgho dakkhiṇeyyo. So gihīnaṃ tisu saraṇesu pañcasu silesu mātā-pitu-upaṭṭhāne dhammika-samaṇa-brāhmaṇa-upaṭṭhāne ti evaṃ ādisu kalyāṇa-dhammesu niyojanena bahūpakāro. Tasmim micchā-paṭipannā gihi bhikkhu-saṅghaṃ akkositvā paribhāsitvā niraya' ādisu nibbattanti. Tasmā so pi purima-nayen' eva anudahan' aṭṭhena dakkhi-

* J IV. 4.

† Pettavatthu II. 12, with commentary.

neyy' aggī ti vutto. Imassa pan' atthassa vibhāvan' atthaṃ Vimāna-vatthumhi Revatī-vatthum* vitthāretabbam.

Tividhena rūpa-saṅgaho ti ettha *tividhenā* ti tīhi koṭṭhāsehi. *Saṅgaho* ti jāti-sañjāti-kiriya-gaṇana-vasena catubbidho saṅgaho. Tattha: Sabbe khattiyā āgacchantū ti, ādiko jāti-saṅgaho. Sabbe Kosalakā ti, ādiko sañjāti saṅgaho. Sabbe hatthārohā ti, ādiko kiriya-saṅgaho. Cakkhāyatanam kata-mam khandha-gaṇanam gacchatī ti? Cakkhāyatanam rūpa-kkhandha-gaṇanam gacchati. Hañci cakkhāyatanam rūpa-khandhena saṅgahitan ti, ayaṃ gaṇana-saṅgaho. So idha adhippeto. Tasmā *tividhena rūpa-saṅgaho* ti tīhi koṭṭhāsehi rūpa-gaṇanā ti attho.

Sanidassan' ādisu attānam ārabba pavattena cakkhu-viññāṇa-saṅkhātena saha nidassanenā ti *sanidassanam*. Cakkhu-paṭihanana-samatthato saha-paṭighenā ti *sappaṭigham*. Taṃ atthato rūp' āyatanam eva. Cakkhu-viññāṇa-saṅkhātam nāssa nidassanan ti *anidassanam*. Sot' ādi-paṭihanana-samatthato saha-paṭighenā ti *sappaṭigham*. Taṃ atthato cakkhāyatan' ādini nava āyatanāni. Vutta-ppakāram nāssa nidassanan ti *anidassanam*. Nāssa paṭigho ti *appaṭigham*. Taṃ atthato ṭhapetvā das' āyatanāni avasesaṃ sukhuma-rūpaṃ.

Tayo saṅkhārā ti saha-jātā-dhamme c' eva samparāya-phala-dhamme ca saṅkharonti rāsiṃ karonti ti *saṅkhārā*. Abhisāṅkharoti ti *abhisāṅkhāro*. Puñño abhisāṅkhāro *puññābhisāṅkhāro*. Tattha katamo puññābhisāṅkhāro? Kusala-cetanā kāmāvacarā rūpāvacarā dāna-mayā sīla-mayā bhavanā-mayā ti, evaṃ vuttānam aṭṭhannam kāmāvacara-kusala-mahācitta-cetanānam pañcannam rūpāvacara-kusala-cetanānam c' etaṃ adhivacanam. Ettha ca dāna-sīla-mayā aṭṭh' eva cetanā honti, bhāvanā-mayā terasā pi. Yathā pi paṇaṇaṃ dhammaṃ sajjhāyamāno ekaṃ dve anusandhi-gato pi na jānāti, pacchā āvajjanto jānāti, evaṃ evaṃ kasiṇa-parikkammaṃ karontassa paṇaṇaṃ jhānaṃ paccavekkhantassa ca ñāṇa-vippayuttā pi bhāvanā hoti. Tena vuttaṃ: bhāvanā-mayā terasāpi ti. Tattha dāna-may' ādisu dānam ārabba dānādhikeyyā

uppajjati cetanā sañcetanā cetayitattam. Ayaṃ vuccati dāna-mayo puññābhisaṅkhāro. Sīlaṃ ārabha . . . bhāvanāṃ ārabha bhāvanādhikiccayā uppajjati cetanā sañcetanā cetayitattam. Ayaṃ vuccati bhāvanā-mayo puññābhisaṅkhāro ti. Ayaṃ saṅkhepa-desanā.

Cīvar' ādisu pana catusu paccayesu rūp' ādisu vā chasu ārammaṇesu ann' ādisu vā dasasu dāna-vatthusu taṃ taṃ dentassa tesam uppādanato paṭṭhāya pubbabhāge pariccāgākāle pacchā somanassa-cittena anussaraṇe cā ti, tisu kālesu pavattā cetanā dānamayā nāma. Sīla-pūraṇ' atthāya pana pabbajissāmi ti vihāraṃ gacchantassa pabbajantassa manorathaṃ matthakaṃ pāpetvā pabbajito va tamhi sādhu sadhū ti āvajjantassa pātimokkhaṃ saṃvarantassa cīvar' ādayo paccaye paccavekkhantassa āpātha-gatesu rūp' ādisu cakkhu-dvār' ādini saṃvarantassa ājīvaṃ sodhentassa ca pavattā cetanā sīlamayā nāma. Paṭisambhidāya vuttena vipassanā-maggena cakkhuṃ aniccato dukkhato anattato bhāventassa, manam . . . rūpe dhamme cakkhu-viññānam . . . mano-viññānam . . . cakkhu-samphassam . . . mano-samphassam . . . cakkhu-samphassajam vedanam . . . mano-samphassajam vedanam . . . rūpa-saññam . . . jarā-maraṇam aniccato dukkhato anattato bhāventassa pavattā cetanā bhāvanāmayā nāma ti. Ayaṃ vitthāra-kathā.

Apuñño ca so abhisaṅkhāro cā ti *apuññābhisaṅkhāro*. Dvādasa akusala - citta - sampayuttānam cetanānam etaṃ adhivacanam. Vuttam pi c' etaṃ: Tattha katamo apuññābhisaṅkhāro? Akusala-cetanā kāmāvacarā, ayaṃ vuccati apuññābhisaṅkhāro ti.

Ānañjam niccalaṃ santaṃ vipākabhūtaṃ arūpam eva abhisaṅkharoti ti *ānañjābhisaṅkhāro*. Catunnam arūpāvacara-kusala-cetanānam etaṃ adhivacanam. Yath' āha: Tattha katamo ānañjābhisaṅkhāro? Kusala-cetanā arūpāvacarā, ayaṃ vuccati ānañjābhisaṅkhāro ti.

Puggala-tike sattavidho ariya-puggalo. Tisso sikkhā sikkhatī ti *sekho*. Khīṇ' āsavo sikkhita-sikkhattā puna na sikkhatī ti *asekho*. Puthujjano sikkhāhi paribāhiyattā¹ *neva-sekho nāsekho*.

¹ SS paribāhirattā.

Thera-tike jāti-mahallako gihi jāti-thero nāma. “Cattāro ‘me bhikkhave therā-karaṇīyā dhammā. Idha bhikkhave therā sīlavā hoti, bahussuto hoti, catunnaṃ jhānānaṃ lābhī hoti, āsavānaṃ khayā . . . pe . . . upasampajja viharati. Ime kho bhikkhave cattāro therā-karaṇīyā dhammā” ti: evaṃ-vuttesu dhammesu ekena vā anekena vā samannāgato dhamma-thero nāma. Aññatāro therā nāmako bhikkhū ti evaṃ therā-nāmako vā. Yaṃ vā pana mahallaka-kāle pabbajitaṃ sāmaṇerā disvā therā ti vadanti, ayaṃ sammuti-thero nāma.

Puñña-kiriya-vatthūsu dānam eva dānamayaṃ. Puñña-kiriya ca sā tesāṃ tesāṃ ānisamsānaṃ vatthu cā ti *puñña-kiriya-vatthu*. Itaresu pi dvīsu es’ eva nayo. Atthato pana pubbe-vutta-dānamaya-cetan’ ādi-vasen’ eva saddhiṃ pubbabhāga-aparabhāga-cetanāhi imāni tiṇi puñña-kiriya-vatthūni veditabbāni. Ekaṃ ekañ c’ ettha pubbabhāgato paṭṭhāya kāyena karontassa kāya-kammaṃ hoti. Tad-atthaṃ vācam nicchārentassa vacī-kammaṃ. Kāy’ aṅgaṃ vāc’ aṅgaṃ acopetvā manasā cintentassa mano-kammaṃ. Ann’ ādīni dentassā pi: Anna-dān’ ādīni demī ti, vā dāna-pāramiṇi āvajjetvā vā dāna-kāle dānamayaṃ puñña-kiriya-vatthunī hoti. Vatta-sīse ṭhatvā dadato sīlamayaṃ. Khayato vā yato sammasanaṃ paṭṭhapetvā dadato bhāvanāmayāṃ puñña-kiriya-vatthunī hoti. Aparāni pi satta puñña-kiriya-vatthūni, apaciti-sahagataṃ puñña-kiriya-vatthunī, veyyāvacca-sahagataṃ . . . , pattānuppādānaṃ . . . , patt’ abbha-numodanaṃ . . . , desanāmayāṃ . . . , savanamayaṃ . . . , diṭṭh’ ujjugataṃ puñña-kiriya-vatthunī ti. Tattha mahallakaṃ disvā paccuggamaṃ patta-cīvara-paṭiggahana-abhivādana-magga-sampadān’ ādi-vasena apaciti-sahagataṃ veditabbaṃ. Buḍḍhatarānaṃ vatta-patipatti-karāṇa-vasena gāmaṃ piṇḍāya pavatṭhaṃ bhikkhūni disvā pattaṃ gahetvā gāme bhikkhaṃ samādapetvā upasaṃharaṇa-vasena gacchati: Bhikkhūnaṃ pattaṃ āharā ti, sutvā vegena gantvā pattāharaṇ’ ādivasena c’ eva veyyāvacca-sahagataṃ veditabbaṃ. Cattāro paccaye datvā: Sabba-sattānaṃ patti hotū ti, pavattana-vasena pattānuppādānaṃ veditabbaṃ. Parehi dinnāya pattiya: Sādhū suṭṭhū ti, anumoda-

na-vasena patt' abbhanumodanaṃ veditabbaṃ. Eko: Evamaṃ naṃ dhamma-kathiko ti jānissanti ti, icchāya tathavā, lābha-garuko hutvā deseti, taṃ na mahapphalaṃ. Eko attano paṇa-dhammaṃ appaccāsimsamāno paresaṃ deseti, idaṃ desanāmayamaṃ puñña-kiriya-vatthum nāma. Eko supanto: Iti maṃ saddho ti jānissanti ti, supāti, taṃ na mahapphalaṃ. Eko: Evam me mahapphalaṃ bhavissati ti, hita-pharaṇena mudu-cittena dhammaṃ supāti, idaṃ savaṇa-mayamaṃ puñña-kiriya-vatthum. Diṭṭh' ujjugataṃ pana sabbesaṃ niyama-lakkhaṇaṃ. Yaṃ kiñci puññaṃ kaṇṭassa hi diṭṭhiyā uju-bhāven' eva mahapphalaṃ hoti. Iti imesaṃ pi sattannaṃ puñña-kiriya-vatthūnaṃ purimeh' eva tīhi saṅgaho veditabbo. Ettha hi apaciti-veyyāvaccāni sīlamaye. Patti-patt' abbhanumodanāni dānamaye. Desanā-savaṇāni bhāvanāmaye. Diṭṭh' uju-gataṃ tīsu pi saṅgahaṃ gacchati.

Codanā-vatthūnī ti codanā-kāraṇāni.

Diṭṭhenā ti maṃsa-cakkhunā vā dibba-cakkhunā vā vītik-kamaṃ disvā codeti.

Sutenā ti pakati-sotena vā dibba-sotena vā parassa saddaṃ sutvā codeti.

Parisāṅkāyā ti diṭṭha-parisaṅkitena vā suta-parisaṅkitena vā muta-parisaṅkitena vā codeti. Ayaṃ ettha saṅkhepo, vitthāro pana Samantapāsādikāya vutta-nayen' eva veditabbo.

Kām' upapattiyo ti kāmūpasevanā kāma-paṭilābhā vā.

Paccupatṭhita-kāmā ti baddh' ārammaṇā.

Seyyathāpi manussā ti yathā manussā. Manussā hi nibaddhe yeva vatthusmiṃ vasaṃ vattanti. Yattha paṭibaddha-cittā honti, satamaṃ pi saḥassamaṃ pi datvā mātūgāmaṃ ānetvā nibaddha-bhogamaṃ bhuñjanti. Ekacce devā nāma catu-deva-loka-vāsino. Te pi nibaddha-vatthusmiṃ yeva vasaṃ vattenti. Ekacce vinipātikā nāma nerayike tṭhapetvā avasesā maccha-kacchap' ādayo pi hi nibaddha-vatthusmiṃ yeva vasaṃ vattenti. Maccho attano macchiniyā, kacchapo kacchapiniyā ti.

*Nimmetvū nimmetvā*¹ ti nīla-pīt' ādi-vasena yādisaṃ yādisaṃ

¹ B nimminivā twice.

attano rūpaṃ icchanti, tādisaṃ tādisaṃ nimmitvā āyasmato Anuruddhassa purato manāpa-devatā viya.

Nimmāna-ratī ti evaṃ sayāṃ nimmite nimmāne rati ete santi nimmāna-rati.

Para-nimmita-kāmā ti parehi nimmita-kāmā. Tesāṃ maṇaṃ ñatvā pare yathā-rucitaṃ kāma-bhogaṃ nimminanti, te tattha vasaṃ vattenti. Kathaṃ parassa maṇaṃ jānanti ti . . . Pakati-sevanā-vasena. Yathā hi kusalo sūdo rañño bhuñjantassa yaṃ yaṃ so bahuṃ ganhāti taṃ taṃ tassa rucati ti jānāti, evaṃ pakatiyā abhirucit' ārammaṇaṃ ñatvā tādisaṃ yeva nimminanti, te tattha vasaṃ vattenti methunaṃ sevanti. Keci pana therā: hasita-mattena olokita-mattena āliṅgita-mattena ca tesāṃ kāma-kiccaṃ ijjhanti ti vadanti. Taṃ: Aṭṭhakathāya etaṃ pana n' atthi ti, paṭikhittaṃ. Na hi kāyena aphasantassa phoṭṭhabbaṃ kāma-kiccaṃ sādheti. Channaṃ pi hi kāmāvacaraṇaṃ kāmā pakatikā eva. Vuttaṃ pi c' etaṃ:

Cha ete kāmāvacarā sabba-kāma-samid dhino
Sabbesaṃ eka-saṅkhātaṃ āyamaṃ bhavati kittakan ti.

Sukh' uppattiyo ti sukha-paṭilābhā.

Uppādetvā sukhaṃ viharanti ti te heṭṭhā paṭhamajjhāna-sukhaṃ nibbattetvā upari vipāka-jjhāna-sukhaṃ anubhavanti ti attho.

Sukhena abhisannā ti dutiya-jjhāna-sukhena tintā.

Parisannā ti samantato tintā.

Paripūrā ti paripunnā.

Paripphuṭā ti tass' eva vevacanaṃ. Idam pi vipāka-jjhāna-sukham eva sandhāya vuttaṃ.

Aho sukhaṃ aho sukhaṃ ti tesāṃ kira bhava-lobho mahā uppajjati. Tasmā *kadāci karahaci evaṃ udānaṃ udānenti*.

Santaṃ evā ti paṇitaṃ eva.

Tusitā ti tato uttariṃ sukhassa apatthanato santuṭṭhā hutvā.

Sukhaṃ paṭivedenti ti tatiya-jjhāna-sukhaṃ anubhavanti.

Sekhā-paññā ti satta ariya-paññā. Arahaṭo paññā *asekhā*. Avasesā paññā *nevasekhā-nāsekhā*.

Cintāmay' ādisu ayaṃ vitthāro. Tattha katamā cintāmayā paññā? Yoga-vihitesu vā kamm' āyatanesu yoga-vihitesu vā sipp' āyatanesu yoga-vihitesu vā vijjāyatanesu kamma-ssa-kataṃ vā saccānulomikaṃ vā rūpaṃ aniccan ti vā . . . pe . . . viññāṇaṃ aniccan ti vā yaṃ evarūpaṃ anulomikaṃ khantiṃ diṭṭhiṃ ruciṃ muniṃ pekkhaṃ dhamma-nijjhāna-khantiṃ parato asutvā paṭilabhati, ayaṃ vuccati *cintāmayā* paññā. Yoga-vihitesu vā kamm' āyatanesu . . . pe . . . dhamma-nijjhāna-khantiṃ parato sutvā paṭilabhati, ayaṃ vuccati *sutamayā paññā*. Tattha katamā bhāvanā-mayā paññā? Sabbā pi sammāpannassa paññā *bhāvanāmayā paññā*.

Sut' āvudhan ti sutam eva āvudhaṃ. Taṃ atthato tepiṭakaṃ Buddha-vacanaṃ. Taṃ nissāya bhikkhu paññāvu-dhaṃ nissāya sūro yodho avikampamāno mahā-kantāraṃ viya saṃsāra-kantāraṃ atikkamati avihaññamāno. Ten' eva vuttaṃ: *Sut' āvudho* bhikkhave ariya-sāvako akusalaṃ pajahati, kusalaṃ bhāveti, sāvajjaṃ pajahati anavajjaṃ bhāveti, suddhaṃ attānaṃ pariharati ti.

Pavivek' āvudhan ti kāya-viveko citta-viveko upadhi-viveko ti, ayaṃ tividho viveko eva āvudhaṃ. Tassa nānā-karaṇaṃ. Kāya-viveko ca vavakaṭṭha-kāyānaṃ nekkhammābhiraṭānaṃ; citta-viveko ca parisuddha-cittānaṃ parama-vodāna-pattānaṃ; upadhi-viveko ca nirupadhīnaṃ puggalānaṃ visaṅkhāra-gatānaṃ. Imasmiṃ hi tividhe viveke abhirato na kutoci bhāyati. Tasmā ayaṃ pi avassay' atṭhena āvudhan ti vutto. Lokiya-lok' uttara-paññā va āvudhaṃ *paññāvu-dhaṃ*. Yassa sā atthi so na kutoci bhāyati, na c' assa koci bhāyati. Tasmā sā pi avassay' atṭhen' eva āvudhan ti vuttā.

Aññātaññassāmī t' indriyan ti: Ito pubbe na aññātaṃ aviditaṃ dhammam jānissāmī ti, paṭipannassa uppannaṃ indriyaṃ sot' āpatti-magga-ñāṇass' etaṃ adhivacanaṃ.

Aññ' indriyan ti aññābhūtaṃ jānana-bhūtaṃ indriyaṃ. Sot' āpatti-phalato paṭṭhāya chasu ṭhānesu ñāṇass' etaṃ adhivacanaṃ.

Aññātāv' indriyan ti aññātavīsu jānana-kicca-pariyosāna-pattesu dhammesu indriyaṃ. Arahatta-phalass' etaṃ adhivacanaṃ.

Mamsa-cakkhum cakkhu-pasādo.

Dibba-cakkhum āloka-nissita-ñāṇam.

Paññā-cakkhum lokiya-lok' uttarā paññā.

Adhisīla-sikkhādisu adhisīlāṇ ca taṃ sikkhitabbato sikkhā cā ti *adhisīla-sikkhā*. Itarasmim dvaye pi es' eva nayo. Tattha: sīlam adhisīlam, cittaṃ adhicitam, paññā adhipaññā ti, ayaṃ pabhedo veditabbo. Sīlam nāma pañca pi dasa pi sīlāni: Pātimokkha-saṃvaro adhisīlam nāma. Aṭṭha samāpattiyo cittaṃ: vipassanā-pādaka-jjhānaṃ adhicitam. Kamma-ssakata-ñāṇam paññā: vipassanā adhipaññā. Anuppanne pi hi Buddh' uppāde pavattatī ti pañcasīla-dasasīlāni sīlam eva. Pātimokkha-saṃvara-sīlam Buddh' uppāde yeva pavattatī ti adhisīlam. Citta-paññāsu pi es' eva nayo. Api ca nibbānaṃ patthayantena samādinnaṃ pañcasīlam dasasīlam pi adhisīlam eva. Samāpannā aṭṭha samāpattiyo pi adhicitam eva. Sabbam vā lokiya-sīlam sīlam eva, lok' uttaram adhisīlam. Citta-paññāsu pi es' eva nayo.

Bhāvanāsu khīṇ' āsavassa pañca-dvārika-kāyo *kāya-bhāvanā* nāma. Aṭṭha samāpattiyo pi *citta-bhāvanā* nāma.

Arahatta-phalapaññā *paññā-bhāvanā* nāma. Khīṇ' āsavassa hi ekanten' eva pañca-dvārika-kāyo bhāvito hoti. Aṭṭha samāpattiyo c' assa na aññesaṃ viya dubbalā. Tass' eva ca paññā bhāvitā nāma hoti, paññā vepulla-pattiyā, tasmā evaṃ vuttaṃ.

Anuttariyesu vipassanā *dassanānuttariyam*. Maggo *paṭipadānuttariyam*. Phalaṃ *vimuttānuttariyam*. Phalaṃ vā *dassanānuttariyam*, maggo *paṭipadānuttariyam* nibbānaṃ *vimuttānuttariyam*. Nibbānaṃ vā *dassanānuttariyam*. Tato uttarim hi daṭṭhabbam nāma n' atthi. Maggo *paṭipadānuttariyam*, phalaṃ *vimuttānuttariyam*. *Anuttariyan* ti uttamam jeṭṭhakam.

Samādhisu paṭhama-jjhāna-samādhī *savitakka-savicāro*. Pañcaka-nayena dutiya-jjhāna-samādhī *avitakka-vicāramatto*. Seso avitakka-avicāro.

Suññatādisu tividhā kathā, āgamanato saṇaṇato ārammaṇato ti. Āgamanato nāma eko bhikkhu anattato abhinivisitvā anattato disvā anattato vuṭṭhāti. Tassa vipassanā suññatā nāma hoti. Kasmā? Asuññatā-kārakānaṃ kilesā-

naṃ abhāvā. Vipassanā āgamanena magga-samādhi *suññato* māma hoti. Maggāgamanena phala-samādhi *suññato* nāma.

Aparo aniccato abhinivisitvā aniccato disvā aniccato vuṭṭhāti. Tassa vipassanā *animittā* nāma hoti. Kasmā? Nimitta-kāraka-kilesābhāvā. Vipassanāgamanena magga-samādhi *animitto* nāma hoti. Maggāgamanena phalaṃ *animittam* nāma. Aparo dukkhato abhinivisitvā dukkhato vuṭṭhāti. Tassa vipassanā *appaṇihitā* nāma hoti. Kasmā?

Paṇidhi-kāraka-kilesābhāvā. Vipassanāgamanena magga-samādhi *appaṇihito* nāma hoti. Maggāgamanena phalaṃ *appaṇihitam* nāmā ti. Ayaṃ āgamanato kathā. Magga-samādhi pana rāg' ādīhi suññattā suññato. Rāga-nimitt' ādinam abhāvā *appaṇihito* ti. Ayaṃ sagunato kathā.

Nibbānaṃ rāg' ādīhi suññattā rāg' ādi-nimitta-paṇidhinaṃ ca abhāvā suññataṃ c' eva animittaṃ ca *appaṇihitaṃ* ca. Tad-ārammaṇo magga-samādhi suññato *animitto appaṇihito*. Ayaṃ ārammaṇato kathā.

Soceyyānī ti sucibhāva-karā soceyya-paṭipadā dhammā. Vitthāro pan' ettha. Tattha katamaṃ *kāya-soceyyam*? Pāṇātipātā veramaṇī ti ādinā nayena vuttānaṃ tiṇṇaṃ sucari-tānaṃ vasena veditabbo.*

Moneyyānī ti munibhāva-karā moneyya-paṭipadā dhammā. Tesam vitthāro. Tattha katamaṃ *kāya-moneyyam*? Tividha-kāya-duccaritassa pahānaṃ *kāya-moneyyam*. Tividhaṃ *kāya-sucaritam* *kāya-moneyyam*. Kāy' ārammaṇe ñānaṃ *kāya-moneyyam*. Kāya-pariññā *kāya-moneyyam*. Kāya-pariññā-sahagato maggo *kāya-moneyyam*. Kāyasmim chanda-rāga-pahānaṃ *kāya-moneyyam*. Kāya-saṅkhāra-nirodhā catuttha-jjhāna-samāpatti *kāya-moneyyam*.

Tattha katamaṃ *vacī-moneyyam*? Catubbidha-vacī-duccaritassa pahānaṃ *vacī-moneyyam*. Catubbidha-vacī-sucaritam. . . . Vācārammaṇe ñānaṃ. . . . Vācā-pariññā. . . . Vācā-pariññā-sahagato maggo. . . . Vācasmim chanda-rāga-pahānaṃ. . . . Vacī-saṅkhāra-nirodhā dutiya-jjhāna-samāpatti *vacī-moneyyam*. Tattha katamaṃ *mano-moneyyam*? Tividha - mano - duccaritassa pahānaṃ *mano-*

* Strangely there is no mention of *vacī*^o and *mano-soceyyam*.

moneyyam. Tividhā - mano - sucaritam. . . . Man' ārammaṇe ñāṇam. . . . Mano-pariññā. . . . Mano-pariññā sahagato maggo. . . . Manasmiṃ chanda-rāga-pahānam. . . . Citta - saṅkhāra - nirodhā paññā - vedayita-nirodha-samāpatti mano-moneyyan ti.

Kosallesu āyo ti vaḍḍhi, apāyo ti avaḍḍhi. Tassa tassa kāraṇam upāyo. Tesam pajānanam kosallam. Vitthāro pana Vibhaṅge vutto yeva. Vuttam h' etaṃ: Tattha katham āya-kosallam? Ime me dhamme manasikaroto anuppannā c' eva akusalā dhammā na uppajjanti, uppannā ca aksusalā dhammā nirujjhanti. Ime vā pana me dhamme manasikaroto anuppannā c' eva kusalā dhammā uppajjanti, uppannā ca kusalā dhammā bhiyyo-bhāvāya vepullāya bhāvanāya pāripūriyā samvattanti. Yā tattha paññā pajānanā sammā-diṭṭhi, idaṃ vuccati āya-kosallam. Tattha katham apāya-kosallam? Ime me dhamme manasikaroto anuppannā c' eva akusalā dhammā uppajjanti, uppannā ca kusalā dhammā nirujjhanti. Ime vā pana me dhamme manasikaroto anuppannā c' eva kusalā dhammā n' uppajjanti, uppannā ca akusalā dhammā bhiyyo-bhāvāya vepullāya bhāvanāya pāripūriyā samvattanti. Yā tattha paññā pajānanā sammā-diṭṭhi, idaṃ vuccati apāya-kosallam. Sabbā pi tatr' upāyā paññā upāya-kosallan ti. Idaṃ pana accāyika-kicce vā bhaye vā uppanne tassa tassa tikicchan' attham ṭhān' uppattiyā kāraṇa-jānana-vasen' eva veditabbam.

Madā ti majjan' ākāra-vasena pavattamānā. Tesu: Aham nirogo satṭhim sattatiṃ vā vassāni atikkantāni, na me harīṭakī-khaṇḍam pi khādita-pubbam, ime pan' aññe asukam nāma ṭhānam rujati bhesajjam vā khādāmā ti vicaranti, ko añño mādiso nirogo nāmā ti, evaṃ māna-karaṇam ārogya-mado. Mahallaka-kāle puññam karissāma, dahara-mahatā vā ti yobbane ṭhatvā māna-karaṇam yobbana-mado. Ciraṃ jīviṃ ciraṃ jīvāmi, ciraṃ jīvissāmi, sukham jīviṃ sukham jīvāmi sukham jīvissāmi ti, evaṃ māna-karaṇam jīvita-mado.

Adhipateyyesu adhipatito āgataṃ adhipateyyam: Ettako 'mhi silena samādhinā paññāya vimuttiyā, na me taṃ patirūpan ti, evaṃ attānam adhipatiṃ jeṭṭhakam katvā pāpassa

akaraṇaṃ attādhīpateyyaṃ nāma. Lokam adhipatim katvā akaraṇaṃ lokādhīpateyyaṃ nāma. Lok' uttara-dhammam adhipatim katvā akaraṇaṃ dhammādhīpateyyaṃ nāma.

Kathā-vatthūnī ti kathā-kāraṇāni.

Atītaṃ vā addhānaṃ ti atīta-dhamma-gatim atīta-khandhe ti attha. Api ca yaṃ bhikkhave rūpaṃ atītaṃ niruddhaṃ vipariṇataṃ ahoṣī ti, tassa saṅkhā ahoṣī ti, tassa paññatti ahoṣī ti, tassa samaññānatassa saṅkhā bhavissati ti, na tassa saṅkhā atthī ti, evaṃ āgatenā Niruttipatha-suttena* p' ettha attho vedittabbo.

Vijjā ti tama-vijjhan' atthena vidita-karaṇ' atthena pi vijjā. *Pubbe nivāsānussati ñāṇaṃ* hi uppajjamānaṃ pubbe-nivāsaṃ chādetvā thitaṃ tamaṃ vijjhati. Pubbe nivāsañ ca viditaṃ karotī ti vijjā. *Cutūpapāta-ñāṇaṃ* cuti-paṭi-sandhi-cchādakaṃ tamaṃ vijjhati, tañ ca viditaṃ karotī ti vijjā. *Āsavānaṃ khaye ñāṇaṃ* catu-sacca-cchādakaṃ tamaṃ vijjhati, catu-sacca-dhammaṃ viditaṃ karotī ti vijjā.

Vihāresu aṭṭha samāpattiyo *ḍibbo vihāro*. Catasso appamaññā *Brahma-vihāro*. Phala-samāpatti *ariya-vihāro*.

Pāṭihāriyāni Kevaṭṭasutte vitthāritān' eva.

Ime kho āvuso ti ādisu vutta-nayen' eva yojetabbam. Iti sama-saṭṭhiyā tikānaṃ vasena asīti-sataṃ pañhe kathento thero sāmaggi-rasaṃ dassesī ti.

Tikaṃ niṭṭhitam.

11. (i) Iti tika-vasena sāmaggi-rasaṃ dassetvā idāni catukka-vasena dassetuṃ puna desanaṃ ārabhi. Tattha *sati-paṭṭhāna*-catukkaṃ pubbe vitthāritam eva.

(ii) *Sammappadhāna*-catukke *chandaṃ janetī* ti yo chando chandikatā kattu-kamyatā kusale dhamme chando ti evaṃ vuttaṃ kattu-kāmatam janeti.

Vāyamaṭī ti vāyāmaṃ karotī.

Viriyaṃ ārabhatī ti viriyaṃ janeti.

Cittaṃ paggaṇhatī ti cittaṃ upatthambheti. Ayam ettha

saṅkhepo. Vitthāro pana Sammappadhāna-vibhaṅge āgato yeva.

(iii) Iddhipādesu chandaṃ nissāya pavatto samādhi *chanda-samādhi*. Padhāna-bhūtā saṅkhārā *padhāna-saṅkhārā*.

Samannāgatan ti tehi dhammehi upetaṃ.

Iddhiyā pādaṃ iddhibhūtaṃ vā pādan ti *iddhi-pādaṃ*. Sesesu pi es' eva nayo. Ayam ettha saṅkhepo, vitthāro pana Iddhipāda-vibhaṅge āgato eva. Visuddhimagge pan' assa attho dīpito.

(iv) *Jhāna-kathā* pi Visuddhimagge vitthāritā va.

(v) *Diṭṭha-dhamma-sukha-vihārāyā* ti imasmim yeva attabhāve sukha-vihār' atthāya. Idha phala-samāpatti-jhānāni khīṇ' āsavassa aparabhāge nibbattita-jjhānāni ca kathitāni.

Āloka-saññāṃ manasikarotī ti divā vā rattim vā suriya-pajjota-canda-maṇi-ādināṃ āloko ti manasikaroti.

Divā saññāṃ adhiṭṭhātī ti evaṃ manasikatvā divā ti saññāṃ tṭhapeti.

Yathā divā tathā rattin ti yathā divā diṭṭho āloko tath' eva taṃ rattim manasikaroti.

Yathā rattim tathā divā ti yathā rattim āloko diṭṭho evaṃ eva divā manasikaroti.

Iti-vivaṭena cetasā ti evaṃ-āpihitena cittaṇa.

Apariyonaddhenā ti samantato anaddhena.

*Samabhāsan*¹ ti savobhāsaṃ.²

Ñāṇa-dassana-paṭilābhāyā ti ñāṇa-dassana-paṭilābh' atthāya. Iminā kiṃ kathitaṃ? Middha-vinodana-āloko kathito, parikamma-āloko vā. Iminā kiṃ kathitaṃ hoti? Khīṇ' āsavassa dibba-cakkhu-ñāṇaṃ, tasmim vā āgate pi anāgate pi pādaka-jjhāna-samāpattim eva sandhāya sappabhāsaṃ cittaṃ bhāveti ti vuttaṃ.

Satisampajaññāyā ti satta-tṭhānikassa sati-sampajaññassa atthāya.

Viditā vedanā uppajjanti ti ādisu khīṇ' āsavassa vatthum viditaṃ hoti ārammaṇaṃ viditaṃ vatthārammaṇaṃ viditaṃ. Vatthārammaṇa-viditatāya evaṃ vedanā uppajjanti evaṃ tiṭṭhanti evaṃ nirujjhanti. Na kevalaṇ ca vedanā eva, idha

¹ B sappabhāsan.

² B sa-obhāsaṃ.

vuttā saññādayo pi avuttā cetanādayo pi veditā va uppajjanti c' eva tiṭṭhanti ca nirujjhanti ca. Api ca vedanāya uppādo vidito hoti, upaṭṭhānaṃ viditaṃ hoti. Avijjā-samudayā vedanā-samudayo. Taṇhā-samudayā kamme-samudayo. Phassa-samudayā vedanā-samudayo. Nibbatti-lakhaṇaṃ passanto pi vedanā-kkhandhassa samudayaṃ passati. Evaṃ vedanāya uppādo vidito hoti. Kathaṃ vedanāya upaṭṭhānaṃ viditaṃ hoti? Aniccato manasikaroto khaya-tūpaṭṭhānaṃ viditaṃ hoti. Dukkato manasikaroto bhaya-tūpaṭṭhānaṃ viditaṃ hoti. Anattato manasikaroto suññatūpaṭṭhānaṃ viditaṃ hoti. Evaṃ vedanāya upaṭṭhānaṃ viditaṃ hoti, khayato bhayato suññāto jānāti. Kathaṃ vedanāya atthaṅgamo vidito hoti? Avijjā-nirodhā vedanā-nirodho . . . pe . . . evaṃ vedanāya atthaṅgamo hoti. Iminā pi nayen' ettha attho veditabbo.

Iti-rūpan ti ādi-vutta-nayam eva.

Ayaṃ āvuso samādhī-bhāvanā ti ayaṃ āsavānaṃ khayanāssa pādaka-jjhāna-samādhī-bhāvanā.

(vi) *Appamaññā* ti pamāṇaṃ agahetvā anavasesa-pharaṇavasena appamaññā. Anupada-vaṇṇanā pana bhāvanā-samādhi vidhānaṃ ca etāsaṃ Visuddhimagge vitthāritam eva.

(vii) *Arūpa-kathā* pi Visuddhimagge vitthāritā va.

(viii) *Apassenānī* ti apassayāni.

Saṅkhāyā ti nāṇena.

Paṭisevatī ti nāṇena ñatvā sevitabba-yuttakam eva sevati. Tassa vitthāro: Paṭisaṅkhā-yoniso cīvaraṃ paribhuñjati ti, ādinā nayena veditabbo.

Saṅkhāy' etaṃ adbhivāsetī ti nāṇena ñatvā adbhivāsetabba-yuttakam eva adbhivāseti. Vitthāro pan' ettha: Paṭisaṅkhā-yoniso khamo hoti sītassā ti, ādinā nayena veditabbo.

Parivajjeti ti nāṇena ñatvā parivajjetuṃ yuttakam eva parivajjeti. Tassa vitthāro: Paṭisaṅkhā-yoniso caṇḍam hatthiṃ parivajjeti ti, ādinā nayena veditabbo.

Vinodeti ti nāṇena ñatvā vinodetabbam eva vinodeti, nudati nīharati anto-pavisituṃ na¹ deti. Tassa vitthāro:

Uppannaṃ kāma-vitakkam nādhivāseti ti ādinā nayena veditabbo.

(ix) *Ariya-vamsā* ti ariyānaṃ vamsā, yathā hi Khattiya-vamso Brāhmaṇa-Vamso Vessa-vamso Sudda-vamso Samaṇa-vamso, Kula-vamso, Rāja-vamso, evaṃ ayam pi aṭṭhamo ariya-vamso ariyatan ti, ariya-paveṇi nāma hoti. So kho paṇāyaṃ ariya-vamso imesaṃ vamsānaṃ mūla-gandh' ādīnaṃ kālānuserika-gandh' ādayo viya aggamaṃ akkhayati. Ke pana te ariyā yesaṃ ete vamsā ti? Ariyā vuccanti Buddhā ca Paccekabuddhā ca Tathāgata-sāvaka ca. Etesaṃ ariyānaṃ vamsā ti ariya-vamsā.

Ito pubbehi sata-sahassa-kapp' ādhikānaṃ catunnaṃ asaṅkheyyānaṃ matthake Taṇhaṅkaro Medhaṅkaro Saraṇaṅkaro Dīpaṅkaro ti cattāro Buddhā uppannā. Te ariyā. Tesāṃ ariyānaṃ vamsā ti ariya-vamsā. Tesāṃ Buddhānaṃ parinibbānato aparabhāge ekaṃ asaṅkheyyaṃ atikkamitvā Koṇḍañño nāma Buddhō uppanno . . . pe . . . imasmiṃ kappe Kakusandho Koṇāgamaṇo Kassapo amhākaṃ Bhagavā Gotamo ti cattāro Buddhā uppannā. Tesāṃ ariyānaṃ vamsā ti ariya-vamso. Api ca atitānāgata-paccuppannānaṃ sabbaññu-Buddha-Paccekabuddha-Buddha-sāvakaṇaṃ ariyānaṃ vamsā ti ariya-vamso. Te kho paṇ' ete aggaññā aggā ti jānitabbā, rattaññā dīgha-rattaṃ pavattā ti jānitabbā, porāṇā na adhun' uppattikā, asaṅkiṇṇā avikiṇṇā anapaṇitā. Asaṅkiṇṇa-pubbā atīta-Buddhehi na saṅkiṇṇa-pubbā. Kiṃ imehī ti na apanīta-pubbā? Na saṅkiyanti ti idāni pi na apanīyanti. Na saṅkiyissanti ti anāgata-Buddhehi pi na apanīyissanti. Ye loke viññū samaṇa-brāhmaṇā te hi appaṭikuttā samaṇehi brāhmaṇehi viññūhi aninditā arahitā.

Santutṭho hoti ti paccaya-santo savaṇena santutṭho hoti.

Itarītarenā ti na thūla-sukhuma-lūkha-panīta-thira-jinṇānaṃ yena kenaci, atha kho yathā laddh' ādīnaṃ itarītarena yena kenaci santutṭho hoti ti attho. Cīvarasmim hi tayo santosā: yathā-lābha-santoso, yathā-bala-santoso, yathā-sārappa-santoso ti. Piṇḍapāt' ādisu pi es' eva nayo. Tesāṃ vitthāra-kathā Sāmaññaphale vutta-nayen' eva veditabbā. Iti ime tayo santose sandhāya *santutṭho hoti* ti vuttaṃ.

Ettha ca cīvaram jānitabbam, cīvara-khettaṃ jānitabbam, paṃsu-kūlaṃ jānitabbam, cīvara-santoso jānitabbo, cīvara-paṭisaṃyuttāni dhutaṅgāni jānitabbāni. Cīvaram jānitabban ti khom' ādini cha cīvarāni, dukūl' ādini cha anuloma-cīvarāni jānitabbāni. Imāni dvādasāni kappiya-cīvarāni: Kusa-cīvaram, vāka-cīvaram, kesa-kambalaṃ, vāla-kambalaṃ, poṭṭhako, cammaṃ, ulūka-pakkhaṃ, rukkha-dussaṃ, latā-dussaṃ, eraka-dussaṃ, kadali-dussaṃ, veḷu-dussan ti evaṃ ādini akkapiya-cīvarāni. Cīvara-khettan ti saṅghato vā gaṇato vā ṇātito vā mittato vā attano vā dhanena paṃsu-kūlaṃ vā ti evaṃ uppajjanato cha khettaṃ. Aṭṭhan-nañ ca mātīkānaṃ vasena aṭṭha khettaṃ jānitabbāni. Paṃsu-kūlaṃ ti sosānikaṃ pāpaṇikaṃ rathiyaṃ saṅkāra-kuṭakaṃ sotthiyaṃ sinānaṃ titthaṃ gata-paccāgataṃ aggidaḍḍhaṃ go-khāyitaṃ upacika-khāyitaṃ undura-khāyitaṃ antacchinnaṃ dasa-cchinnaṃ dhaj' āhaṭaṃ thūpaṃ samaṇa-cīvaram sāmuddayaṃ ābhisekiyaṃ pathikaṃ vāt' āhaṭaṃ iddhimayaṃ devadattiyaṃ ti te visati paṃsu-kūlāni veditabbāni. Ettha ca sotthiyaṃ ti gabbha-mala-haraṇaṃ. Gata-paccāgatan ti mataka-sarīraṃ pārūpitvā susānaṃ netvā ānīta-cīvaram. Dhaj' āhaṭaṃ ti dhajaṃ ussāpetvā tato ānītaṃ. Thūpan ti vammike pūjita-cīvaram. Sāmuddiyaṃ ti samudda-vicīhi thalaṃ pāpitaṃ. Pathikaṃ ti panthaṃ gacchantehi cora-bhayena pāsāṇehi koṭṭetvā pāruta-cīvaram. Iddhi-mayaṃ ti ehi-bhikkhu-cīvaram. Sesam pākaṭaṃ eva. Cīvara-santoso ti visati cīvara-santosā. Cīvare vitakka-santoso, gamana-santoso, pariyesana-santoso, paṭilābha-santoso, matta-paṭiggahaṇa santoso, loluppa-vivajjana-santoso, yathā-lābha-santoso, yathā-bala-santoso, yathā-sāruppa-santoso, udaka-santoso, dhovana-santoso, karaṇa-santoso, parimāṇa-santoso, sutta-santoso, sibbana-santoso, rajana-santoso, kappasantoso, paribhoga-santoso, sannidhi-parivajjana-santoso, visajjana-santoso ti. Tattha sātakaṭṭhinā bhikkhunā temāsaṃ nibaddha-vāsaṃ vasitvā eka-māsa-mattaṃ vitakketuṃ vaṭṭati. So hi pavāretvā cīvara-māse cīvaram karoti. Paṃsu-kūlika aḍḍha-māsen' eva karoti. Iti mās'aḍḍha-māsa-mattaṃ vitakkaṇaṃ vitakka-santoso. Vitakka-santosena pana santuṭṭhena bhikkhunā pācīna-khaṇḍa-rāji-vāsika-paṃsukūlika-tthera-sa-

disena bhavitabbaṃ. Thero kira Cetiya-pabbata-vihāre: Cetiyaṃ vandissāmi ti āgato cetiyaṃ vanditvā cintesi: “Mayhaṃ cīvaraṃ jīṇaṃ, bahunnaṃ vasana-tṭhāne labhissāmi” ti. So Mahā-vihāraṃ gantvā saṅgha-ttheraṃ disvā vanditvā vasana-tṭhānaṃ pucchitvā, tattha vuttho, puna divase cīvaraṃ ādāya āgantvā therā vandi. Thero: “Kiṃ āvuso?” ti āha. “Gāma-dvāraṃ bhante gāmissāmi” ti. “Ahaṃ p’ āvuso āgāmissāmi” ti. “Sādhu bhante” ti gacchanto Mahā-bodhi-dvāra-kotṭhake ṭhatvā: Puññavantānaṃ vasana-tṭhāne manāpaṃ labhissāmi ti, cintetvā: Aparisuddho me vitakko ti, tato vā paṭinivatti. Puna-divase papañh¹-amb’ angaṇa-samīpato . . . puna-divase Mahā-cetiyaṃ uttara-dvārato . . . puna divase tath’ eva paṭinivattitvā catuttha-divase therassa santikaṃ agamāsi. Thero: Imassa bhikkhuno vitakko na parisuddho bhavissati ti, cīvaraṃ gahetvā tena saddhiṃ yeva pañhaṃ pucchamāno gāmaṃ pāvīsi. Tañ ca rattim eko manusso uccāra-palibuddho sātaka yeva vaccaṃ katvā taṃ saṅkāra-tṭhāne chaḍḍesi. Paṃsukūlika-tthero taṃ nīla-makkhikāhi samparikīṇaṃ disvā añjalim paggahehi. Mahāthero: “Kiṃ āvuso saṅkāra-tṭhānassa añjalim paggaṇhāsi?” ti. “Nāhaṃ bhante saṅkāra-dhānassa añjalim paggaṇhāmi, mayhaṃ pitu Dasabalassa paggaṇhāmi Puṇṇa-dāsiyā sarīraṃ pārupitvā chaḍḍita-paṃsukūlaṃ tumba-matta-pāṇake vidhunitvā susānato gaṇhantena dukkaraṃ kataṃ bhante” ti. Mahāthero: Parisuddho vitakko paṃsukūlikassā ti, cintesi. Paṃsukūlika-tthero pi tasmim yeva tṭhāne tṭhito vipassanaṃ vaḍḍhetvā tīṇi phalāni nipatto. Taṃ sātakaṃ gahetvā cīvaraṃ katvā pārupitvā pācīna-khaṇḍa-rājim gantvā agga-phalaṃ arahattaṃ pāpuṇi.

Cīvar’ atthāya gacchantassa pana: Kattha labhissāmi ti, acintetvā kamma-tṭhāna-sīsen’ eva gamanaṃ gamana-santoso nāma. Pariyesantassa pana yena vā tena vā saddhiṃ apariyesitvā lajjim pesalaṃ bhikkhuṃ gahetvā pariyesanaṃ pariyesana-santoso nāma. Evaṃ pariyesantassa āhāriyamānaṃ cīvaraṃ dūrato va disvā: Etaṃ manāpaṃ bhavissati, etaṃ amanāpaṃ ti, evaṃ avitakketvā thūla-sukhum’ ādisu

yathā laddhena va santussanaṃ paṭilābha-santoso nāma.

Evam laddhaṃ gaṇhantassāpi: Ettakaṃ dupaṭṭassa bhavissati, ettakaṃ ekapaṭṭassāti, attano pahonaka-matten' eva santussanaṃ matta-paṭiggahaṇa-santoso nāma.

Civaraṃ pariyasantassa pana: Asukassa ghara-dvāre manāpaṃ labhissāmi ti, acintetvā dvāra-paṭipāṭiyā caraṇaṃ loluppa-vivajjanaṃ nāma. Lūkha-paṇṭesu yena kena ci yāpetuṃ sakkontassa yathā laddhen' eva yāpanaṃ yathā-lābha-santoso nāma. Attano thāmaṃ jānitvā yena yāpetuṃ sakkoti, tena yāpanaṃ yathā-bala-santoso nāma.

Manāpaṃ aññassa datvā attano yena kenaci yāpanaṃ yathā-sārappa-santoso nāma. Kattha udakaṃ manāpaṃ, kattha amanāpan ti, avicāretvā yena kenaci dhovana-pakena udakena dhovanaṃ udaka-santoso nāma. Paṇḍu-mattika-geruka-pūti paṇṇarasa kiliṭṭhāni pana udakāni vajjetuṃ vaṭṭati. Dhovantassa pana muggar' ādīhi apaharivā hatthehi madditvā dhovanaṃ dhovana-santoso nāma.

Tathā asujjhantaṃ paṇṇāni pakkhipitvā tāpita-udakenāpi dhovituṃ vaṭṭati. Evam dhovitvā karontassa: Idaṃ thūlaṃ, idaṃ sukhuman ti, akopetvā pahonaka-nihāren' eva karaṇaṃ karaṇa-santoso nāma. Timaṇḍala-paṭicchādana-mattass' eva karaṇaṃ parimāṇa-santoso nāma.

Civara-karaṇ' atthāya pana: Manāpaṃ suttaṃ pariyesāmi ti, avicāretvā rathikādisu vā devaṭṭhāne vā āharitvā pāda-mūle vā ṭhapitaṃ yaṃ kiñci deva-suttaṃ gahetvā karaṇaṃ sutta-santoso nāma.

Kusi-bandhana-kāle pana aṅgula-matte satta¹-vārena vijjhitaḥṭṭaṃ. Evam karontassa hi yo bhikkhu sahāyo na hoti, tassa vatta-bhedo pi n' atthi. Dvaṅgula-matte pana satta-vāre vijjhitaḥṭṭaṃ. Evam karontassa magga-paṭipanno pi sahāyena bhavitaḥṭṭaṃ. Yo na hoti, tassa vatta-bhedo. Ayaṃ sibbana-santoso nāma. Rajantena pana kāla-kacchak' ādini pariyesantena na caritaḥṭṭaṃ. Soma-Vakkal' ādisu yaṃ labhati, tena rajitaḥṭṭaṃ. Alabhantena pana manussehi araññe vākaṃ gahetvā chaḍḍita-rajanaṃ vā bhikkhūhi pacitvā chaḍḍita-kasaṭaṃ vā rajitaḥṭṭaṃ, ayaṃ rajana-santoso nāma. Nila-kaddama-

¹ B sattha, and below.

kāḷa-sāmesu yaṃ kiñci gahetvā hatthi-piṭṭhe nisinnassa paññāyamāna-kappa-karaṇaṃ kappa-santoso nāma. Hirikopīna-paṭicchādanamatta-vasena paribhuñjanaṃ paribhogasantoso nāma. Dussaṃ pana labhitvā suttaṃ vā sūciṃ vā kārakaṃ vā alabhantena ṭhapetum vaṭṭati, labhantena na vaṭṭati. Katamam pi sace antevāsik' ādīnaṃ dātu-kāmo hoti te ca asannihitā, yāva āgamanā ṭhapetum vaṭṭati. Āgata-mattesu dātabbaṃ. Dātuṃ asakkontena adhiṭṭhātabbaṃ. "Aññasmiṃ cīvare sati paccattaraṇaṃ pi adhiṭṭhātuṃ vaṭṭati, anadhiṭṭhitam eva hi sannidhi hoti, adhiṭṭhitam na hoti" ti, Mahāsiva-tthero āha. Ayaṃ sannidhi-parivajjana-santoso nāma. Vissajjentena pana mukhaṃ oloketvā na dātabbaṃ. Sārāṇiya-dhamme ṭhatvā vissajjitabban ti. Ayaṃ vissajjana-santoso nāma. Cīvара-paṭisaṃyut-tāni dhutaṅgāni nāma paṃsukūlik' aṅgaṇ e' eva te cīvarik' aṅgaṇ ca. Tesam vitthāra-kathā Visuddhimaggato veditabbā. Iti cīvara-santoso-mahā-ariya-vaṃsaṃ pūrayamāno bhikkhu imāni dve dhutaṅgāni pūreti gopeti. Imāni gopento cīvara-santosa-mahā-ariya-vaṃsena santuṭṭho hoti.

Vaṇṇa-vādī ti eko santuṭṭho hoti, santosassa vaṇṇaṃ na katheti: eko na santuṭṭho hoti, santosassa vaṇṇaṃ katheti: eko n' eva santuṭṭho hoti na santosassa vaṇṇaṃ katheti: eko santuṭṭho ca hoti, santosassa vaṇṇaṃ katheti. Taṃ dassetum *itaritara-cīvara-santuṭṭhiyā vaṇṇa-vādī* ti vuttaṃ.

Anesanan ti dūteyya-pahina-gamanānuyoga-ppabhedam nā-nappakāraṃ anesanaṃ.

Appaṭirūpan ti ayuttaṃ.

Aladdhā cā ti alabhitvā. Yathā ekacco: kathan nu kho cīvaraṃ labhissāmī ti, puññavantehi bikkhūhi saddaṃ hutvā kohaṇṇaṃ karonto uttasati paritassati.

Laddhā cā ti dhammena samena labhitvā.

Agadhito ti vigata-lobha-khandho.

Amucchito ti adhimatta-taṇhāya mucchaṃ anāpanno.

Anajjhāpanno ti taṇhāya anotthato apariyonaddho.

Adīnavaṃ dassāvī ti anesanā-pattiyaṇ ca gathita-paribhoge ca adīnavaṃ passamāno.

Nissaraṇa-pañño ti yāvad eva sītassa paṭighātāyā ti vuttanissaraṇaṃ eva jānanto.

Itarītara-cīvara-santutṭhiyā ti yena kenaci cīvara-santutṭhiyā.

N' ev' attānaṃ ukkaṃseti ti: Ahaṃ paṃsukūliko, mayā upa-sampada-māle yeva paṃsukūlik' aṅgaṃ gahitaṃ, ko mayā sadiso atthī ti, att-ukkaṃsataṃ na karoti.

Na paraṃ vambheti ti: Ime paṇ' ciññe bhikkhū na paṃsukūlikā ti, vā: Paṃsukūlikāmatam pi etesaṃ n' atthī ti, vā evaṃ paraṃ na vambheti.

Yo hi tattha dakkho ti yo tasmim cīvara-santose vaṇṇa-vādit' ādisu dakkho cheko vyatto.

Analaso ti sātacca-kiriyāya alasiya-virahito.

Sampajāno paṭissato ti stampajāna-paññāya c' eva satiyā ca yutto.

Ariya-vaṃse thito ti ariya-vaṃse patiṭṭhito.

Itarītarena piṇḍapātena vā ti yena kenaci piṇḍapātena. Ettha piṇḍapāto jānitabbo, piṇḍapāta-khettaṃ jānitabbaṃ, piṇḍa-pāta-santoso jānitabbo, piṇḍapāta-paṭisaṃyuttaṃ dhu-taṅgaṃ jānitabbaṃ. Tattha *piṇḍapāto* ti odano kummāso sattū, maccho, maṃsaṃ, khīraṃ, dadhi, sappi, navaṇitaṃ, telaṃ, madhu, phāṇitaṃ, yāgu, khādaniyaṃ, lehaniyaṃ ti soḷasa piṇḍapātā. *Piṇḍapāta-khettaṃ* ti saṅgha-bhattaṃ,

uddesa-bhattaṃ, nimantanāṃ, salāka-bhattaṃ, pakkhikaṃ, uposathikaṃ, pāṭipadikaṃ, āgantuka-bhattaṃ, gamika-bhattaṃ, gilāna-bhattaṃ, gilān' upaṭṭhāka-bhattaṃ, dhura-bhattaṃ, kuṭi-bhattaṃ, vāra-bhattaṃ, vihāra-bhattaṃ ti pāṇna-rasa piṇḍapāta-khettaṇi. *Piṇḍapāta-santoso* ti piṇḍapāte

vitakka-santoso, gamana-santoso, pariyesana-santoso, paṭilābha-santoso, paṭiggahāṇa-santoso, matta-paṭiggahāṇa-santoso, loluppavivajjana-santoso, yathā-lābha-santoso, yathā-bala-santoso, yathā-sārappa-santoso, upakāra-santoso, parimāṇa-santoso, paribhoga-santoso, sannidhi-parivajjana-santoso vi-sajjana-santoso ti pannarasa santosā. Tattha yo dakkho

bhikkhu mukhaṃ dhovitvā vitakketi: Piṇḍapātikena gaṇeṇa saddhim caratā sāyaṃ therūpaṭṭhāna-kāle yeva kattha piṇḍāya carissāmā ti; Asuka-gāme bhante ti: ettakaṃ cintetvā tato paṭṭhāya na vitakketabbaṃ. Eka-cārikena vitakka-māḷake ṭhatvā vitakketabbaṃ. Tato paṭṭhāya vitakkento ariya-vaṃsā cuto hoti paribāhiro. Ayaṃ vitakka-santoso nāma.

Piṇḍāya pavisantena pana: Kuhiṃ labhissāmī ti, acin-

tetvā kammaṭṭhāna-sīsena gantabbam. Ayaṃ gamana-santoso nāma. Pariyesantena yaṃ vā taṃ vā agahetvā lajjim pesalam eva gahetvā pariyesitabbam. Ayaṃ pariyesana-santoso nāma. Dūrato va āhariyamānaṃ disvā: Etaṃ manāpaṃ etaṃ amanāpanti, cittaṃ na uppādetabbam. Ayaṃ paṭilābha-santoso nāma. Idaṃ manāpaṃ gaṇhissāmi, idaṃ na manāpaṃ gaṇhissāmi ti, acintetvā yaṃ kiñci yāpanamattaṃ gahetabbam eva, ayaṃ paṭiggahana-santoso nāma. Ettha pana deyya-dhammo bahu, dāyako appaṃ dātu-kāmo, appaṃ gahetabbam. Deyya-dhammo bahu, dāyako pi bahuṃ dātu-kāmo, pamāṇen' eva gahetabbam. Deyya-dhammo na bahu, dāyako pi appaṃ dātu-kāmo, appaṃ gahetabbam. Deyya-dhammo na bahu, dāyako pana bahuṃ dātu-kāmo, pamāṇena gahetabbam. Paṭiggahana-smim hi mattaṃ ajānanto manussānaṃ pasādaṃ makkhati, saddhā-deyyaṃ vinipāteti, sāsanaṃ na karoti, vijāta-mātuyā pi cittaṃ gahetuṃ na sakkoti. Iti mattaṃ jānitvā va paṭiggahetabban ti, ayaṃ matta-paṭiggahana-santoso nāma. Aḍḍha-kulāni yeva agantvā dvāra-paṭipāṭiyā gantabbam. Ayaṃ loluppa-vivajjana-santoso nāma. Yathā lābha-santos' ādayo cīvare vutta-nayā eva: Piṇḍapātaṃ paribhuñjitvā samaṇa-dhammaṃ anupālessāmi ti, evaṃ upakāraṃ ñatvā paribhuñjanaṃ upakāra-santoso nāma. Pattaṃ pūretvā ānītaṃ na paṭiggahetabbam, anupasampanne sati tena gāhāpetabbam asati harāpetvā paṭiggahana-rūhaṇamattaṃ gahetabbam. Ayaṃ parivāna-santoso nāma. Jighacchāya paṭivindanaṃ: Idaṃ ettha nissaraṇaṃ ti, evaṃ paribhuñjanaṃ paribhoga-santoso nāma. Nidahitvā nidahitvā na paribhuñjitabbam, ayaṃ sannidhi-parivajjana-santoso nāma. Mukhaṃ anoloketvā sārāṇīya-dhamme tḥitena vissajjetabbam, ayaṃ vissajjana-santoso nāma. *Piṇḍapāta-paṭi-samyuttāni* pana pañca *dhutaṅgāni* piṇḍapātik' aṅgaṃ sapadāna-cārik' aṅgaṃ ek āsanik' aṅgaṃ patta-piṇḍik' aṅgaṃ khalu-pacchā-bhattik' aṅgaṃ ti tesam vitthāra-kathā Visuddhi-magge vuttā. Iti piṇḍapāta-santosa-mahā-ariyavaṃsena santuṭṭho hoti.

. *Vanṇa-vādi* ti ādini vutta-nayen' eva veditabbāni.

Sen' āsana ti idha *sen' āsanaṃ* jānitabbam, *sen' āsana-khet-*

taṃ jānitabbam, sen' āsana-santoso jānitabbo, sen' āsana-paṭi-samyuttam dhutaṅgam jānitabbam. Tattha sen' āsanam ti mañco piṭham bhisi bimb' ohanam vihāro adḍhayogo pāsādo hammiyam guhā leṇam aṭṭo mālo velu-gumbo rukkhāmūlam, yattha vā pana bhikkhū paṭikkamantī ti, imāni pannarasa sen' āsanāni. Sen' āsana-khettan ti saṅghato vā gaṇato vā nātito vā mittato vā attano vā dhanena paṃsukūlam vā ti cha khettāni. Sen' āsana-santoso ti sen' āsane vitakka-santos' ādayo pannarasa santosā. Te piṇḍapāte vutta-nayen' eva veditabbā. Sen' āsana-paṭisamyuttāni pana pañca dhutaṅgāni āraññak' aṅgam rukkha-mūlik' aṅgam abbhokāsik' aṅgam sosānik' aṅgam yathā-santhatik' aṅgam ti. Tesam vitthāra-kathā Visuddhimagge vuttā. Iti sen' āsana-santosa-mahā-ariyavaṃsam pūrayamāno bhikkhu imāni pañca dhutaṅgāni gopeti. Imāni gopento sen' āsana-santosa-mahā-ariyavaṃsena santuṭṭho hoti. Gilāna-paccayo pana piṇḍapāte yeva pavuṭṭho. Tattha yathālābha-yathābala-yathāsāruppa-santosēn' eva santussitabbam. Nesajjik' aṅgam bhāvanārāma-ariyavaṃsam bhajati. Vuttam pi o' etaṃ:

Pañca sensāsane vuttā, pañca āhāra-nissitā,
Eko viriya-samyutto, dve ca cīvara-nissitā ti.

Iti āyasmā Dhammasenāpati Sāriputtathero paṭhāvīm pattharamāno viya sāgara-kucchim pūrayamāno viya ākāsam vitthārayamāno viya ca paṭhamam cīvara-santosam ariya-vaṃsam kathetvā candam uṭṭhāpento viya suriyam ullāghento viya ca dutiyam piṇḍapāta-santosam kathetvā Sinerum ukkhipanto viya ca tatiyam sen' āsana-santosam ariyavaṃsam kathetvā idāni sahassa-naya-paṭimaṇḍitam catuttham bhāvanārāmam ariyavaṃsam kathetum puna ca param āvuso bhikkhu pahān' ārāmo hoti ti desanam ārabhi.

Tattha āramaṇam ārāmo abhiraṃatī ti attho. Pañcavidhe pahāne ārāmo assā ti pahān' ārāmo. Kāma-cchandam pajahanto ramati, nekkhammam bhāvento ramati, vyāpādam pajahanto ramati, sabba-kilese pajahanto ramati, arahattamaggam bhāvento ramatī ti evam pahāne rato ti pahān-rato.

Vutta-nayen' eva bhāvanāya ārāmo bhāvanāya rato ti
bhāvanā-rato.

Imesu pana catusu ariyavaṃsesu purimehi tāva tīhi tera-
sannaṃ dhutaṅgānaṃ catu-paccaya-santosassa vasena saka-
laṃ Vinayapiṭakaṃ kathitaṃ hoti. Bhāvanārāmena ava-
sesaṃ Piṭaka-dvayaṃ. Imaṃ pana bhāvanārāmatam ariya-
vaṃsaṃ kathentena bhikkhunā Paṭisambhidāmagge nekkham-
ma-pāliyā kathetabbo, Dighanikāye Dasuttarasuttanta-pariyā-
yena kathetabbo, Majjhime Satipaṭṭhānasuttanta-pariyāyena
kathetabbo, Abhidhamme Niddesa-pariyāyena kathetabbo.
Tattha Paṭisambhidāmagge nekkhamma-pāliyā ti, so nek-
khammaṃ bhāvento ramati, kāma-cchandaṃ pajahanto rama-
ti, avyāpadaṃ . . . pe . . . vyāpadaṃ . . . āloka-saññaṃ
. . . thīna - middaṃ . . . avikkhepaṃ . . . uddhaccaṃ . . .
dhamma - vavatthānaṃ . . . vicikicchaṃ . . . ñāṇaṃ . . .
avijjaṃ . . . pāmujjaṃ . . . aratiṃ . . . paṭhamam jhānaṃ
pañca nīvaraṇe . . . dutiyaṃ jhānaṃ vitakka-vicāre . . .
tatiyaṃ jhānaṃ pītiṃ, . . . catutthaṃ jhānaṃ sukha-dukkhe
. . . ākāsānañc' āyatana-samāpattiṃ bhāvento ramati. Rūpa-
saññaṃ paṭigha-saññaṃ nānatta-saññaṃ pajahanto ramati.
Viññāṇānañc' āyatana-samāpattiṃ . . . pe . . . nevasañña-
nāsaññ' āyatana-samāpattiṃ bhāvento ramati. Ākiñcaññ'
āyatana-saññaṃ vā pajahanto ramati. Aniccānupassanaṃ
bhāvento ramati. Nicca-saññaṃ pajahanto ramati. Duk-
khānupassanaṃ sukha-saññaṃ. Anattānupassanaṃ atta-
saññaṃ. Nibbidānupassanaṃ nandiṃ. Virāgānupassanaṃ
rāgaṃ. Nirodhānupassanaṃ samudayaṃ. Paṭinissaggānu-
passanaṃ ādānaṃ. Khayānupassanaṃ ghana-saññaṃ. Va-
yānupassanaṃ āyūhanaṃ. Vipariṇāmānupassanaṃ dhuva-
saññaṃ. Animittānupassanaṃ nimittaṃ. Appaṇihitānupa-
sanaṃ paṇidhiṃ. Suññatānupassanaṃ abhinivesaṃ. Adhi-
pañña-dhamma-vipassanaṃ sārādānābhinivesaṃ. Yathābhū-
ta-ñāṇa-dassanaṃ sammohābhinivesaṃ. Ādīnavānupassa-
naṃ ālayābhinivesaṃ. Paṭisaṅkhānupassanaṃ appaṭisaṅ-
khaṃ. Vivattānupassanaṃ saṃyogābhinivesaṃ. Soṭ' āpat-
ti-maggaṃ diṭṭhe kaṭṭhe kilese. Sakadāgāmi-maggaṃ oḷārike
kilese. Anāgāmi-maggaṃ anusahagata kilese. Arahatta-
maggaṃ bhāvento ramati, sabba-kilese pajahanto ramati ti,

evaṃ Paṭisambhidāmagge nekkhamma-pāliyā kathetabbo.

Dīghanikāye Dasuttarasutta-pariyāyenā ti ekaṃ dhammaṃ bhāvento ramati, ekaṃ dhammaṃ pajahanto ramati . . . pe . . . dasa dhamme bhāvento ramati, dasa dhamme pajahanto ramati. Katamaṃ ekaṃ dhammaṃ bhāvento ramati? Kāya-gatā-satiṃ sāta-sahagataṃ. Imaṃ ekaṃ dhammaṃ bhāvento ramati. Katamaṃ ekaṃ dhammaṃ pajahanto ramati? Asmi-mānaṃ. Imaṃ ekaṃ dhammaṃ pajahanto ramati. Katame dve dhamme . . . pe . . . katame dasa dhamme bhāvento ramati? Dasa kasiṇ' āyatanāni. Ime dasa dhamme bhāvento ramati. Katame dasa dhamme pajahanto ramati? Dasa micchatte. Ime dasa dhamme pajahanto ramati. Evaṃ kho bhikkhave bhikkhu bhāvanārāmo hoti ti, evaṃ Dīghanikāye Dasuttarasuttanta-pariyāyena kathetabbo. Majjhimanikāye Satipatṭhānasuttanta-pariyāyenā ti: Ek' āyano ayaṃ bhikkhave maggo . . . pe . . . yāvad eva ñāṇa-mattāya paṭissatimatāya anissito ca viharati, na ca kiñci loke upādiyati. Evaṃ bhikkhave bhikkhu bhāvanārāmo hoti, bhāvanā-rato, pahānārāmo hoti pahāna-rato. Puna c' aparaṃ bhikkhave bhikkhu gacchanto vā: gacchāmi ti, pajānāti . . . pe . . . Puna c' aparaṃ bhikkhave bhikkhu seyyathā pi passeyya sarīraṃ sīvathikāya chaḍḍitaṃ . . . pe . . . pūṭini cunṇaka-jātāni. So imaṃ eva kāyaṃ upasaṃharati—Ayam pi kho kāyo evaṃ-dhammo evaṃ-bhāvī evaṃ-anatīto ti. Iti ajjhataṃ vā kāye kāyānupassī viharati. Evaṃ kho bhikkhave bhikkhu bhāvanārāmo hoti ti, evaṃ Majjhimanikāye Satipatṭhānasuttanta-pariyāyena kathetabbo. Abhidhamme Niddesa-pariyāyenā ti: Sabbe pi saṅkhate dhamme aniccato dukkhato rogato gaṇḍato . . . pe . . . saṅkilesika-dhammato passanto ramati, evaṃ kho bhikkhave bhikkhu bhāvanārāmo hoti ti, evaṃ Niddesa-pariyāyena kathetabbo.

N' eva attānaṃ ukkaṃseti ti: Ajja me saṭṭhiṃ vā sattati vā vassāni aniccaṃ dukkhaṃ anattā ti vipassanāya kammaṃ karontassa, ko mayā sadiso atthi ti, evaṃ att' ukkaṃsaṃ na karoti.

Na paraṃ vambheti ti: Aniccaṃ dukkhaṃ ti, vipassanāmat-taṃ pi n' atthi, kim ime vissatṭha-kammaṭṭhānā caranti

ti, evaṃ para-vambhanam na karoti. Sesam vutta-nayam eva.

(x) *Padhānānī* ti uttama-viriyāni.

Samvara-padhānan ti cakkhādīni samvarantassa uppanna-viriyam.

Pahāna-padhānan ti kāma-vitakk' ādayo pajahantassa uppanna-viriyam.

Bhāvanā-padhānan ti bojjhaṅge bhāventassa uppanna-viriyam.

Anurakkhanā-padhānan ti samādhi-nimittam anurakkhan-tassa uppannam viriyam.

Viveka-nissitan ti ādisu: Viveko virāgo nirodho ti, tīpi pi nibbānassa nāmāni. Nibbānam hi upadhi-vivekattā viveko. Tam āgama rāg' ādayo virajjantī ti virāgo, nirujjhantī ti nirodho. Tasmā *viveka-nissitan* ti ādisu āramaṇa-vasena vā ādhigantabba-vasena vā nibbāna-nissitan ti attho.

Vossagga-pariṇāmin ti ettha dve vossaggā: pariccāga-vossaggo pakkhandana-vossaggo ca. Tattha vipassanā tad-aṅga-vasena kilese ca khandhe ca pariccajati ti pariccāja-vossaggo. Maggo āramaṇa-vasena nibbānam pakkhandati ti pakkhandana-vossaggo. Tasmā vossagga-pariṇāmin¹ ti yathā bhāviyamāno sati-sambojjhaṅgo vossagg' atthāya pariṇamati, vipassanā-bhāvanāñ ca magga-bhāvanāñ ca pāpunāti. Evaṃ tam bhāveti ti ayam ettha attho. Sesa-padesu pi es' eva nayo.

Bhaddakan ti laṭṭhakam.²

Samādhi-nimittam vuccati atṭhika-saññādi-vasena adhigato samādhi yeva.

Anurakkhati ti samādhi-pāripanthika-dhamme rāga-dosa-mohe sodhento rakkhati. Ettha ca atṭhika-saññādikā pañc' eva saññā vuttā. Imasmim pana tḥāne dasa pi asubhāni vitthāretvā kathetabbāni. Tesam vitthāro Visuddhimagge vutto yeva.

(xi) *Dhamme-ñānan* ti eka-paṭivedha-vasena catu-sacca-dhamme ñānam. Catu-sacc' abbhantare nirodha-dhamme

¹ B pariṇāmitan.

² Sic SS; B bhadrakan ti bhaddakam.

ñāṇaṇ ca. Yath' āha: "Tattha katamaṃ dhamme ñāṇaṃ ? Catusu maggesu, catusu phalesu ñāṇaṃ."

Añvaye-ñāṇan ti cattāri saccāni paccavekkhato disvā yathā idāni, evaṃ atīte pi anāgate pi: Ime va pañca-kkhandhā dukkha-saccaṃ, ayam eva taṇhā-samudaya-saccaṃ, ayam eva nirodho nirodha-saccaṃ, ayam eva maggo magga-saccan ti, evaṃ tassa ñāṇassa anugatiyaṃ ñāṇaṃ. Ten' āha: "So iminā dhammena ñāṇena diṭṭhena pattena viditena pariyogāhena atitānāgatena yaṃ neti" ti.

Paricce-ñāṇan ti paresaṃ citta-paricchede ñāṇaṃ. Yath' āha: "Tattha katamaṃ paricce-ñāṇaṃ ? Idha bhikkhū para-sattānaṃ para-puggalānaṃ cetasā ceto-paricca pajānāti" ti vitthāretabbaṃ. Thapetvā pana imāni tīpi ñāṇani, avasesaṃ sammuti-ñāṇaṃ nāma. Yath' āha: "Tattha katamaṃ sammuti-ñāṇaṃ ? Thapetvā dhamme-ñāṇaṃ, thapetvā añvaye-ñāṇaṃ, thapetvā paricce-ñāṇaṃ avasesaṃ sammuti-ñāṇan" ti.

(xii) *Dukkhe-ñāṇ'* ādihi arahattaṃ pāpetvā ekassa bhikkhuno niggamaṇaṃ catu-sacca-kammaṭṭhānaṃ kathitaṃ. Tattha dve saccāni vaṭṭaṃ dve vivaṭṭaṃ. Vaṭṭe abhiniveso hoti, no vivaṭṭe. Dvīsu saccesu ariya-santike pariyattim uggaḥetvā kammaṃ karoti: Dvīsu saccesu nirodha-saccaṃ nāma iṭṭhaṃ kantaṃ manāpaṃ, magga-saccaṃ nāma iṭṭhaṃ kantaṃ manāpan ti, savana-vasena kammaṃ karoti. Dvīsu saccesu uggaḥa-paripucchā-savana-dhāraṇa-sammasana-paṭivedho vaṭṭati: dvīsu savana-paṭivedho. Tīpi kicca-vasena paṭivijjhati, ekaṃ āramaṇa-vasena. Dve saccāni duddasattā gambhīrāni: dve gambhirattā duddasāni.

(xiii) *Sot' āpatti-y-aṅgāni* ti sot' āpattiyā aṅgāni. Sot' āpatti-maggassa paṭilābha-kāraṇāni ti attho.

Sappurisa-saṃsevo ti Buddh' ādīnaṃ sappurisānaṃ upasaṃkamitvā sevanaṃ.

Saddhamma-savaṇan ti sappāyassa tepiṭaka-dhammassa savaṇaṃ.

Yoniso-manasikāro ti anicc' ādi-vasena manasikāro.

Dhammānudhamma-paṭipattī ti lok' uttara-dhammassa anudhamma-bhūtāya pubba-bhāga-paṭipattiyā paṭipajjanaṃ.

(xiv) *Avecca-ppasādenā* ti acala-ppasādena. Iti pi so Bhagavā ti ādīni Visuddhimagge vitthāritāni.

(xv-xvii) *Phala-dhātu-āhāra* catukkāni uttān' atthān' eva. Api c' ettha lūkha-paṇīta-vatthu-vasena oḷārika-sukhumatā veditabbā.

(xviii) *Viññāṇa-ttḥitiyo* ti viññāṇaṃ etāsu tiṭṭhatī ti viññāṇa-ttḥitiyo. Ārammaṇa-ttḥiti-vasena etaṃ vuttaṃ.

Rūpūpāyan ti rūpaṃ upagataṃ hutvā. Pañca-vokāra-bhavasmiṃhi abhisankhāra-viññāṇaṃ rūpa-kkhandhaṃ nisāya tiṭṭhati. Taṃ sandhāy' etaṃ vuttaṃ.

Rūp' ārammaṇan ti rūpa-kkhandha-gocaraṃ.

Rūpa-paṭiṭṭhitān ti rūpe paṭiṭṭhitaṃ hutvā.

Nandūpavesanan ti lobha-sahagataṃ sampayuttāya nandiyā upasittaṃ hutvā. Itaraṃ upanissaya-koṭiyā.

Vuddhiṃ virūḷhiṃ vepullaṃ āpajjati ti saṭṭhiṃ pi sattatim pi vassāni evaṃ pavattamānaṃ vuddhiṃ virūḷhiṃ vepullaṃ āpajjati ti.

Vedanūpāy' ādisu pi es' eva nayo. Imehi pana tīhi padehi catu-vokāra-bhave abhisankhāra-viññāṇaṃ vuttaṃ. Tasse yāvatāyukaṃ pavattana-vasena vuddhiṃ virūḷhiṃ vepullaṃ āpajjanā veditabbā. Catukka-vasena pana desanāya āgata-tattā viññāṇūpāyan ti na vuttaṃ. Evaṃ vuccamāno ca: Katamaṃ nu kho ettha kamma-viññāṇaṃ? Katamaṃ vipāka-viññāṇan ti, sammoho bhaveyya, tasmā pi na vuttaṃ.

(xix) *Agatī-gamanāni* vitthāritān' eva.

(xx) *Cīvara-hetū* ti: Tattha manāpaṃ cīvaraṃ labhisāmi ti, cīvara-kāraṇā upajati.

Iti bhavābhava-hetū ti ettha itī ti nidassane nipāto. Yathā cīvar' ādi-hetu, evaṃ bhavābhava-hetū ti pi attho. Bhavābhavo ti c' ettha paṇīta-paṇītatarāni tela-madhu-phāṇit' ādīni adhippetāni.

Imesaṃ pana catunnaṃ taṇhūpādānaṃ pahān' atthāya paṭipātiyā va cattāro ariya-vaṃsā desitā ti veditabbā.

(xxi) *Paṭipadā*-catukkaṃ heṭṭhā vuttaṃ eva.

(xxii) *Akkham'* ādisu padhāna-karaṇa-kāle sīt ādīni na khamatī ti akkhamā. Khamatī ti *khamā*, indriya-damaṇaṃ damo, uppannaṃ kāma-vitakkaṃ nādhivāsetī ti ādinā nayena vitakka-samaṃ samā.

(xxiii) *Dhamma-padānī* ti dhamma-koṭṭhāsā. *Anabhijjhā dhamma-padaṃ* nāma alobho vā alobha-sīsena adhigata-jhāna-vipassanā-magga-phala-nibbānāni vā. *Avyāpādo dhamma-padaṃ* nāma akopo vā mettā-sīsena adhigata-jhān' ādīni vā. *Sammā-sati dhamma-padaṃ* nāma supatitṭhita-sati vā sati-dīsena adhigata-jhān' ādīni vā. *Sammā-samā-dhi dhamma-padaṃ* nāma aṭṭha-samāpatti vā aṭṭha-samāpatti-vasena adhigata-jhāna-vipassanā-magga-phala-nibbānāni vā.

Dasa-asubha-vasena vā 'adhigata-jhān' ādīni anabhijjhā dhamma-padaṃ. Catu-brahma-vihāra-vasena adhigatāni avyāpādo dhamma-padaṃ. Dasānussati-āhāre paṭikūla-saññā-vasena adhigatāni sammā-sati dhamma-padaṃ.

Dasa-kasiṇa-ānāpāna-vasena adhigatāni sammā-samā-dhi dhamma-padaṃ ti.

(xxiv) *Dhamma-samādhānesu* paṭhamam acelaka-paṭipadā. Dutiyam tibba-kilesassa arahattam gahetum asakkontassa assu-mukhassāpi rudato parisuddha-brahmacariya-caraṇam. Tatiyam kāmesu pātabyatā. Catuttham cattāro paccaye alabhamānassāpi jhāna-vipassanā-vasena sukha-samaṅgino sāsana-brahmacariyam.

(xxv) *Dhamma-kkhandhā* ti ettha guṇaṭṭho khandhaṭṭho.

Sīla-kkhandho ti sīla-guṇo. Ettha ca phala-sīlam adhippetam. Sesa-padesu pi es' eva nayo. Iti catusu pi ṭhānesu phalam eva vuttam.

(xxvi) *Balānī* ti upatthambhan' aṭṭhena akampiy' aṭṭhena vā balāni. Tesam paṭipakkhehi kosajj' ādīhi akampaniyatā veditabbā. Sabbāni pi samādhī-vipassanā-magga-vasena lokiya-lok' uttarān' eva kathitāni.

(xxvii) *Adhiṭṭhānānī* ti ettha *adhī* ti upasaggamattam. Atthato pana tena vā tiṭṭhanti tattha vā tiṭṭhanti *ṭhānam* eva vā tam tam guṇādhikānam purisānam adhiṭṭhānam. Paññā va adhiṭṭhānam *paññādhīṭṭhānam*. Ettha ca paṭhamena agga-phala-paññā, dutiyena vacī-saccam, tatiyena āmisa-pariccāgo, catutthena kilesūpasamo kathito ti veditabbo. Paṭhamena vā kammassakata-paññam vipassanā-paññam vā ādiṃ katvā phala-paññā kathitā. Dutiyena vacī-saccam ādiṃ katvā paramattha-saccam nibbānam. Tatiyena āmisa-pariccāgam ādiṃ katvā agga-maggena kilesa-pariccāgo. Catutthena samāpatti-

vikkhambhite kilese ādiṃ katvā agga-maggena kilesa-vūpa-samo. Paññādhiṭṭhānena ekena arahatta-phala-paññā ka-thitā. Sesehi paramattha-saccaṃ. Saccādhiṭṭhānena vā ekena paramattha-saccaṃ kathitaṃ. Sesehi arahatta-phala-paññā ti Mūsikābhayatthero āha.

(xxviii) *Pañha-vyākaraṇāni* Mahāpadesa-kathāya vitthāri-tān' eva.

(xxix) *Kaṇhan* ti kālakaṃ dasa-akusalapatha-kammaṃ.

Kaṇha-vipākan ti apāye nibbattanato kālaka-vipākaṃ.

Sukkan ti paṇḍaraṃ kusala-kamma-patha-kammaṃ.

Sukka-vipākan ti sagge nibbattanato paṇḍara-vipākaṃ.

Kaṇha-sukkan ti missaka-kammaṃ.

Kaṇha-sukka-vipākan ti sukha-dukkha-vipākaṃ. Missaka-kammaṃ hi katvā akusalena tiracchāna-yonisaṃ maṅgala-hatthi-ṭṭhān' ādisu upapanno kusalena pavatte sukhaṃ vediyati. Kusalena rāja-kule pi nibbatto akusalena pavattesu dukkhaṃ vediyati.

Akaṇhaṃ asukkan ti kamma-kkhaya-karaṃ catu-magga-ñāṇaṃ adhippettaṃ. Taṃ hi yadi kaṇhaṃ bhaveyya, kaṇha-vipākaṃ dadeyya. Yadi sukkaṃ bhaveyya, sukka-vipākaṃ dadeyya. Ubhaya-vipākassa pana adānato akaṇhāsukka-vipākattā *akaṇhaṃ asukkan* ti ayaṃ ettha attho.

(xxx) *Sacchikaraṇīyā* ti paccakkha-karaṇena c' eva paṭilābhena ca sacchikātabbā.

Cakkhunā ti dibba-cakkhunā.

Kāyenā ti saha-jātā-nāma-kāyena.

Paññāyā ti arahatta-phala-ñāṇena.

(xxxi) *Oghū* ti vaṭṭasmiṃ oghanti osīdāpenti ti oghā. Tattha pañca-kāma-guṇiko rāgo *kām' ogho*. Rūpārūpa-bhavesu chanda-rāgo *bhav' ogho*. Tathā jhāna-nikanti-sassata-ditṭhi-sahāgato ca rāgo. Dvā-satṭhi ditṭhiyo ditṭh' ogho.

(xxxii) *Vaṭṭasmiṃ yojentīti yogā*. Te oghā viya veditabbā.

(xxxiii) *Visaṃyojenti ti visaṃyogā*. Tattha asubha-jjhānaṃ *kāmayoga-visaṃyogo*. Taṃ pādaṃ katvā adhigato anāgāmi-maggo ek' anten' eva kāma-yoga-visaṃyogo nāma. Arahatta-maggo *bhavayoga-visaṃyogo* nāma. Sot' āpatti-maggo *ditṭhi-yoga-visaṃyogo* nāma. Arahatta-maggo *avijjhā-yoga-visaṃyogo* nāma.

(xxxiv) Ganthana-vasena *ganthā*. Vaṭṭasmim nāma-kāyañ c' eva rūpa-kāyañ ca ganthati bandhati palibuddhatī ti *kāya-gantho*.

Idam *saccābhiniveso* ti: Idam eva saccam mogham aññan ti, evam pavatto diṭṭhi-niveso.

(xxxv) *Upādānānī* ti ādānāni gahaṇāni. Kāmo ti rāgo. So yeva gahaṇ' atthena upādānan ti *kāmūpādānaṃ*. Diṭṭhi ti micchā-diṭṭhi. Sā pi gahaṇ' atthena upādānān ti *diṭṭhūpādānaṃ*. Iminā me suddhī ti, evam silabbatā gahaṇaṃ *silabbatūpādānaṃ*. Attā ti etena vadati c' eva upādiyati cā ti *attavādūpādānaṃ*.

(xxxvi) *Yoniyo* ti koṭṭhāsā. Aṇḍe jātā ti *aṇḍajā*.

Jalābumhi jātā ti *jalābujā*. Samsede jātā ti *samsedajā*. Sayanasimim pūti-macch' ādisu vā nibbattānaṃ etaṃ adhivacanam. Vegena āgantvā uppatitā viyā ti *opapātikā*. Tattha deva-manussesu samsedaja-opapātikānaṃ ayaṃ viseso. Samsedajā mandā daharā hutvā nibbattanti, opapātikā soḷasa-vass' uddesikā hutvā. Manussesu hi bhumma-devesu ca imā catasso pi yoniso labbhanti. Tathā tiracchānesu supaṇṇa-nāg' ādisu. Vuttaṃ h' etaṃ: "Tattha bhikkhave aṇḍajā supaṇṇā aṇḍaje va nāge paharanti, na jalābuje na samsedaje na opapātike" ti. Cātummahārājikato paṭṭhāya upari-devā opapātikā yeva, tathā nerayikā. Petesu catasso pi labbhanti.

(xxxvii) *Gabbhāvakkantiyo* Sampasādaniye kathitā eva.

(xxxviii) *Attabhāva-paṭilābhesu* paṭhamo Khiddāpadosika-vasena veditabbo. Duttiyo orabbhik' ādīhi ghātiyamāna-urabbh' ādi-vasena. Tatiyo Manopadosika-vasena. Catuttho Cātummahārājike upādāya upari-sesa-devatā-vasena. Keci hi devā n' eva atta-sañcetanāya ramanti na para-sañcetanāya.

(xxxix) *Dakkhiṇā-visuddhiyo* ti dāna-saṅkhātā dakkhiṇā visujjhanti, mahapphalā honti, etāhi ti dakkhiṇā-visuddhiyo.

Dāyakato visujjhati no paṭiggāhakato ti yattha¹ dāyako silavā hoti dhammena uppannaṃ deyya-dhammaṃ deti, paṭiggāhako dussīlo, ayaṃ dakkhiṇā Vessantara-mahārājassa dakkhiṇā-sadisā.

Paṭiggāhakato visujjhati no dāyakato ti yattha paṭiggāhako sīlavā hoti, dāyako dussīlo adhammena uppannaṃ deti, ayaṃ dakkhiṇā cora-ghātakassa dakkhiṇā-sadisā.

N' eva dāyakato visujjhati no paṭiggāhakato ti yattha ubho pi dussīlā, deyya-dhammo pi adhammena nibbatto. Vipariyāyena catutthā veditabbā.

(xl) *Saṅgaha-vatthūnī* ti saṅgaha-kāraṇāni. Tāni heṭṭhā vuttān' eva.

(xli) *Anariya-vohārā* ti anariyānaṃ lāmakānaṃ vohārā.

Ariya-vohārā ti ariyānaṃ sappurisānaṃ vohārā.

Diṭṭha-vāditā ti: Diṭṭhaṃ mayā ti, evaṃ vāditā. Ettha ca taṃ taṃ samutṭhāpaka-cetanā-vasena attho veditabbo.

(xlvii-1) *Atta-tap'* ādisu paṭhamo acelako. Dutiyo oraḃbhik' ādisu aññataro. Tatiyo yañña-yājako. Catuttho sāsane sammā-paṭipanno.

Atta-hiṭāya paṭipann' ādisu paṭhamo yo sayama-sīl' ādisampanno paraṃ sīl' ādisu na samādapeti āyasmā Bakkulathero viya. Dutiyo yo attanā na sīl' ādisampanno paraṃ sīl' ādisu samādapeti āyasmā Upanando viya. Tatiyo yo n' ev' attanā sīl' ādisampanno paraṃ sīl' ādisu na samādapeti Devadatto viya. Catuttho yo attanā ca sīl' ādisampanno paraṃ ca sīl' ādisu samādapeti āyasmā Mahākassapo viya.

Tam' ādisu *tamo* ti andhakāra-bhūto. *Tama-parāyano* ti tamam eva paraṃ ayaṇaṃ gati assā ti tama-parāyano. Evaṃ sabba-padesu attho veditabbo.

Ettha ca paṭhamo nīce caṇḍāl' ādi-kule dujjīvite hīn' attabhāve nibbattitvā tīṇi duccharitāni paripūreti. Dutiyo tathāvidho hutvā tīṇi sucaritāni paripūreti. Tatiyo olārike khattiy' ādi-kule bahu-anna-pānena sampannatta-bhāve nibbattitvā tīṇi duccharitāni paripūreti. Catuttho tādiso va hutvā tīṇi sucaritāni paripūreti.

Samāṇa-m-acalo ti samāṇa-acalo. Ma-kāro pada-sandhi-mattaṃ. So sot' āpanno ti veditabbo. Sot' āpanno catuhi vātehi indakhīlo viya para-ppavādehi akampiyo. Acala-saddhāya samannāgato ti *samāṇa-m-acalo*. Vuttam pi c' etaṃ: "Katamo ca puggalo samāṇa-m-acalo? Idh' ekacco puggalo tiṇṇaṃ saṃyojanānaṃ parikkhayā" ti vitthāro.

Rāga-dosānaṃ pana tanu-bhūtattā sakadāgāmi *samāṇa-*

padumo nāma. Ten' āha: "Katamo ca puggalo samaṇa-puggalo? Idh' ekacco puggalo sakid eva imaṃ lokam āgantvā dukkhass' antaṃ karotī" ti, ayaṃ vuccati puggalo *samaṇa-padumo* ti.

Rāga-dosānaṃ pana abhāvā khippam eva pupphissatī ti anāgāmī *samaṇa-puṇḍarīko* nāma. Ten' āha: "Katamo ca puggalo samaṇa-puṇḍarīko? Idh' ekacco puggalo pañcannaṃ orambhāgiyānaṃ . . . pe . . ." ayaṃ vuccati *samaṇa-puṇḍarīko* ti. Arahā pana sabbesaṃ thaddhakāra-kilesānaṃ abhāvā samaṇesu *samaṇa-sukhumālo* nāma. Ten' āha: "Katamo ca puggalo samaṇesu samaṇa-sukhumālo? Idh' ekacco āsavānaṃ khayā . . . pe . . . upasampajja viharati," ayaṃ vuccati samaṇesu *samaṇa-sukhumālo* ti.

Ime kho āvuso ti ādi-vutta-nayen' eva yojetabbaṃ. Iti sama-paññāsāya catukkānaṃ vasena dve pañha-satāni ka-thento thero sāmaggi-rasaṃ dasessī ti.

Catukkaṃ niṭṭhitam.

2. 1. Iti catukka-vasena sāmaggī-rasaṃ dassetvā, idāni pañcaka-vasena dassetuṃ puna desanaṃ ārabhi.

(i) Tattha pañcasu khandhesu *rūpa-kkhandho* lokiyo. Sesā lokiya-lok' uttarā.

(ii) Upādāna-kkandhā lokiyā va. Vitthārato pana Khāndha-kathā Visuddhi-magge vuttā.

(iii) *Pañca kāma-guṇā* heṭṭhā vitthāritā va.

(iv) Sukata-dukkata-kārīhi gantabbā ti *gatiyo*. *Nirayo* ti nir-assādo. Sah' okāsenā khandhā kathitā. Tato paresu tīsu nibbattā khandhā va vuttā. Catutthe okāso pi.

(v) Āvāse macchariyaṃ *āvāsa-macchariyaṃ*. Tena samannāgato bhikkhu āgantukaṃ disvā: "Ettha cetiyassa vā saṅghassa vā parikkhāro ṭhapito" ti ādini vatvā, saṅghikam pi āvāsaṃ na deti. So kālaṃ katvā peto vā ajagaro vā hutvā nibbattati.

Kule macchariyaṃ *kula-macchariyaṃ*. Tena samannāgato bhikkhu tehi kāraṇehi attano upaṭṭhāka-kule aññesaṃ pave-sanam pi nivāreti.

Lābhe macchariyaṃ *lābha-macchariyaṃ*. Tena samannā-

gato bhikkhu saṅghikam pi lābham maccharāyanto yathā aññe na labhanti evaṃ karoti.

Vaṇṇe macchariyaṃ *vaṇṇa-macchariyaṃ*. Vaṇṇo ti c' ettha sarīra-vaṇṇo pi guṇa-vaṇṇo pi veditabbo.

Dhamme macchariyaṃ *dhamma-macchariyaṃ*. Tena saman-nāgato bhikkhu: Imaṃ dhammaṃ pariyāpunitvā eso maṃ abhibhavissatī " ti, aññassa na deti. Yo pana dhammānuggahena vā puggalānuggahena vā na deti, na taṃ macchariyaṃ.

(vi) Cittam nivārenti pariyonandhanti *nīvaranāni*. Kāma-cchando nīvaraṇa-ppatto arahatta-magga-vajjho. Kāma-rāgānusayo kāmarāgā-saṃyojana-ppatto anāgāmi-magga-vajjho.

Thīnam citta-gelaṇṇam. *Middham* khandha-ttaya-gelaṇṇam. Ubhayam pi arahatta-magga-vajjham. Tathā *uddhaccaṃ*. *Kukucchaṃ* anāgāmi-magga-vajjham. *Vicikicchā* paṭhamamagga-vajjhā.

(vii) *Samyojanāni* ti bandhanāni. Tehi pana baddhesu puggalesu rūpārūpa-bhave nibbattā sot' āpanna-sakadāgāmino anto-baddhā bahi-sayitā nāma. Tesam hi kāma-bhave bandhanam. Kāma-bhave anāgāmino bahi-baddhā anto-sayitā nāma. Tesam hi rūpārūpa-bhave bandhanam. Kāma-bhave sot' āpanna-sakadāgāmino anto-baddhā anto-sayitā nāma. Rūpārūpa-bhave anāgāmino bahi-baddhā bahi-sayitā nāma. Khīṇ' āsavo sabbattha abandhano.

(ix) Sikkhitabbam padam *sikkhāpadam*. Sikkhā koṭṭhāso ti attho. Sikkhāya vā padam *sikkhāpadam*. Adhicittādhipaññā sikkhāya adhigam' upāyo ti attho. Ayaṃ ettha saṅkhepo. Vitthārena sikkhāpada-kathā Vibhaṅga-ppakaraṇe sikkhāpada-vibhaṅge āgatā eva.

(x) *Abhabbo āvuso khīṇ' āsavo bhikkhu sañcicca pānan* ti ādi desanā-sīsam eva. Sot' āpann' ādayo pana abhabbā. Puthujjana-khīṇ' āsavānam nindā-pasaṃs' attham pi evaṃ vuttam. Puthujjano nāma gārayho mātu-ghāt' ādini karoti. Khīṇ' āsavo pana pāsamsa sañcicca-kuntha-kipillaka-ghāt' ādini na karoti ti.

(xi) Vyasanesu vyassatī ti *vyasanam*. Hita-sakham khipati viddhamsetī ti attho. Nātinam vyasanam *nāli-vyasanam*. Cora-roga-bhay' ādihi nāti-vināso ti attho. Bhogānam

vyasanam *bhoga-vyasanam*. Rāja-cor' ādi-vasena bhoga-vināso ti attho. Rogo eva vyasanam *roga-vyasanam*. Rogo hi ārogyam vyasati vināseti ti vyasanam. Silassa vyasanam *sīla-vyasanam*. Dussilass' etam nāmam. Sammā-diṭṭhim vināsayamānā uppannā diṭṭhi yeva vyasanam *diṭṭhi-vyasanam*. Ettha ca ñāti-vyasan' ādini tīni n' eva akusalāni na ti-lakkhaṇ' āhatāni. Sīla-diṭṭhi-vyasana-dvayaṃ akusalam ti-lakkhaṇ' āhatam. *Ten' eva pan' āvuso sattā ñāti-vyasana-hetu vā ti ādim āha.*

(xii) *Ñāti-sampadā* ti ñātinam sampadā pāripūri bahubhāvo. *Bhoga-sampadāya* pi es' eva nayo. Arogyassa sampadā *ārogya-sampadā*. Pāripūri dīgha-rattam ārogatā. Sīla-diṭṭhi-sampadāsu pi es' eva nayo. Imāni ñāti-sampad' ādayo no kusalā na ti-lakkhaṇ' āhatā. *Ten' eva n' āvuso sattā ñāti-sampadā hetu vā ti ādim āha.*

(xiii and xiv) *Sīla-vipatti-sampatti-kathā* Mahāparinibbāne vitthāritā nāma.

(xv) *Codakenā* ti vatthu-samdasanā āpatti-sandassanā, samvāsa-paṭikkhepo sāmici paṭikkhepo ti catuhi codanā-vatthūhi codayamānena.

Kālena vakkhāmi no akālenā ti ettha cudita-kassa kālo kathito na codakassa. Param codentena hi parisa-majjhe vā uposatha-pavāraṇ' agge vā āsana-sāla-bhojana-sāl' ādisu vā na code-tabbam. Divāṭṭhāne nisinna-kāle karotā yasmā okāsam: Ahaṃ āyasmantam vattu-kāmo ti, evaṃ okāsam kāretvā code-tabbam. Puggalam pana upaparikkhitvā yo lola-puggalo abhūtam vatvā bhikkhūnam ayasam āropeti, so okāsa-kammaṃ vinā pi code-tabbo.

Bhūtenā ti tacchena sabhāvena.

Sanhenā ti maṭṭena mudukena.

Attha-samhitenā ti attha-kāmatāya hita-kāmatāya upetena.

(xvi) *Padhāniy' aṅgāni* ti padhānam vuccati padahana-bhāvo. Padhānam assa atthi ti *padhāniyo*. Padhāniyassa bhikkhuno aṅgāni ti padhāniy' aṅgāni.

Saddho ti saddhāya samannāgato. Sā pan' esā āgamana-saddhā, adhigamana-saddhā okappana-saddhā pasāda-saddhā ti catubbidhā. Tattha sabbaññu-bodhisattānam saddhā abhinīhārato paṭṭhāya āgamana-saddhā nāma. Ariya-sāva-

kānaṃ paṭivedhena adhigatattā adhigamana-saddhā nāma. “Buddho Dhammo Saṅgho” ti vutte acala-bhāvena okappana-saddhā nāma. Pasād’ uppatti pasāda-saddhā nāma. Idha okappana-saddhā adhippeto.

Bodhin ti catu-magga-ñāṇaṃ. Taṃ suppaṭividdhaṃ Tathāgatenā ti saddahati. Desanā-sīsam eva c’ etaṃ. Iminā pana aṅgena tīsu pi ratanesu saddhā adhippetā. Yassa hi Buddh’ ādisu pasādo balavā, tassa padhānaṃ viriyaṃ ijjhati.

App’ ābādho ti ārogo.

App’ ātaṅko ti niddukkho.

Sama-vepākiniyā ti sama-vipākiniyā.¹

Gahaniyā ti kamma-tejo-dhātuyā.

Nātisītāya nāccunhāyā ti atisīta-gaṇaṇiko sīta-bhīru hoti, accunha-gaṇaṇiko unha-bhīru. Tesam padhānaṃ na ijjhati. Majjhima-gaṇaṇikassa ijjhati. Tena’ āha *majjhimāya padhāna-kkhamatāyā* ti.

Yathābhūtaṃ attānaṃ āvikattā ti yathābhūtaṃ attano agunaṃ pakāsetā.

Udayattha-gāminiyā ti udayaṇ ca atthagamanaṇ ca gantaṃ paricchinditaṃ samatthāya. Etena paññāsa-lakkhaṇa-parigāhakaṃ udaya-vyasa-ñāṇaṃ vuttaṃ.

Ariyāyā ti parisuddhāya.

Nibbedhikāyā ti anibbiddha-pubba-lobha-kkhandh’ ādayo nibbijjhitaṃ samatthāya.

Sammā-dukkhakkhaya-gāminiyā ti tadaṅga-vasena kilesānaṃ pahīnattā yaṃ dukkhaṃ khīyati, tassa dukkhassa khaya-gāminiyā. Iti sabbehi imehi padehi vipassanā paññā va kathitā. Doppaṇñassa hi padhānaṃ na ijjhati.

(xvii) *Suddh’ āvāsā* ti suddhā āvasimsu āvasanti āvasissanti vā ti suddh’ āvāsā. Suddhā ti kilesa-mala-rahitā anāgāmi-khīṇ’ āsavā.

Avihā ti ādisu yaṃ vattabbaṃ taṃ Mahāpadāne vuttam eva.

(xviii) *Anāgāmiṣu* āyuno majjhaṃ anatikkamitvā antarā va kilesa-parinibbānaṃ arahattaṃ patto *antarā-parinibbāji* nāma. Majjhaṃ upahacca atikkamitvā patto *upahacca-*

¹ B vipāciniyā.

parinibbāyī nāma. Asaṅkhārena appayogena akilamanto sukhena patto *asaṅkhāra-parinibbāyī* nāma. Sasaṅkhārena sappayogena kilamanto dukkhena patto sasaṅkhāra-parinibbāyī nāma. Ime cattāro pañcasu pi suddh' āvāsesu labbhanti.

Uddham-soto Akaniṭṭha-gāmī ti ettha pana catukkaṃ vedittabbaṃ. Yo hi avihato paṭṭhāya cattāro devaloke sodhetvā Akaniṭṭhaṃ gantvā parinibbāyati, ayaṃ uddham-soto Akaniṭṭha-gāmī nāma. Yo avihato paṭṭhāya dutiyaṃ vā tatiyaṃ vā catutthaṃ vā devalokaṃ gantvā parinibbāyati, ayaṃ uddham-soto na Akaniṭṭha-gāmī nāma. Yo kāma-bhavato ca Akaniṭṭhesu nibbattitvā parinibbāyati, ayaṃ na uddham-soto Akaniṭṭha-gāmī nāma. Yo hetthā catusu devalokesu tattha tatth' eva nibbattitvā parinibbāyati, ayaṃ na uddham-soto na Akaniṭṭha-gāmī ti.

(xix) *Ceto-khilā* ti cittassa thaddhabhāvo.¹

Satthari kaṅkhatī ti Satthu sarīre vā guṇe vā kaṅkhati. Sarīre kaṅkhamāno: Dvattimsa-Mahāpurisa-vara-lakkhaṇāni paṭimaṇḍitaṃ nāma sarīraṃ atthi nu kho na atthī ti, kaṅkhati. Guṇe kaṅkhamāno: Atitānāgata-paccuppanna-jānana-samatthaṃ sabbaññuta-ñāṇaṃ atthi nu kho na atthī ti, kaṅkhati.

Ātappāyā ti viriya-karaṇ' atthāya.

Anuyogāyā ti punappuna-yogāya.

Sūtaaccāyā ti sassata-kiriyāya.

Padhānāyā ti padahan' atthāya.

Ayaṃ paṭhamo ceto-khilo ti ayaṃ Satthari vicikicchā saṅkhāto paṭhamo cittassa thaddha-bhāvo.

Dhamme ti pariyatti-dhamme ca paṭivedha-dhamme ca. Pariyatti-dhamme kaṅkhamāno: Tepitakaṃ Buddha-vacanāṃ caturāsīti-dhamma-kkhandha-sahassānī ti, vadanti atthi nu kho etaṃ n' atthī ti, kaṅkhati. Paṭivedha-dhamme kaṅkhamāno: Vipassanā-nissando maggo nāma, magga-nissando phalaṃ nāma, sabba-saṅkhāra-paṭinissaggo nibbānaṃ nāmā ti vadanti taṃ atthi nu kho n' atthī ti, kaṅkhati.

Saṅghe kaṅkhatī ti uju-paṭipanno ti ādīnaṃ padānaṃ vasena evarūpaṃ paṭipadaṃ paṭipanno: Cattāro maggaṭṭhā

¹ MSS. saddha°.

cattāro phalaṭṭhā ti aṭṭhannaṃ puggalānaṃ samūhabbhūto saṅgho nāma atthi nu kho n' atthi ti, kaṅkhati.

Sikkhāya kaṅkhamāno: Adhisīla-sikkhā nāma, adhicitta-adhipaṇṇā sikkhā nāmā ti vadanti sā atthi nu kho n' atthi ti, kaṅkhati.

Ayaṃ pañcamo ti ayaṃ sabrahmacarīsu kopa-saṅkhāto pañcamo cittassa thaddha-bhāvo kacavara-bhāvo khāṇuka-bhāvo.

(xx) *Cetaso vinibandhā* ti cittaṃ bandhitvā muṭṭhiyaṃ katvā viya gaṇhanti ti *cetaso vinibandhā*.

Kāme ti vatthu-kāme pi kilesa-kāme pi.

Kāye ti attano kāye.

Rūpe ti bahiddhā-rūpe.

Yāvadatthan ti yattakaṃ icchati tattakaṃ.

Udarāvadehakan ti udara-pūraṃ. Taṃ hi udaraṃ avadehanato *udarāvadehakan* ti vuccati.

Seyya-sukhan ti mañca-pīṭha-sukhaṃ.

Passa-sukhan ti yathā samparivattakaṃ sayantassa dakkhiṇa-passa-vāma-passānaṃ sukhaṃ hoti, evaṃ uppannaṃ sukhaṃ.

Middha-sukhan ti niddā-sukhaṃ.

Anuyutto ti yutta-payutto viharati.

Paṇḍhūyā ti patthayitvā.

Brahmacariyenā ti methuna-virati-brahmacariyena.

Devo vā bhavissāmī ti mah' esakkha-devo vā bhavissāmī.

Devaññataro vā ti app' esakkha-devesu vā aññataro.

(xxi-xxiii) *Indriyesu* paṭhama-pañcake lokiyān' eva kathi-tāni. Duttiya-pañcake paṭhama-duttiya-catutthāni lokiyāni, tatiya-pañcamāni lokiya-lok' uttarāni. Tatiya-pañcake samatha-vipassanā-magga-vasena lokiya-lok' uttarāni.

(xxiv) *Nissāraṇiyyā* ti nissaṭṭa visaṇṇuttā.

Dhātuyo ti atta-suñṇā-sabhāvā.

Kāmaṃ manasikaroto ti kāmaṃ manasikarontassa. Asubha-jjhānato vuṭṭhāya agadaṃ gahetvā visaṃ vīmaṃsanto viya vīmaṃsan' atthaṃ kāmābhikhaṃ cittaṃ pesentassā ti attho.

Na pakkhandatī ti na pavisati.

Nappasīdatī ti pasādanaṃ n' āpajjati.

Na santiṭṭhaṭi ti na patiṭṭhahati.

Na vimuccatī ti nādhimuccati. Yathā pana kukkuṭa-paṭ-
taṃ vā nahāru-daddalaṃ vā aggimhi pakkhittaṃ paṭilīyati
paṭikuṭati pativaṭṭati na sampasāriyati evaṃ paṭilīyati na
sampasāriyati.

Nekkhammaṃ kho panā ti idha nekkhammaṃ nāma asu-
bhesu paṭhama-jjhānaṃ, tad assa manasikaroto cittaṃ pak-
khandati.

Tassa taṃ cittaṃ ti tassa taṃ asubha-jjhāna-cittaṃ.

Sugataṃ ti gocare-gatattā suṭṭhu-gataṃ.

Subhāvitaṃ ti ahāna-bhāgiyattā suṭṭhu-bhāvitaṃ.

Vuṭṭhitaṃ ti kāmato vuṭṭhitaṃ.

Suvimuttaṃ ti kāmehi suṭṭhu-vimuttaṃ.

Kāma-paccayā āsavā nāma kāma-hetukā cattāro āsavā.

Vighātā ti dukkhā.

Parilāhā ti kāma-raga-parilāhāni. *Na so taṃ vedanaṃ
vediyatī* ti so taṃ kāma-vedanaṃ vighāta-parilāha-vedanañ
ca na vediyati.

Idaṃ akkhātaṃ kāmānaṃ nissaraṇaṃ ti idaṃ asubha-jjhā-
naṃ kāmehi nissatattā kāmānaṃ nissaraṇaṃ ti akkhātaṃ.
Yo pana taṃ jhānaṃ pādaṃ katvā saṅkhāre sammāsanto
tatiyaṃ maggaṃ patvā anāgāmi-phalena nibbānaṃ disvā
puna kāmā nāma n' atthi ti jānāti. Tassa cittaṃ accanta-
nissaraṇaṃ eva. Sesa-padesu pi es' eva nayo. Ayaṃ pana
viseso, dutiya-vāre mettā-jjhānāni *vyāpādassa nissaraṇaṃ*
nāma. Tatiya-vāre karuṇa-jjhānāni *vihiṃsāya nissaraṇaṃ*
nāma. Catuttha-vāre arūpa-jjhānāni *rupānaṃ nissaraṇaṃ*
nāma. Accanta-nissaraṇe v' ettha arahatta-phalaṃ yojeta-
baṃ. Pañcama-vāre *sakkāyaṃ manasikaroto* ti suddha-saṅ-
khāre parigaṇhitvā arahattaṃ pattassa sukkha-vipassakassa
phala-samāpattito vuṭṭhāya vimaṃsaṃ atthaṃ pañcūpādāna-
khandhābhimukhaṃ cittaṃ pesentassa. *Idaṃ akkhātaṃ sak-
kāyassa nissaraṇaṃ* ti idaṃ arahatta-maggena ca phalena ca
nibbānaṃ disvā ttiṭṭassa bhikkhuno puna: sakkāyo n' atthi ti,
uppannaṃ arahatta-phala-samāpatti-cittaṃ *sakkāyassa nis-
saraṇaṃ* ti akkhātaṃ.

(xxv) *Vimuttāyatanāni* ti vimuccana-karapāni.

Attha-paṭisaṃvedino ti pāli-atthaṃ jānantassa.

Dhamma-paṭisaṃvedino ti pālim jānantassa.

Pāmojjan ti taruṇa-pīti.

Pīti ti tuṭṭh' ākāra-bhūtā balavapīti.

Kāyo ti nāma-kāyo paṭipassambhati.

Sukhaṃ vedetī ti sukhaṃ paṭilabhati.

Cittaṃ samādhīyati ti arahatta-phala-samādhinā samādhīyati. Ayaṃ hi taṃ dhammaṃ suṇanto āgat' āgata-tṭhāne jhāna-vipassanā-magga-phalāni jānāti, tassa evaṃ jānato pīti uppajjati. So tassā pītiyā antarā osakkituṃ na dento upacāra-kammaṭṭhāniko hutvā vipassanaṃ vaḍḍhetvā arahattaṃ pāpuṇāti. Taṃ sandhāya vuttaṃ *cittaṃ samādhīyati* ti sesesu pi es' eva nayo. Ayaṃ pana viseso. *Samādhī-nimittan* ti aṭṭha-tiṃsāya ārammaṇesu aññataro samādhī yeva samādhī-nimittam.

Suggahītaṃ hotī ti ādisu ācariya-santike kammaṭṭhānaṃ uggaṇhantena suṭṭhu-gahitaṃ hoti suṭṭhu-manasikataṃ suṭṭhu-upadhāritaṃ.

Suppaṭividdhaṃ paññāyā ti paññāya suṭṭhu-paccakkhaṃ kataṃ.

Tasmiṃ dhamme ti tasmiṃ kammaṭṭhāna-pāli-dhamme.

(xxvi) *Vimutti-paripācaniyā* ti vimutti vuccati arahattaṃ. Taṃ paripācentī ti vimutti-paripācaniyā.

Anicca-saññā it aniccānupassanā ñāṇe uppanna-saññā.

Anicce dukkha-saññā ti dukkhānupassanā ñāṇe uppanna-saññā.

Dukkhe anatta-saññā ti anattānupassanā ñāṇe uppanna-saññā.

Pahāna-saññā ti pahānānupassanā ñāṇe uppanna-saññā.

Virāga-saññā ti virāgānupassanā ñāṇe uppanna-saññā.

Ime kho āvuso ti ādi-vutta-nayen' eva yojetabbaṃ. Iti chabbisatiyā pañcakānaṃ vasena tiṃsa-sataṃ pañhaṃ ka-thento thero sāmaggi-rasaṃ dassesī ti.

Pañcakaṃ niṭṭhitaṃ.

2. Iti pañcaka-vasena sāmaggi-rasaṃ dassetvā idāni chakka-vasena dassetuṃ puna desanaṃ ārabhi.

(i) Tattha *ajjhātikānī* ti ajjhāta-ajjhātikānī.

(ii) *Bāhirānī* ti tato ajjhattato bhūtānī. Vitthārato pana āyatana-kathā Visuddhimagge kathitā va.

(iii) *Viññāṇa-kāyā* ti viññāṇa-samūhā.

Cakkhu-viññāṇan ti cakkhu-pasāda-nissitaṃ kusalākusala-vipāka-viññāṇaṃ. Esa nayo sabbattha.

(iv) *Cakkhu-samphasso* ti cakkhu-sannissito samphasso.

Sota-samphass' ādisu pi es' eva nayo.

Mano-samphasso ti ime dasa samphasse ṭhapetvā seso sabbo mano-samphasso nāma.

(v) *Vedanā-cakkam* pi eten' eva nayena veditabbaṃ.

(vi) *Rūpa-saññā* ti rūpaṃ ārammaṇaṃ katvā uppanna-saññā. Eten' upāyena sesā vi veditabbā.

(vii) *Cetanā-chakke* pi es' eva nayo.

(viii) *Tathā taṇhā-chakke*.

(ix) *Agāravo* ti gāravo virahito.

Appatisso ti appatissayo anīca-vutti. Ettha pana yo bhikkhu Satthari dharamāne tīsu kālesu upatṭhānaṃ na yāti, Satthari anupāhane caṅkamante sa-upāhano caṅkamati, nīce caṅkame caṅkamante ucce caṅkame caṅkamati, heṭṭhā vassante upari vasati, Satthu dassana-tṭhāne ubho aṃse pārūpati, chattaṃ dhāreti, upāhanaṃ dhāreti, nahāyati, uccāraṃ vā passāvaṃ vā karoti, parinibbute pana cetiyaṃ vanditum na gacchati, cetiyassa paññāyana-tṭhāne Satthu dassana-tṭhāne vuttaṃ sabbaṃ karoti: ayaṃ *Satthari agāravo* nāma. Yo paṇa Dhamma-savane saṅghuṭṭhe sakkaccaṃ na gacchati, sakkaccaṃ dhammaṃ na suṇāti, samullapanto nisīdati, sakkaccaṃ na gaṇhati na vāceti—ayaṃ *Dhamme agāravo* nāma.

Yo pana therena bhikkhunā anajjhittṭho vadhammaṃ deseti, nisīdati, pañhaṃ katheti, buddhe bhikkhū ghaṭṭento gacchati tiṭṭhati nisīdati, dussa-pallatthikaṃ vā hattha-pallatthikaṃ vā karoti, saṃgha-majjhe ubho-aṃse pārūpati, chatta' upāhanaṃ dhāreti—ayaṃ *Samghe agāravo* nāma. Eka-bhikkhusmim pi hi agārave kate, saṃghe agāravo kato va hoti. Tisso sikkhā pana apūrayamāno va *Sikkhāya agāravo* nāma.

Appamāda-lakkhaṇaṃ ananubrūhamāno *appamāde agāravo* nāma. Duvidhaṃ paṭisanthāraṃ akaronto *paṭisanthāre agāravo* nāma.

(x) *Chā gāravā* vutta-paṭipakkha-vasena veditabbā.

(xi) *Somanassūpavicārā* ti somanassa-sampayuttā vicārā.

Somanassa-ttḥāniyaṇ ti somanassa-kāraṇa-bhūtaṃ.

Upavicārati ti vitakkena vitakketvā vicārena paricchan-dati. Esa nayo sabbattha.

(xii) *Domanassūpavicārā* pi evam eva veditabbā.

(xiii) *Tathā upekkhūpavicārā*.

(xiv) *Cha sāraṇīya-dhammā* heṭṭhā vitthāritā.

Ditṭhi-sāmañña-gato iminā pana padena Kosambakasutte paṭṭhama-maggo kathito. Idha cattāro pi maggā.

(xv) *Vivāda-mūlānī* ti vivādassa mūlāni.

Kodhano ti kujjhana-lakkhaṇena kodhena samannāgato.

Upanāhī ti vera-ppaṭinissagga-lakkhaṇena upanāhena samannāgato.

Ahitāya dukkhāya deva-manussānaṇ ti dvinnam bhikkhūnam vivādo kathaṃ deva-manussānaṃ ahitāya dukkhāya samvattati? Kosambakā viya dvisu bhikkhūsu vivādaṃ āpannesu tasmim vihare tesam antevāsikā. Tesam ovādaṃ gaṇhanto bhikkhuni-saṅgho vivadati. Tato tesam upaṭṭhākā vivadanti. Atha manussānaṃ ārakkha-devatā dve koṭṭhāsā honti. Tattha dhamma-vādīnaṃ ārakkha-devatā dhamma-vādiniyo honti, adhamma-vādīnaṃ adhamma-vādiniyo. Tato ārakkha-devatānaṃ mittā bhumma devatā bhijjanti. Evaṃ paramparāya yāva Brahmaloḷkā ṭhapetvā ariya-sāvake sabbe deva-manussā dve koṭṭhāsā honti. Dhamma-vādihi pana adhamma-vādi-devā bahutarā honti: Tato yaṃ bahukehi gahitaṃ taṃ gaṇhanti dhammaṃ vissajjetvā bahutarā va adhammaṃ gaṇhanti. Te adhammaṃ purakkhatvā vi-carantā apāyesu nibbattanti. Evaṃ dvinnam bhikkhūnaṃ vivādo deva-manussānaṃ ahitāya dukkhāya hoti.

Ajjhattaṃ vā ti tumhākaṃ abbhantara-parisāya.

Bahiddhā ti paresaṃ parisāya.

Makkhī ti paresaṃ guṇa-makkhaṇa-lakkhaṇena samannāgato.

Paḷāsī ti yuga-ggāha-lakkhaṇena paḷāsena samannāgato.

Issukī ti para-sakkār' ādini issāyana-lakkhaṇena saman-nāgato.

Maccharī ti āvāsa-macchariy' ādihi samannāgato.

Saṭho ti kerāṭiko.

Māyāvī ti kata-pāpa-paṭicchādako.

Pāpiccho ti asanta-sambhāvan' icchako dussilo.

Micchā-diṭṭhī ti natthika-vādi ahetuka-vādi akiriya-vādi.

Sandiṭṭha-parāmāsī ti sayam diṭṭham eva parāmasati.

Adhāna-gāhī ti daḷha-gāhī.

Duppatinissaggi ti na sakkā hoti gahitaṃ nissajjāpetuṃ.

(xvi) *Paṭhavī-dhātū* ti patiṭṭhā-dhātu.

Āpo-dhātū ti ābandhana-dhātu.

Tejo-dhātū ti paripācana-dhātu.

Vāyo-dhātū ti vitthambhana-dhātu.

Ākāsa-dhātū ti asamphuṭṭha-dhātu.

Viññāna-dhātū ti vijānana-dhātu.

(xvii) *Nissāraṇiyyā dhātuyo* ti nissatā dhātuyo va.

Pariyādāya tiṭṭhati ti pariyādiyitvā hāpetvā tiṭṭhati.

Mā h' evan ti 'ssa vacaniyo ti yasmā abhūtaṃ vyākaraṇaṃ
vyākaroti tasmā evaṃ bhaṇī ti vattabbo.

Yad idaṃ mettā ceto-vimuttī ti yā ayaṃ mettā ceto-vimutti
idaṃ nissaraṇaṃ vyāpādassa, vyāpādato nissatā ti attho.
Yo pana mettāya tika-catukka-jjhānato vuṭṭhito saṅkhāre
sammāsītva tatiya-maggaṃ patvā puna vyāpādo n' atthī ti
tatiya-phalena nibbānaṃ passati. Tassa cittaṃ accanta-
nissaraṇaṃ vyāpādassa. Eten' upāyena sabbattha attho
veditabbo.

Animittā ceto-vimuttī ti arahatta-phala-samāpatti. Sā hi
rāga-nimitt' ādinaṃ c' eva rūpa-nimitt' ādinaṃ cābhāvā ani-
mittā ti vuttā.

Nimittānusārī ti vutta-ppabhedam nimittam anusarati ti
nimittānusārī ti.

Asmī ti, asmi-māno. *Ayam aham asmī* ti pañcasu khandhesu
ayaṃ nāma aham asmī ti ettāvatā arahattaṃ vyākataṃ hoti.

Vicikicchā-kathaṅkathā-sallāpan ti vicikicchā-bhūtaṃ kathaṅ-
kathā-sallāpaṃ.

Mā h' evan ti 'ssa vacaniyo ti sace te paṭhama-magga-vaj-
jhā vicikicchā sampajjati, arahatta-vyākaraṇaṃ micchā hoti,
tasmā: Mā abhūtaṃ bhaṇī ti, vāretabbo.

Asmi-māna-samugghāto ti arahatta-maggo. Arahatta-mag-
ga-phala-vasena hi nibbāne diṭṭhe puna: Asmi-māno n' atthī
ti, arahatta-maggo *asmi-māna-samugghāto* ti vutto.

(xviii) *Anuttariyānī* ti anuttarānī jeṭṭhakānī.

Dassanesu anuttariyaṃ *dassanānuttariyaṃ*. Sesa-padesu pi es' eva nayo. Tattha hatthi-ratan' ādināṃ dassanaṃ na dassanānuttariyaṃ. Nivittṭha-saddhassa pana nivittṭha-pema-vasena Dasabalassa vā bhikkhu-saṅghassa vā kasiṇa-asubha-nimitt' ādināṃ vā aññatara-dassanaṃ *dassanānuttariyaṃ* nāma.

Khattiy' ādināṃ guṇa-kathā-savanaṃ na *savanānuttariyaṃ*. Nivittṭha-saddhassa pana nivittṭha-pema-vasena, tinnāṃ vā ratanānaṃ guṇa-kathā-savanaṃ, tepitaka-buddha-vacana-savanaṃ vā *savanānuttariyaṃ* nāma.

Maṇi-ratan' ādi-lābho na lābhānuttariyaṃ. Sattavidha-ariya-dhana-lābho pana *lābhānuttariyaṃ* nāma.

Hatthi-sipp' ādi-sikkhanaṃ na sikkhānuttariyaṃ. Sikkhāttaya-paripūraṇaṃ pana *sikkhānuttariyaṃ* nāma.

Khattiy' ādināṃ pāricariyā na pāricariyānuttariyaṃ. Tinnāṃ pana ratanānaṃ pāricariyā *pāricariyānuttariyaṃ* nāma.

Khattiy' ādināṃ guṇānussaraṇaṃ nānussatānuttariyaṃ. Tinnāṃ pana ratanānaṃ guṇānussaraṇaṃ *anussatānuttariyaṃ* nāma.

(xix) Anussatiyo ti cha *anussati-tṭhānānī* nāma. *Buddhānussatī* ti Buddha-guṇānussaraṇaṃ. Evaṃ anussarato hi pīti uppajjati. So taṃ pītiṃ khayato vayato ca paṭṭhapetvā arahattaṃ pāpuṇāti. Upacāra-kammaṭṭhānaṃ nāma' etaṃ gihināṃ pi labbhati. Esa nayo sabbattha, vitthāra-kathā pan' ettha Visuddhi-magge vutta-nayen' eva veditabbo.

(xx) *Satta-vihārā* ti khīṇ' āsavassa nicca-vihāro.

Cakkhunā rūpaṃ disvā ti cakkhu-dvār' ārammaṇe āpāthagate taṃ rūpaṃ cakkhu-viññāpēna disvā javana-kkhaṇe itṭhe ārajjanto n' eva *sumano hoti*, aniṭṭhe adussanto na *dummano*. Asampekkhane mohāṃ anuppādentō *upekkhako viharati* maj-jhatto.

Satiyā yuttattā *sato*. Sampajaññena yuttattā *sampajāno*. Sesa-pade pi es' eva nayo. Iti chasu dvāresu pi *upekkhako viharatī* ti. Iminā chaḷ' aṅg-upekkhā kathitā. *Sampajāno* ti vacanato pana cattāri ñāṇa-sampayutta-cittānī labbhanti. *Satta-vihārā* ti vacanato aṭṭha pi mahā-cittānī labbhanti. Arajjanto adussanto ti vacanato dasa pi cittānī labbhanti. Somanassaṃ kathaṃ labbhatī ti ce? Āsevanato labbhati.

(xxi) *Abhijātiyo* ti jātiyo.

Kaṇhābhijātiko samāno ti kaṇhe nīca-kule jāto hutvā.

Kaṇhaṃ dhammaṃ abhijāyati ti kālakam dasa-dussīlya-dhammaṃ pasavati karoti. So taṃ abhijāyitvā niraye nibbattati.

Sukkaṃ dhammaṃ ti: Ahaṃ pubbe pi puññānaṃ akatattā nīca-kule nibbatto, idāni puññānaṃ karissāmi ti, puñña-saṅkhātaṃ paṇḍaraṃ dhammaṃ abhijāyati. So tena sagge nibbattati.

Akaṇhaṃ asukkaṃ nibbānaṃ ti nibbānaṃ hi sace kaṇhaṃ bhavēyya, kaṇha-vipākaṃ dadeyya: sace sukkaṃ sukka-vipākaṃ dadeyya. Dvinnam pi appadānato pana *akaṇhaṃ asukkaṃ* ti vuttaṃ. Nibbānaṃ ca nāma imasmiṃ atthe adhipetaṃ. Taṃ hi kilesa-nibbānante jātattā nibbānaṃ nāma. Taṃ esa abhijāyati pasavati karoti.

Sukkābhijātiko samāno ti sukke ucce kule jāto hutvā. Sesam vutta-nayen' eva veditabbaṃ.

(xxii) *Nibbedha-bhāgiyā* ti nibbedho vuccati nibbānaṃ. Taṃ bhajanti upagacchanti ti *nibbedha-bhāgiyā*.

Anicca-saññādayo pañcake vuttā. Nirodhānupassanā-ñāṇe pana saññā nirodha-saññā nāma.

Ime kho āvuso ti ādi vutta-nayen' eva yojetabbaṃ. Iti dvā-vīsatiyā chakkānaṃ vasena battimsa-sata pañhe kathento therō sāmaggī-rasaṃ dassesī ti.

Chakkaṃ niṭṭhitaṃ.

3. Iti chakka-vasena sāmaggī-rasaṃ dassetvā idāni sattaka-vasena dassetum puna desanaṃ ārabhi.

(i) Tattha sampatti-paṭilābh' atthēna saddhā vā dhanam *suddhā-dhanaṃ*. Esa nayo sabbattha. *Paññā-dhanaṃ* pan' ettha sabba-seṭṭhaṃ. Paññāya hi tathvā tiṇi sucaritāni pañca-sīlāni dasa sīlāni pūretvā saggūpagā honti, sāvaka-pāramī-ñāṇaṃ paccekā-bodhi-ñāṇaṃ sabbaññuta-ñāṇaṃ ca paṭivijjhanti. Imāsaṃ sampattinaṃ paṭilābha - karaṇato *paññā-dhanaṃ* ti vuttā.

(ii) Satta pi cetanāni lokiya-lok' uttara-missakān' eva kaṭhitāni. Bojjhaṅga-kathā kathitā va.

(iii) *Samādhi-parikkhārā* ti samādhi-parivārā. *Sammā-diṭṭhādini* vuttatthān' eva. Ime pi satta parikkhārā lokiya-lok' uttarā va kathitā.

(iv) Asataṃ dhammā asantā vā dhammā lāmakā dhammā ti *asad-dhammā*.

(v) Vipariyāyena *sad-dhammā* veditabbā. Sesam ettha uttānattham eva. Saddhammesu pana saddhādayo sabbe pi vipassakass' eva kathitā. Tesu pi paññā lokiya-lok' uttarā. Ayaṃ viseso. Sappurisānaṃ dhammā ti *sappurisa-dhammā*.

(vi) Tattha sutta-geyy' ādikaṃ dhammaṃ jānāti ti *dhammaññū*. Tassa tass' eva bhāsitassa atthaṃ jānāti ti *atthaññū*. Ettha: Ko 'mhi sīlena samādhinā paññāyā ti, evaṃ attānaṃ jānāti ti *attaññū*. Paṭiggahaṇa-paribhogesu mattaṃ jānāti ti *mattaññū*. Ayaṃ kālo uddesāya, ayaṃ kālo paripucchāya, ayaṃ kālo yogassa adhigamāyā ti, evaṃ kālaṃ jānāti ti *kālāññū*. Ettha ca pañca vassāni uddesassa kālo, dasa paripucchāya. Idaṃ atisambādham. Dasa pana vassāni uddesa-kālo, vīṣati paripucchāya. Tato paraṃ yoge kammaṃ kāttabbaṃ. Atṭha-vidhaṃ parisam jānāti ti *parisaññū*. Sevitabbāsevitabba-puggalaṃ jānāti ti *puggalaññū*.

(vii) *Niddesa-vatthūni* ti niddes' ādi-vatthūni. Niddeso bhikkhu nibbīso nittimso niccattāḷiso nippaṇṇāso bhikkhū ti evaṃ vacana-kāraṇāni. Ayaṃ kira pañho titthiyasmim yeva uppanno. Titthikā hi dasa-vassa-kāle matam nigaṇṭhaṃ niddeso ti vadanti. So kira puna dasa-vasso na hoti na kevalaṇ ca dasa-vasso pi nava-vasso pi . . . pe . . . eka-vasso pi na hoti. Eten' eva nayena vīṣati-vass' ādi-kāle pi matam nibbīso nittimso niccattāḷiso nippaṇṇāso ti vadanti. Āyasmā Ānando gāme vicaranto, taṃ kathaṃ sutvā, vihāraṃ gantvā, Bhagavato ārocesi. Bhagavā āha: "Na idaṃ Ānanda titthikānaṃ adhivacanaṃ, mama sāsane khīṇ' āsavass' etaṃ adhivacanaṃ. Khīṇ' āsavo hi dasa-vassa-kāle parinibbuto puna dasa-vasso na hoti. Na kevalaṇ ca dasa-vasso va, nava-vasso pi . . . pe . . . eka-vasso pi, na kevalaṇ ca eka-vasso va ekādasa-māsiko pi . . . pe . . . eka-māsiko pi, eka-divasiko pi ekā-muhuttako pi na hoti eva. Kasmā? Puna-paṭisandhiyā abhāvā" Nibbī's' ādisu es' eva nayo. Iti Bhagavā: "Mama sāsane khīṇ' āsavass' etaṃ adhivacanaṃ"

ti vatvā, yehi kāraṇehi so niddaso hoti tāni dassetuṃ *satta-niddesa-vatthūni* desesi. Thero pi tam eva desanaṃ uddharitvā *satta niddesa-vatthūni*, idh' āvuso *bhikkhu sikkhā-samādāne* ti ādim āha.

Tattha *idhā* ti imasmiṃ sāsane.

Sikkhā-samādāne tibba-cchando hoti ti *sikkhā-ttayassa* pūraṇe balava-cchando hoti.

Āyatiṇ ca sikkhā-samādāne avigata-pemo ti anāgate puna divas' ādisu pi *sikkhā-pūraṇe* adhigata-pemen' eva samannāgato hoti.

Dhamma-nissantiyā ti dhamma-nisāmanāya. Vipassanāy' etaṃ adhivacanam.

Icchā-vinaye ti taṇhā-vinaye.

Paṭisallāne ti ekī-bhāve.

Viriyy' ārambhe ti kāyika-cetasikassa pūraṇe.

Sati-nepakke ti satiyaṇ' c' eva nipaka-bhāve ca.

Ditthi-pativedhe ti maggaṃ dassane.

Sesaṃ sabbattha vutta-nayen' eva vedittabbam.

(viii) *Saññāsu* asubhānupassanā ñāṇe saññā *asubha-saññā*. Adinavānupassanā ñāṇe saññā *ādinava-saññā* nāma. Sesā heṭṭhā vuttā eva.

(ix-xi) Bala-sattaka-viññāṇaṭṭhiti-sattaka-puggala-sattakāni vutta-nayān' eva.

(xii) Appahīnaṭṭhena anusenti ti *anusayā*. Thāma-gato kāma-rāgo va *kāmarāgānusayo*. Esa nayo sabbattha.

(xiii) *Samyojana-sattakaṃ* uttānattham eva.

(xiv) Adhikaraṇa-samathesu adhikaraṇāni samenti vūpasamenti ti *adhikaraṇa-samathā*.

Uppann' uppannānan ti uppannānaṃ uppannānaṃ.

Adhikaraṇānan ti vivādādhikaraṇaṃ, anuvādādhikaraṇaṃ, āpattādhikaraṇaṃ kiccādhikaraṇaṃ ti imesaṃ catunnaṃ.

Samathāya vūpasamāyā ti samath' atthaṇ' ca vūpasaman' atthaṇ' ca sammukhā-vinayo dātabbo : . . pe . . . Tip' avatthārako ti ime satta samathā dātabbā. Tatrāyaṃ vinichaya-nayo.

Adhikaraṇesu tāva dhammo ti vā adhammo ti vā aṭṭhārasahi vatthūhi vivadantānaṃ bhikkhūnaṃ yo vivādo idaṃ vivādādhikaraṇaṃ nāma.

Sīla-vipattiyā vā ācāra-diṭṭhi-ājīva-vipattiyā vā anuvadantānaṃ anuvādo upavādanā c' eva codanā ca, idaṃ anuvādādhikaraṇaṃ nāma.

Mātikāya āgatā pañca vibhaṅge dve-ti-satta pi āpattikkhandhā, idaṃ āpattādhikaraṇaṃ nāma.

Saṅghassa apalokaṇ' ādīnaṃ catunnaṃ kammānaṃ karaṇaṃ, idaṃ kiccādhikaraṇaṃ nāma.

Tattha vivādādhikaraṇaṃ dvīhi samatthehi sammati: sammukhā-vinayena ca yebhuyyasikāya ca. Sammukhā-vinayen' eva sammamānaṃ yasmiṃ vihāre uppannaṃ tasmिṃ yeva vā aññattha vūpasametum gacchantānaṃ antarā-magge vā yattha gantvā saṅghassa niyyātitaṃ, tattha saṅghe vūpasametum asakkonte tatth' eva ubbāhikāya sammata-puggalehi vā vinicchitaṃ sammati. Evaṃ sammamāne ca pana tasmिṃ yā saṅgha-sammukhatā dhamma-sammukhatā vinaya-sammukhatā puggala-sammukhatā, ayaṃ sammukhā-vinayo nāma.

Tattha ca kāraka-saṅghassa saṅgha-sāmaggi-vasena sammukhī-bhāvo. Ayaṃ saṅgha-sammukhatā. Saṃetabbassa vatthuno bhūtatā dhamma-sammukhatā. Yathā taṃ same-tappaṃ tath' eva sammasanaṃ vinaya-sammukhatā. Yo ca vivadati yena ca vivadati tesam ubhinnaṃ attha-paccatthikānaṃ sammukhī-bhāvo puggala-sammukhatā. Ubbāhikāya vūpasamane pan' ettha saṅgha-sammukhatā parihāyati. Evaṃ tāva sammukhā-vinayen' eva sammati. Sace pan' evaṃ pi na sammati, atha naṃ ubbāhikāya sammataḥ bhikkhū: Na mayaṃ sakkoma vūpasametun ti, saṅghass' eva niyyātentī. Tato saṅgho pañc' aṅga-samannāgataṃ bhikkhum salāka-gāhāpakaṃ sammannati. Tena gūlhaka-vivāṭaka-sakaṇṇa-jappakesu tīsu salāka-gāhesu aññatara-vasena salākāṃ-gāhetvā sannipatitāya parisāya dhamma-vādināṃ yebhuyyatāya yathā te dhamma-vādinā vadanti evaṃ vūpasantaṃ adhikaraṇaṃ sammukhā vinayena ca yebhuyyasikāya ca vūpasamantaṃ hoti. Tattha sammukhā-vinayo vutta-nayo eva. Yaṃ pana yebhuyyasikā-kammasa karaṇaṃ, ayaṃ yebhuyyasikā nāma. Evaṃ vivādādhikaraṇaṃ dvīhi samatthehi sammati.

Anuvādādhikaraṇaṃ catūhi samatthehi sammati. Sammu-

khā-vinayena ca sati-vinayena ca amūḷha-vinayena ca tassa-pāpiyyasikāya ca. Sammukhā-vinayena ca sammamānaṃ yo ca anuvadati yañ ca anuvadati, tesam vacanaṃ sutvā sace kāci āpatti n' atthi, ubho khamāpetvā, sace atthi: Ayam nām' ettha āpattī ti, evaṃ vinicchitaṃ vupasammati. Tattha sammukhā-vinaya-lakkhaṇaṃ vutta-nayam eva. Yadā pana khīṇ' āsavassa bhikkhuno amulikāya sīla-vipattiyaṃ anud-dhamisitassa sati-vinayaṃ yācamānassa saṅgho catutthena kammena sati-vinayaṃ deti, tadā sammukhā-vinayena ca sati-vinayena ca vūpasamantaṃ hoti. Dinne pana sati-vinaye puna tasmim puggale kassaci anuvādo na rūhati. Yadā ummattako bhikkhu ummāda-vasena: Assamaṇake ajjhācāre sattā yasmim evarūpim āpattin ti, bhikkhūhi codiyamāno: Ummattakena me āvuso evaṃ kataṃ nāhaṃ taṃ sarāmi ti, bhaṇanto pi bhikkhūhi codiyamāno ca puna acodan' atthāya amūḷha-vinayaṃ yācati, saṅgho c'assa ñatti-catutthena kammena amūḷha-vinayaṃ deti, tadā sammukhā-vinaye ca amūḷha-vinaye ca vūpasantaṃ hoti. Dinne pana amūḷha-vinaye puna tasmim puggale kassaci tappaccayā anuvādo na rūhati. Yadā pana pārājikena vā pārājika-sāmantena vā codiyamānassa aññen' aññaṃ paṭicarato pāp' ussanatāya pāpiyassa puggalassa cāyaṃ acchinna-mūlo bhavissati, samā-vattitvā osāraṇaṃ labhissati. Sace chinna-mūlo: Ayam ev' assa nāsanā bhavissati ti, maññaṃ māno saṅgho ñatti-catutthena kammena tassa-pāpiyyasikaṃ karoti. Tadā sammukhā-vinayena ca tassa-pāpiyyasikāya ca vūpasantaṃ hoti ti, evaṃ anuvādādhikaraṇaṃ catūhi samatthehi sammati.

Āpattādhikaraṇaṃ tihi samatthehi sammati sammukhā-vinayena ca paṭiññāta-karaṇena ca tiṇ' avatthārakena ca. Tassa sammukhā-vinayen' eva vūpasamo n' atthi. Yadā pana etassa vā bhikkhuno santike Saṅgha-gahana-majjhe vā bhikkhu lahukaṃ āpattim deseti, tadā āpattādhikaraṇaṃ sammukhā-vinayena ca paṭiññāta-karaṇena ca vūpasammati. Tattha sammukhā-vinaye tāva yo ca deseti yassa ca deseti tesam sammukhī-bhāvo puggala-sammukhatā. Tesam vutta-nayam eva.

Puggalassa ca gaṇassa ca desanā-kāle saṅgha-sammukhatā parihāyati. Yā pan' ettha: Ahaṃ bhante itthannāmaṃ āpat-

tiṃ āpanno ti, vā: Āma passāmī ti, paṭiññā: Tāya paṭiññāya āyatiṃ saṃvareyyāsī ti, karaṇaṃ, taṃ paṭiññāta-karaṇaṃ nāma saṅghādisese parivās' ādi-yācanā paṭiññā. Parivās' ādinaṃ dānaṃ paṭiññāta-karaṇaṃ nāma.

Dve pakka-jātā pana bhaṇḍana-kārakā bhikkhu-baḥuṃ assāmaṇakaṃ ajjhācaritvā puna lajji-dhamme uppanne: Sace mayam imāhi āpattihi aññaṃ-aññaṃ karissāma, siyā pi taṃ adhikaraṇaṃ kakkhaḷattāya saṃvatteyyā ti, aññaṃ-aññaṃ āpattiyā kārāpane dosaṃ disvā, yadā tiṃ' avatthā-raka-kammaṃ karonti tadā āpattādhikaraṇaṃ sammukhā-vinayena ca tiṃ' avatthārakena ca sammati. Tatra hi yattakā hatthapāsūpagatānaṃ etaṃ khamatī ti, evaṃ diṭṭhā vikammaṃ akatvā niddam pi okkantā honti sabbesaṃ ṭhape-tvā thulla-vajjaṃ ca gihi-patisaṃyuttaṃ ca sabbāpattiyo vuṭṭhahanti. Evaṃ āpattādhikaraṇaṃ tihi samathehi sammati.

Kiccādhikaraṇaṃ ekena samathena sammati sammukhā-vinayen' eva. Imāni cattāri adhikaraṇāni yathānurūpaṃ imehi sattahi samathehi sammanti. Tena vuttaṃ *uppann' uppannānaṃ adhikaraṇānaṃ samathāya vūpasamāya sammukhā-vinayo dātabbo . . . pe . . . tiṃ' avatthārako* ti. Ayam ettha vinicchaya-nayo. Vitthāro pana Samathakkhandhake āgata-nayo va. Vinicchayo pi 'ssa Samantapāsādikāyaṃ vutto.

Ime kho āvuso ti ādi vutta-nayen' eva yojetabbaṃ. Iti cuddasannaṃ sattakānaṃ vasena aṭṭha-navuti-paṇhe kathento thero sāmaggi-rasaṃ dassesī ti.

Sattakaṃ niṭṭhitaṃ.

3. 1. Iti sattaka-vasena sāmaggi-rasaṃ dassetvā idāni aṭṭhaka-vasena dassetuṃ puna dasamaṃ ārabhi.

(i) Tattha *micchattā* ti ayathāva-micchā-sabhāvā.

(ii) *Sammattā* ti yathāva-sammā-sabhāvā.

(iv) *Kusīta-vatthūnī* ti kusītassa alasassa vatthūni, paṭi-ṭṭhā-kosajja-kāraṇāni ti attho.

Kammaṃ kattabbaṃ holī ti cīvara-vicāraṇ' ādi-kammaṃ kātabbaṃ hoti.

Na viriyaṃ ārabhatī ti duvidham pi viriyaṃ n' ārabhati.

Appattassā ti jhāna-vipassanā-magga-phala-dhammassa appattassa pattiya.

Anadhigatassā ti tass' eva anadhigatassa adhigam' atthāya.
Asacchikatassā ti tass' eva apaccakkha-katassa sacchikaraṇ' atthāya.

Idaṃ paṭhaman ti, idaṃ *handāhaṃ nippajjāmī* ti evaṃ osīdanam paṭhamam kusīta-vatthum. Iminā nayena sabbattha attho veditabbo.

Mās' ācitaṃ maññe ti ettha pana mās' ācitaṃ nāma tinta-māso. Yathā tinta-māso garuko hoti, evaṃ garuko ti adhip-pāyo.

Gilānā vuṭṭhito hoṭī ti gilāno hutvā pacchā vuṭṭhito hoti.

(v) *Ārabha-vatthūnī* ti viriya-kāraṇāni. Tesam pi iminā nayena attho veditabbo.

(vi) *Dāna-vatthūnī* ti dāna-kāraṇāni.

Āsajja-dānam detī ti patvā dānam deti. Āgataṃ disvā taṃ muhuttaṃ yeva nisīdāpetvā sakkāram katvā dānam deti: Dassāmī ti na kilamati. Iti ettha āsādanam dāna-kāraṇam nāma hoti.

Bhayaṃ dānam detī ti ādisu bhay' ādīni dāna-kāraṇāni ti veditabbāni.

Tattha bhayaṃ nāma: Ayaṃ adāyako akārako ti, garahā-bhayaṃ vā apāya-bhayaṃ vā.

Adāsī me ti: Mayhaṃ pubbe esa idaṃ nāma adāsī ti, deti.

Dassatī me ti: Anāgate idaṃ nāma dassatī ti, deti.

Sāhu dānan ti: Dānam nāma sādhu sundaram Buddh' ādihi paṇḍite hi pasatthan ti, deti.

Cittālaṅkāra-citta-parikār' atthaṃ dānam detī ti samatha-vipassanā cittassa alaṅkāra' atthañ c' eva parivār' atthañ ca deti. Dānam hi cittaṃ muduṃ karoti. Yena laddham hoti, so pi: Laddham me ti, mudu-citto hoti. Yena dinnam, so pi: Dinnam mayā ti, mudu-citto hoti. Iti ubhinnaṃ pi cittaṃ muduṃ karoti. Ten' eva adanta-damanam dānan ti vuccati Yath' āha:

Adanta-damanam dānam adānam danta-dūsanaṃ
Dānena piya vācāya unnamanti namanti vā ti.*

* Vism 306 (with "sabbattha sādhakam" for "adānam danta-dūsanaṃ"; so also B).

Imesu pana aṭṭhasu dānesu cittālaṅkāra-dānam eva uttamam.

(vii) *Dān' uppattiyo* ti dāna-paccayā dānuppattiyo.

Dahaṭi ti ṭhapeti.

Adhiṭṭhāṭi ti tass' eva vevacanam.

Bhāveṭi ti vaḍḍheti.

Hīne vimuttan ti hīnesu pañcasu kāma-guṇesu vimuttam.

Uttariṃ abhāvitān ti tato upariṃ magga-phal' atthāya abhāvitam.

Tatr' uppattiyaṃ samvattati ti yaṃ ṭhānam patthetvā kusalam katam, tattha nibbatta 'natthāya samvattati.

Vītarāgassā ti maggena vā samucchinna-rāgassa samāpattiyaṃ vā vikkhambhita-rāgassa, dāna-matten' eva hi Brahmaloke nibbattitum na sakkā. Dānam pana samādhī-vipassanā-cittassa alaṅkāra-parivāro hoti. Tato dānena mudu-citto brahma-vihāre bhāvetvā Brahmaloke nibbattati. Tena vuttam *vītarāgassa no sarāgassā* ti.

(viii) *Khattiyānam parisā khattiya-parisā*. Samūho ti attho. Esa nayo sabbattha.

(ix) *Lokassa dhammā loka-dhammā*. Etehi vimutto nāma n' atthi, Buddhānam pi honti yeva. Vuttam pi c' etam: "Aṭṭh' ime bhikkhave loka-dhammā lokam anuparivattanti, loko ca aṭṭha loka-dhamme anuparivattati" ti.

Lābho alābho ti lābhe āgate alābho āgato evā ti veditabbo.

Yas' ādisu pi es' eva nayo.

(x, xi) *Abhihāyatana-vimokkha-kathā* heṭṭhā kathitā eva.

Ime kho āvuso ti ādi vutta-nayen' eva yojetabbam.

Iti ekā-dasannam aṭṭhakānam vasena aṭṭh' āsīti pañhe kathento thero sāmaggi-rasam dassesi ti.

Aṭṭhakam niṭṭhitam.

2. Iti aṭṭhaka-vasena sāmaggi-rasam dassetvā idāni navaka-vasena dassetum puna desanam ārabhi.

(i) Tattha *āghāta-vatthūnī* ti āghāta-kāraṇāni.

Āghātam bandhati ti kopam bandhati uppādeti.

(ii) *Tam ku'* *ettha labbhā* ti tam anatta-caraṇam mā ahoṣi ti etasmim puggale kuto labbhā, kena kāraṇena sakkā lad-

dhum ? “ Paro nāma parassa attano citta-ruciyā anattam karotī ” ti: evaṃ cintetvā āghātam paṭivinodeti. Atha vā: Sacāhaṃ paṭikopaṃ kareyyaṃ taṃ kopa-karaṇaṃ ettha pug-gale kuto labbhā kena kāraṇeṇa laddhabban ti attho. Kuto lābhā ti pi pāṭho. Sacāhaṃ ettha kopaṃ kareyyaṃ, tasmim me kopa-karaṇe kuto lābhā nāma ke siyun ti attho. Imasmim ca attho *tan* ti nipātamattam eva hoti.

(iii) *Satt' āvāsā* ti sattānaṃ āvāsā, vasana-tṭhānāni ti attho. Tattha Suddh' āvāsā pi satt' āvāso va, asabba-kālikattā pana na gahitā. Suddh' āvāsā hi Buddhānaṃ khandhā vāra-tṭhāna-sadisā. Asaṅkheyya-kappe Buddhesu anibbattantesu taṃ tṭhānaṃ suññaṃ hoti iti asabba-kālikattā na gahitā. Sesam ettha yaṃ vattabbaṃ, taṃ hetṭhā vuttam eva.

(iv) *Akkhaṇesu dhammo ca desayati* ti catu-sacca-dhammo desiyati.

Opasamiko ti kilesūpasama-karo.

Parinibbāniko ti kilesa-parinibbānena parinibbān' āvaho.

Sambodha-gāmī ti catu-magga-ñāṇa-paṭivedha-gāmī.

Aññataran ti asaṇña-bhavaṃ vā arūpa-bhavaṃ vā.

(v) *Anupubba-vihārā* ti anupaṭipāṭiyā samāpajjitabba-vihārā.

(vi) *Anupubba-nirodhā* ti anupaṭipāṭi-nirodhā.

Ime kho āvuso ti ādi-vutta-nayen' eva yojetabbaṃ. Iti channaṃ navakānaṃ vasena catu-paṇṇāsa pañhe kathento thero sāmaggi-rasaṃ dassesī ti.

Navakaṃ-niṭṭhitam.

3. Iti navaka-vasena sāmaggi-rasaṃ dassetvā idāni dasaka-vasena dassetum puna desanaṃ ārabhi.

(i) Tattha *nātha-karaṇā* ti: “ Sanāthā bhikkhave viharatha, mā anāthā. Dasa ime bhikkhave dhammā nātha-karaṇā ” ti evaṃ akkhātā attano patiṭṭhākarā dhammā.

Kalyāṇa-mitto ti ādisu sil' ādi-guṇa-sampannā kalyāṇā assa mittā ti kalyāṇa-mitto. Te v' assa tṭhāna-nisajj' ādisu saha ayanato sahāyā ti *kalyāṇa-sahāyo*. Cittena c' eva kāyena ca kalyāṇa-mittesu eva sampavaṅko onato ti *kalyāṇa-sampavaṅko*.

Subbaco hotī ti sukhena vattabbo hoti, sukhena anusāsitaabbo.

Khamo ti gāḷhena pharusena kakkhaḷena vuccamāno¹ khamati na kuppati.

Padakkhiṇa-ggāhī anusāsanin ti yathā ekacco ovadiyamāno vāmato gaṇhāti vā paṭippharati vā asuṇanto vā gacchati, evaṃ akatvā: Ovadatha bhante anusāsatha, tumhesu anovadantesu ko aṇṇo ovadissatī ti, padakkhiṇaṃ gaṇhāti.

Uccāvacānī ti ucca-nīcāni.

Kim karaṇīyānī ti: Kim karomī ti, evaṃ vatvā kattabbakammāni. Tattha ucca-kammāni nāma cīvarassa karaṇaṃ rajanaṃ cetiye sudhākammaṃ uposathāgāraṃ cetiya-gharabodhigharesu kattabban ti evaṃ ādi. Avaca-kammaṃ nāma pāda-dhōvana-makkhan' ādi-khuddaka-kammaṃ.

Tatrūpāyāyā ti, tatrūpagamanīyā.

Alaṃ kātun ti kātun samattho hoti.

Alaṃ saṃvidhātun ti vicāretun samattho.

Dhamme assa kāmo sineho ti *dhamma-kāmo*. Tepiṭakaṃ Buddha-vacanaṃ piyāyatī ti attho.

Piya-samudāhāro ti parasmim kathente saccaṃ suṇāti, sayaṃ ca paresaṃ desetu-kāmo hotī ti attho.

Abhidhamme abhivinaye ti ettha dhammo abhidhammo, vinayo abhivinayo ti catukkaṃ veditabbaṃ. Tattha *dhammo* ti Sutta-piṭakaṃ. *Abhidhammo* ti satta Pakaraṇāni. *Vinayo* ti ubhato vibhaṅgo. *Abhivinayo* ti Khandhaka-Parivārā. Atha vā Sutta-piṭakaṃ pi Abhidhamma-piṭakaṃ pi dhammo eva. Magga-phalāni abhidhammo. Sakalaṃ Vinaya-piṭakaṃ vinayo. Kilesa-vūpasama-kāraṇaṃ abhivinayo. Iti sabasmim pi ettha Dhamme Abhidhamme Vinaye abhivinaye ca.

Uḷāra-pāmuḷlo ti bahula-pāmuḷlo hotī ti attho.

Kusalesu dhammesū ti kāraṇ' atthe bhummaṃ. Catubhūmaka-kusala-dhamma-kāraṇā. Tesam adhigaman' atthāya anikkhitta-dhuro hotī ti attho.

(ii) Kasiṇa-dasake sakal' atthena kasiṇāni. Taṃ āramaṇaṃ dhammānaṃ khet' atthena vā adhiṭṭhān' atthena vā āyatanāni.

Uddhan ti upari gagana-talābhimukhaṃ.

Adho ti heṭṭhā bhūmi-talābhimukhaṃ.

Tiriyān ti khetta-maṇḍalaṃ viya samantā paricchinditvā. Ekacco hi uddham eva kasiṇaṃ vaḍḍheti, ekacco adho, ekacco samantato, tena tena vā kāraṇena evaṃ pasāreti ālokaṃ iva rūpa-dassana-kāmo. Tena vuttaṃ—*Paṭhavī-kasiṇaṃ eko sañjānāti uddhaṃ adho tiriyān* ti.

Advayan ti idaṃ pana ekassa asañña-bhāvānupagaman' atthaṃ vuttaṃ. Yathā hi udakaṃ pavitṭhassa sabba-disāsu udakaṃ eva hoti, na aññaṃ, evaṃ eva paṭhavī-kasiṇaṃ paṭhavī-kasiṇaṃ eva hoti, n' atthi tassa añña-kasiṇa-sambhedo. Esa nayo sabbattha.

Appamāṇan ti idaṃ tassa tassa pharaṇa-appamāṇa-vasena vuttaṃ. Tañ hi cetasī pharonto sakalam eva pharati, na ayaṃ assa ādi: Idam majjhan ti, pamāṇaṃ gaṇhatī ti.

Viññāṇa-kasiṇan ti c' ettha kasiṇ' ugghāṭim ākāse pavatta-viññāṇaṃ. Tattha kasiṇa-vasena kasiṇ' ugghāṭim ākāse kasiṇ' ugghāṭim ākāsa-vasena tattha-pavatta-viññāṇe uddhaṃ adho tiriyatā veditabbā. Ayaṃ ettha saṅkhepo. Kammatṭhāna-bhāvanā-nayena pan' etāni paṭhavī-kasiṇ' ādīni vitthārato Visuddhimagge vuttān' eva.

(iii) Kammaopathesu kammān' eva duggatī-sugatīnaṃ paṭha-bhūtattā kamma-pathā nāma. Tesu pāṇātipāto adinn' ādānaṃ musā-vād' ādayo cattāro Brahmajāle vitthāritā eva.

Kāmesu micchācāro ti ettha pana *kāmesū* ti methuna-samācāresu methuna-vatthūsu vā. *Micchācāro* ti ekanta-nindito lāmak' ācāro. Lakkhaṇato pana asaddhammādhippāyena kāya-dvāra-ppavattā agamaṇīya-tṭhāna-vītikkama-cetanā-kāmesu micchācāro. Tattha agamaṇīya-tṭhānaṃ nāma purisānaṃ tāva mātu-rakkhitā pitu-rakkhitā mātāpitu-rakkhitā bhātu-rakkhitā bhagini-rakkhitā ñāti-rakkhitā gotta-rakkhitā dhamma-rakkhitā sārakkhā sapaṇḍā ti: mātu-rakkhit' ādayo dasa. Dhana-kkītā chanda-vāsini bhoga-vāsini paṭa-vāsini odapattakini obhatacumbaṭā dāsī ca bhariyā kammakarī ca bhariyā dhaj' āhaṭa muhuttikā ti: etā dhana-kkīt' ādaya dasā ti visati. Itthīsu pana sārakkha-sapaṇḍānaṃ dasannañ ca dhana-kkīt' ādīnaṃ ti dvādasannaṃ itthīnaṃ aññe purisā. Idaṃ agamaṇīya-tṭhānaṃ nāma. So pan' esa micchācāro sil' ādi-guṇa-rahite agamaṇīya-tṭhāne appa-sāvajjo.

Sīl' ādi-guṇa-sampanne mahā-sāvajjo. Tassa cattāro sambhārā agamanīyaṃ vatthum, tasmiṃ sevanā-cittaṃ sevanā-payogo maggena magga-paṭipatti adhvāsanan ti. Eko payogo sāhatthiko eva.

Abhijjhāyati ti *abhijjhā*. Para-bhaṇḍābhimukhī hutvā tan-ninnatāya pavattati ti attho. Sā: Aho vata idaṃ mam' assā ti, evaṃ para-bhaṇḍābhijjhāyana-lakkhaṇā adinn' ādānaṃ viya appa-sāvajjā mahā-sāvajjā ca. Tassā dve sambhārā para-bhaṇḍam attano pariṇāmanaṃ ca. Para-bhaṇḍa-vatthukehi lobhe uppanne pi na tāva kammaṇṇa-bhedo hoti yāva: Aho vata idaṃ mam' assā ti, attano na pariṇāmeti.

Hita-sukhaṃ vyāpādayati ti *vyāpādo*. So paraṃ vināsāya mano-padosa-lakkhaṇo, pharusa-vācā viya appa-sāvajjo mahā-sāvajjo ca. Tassa dve sambhārā para-satto ca tassa ca vināsa-cintā. Para-satta-vatthukehi kodhe uppanne pi na tāva kammaṇṇa-bhedo hoti yāva: Aho vatāyaṃ ucchijjeyya vinasseyyā ti, tassa vināsaṃ cinteti.

Yathābhucca-gaṇābhāvena micchā passatī ti *micchā-ditthi*. Sā: N' atthi dinnan ti, ādinā nayena viparīta-dassana-lakkhaṇā samphappalāpo viya appa-sāvajjā mahā-sāvajjā ca. Api ca aniyatā appa-sāvajjā, niyatā mahā-sāvajjā. Tassā dve sambhārā vatthuno ca gahitā kāra-viparītātā, yathā taṃ gaṇhāti tathā bhāvena tass' upaṭṭhānan ti. Imesaṃ pana dasannaṃ akusala-kammaṇṇaṃ dhammato koṭṭhāsato ārammaṇato vedanato mūlato ti pañcah' ākārehi vinicchayo veditabbo. Tattha *dhammato* ti etesu hi paṭipāṭiyā satta cetanā dhammā va honti. Abhijjhādayo tayo cetanā sampayuttā.

Koṭṭhāsato ti paṭipāṭiyā satta micchā-ditthi cā ti ime aṭṭha kammaṇṇa eva honti no mūlāni. Abhijjhā vyapādā kammaṇṇa c' eva mūlāni ca. Abhijjhā hi mūlaṃ patvā lobho akusala-mūlaṃ hoti. Vyāpādo doso akusala-mūlaṃ hoti.

Ārammaṇato ti pāpātipāto jīvit' indriy' ārammaṇato saṅkhār' ārammaṇo hoti. Adinn' ādānaṃ satt' ārammaṇaṃ vā saṅkhār' ārammaṇaṃ vā. Micchācāro phoṭṭhabba-vasena saṅkhār' ārammaṇo, satt' ārammaṇo ti pi eke. Musā-vādo satt' ārammaṇo vā saṅkhār' ārammaṇo vā. Tathā piṣuṇā vācā pharusā vācā satt' ārammaṇā va. Samphappalāpo diṭṭha-suta-muta-viññātā-vasena satt' ārammaṇo

vā saṅkhār' ārammaṇo vā. Tathā abhijjhā. Vyāpādo satt' ārammaṇo na. Micchā-diṭṭhi te-bhūmaka-dhamma-vasena saṅkhār' ārammaṇā. *Vedanato* ti pāṇātipāto dukkha-vedano hoti. Kiñcāpi hi rājāno coraṃ disvā hasamānā pi: Gacchatha naṃ ghātethā ti, vadanti. Sanniṭṭhāpaka-cetanā pana dukkha-sampayuttā va hoti. Adinn' ādānaṃ ti-vedanaṃ. Micchācāro sukha-majjhatta-vasena dvi-vedano. Sanniṭṭhāpaka-citte pana majjhatta-vedano na hoti. Musā-vādo ti-vedano. Tathā piṣuṇa-vācā pharusa-vācā dukkha-vedanā. Samphappalāpo ti-vedano. Abhijjhā sukha-majjhatta-vasena dvi-vedanā. Tathā micchā-diṭṭhi vyāpādo dukkha-vedano. *Mūlato* ti pāṇātipāto dosa-moha-vasena dvi-mūlako hoti. Adinn' ādānaṃ dosa-moha-vasena vā lobha-moha-vasena vā. Micchācāro lobha-moha-vasena. Musā-vādo dosa-moha-vasena vā lobha-moha-vasena vā. Tathā piṣuṇa-vācā samphappalāpo ca. Pharusa-vācā dosa-moha-vasena. Abhijjhā moha-vasena eka-mūlā. Tathā vyāpādo micchā-diṭṭhi lobha-moha-vasena dvi-mūlā ti.

(iv) *Pāṇātipātā veramaṇī* ādini samādāna-sampatta-samuccheda-virati-vasena veditabbāni. *Dhammato* pana etesu pi paṭipāṭiyā satta cetanā pi vaṭṭanti viratiyo pi. Ante tayo cetanā sampayuttā va. *Koṭṭhāsato* ti paṭipāṭiyā satta kamma-pathā eva, no mūlāni. Ante tayo kamma-pathā ca mūlāni ca. Anabhijjhā hi kamma-pathaṃ patvā alobho kusala-mūlaṃ hoti. Avyāpādo adoso kusala-mūlaṃ. Sammā-diṭṭhi amoho kusala-mūlaṃ. *Ārammaṇato* ti pāṇātipāt' ādinaṃ ārammaṇān' eva etesaṃ ārammaṇāni. Vitikkamitabbato yeva hi veramaṇī nāma hoti. Yathā pana nibbān' ārammaṇo ariya-maggo kilese pajahati, evaṃ jīvit' indriy' ādi p' ete kamma-pathā pāṇātipāt' ādini dussīlyani pajahantī ti veditabbā. *Vedanato* ti sabbe sukhā vedanā honti majjhatta-vedanā vā. Kusalaṃ patvā hi dukkha-vedanaṃ nāma n' atthi. *Mūlato* ti paṭipāṭiyā satta-ñāṇa-sampayutta-cittena viramantassa alobha-adosa-amoha-vasena timulāni honti. Ñāṇa-vippayutta-cittena viramantassa dvi-mūlāni. Anabhijjhā ñāṇa-sampayutta-cittena viramantassa dvi-mūlā hoti, ñāṇa-vippayutta-cittena eka-mūlā. Alobho pana attanā va attano mūlaṃ na hoti. Avyā-

pāde pi es' eva nayo. Sammā-ditṭhi alobhā dosa-vasena dvi-mūlā ti.

(v) *Ariya-vāsā* ti ariyā eva vasimsu vasanti vasissantī ti ariya-vāsā.

Pañc' aṅga-vippahīno ti pañcahi aṅgehi vippayutto va hutvā khīṇ' āsavo avasi vasati vasissati. Tasmā ayam pañc' aṅga-vippahīno ariyassa vāsattā ariya-vāso ti vutto. Esa nayo sabbattha.

Evam kho āvuso bhikkhu chaḷ' aṅga-samannāgato hotī ti chaḷ' upekkhāya samannāgato hoti. Chaḷaṅg' upekkhā-dhammā nāma ke ti? Nāṇ' ādayo. Nānan ti vutte kiriyaṭo cattāri nāṇa-sampayutta-cittāni labbhanti. Satata-vihāro ti vutte aṭṭha mahā-cittāni. Rajjana-dussanaṃ n' atthī ti vutte dasa cittāni labbhanti. Somanassaṃ āsevana-vasena labbhati.

Satārakkhena cetasā ti khīṇ' āsavassa hi tisu dvāresu sabba-kālaṃ sati-ārakkha-kiccaṃ sādheti. Ten' ev' assa carato ca tiṭṭhato ca suttassa ca jāgarassa satataṃ samitaṃ nāṇa-dassanaṃ paccupaṭṭhitaṃ hotī ti vuccati.

Puthu-samaṇa-brāhmaṇānan ti bahunnaṃ samaṇa-brāhmaṇānaṃ. Ettha ca *samaṇā* ti pabbajj' upagatā. *Brāhmaṇā* ti bho-vādino.

Puthu-pacceka-saccānī ti bahūni pāṭiyekka-saccāni. Idam eva dassanaṃ saccaṃ, idam eva dassanaṃ saccan ti, evaṃ pāṭiyekkaṃ gahitāni bahūni saccānī ti attho.

Nuṇṇānī ti nīhaṭāni.

Panuṇṇānī ti suṭṭhu nīhaṭāni.

Cattānī ti vissatṭhāni.

Vantānī ti vamitāni.

Muttānī ti chinna-bandhanāni katāni.

Pahīnānī ti pajahitāni.

Paṭinissatṭhānī ti yathā na puna cittaṃ ārohani evaṃ paṭi-vissajjitāni. Sabbān' eva tāni gahita-gahaṇassa vissatṭha-bhāva-vevacanāni.

Samavaya-satṭh' esano ti ettha *avayā* ti anūnanā. *Satṭhā* ti vissatṭhā. Samā avayā satṭhā esanā assā ti *samavaya-satṭh' esano*. Samā-vissatṭha-sabba-esano ti attho.

Rūgā cittaṃ vimuttan ti ādihi maggassa kicca-nipphatti kathitā.

Rāgo me pahīno ti ādīhi paccavekkhanāya phalaṃ kathitaṃ.

(vi) *Asekhā sammā-diṭṭhī* ti ādaya sabbe pi phala-sampayutta-dhammā eva. Ettha sammā-diṭṭhi sammā-ñāṇaṃ ti dvīsu ṭhānesu paññā va kathitā.

Sammā-vimuttī ti iminā pana padena vuttāvasesā phala-samāpatti-dhammā saṅgahitā ti veditabbā.

Ime kho āvuso ti ādi-vutta-nayen' eva yojetabbam. Iti channam dasakānam vasena sama-saṭṭhi pañhe kathento thero sāmaggi-rasaṃ dassesi ti.

Dasakaṃ niṭṭhitaṃ.

Idha pana ṭhatvā pañhā samodhānetabbā. Imasmiṃ hi sutte ekaka-vasena dve pañhā kathitā; duka-vasena sattati; tika-vasena asīti-sataṃ; catukka-vasena dve-satāni; pañcaka-vasena tiṃsa-sataṃ; cakka-vasena dvattiṃsa-sataṃ; sattaka-vasena aṭṭha-navuti; aṭṭhava-vasena aṭṭh-asīti; navaka-vasena catu-pañṇāsaṃ; dasaka-vasena sama-saṭṭhi ti. Evaṃ sahaṣsaṃ cuddasaṃ ca pañhā kathitā. Imaṃ hi suttantaṃ ṭhapetvā tepiṭake Buddha-vacane añño suttanto evaṃ bahupañha-patimaṇḍito n' atthi. Bhagavā imaṃ suttantaṃ ādito paṭṭhāya sakalaṃ sutvā citesi: "Dhammasenāpati Sāriputto Buddha-balaṃ dīpetvā appaṭivattiyaṃ sīha-nādaṃ nadati. Sāvaka-bhāsito ti vutte okappanā na hoti, Jina-bhāsito ti vutte okappanā hoti. Tasmā naṃ Jina-bhāsitaṃ katvā deva-manussānaṃ okappanaṃ imasmiṃ suttante uppādessāmi" ti. Tato utṭhāya sādhu-kāraṃ adāsi. Tena vuttaṃ: *Atha kho Bhagavā vuṭṭhahitvā āyasmantaṃ Sāriputtaṃ āmantesi: Sādhu sādhu Sāriputta, sādhu kho tvam Sāriputta bhikkhūnaṃ Saṅgīti-pariyāyaṃ abhāsī* ti.

Tattha *Saṅgīti-pariyāyan* ti sāmaggiyā kāraṇaṃ. Idaṃ vuttaṃ hoti. Sādhu kho tvam Sāriputta mama sabbaññuta-ñāṇena saṃsanditvā bhikkhūnaṃ sāmaggi-kāraṇaṃ abhāsī ti.

Samanuñño Satthā ahoṣī ti anumodanena samanufīṇo ahoṣi.

Ettakena ayaṃ suttanto Jina-bhāsito nāma jāto. Desanā-pariyosāne imaṃ suttantaṃ manasikarontā bhikkhū arahattaṃ pāpunimsū ti.

Saṅgīti-sutta-vaṇṇanā niṭṭhita.

XXXIV

DASUTTARA-SUTTA-VAÑÑANĀ

Evam me sutaṃ ti Dasuttara-suttaṃ. Tatratthayaṃ apubbapada-vaññanā.

1. 1. *Āvuso bhikkhave ti, sāvakaṇaṃ ālapanam etaṃ. Buddhaṃ hi paṇisaṃ āmantayamānā: Bhikkhave ti, vadanti. Sāvaka: Satthāraṃ uccaṭṭhāne ṭhapessāmā ti, Satthu ālapanena anālapitvā: Āvuso ti, ālapanti.*

Te bhikkhū ti te Dhammasenāpatiṃ parivāretvā nisinnā bhikkhū. Ke pana te bhikkhū ti? Anibaddhavāsā disāgamanīyā bhikkhū.

Buddha-kāle dve vāre bhikkhū sannipatanti: upakaṭṭhe vassūpanāyika-kāle ca pavāraṇa-kāle ca. Upakaṭṭhāya vassūpanāyikāya dasa pi vīsatiṃ pi cattālisaṃ pi paññāsaṃ pi bhikkhū vagga-vaggā hutvā kammaṭṭhān' atthāya āgacchanti. Bhagavā tehi saddhiṃ sammoditvā: "Kasmā bhikkhave upakaṭṭhāya vassūpanāyikāya vicarathā?" ti pucchati. Atha te: "Bhagavā kammaṭṭhān' atthaṃ āgat' amha, kammaṭṭhānaṃ no dethā" ti yācanti. Satthā tesam cariya-vasena rāga-caritassa asubha-kammaṭṭhānaṃ deti. Dosa-caritassa mettā-kammaṭṭhānaṃ, moha-caritassa uddeso, paripucchā, kālena dhamma-savanaṃ, kālena dhamma-sākaṃcchā: Idaṃ tuyhaṃ sappāyaṃ ti, ācikkhati. Vitakka-caritassa ānāpāna-sati-kammaṭṭhānaṃ deti. Saddhā-caritassa pasādaniye suttante Buddha-subodhiṃ Dhamma-sudhammatam Saṅgha-suppaṭipattiṃ ca pakāseti. Nāna-caritassa aniccat' ādi-paṭisaṃyutte gambhīre suttante katheti. Te kammaṭṭhānaṃ gahetvā sace sappāyaṃ hoti tatth' eva vasanti. No ce hoti sappāyaṃ, sen' āsanaṃ pucchitvā gacchanti. Te tattha vasantā temāsikaṃ paṭipadaṃ gahetvā ātappantā vāyamaṇṭā sot' āpannā pi honti sakadāgāmino pi anāgāmino pi arahanto pi. Tato vuttha-vassā pavāretvā va Satthu santikaṃ gantvā: "Bha-

gavā ahaṃ tumhākaṃ santike kammaṭṭhānaṃ gahetvā sot' āpatti-phalaṃ patto, ahaṃ agga-phalaṃ arahattan' ti paṭi-laddhaṃ guṇaṃ ārocenti. Tattha ime bhikkhū upakaṭṭhāya vassūpanāyikāya āgatā, evaṃ āgantvā gacchante pana bhikkhū Bhagavā agga-sāvakaṇaṃ santikaṃ peseti.

Yath' āha: "Apaloketha pana bhikkhave Sāriputta-Moggallāne" ti. Bhikkhū vadanti: "Na kho mayaṃ bhante apalokema Sāriputta-Moggallāne" ti. Atha ne Bhagavā tesam dassane uyyojesi: "Sevatha bhikkhave Sāriputta-Moggallāne bhajatha bhikkhave Sāriputta-Moggallāne, paṇḍitā bhikkhū anuggāhakā sabrahmacāriṇaṃ. Seyyathāpi bhikkhave janettī, evaṃ Sāriputto. Seyyathāpi jātassa āpādetā evaṃ Moggallāno. Sāriputto bhikkhave sot' āpatti-phale vineti, Moggallāno uttam' atthe" ti. Tadā pi Bhagavā imehi bhikkhūhi saddhiṃ paṭisanthāraṃ katvā tesam bhikkhūnaṃ āsayaṃ upaparikkhanto: Ime bhikkhū sāvaka-vineyyā ti, addasa. Sāvaka-vineyyā nāma ye Buddhānaṃ pi dhamme desanāya bujjhanti sāvakaṇaṃ pi. Buddha-veneyyā pana sāvakā bodhetuṃ na sakkonti. Sāvaka-veneyyabhāvaṃ pana etesaṃ ñatvā: Katara-bhikkhuno desanāya bujjhanti ti, olokento: Sāriputtassā ti, disvā therassa santikaṃ pesesi. Thero te bhikkhū pucchi: "Satthu santikaṃ gat' attha āvuso?" ti. "Āma gat' amha, Satthārā pana tumhākaṃ santikaṃ pesitā" ti. Tato thero: Ime bhikkhū mayhaṃ desanāya bujjhissanti, kīdisā nu kho tesam desanā vattatī ti, cinto: Ime bhikkhū samagg' ārāmā, sāmaggī-rasassa dīpikā nesaṃ desanā vaṭṭatī ti, sannitṭhānaṃ katvā tathārūpaṃ desanaṃ desetu-kāmo *Dasuttaraṃ pavakkhāmī* ti ādim āha. Tattha dasa-dasa mātikā ṭhapetvā vibhatto ti Dasuttaro. Ekakato paṭṭhāya yāva dasakā gato ti pi Dasuttaro. Ek' eka-pabbe dasa-dasa pañhā visesitā ti pi Dasuttaro. Taṃ Dasuttaraṃ *pavakkhāmī* ti kathessāmi.

Dhamman ti suttaṃ.

Nibbāna-pattiyā ti nibbāna-paṭilābh' atthāya.

Dukkhaṃ anṭi-kiriyāyā ti sakalassa vaṭṭa-dukkhassa pari-yanta-karaṇ' atthaṃ.

Sabba-gantha-ppamocanaṃ ti abhijjhā-kāya-ganth' ādinaṃ sabba-ganthānaṃ mocanaṃ. Iti thero desanaṃ uccaṃ

karonto bhikkhūnaṃ tattha pemaṃ janento: Evaṃ etaṃ uggahetabbam pariyaṇitabbam dhāretabbam vācetaṃ maññissanti ti, catūhi padehi vaṇṇaṃ kathesi: Ekāyano ayaṃ bhikkhave maggo ti, ādinā nayena tesam tesam suttānaṃ Bhagavā viya.

2. Tattha *bahu-kāro* ti bahūpakāro.

Bhāvetabbo ti vaḍḍhetabbo.

Pariññeyyo ti, tihi pariññāhi pariyaṇitabbo.

Pahātabbo ti pahānānupassanāya pajahitabbo.

Hāna-bhāgiyo ti, apāya-gāmi parihānāya saṃvattanako.

Visesa-bhāgiyo ti visesa-gāmi visesāya saṃvattanako.

Duppativijjho ti, duppacakkha-karo.

Uppādetabbo ti nipphādetabbo.

Abhiññeyyo ti ñāta-pariññāya abhiyaṇitabbo.

Sacchikātabbo ti paccakkham kātabbo. Evaṃ sabba-mātikāsu attho veditabbo.

Iti āyasmā Śāriputto yathā nāma dukkho veḷu-kāro sammukhī-bhūtaṃ veḷuṃ mūle chetvā niggaṇṭhim katvā dasadhā khaṇdetvā ekam-ekam khaṇḍaṃ hīraṃ-hīraṃ karonto phaleti, evaṃ evaṃ tesam bhikkhūnaṃ sappāya-desanaṃ upapariyāpetaṃ dasadhā dasadhā mātikaṃ ṭhapetvā ek'eka-kotṭhāse ek'eka-pade vibhajanto *katamo eko dhammo bahu-kāro*? *Appamādo kusalesu dhammesu* ti ādinā nayena desanaṃ vitthāretuṃ āradḍho.

Tattha *appamādo kusalesu dhammesu* ti sabb'atthaka-upakāraka-appamādaṃ kathesi. Ayaṃ hi appamādo nāma sīla-pūraṇe indriya-saṃvareṇa bhojane mattaññutāya jāgariyānuyoge sattasu dhammesu vipassanā-gabbhaṃ gaṇhāpane attha-paṭisambhid'ādisu sīla-khandh'ādi pañca dhamma-kkhandhesu ṭhānāthāne mahāvihāra-samāpattiyaṃ ariya-saccesu satipaṭṭhān'ādisu bodhi-pakkiyesu vipassanā-ñān'ādisu atṭhasu vijjāsū ti sabbesu anavajjaṭṭhena kusala-dhammesu bahūpakāro. Ten'eva Bhagavā: "Yāvatā bhikkhave sattā apadā vā . . . pe . . . Tathāgato tesam aggamaṃ akkhāyati. Evaṃ eva kho bhikkhave ye keci kusala-dhammā sabbe te appamāda-mūlikā appamāda-samosaraṇā, appamādo tesam dhammānaṃ aggamaṃ akkhāyati" ti ādinā nayena hatthi-pad'ādihi opammehi upamento Saṃyutta-

nikāye Appamāda-vagge nāna-ppakāraṃ thomesi.* Taṃ sabbam eka-paden' eva saṅgahetvā therō *appamādo kusalasu dhammesū* ti āha. Dhammapade Appamāda-vaggenāpi c' assa bahūpakāratā dīpetabbā. Asoka-vatthunāpi dīpetabbā.

Asoka-rājā hi Nigrodha-sāmaṇerassa: Appamādo amata-padan ti, gātham sutvā eva: Tiṭṭha tāta, mayham tayā te-piṭakam Buddha-vacanam kathitan ti, sāmaṇere pasīditvā catur-āsīti vihāra-sahassāni karosi. Iti thāma-sampanna bhikkhunā appamādassa bahūpakāratā tīhi piṭakehi dīpetvā kathetabbā. Yam kiñci suttaṃ vā gātham vā appamāda-dīpan' attham āharanto aṭṭhāne ṭhatvā āharasi. Atitthena pakkhanto 'sī ti na vattabbo. Dhamma-kathikass' ev' ettha thāmo balañ ca pamāṇam.

Kāya-gatā satī ti ānāpānaṃ catu-iriyāpatho sati-sampajaññaṃ dvattiṃs' ākāro catu-dhātu-vavatthānaṃ dasa asubhā nava sīvathikā cuppika-manasikāro kes' ādisu cattāri rūpajjhānāni ti ettha uppanna-satiyā etaṃ adhivacanam.

Sāta-sahagatā ti ṭhapetvā catuttham jhānaṃ aññattha sāta-sahagatā hoti sukha-sampayuttā. Taṃ sandhāy' etaṃ vuttaṃ.

Sāsavo upādāniyo ti āsavānañ c' eva upādānānañ ca paccaya-bhūto. Iti tebhūmaka-dhammam eva niyameti.

Asmi-māno ti rūp' ādisu asmī ti māno.

Ayoniso-manasikāro ti anicce niccan ti ādinā nayena pavatto uppatha-manasikāro. Vipariyāyena *yoniso-manasikāro* vedittabbo.

Ānantariko-ceto samādhī ti aññattha maggānantaram phalaṃ ānantariko ceto-samādhī nāma. Idha pana vipassanānantaro maggo vipassanāya vā anantarattā attano vā anantaram phala-dāyakattā *ānantariko ceto-samādhī* ti adhippeto.

Akuppam nāṇan ti aññattha phala-paññā akuppam nāṇam nāma. Idha paccavekkhana-paññā adhippetā.

Āhāra-ṭṭhitikā ti paccaya-ṭṭhitikā.

Ayam eko dhammo ti yena paccayena te tiṭṭhanti, ayam eko dhammo. Nāta-pariññāya abhiññeyyo.

Akuppā ceto-vimuttī ti arahatta-phala-vimutti. Imasmim vāre abhiññāya ñāta-pariññāta-ṭhitā. Pariññāya tīraṇa-pariññā.

Pahātabba-sacchikātabbehi pariññā va.

Duppativijjho ti ettha pana maggo kathito.

Sacchikātabbo ti phalaṃ kathitaṃ. Maggo ek' ekasmim yeva pade labbhati, phalaṃ pana anekesu pi labbhati yeva.

Bhūtā ti sabhāvato vijjamānā.

Tacchā ti yathāvā.

Tathā ti, yathā vuttā tathā sabhāvā.

Avitathā ti yathā vuttā na tathā na honti.

Anaññathā ti, vutta-ppakārato na aññathā.

Sammā-Tathāgatena abhisambuddhā ti Tathāgatena bodhi-pallaṅke nisīditvā hetunā kāraṇena sayam eva abhisambuddhā ñātā viditā sacchikatā. Iminā therō ime dhammā Tathāgatena abhisambuddhā: Ahaṃ pana tumhākaṃ lekha-vācaka-sadiso ti, Jina-suttaṃ dassento okappanaṃ janesi.

3. *Ime dve dhammā bahu-kārā* ti ime dve sati-sampajañña-dhammā sila-pūraṇ' ādisu appamādo viya sabbattha upakārātā hit' āvahā.

Samatho ca vipassanā cā ti ime dve Saṅgīti-sutte lokiya-lok' uttarā kathitā. Imasmim Dasuttara-sutte pubba-bhāgā kathitā.

Sattānaṃ saṅkilesāya, sattānaṃ visuddhiyā ti ayoniso manasikāro hetu c' eva paccayo ca sattānaṃ saṅkilesāya, yoniso manasikāro visuddhiyā. Tathā dovacassatā pāpa-mittatā saṅkilesāya, sovacassatā kalyāṇa-mittatā visuddhiyā. Tathā tīṇi akusala-mūlāni tīṇi kusala-mūlāni, cattāro yogā, cattāro viśamyogā, pañca ceto-khilā, pañc' indriyāni, cha agāravā, cha gāravā, satta asaddhammā, satta saddhammā, aṭṭha kusīta-vatthūni, aṭṭha ārambha-vatthūni, nava āghāta-vatthūni, nava āghāta-paṭivīṇayā, dasa akusala-kammaṭṭhā, dasa kusala-kammaṭṭhā ti, evaṃ pabhedā *ime dve dhammā duppativijjhā* ti veditabbā.

Saṅkhatā dhātū ti paccayehi katā pañca kkhandhā.

Asaṅkhatā dhātū ti paccayehi akataṃ nibbānaṃ.

Vijjā ca vimutti cā ti ettha vijjā ti tisso vijjā, vimutti ti arahatta-phalaṃ. Imasmim vāre abhiññādīni eka-sadisān' eva.

Uppādetabba-pade pana maggo kathito, *sacchikātabba-pade* phalaṃ.

4. *Kāmānaṃ etaṃ nissaraṇaṃ yad-idam nekkhamman* ti ettha *nekkhamman* ti anāgāmi-maggo adhippeto. So hi sabaso *kāmānaṃ nissaraṇaṃ*.

Yad-idam āruppan ti ettha āruppe arahatta-maggo. Puna-uppatti-nivāraṇato sabbaso rūpānaṃ nivāraṇaṃ nāma.

Nirodho tassa nissaraṇan ti idha arahatta-phalaṃ nirodho adhippetam. Arahatta-phalena hi nibbāne diṭṭhe puna āyatiṃ sabba-saṅkhārā na hontī ti arahattam sabba-saṅkhata-nirodhassa paccayattā nirodho ti vuttam.

Atīl' aṃsa-ññānaṃ ti atīl' aṃs' ārammaṇaṃ ñānaṃ. Itaresu pi es' eva nayo. Imasmim pi vāre abhiññādayo eka-sadisā yeva.

Duppaṭivijjha-pade pana maggo kathito, *sacchikātabbe* phalaṃ.

5. *Cattāri cakkāni* ti ettha cakkam nāma dāru-cakkam ratana-cakkam dhamma-cakkam iriyāpatha-cakkam sampatti-cakkan ti pañca-vidham. Tattha yaṃ pan' idam sammarathakāra-cakkam chahi māsehi niṭṭhitam chāratam¹ nehi ti idam dāru-cakkam. Pitarā pavattitam anuppavatteti ti idam ratana-cakkam. Mayā pavattitam cakkan ti idam dhamma-cakkam. Catu-cakkam nava-dvāran ti idam iriyāpatha-cakkam. Cattār' imāni bhikkhave cakkāni yehi saman-nāgatānaṃ deva-manussānaṃ catu-cakkam pavattatī ti idam sampatti-cakkam. Idhāpi etad eva adhippetam.

Paṭirūpa-desavāso ti yattha catasso parisā sandissanti, evarūpe anucchavike dese vāso.

*Sappuris' upassayo*² ti Buddh' ādīnaṃ sappurisānaṃ apasayanam sevanam bhajanam.

Atta-sammāpanidhi ti attano sammā - ṭhapanam. Sace pubbe assaddh' ādhi samannāgato hoti, tāni pahāya saddh' ādisu patiṭṭhāpanam.

Pubbe ca kata-puññatā ti pubbe upacita-kusalatā. Idam ev ettha pamāṇam. Yena hi ñāṇa-sampayutta-cittena kusalam kammaṃ kataṃ hoti, tad eva kusalam tam purisaṃ paṭirūpa-

¹ SS charantu.

² B upanissayo.

dese upaneti, sappurise bhajāpeti. So eva ca puggalo attānaṃ sammā-ṭhapeti.

Catusu āhāresu paṭhamo lokiyo. Avasesā pana tīṇi Saṅgiti-sutte lokiya-lok' uttara-missakā kathitā. Idha pubba-bhāge lokiya va.

Kāmayoga-visaṃyog' ādayo anāgāmi-magg' ādi-vasena veditabbā.

Hāna-bhāgiy' ādisu paṭhamassa jhānassa lābhiṃ kāma-sahagatā saññā manasikārā ca samudācaranti *hāna-bhāgiyo samādhi*. Tad-anudhammatā sati santiṭṭhati ṭhiti-bhāgiyo samādhi. Avitakka-sahagatā saññā manasikārā samudācaranti *visesa-bhāgiyo-samādhi*. Nibbidā-sahagatā saññā manasikārā samudācaranti virāgūpasamhitā *nibbedha-bhāgiyo samādhi* ti. Iminā nayena sabbā samāpattiyo vitthāretvā attho veditabbo. Visuddhimagge pan' assa vinicchaya-kathā kathitā va.

Imasmim pi vāre abhiññādayo eka-sadisā va. Abhiññāpade pan' ettha maggo kathito, sacchikātabba-pade phalaṃ.

6. *Pīti-pharaṇatādisu* pīti pharamānā uppajjati ti dvīsu jhānesu paññā *pīti-pharaṇatā* nāma. Sukhaṃ pharamānā uppajjati ti tīsu jhānesu paññā *sukha-pharaṇatā* nāma. Paresaṃ ceto-pharamānā uppajjati ti ceto-pariya-paññā *ceto-pharaṇatā* nāma. Āloka-pharaṇe uppajjati ti dibbacakkhupaññā *āloka-pharaṇatā* nāma. Paccavekkhana-ñāṇaṃ *paccavekkhana-nimittaṃ* nāma.

Vuttam pi c' etaṃ. Dvīsu jhānesu paññā pīti-pharaṇatā, tīsu jhānesu paññā sukha-pharaṇatā, para-citte paññā ceto-pharaṇatā, dibba-cakku āloka-pharaṇatā. Tamhā tamhā samādhimhā vuṭṭhitassa paccavekkhana-ñāṇaṃ paccavekkhana-nimittaṃ. Tattha ca pīti-pharaṇatā sukha-pharaṇatā dve pādā viya, ceto-pharaṇatā āloka-pharaṇatā dve hatthā viya. Abhiññā pādakajjhānaṃ majjhima-kāyo viya. Paccavekkhana-nimittaṃ sīsaṃ viya. Iti āyasmā Sāriputta-tthero pañc' aṅgikaṃ sammā-samādhim aṅga-paccaṅga-saṃpannaṃ purisaṃ viya katvā dassesi.

(viii) *Ayaṃ samādhi-paccuppanna-sukho c' evā* ti ādisu arahatta-phala-samādhi adhippeto. So hi appit' appita-kkhaṇe sukhattā *paccuppanna-sukho*. Purimo purimo pac-

chimassa pacchimassa samādhī-sukhassa paccayattā āyatim *sukha-vipāko*. Kilesehi ārahattā *ariyo*. Kām' āmisa-vatt' āmisa-lok' āmisānaṃ abhāvā *nirāmisō* Buddhō. Buddh' ādīhi Mahāpurisehi sevitattā *purisa-sevito*. Aṅga-santatāya ārammaṇa-santatāya sabba-kilesa-daratha-santatāya ca *santo*. Atappanī' atthena *paṇīto*. Kilesa-paṭippassaddhiyā laddhattā kilesa-paṭippassaddhi-bhāvaṃ vā laddhattā *paṭipassaddha-laddho*. Paṭippassaddham paṭippassaddhi ti idaṃ atthato ekaṃ. Paṭippassaddha-kilesena vā arahatā-laddhattā pi paṭippassaddha-laddho. Ekodibhāvena adhigatattā ekodibhāvaṃ eva vā adhigatattā *ekodibhāvoddhigato*. Appa-guṇa-sāsava-samādhī viya sasaṅkhārena sappayogena cittaena paccaṇika-dhamme gatattā *na ca sasaṅkhārā niggayha vāritato*. Tañ ca samādhim samāpajjanto tato vā vuṭṭhahanto sati-vepulla-ppattattā sato va samāpajjati sato va vuṭṭhahati. Yathā paricchinna-kāla-vasena vā sato samāpajjati sato vuṭṭhahati. Tasmā yad ettha ayaṃ samādhī paccuppanna-sukho c' eva āyatiñ ca sukha-vipāko ti evaṃ paccavekkhamānassa paccattam yeva apara-paccaya-ñānaṃ uppajjati. Tam ekaṃ aṅgaṃ. Esa nayo sesesu pi. Evam imehi pañcahi paccavekkhaṇa-ñāṇehi ayaṃ samādhī pañca-ñāṇiko *sammā-samādhī* ti vutto. Imasmiṃ vāre *visesa-bhāgiya*-pade maggo kathito, *sacchikātabba*-pade phalaṃ. Sesam purima-sadisam eva.

7. Chakkesu sabbaṃ uttān' attham eva. *Duppaṭivijjha*-pade pan' ettha maggo kathito. Sesam purima-sadisam.

8. (x) *Samma-ppaṇṇāya sudiṭṭhā hontī* ti heṭunā nayena vipassanā-ñāṇena sudiṭṭhā hontī.

Kāmā ti vatthu-kāmā ca kilesa-kāmā ca. Dve pi sapariḷāh' atthena aṅgārakāsu viya sudiṭṭhā hontī.

Viveka-ninnan ti nibbāna-ninnaṃ.

Poṇaṃ pabbhāraṇ ti ninnass' etaṃ vevacanaṃ.

Vyanti-bhūtaṇ ti vigata-niyanti bhūtaṃ. Nittaṇhaṇ ti attho. Kuto sabbaso āsavatṭhāni yehi dhammehi sabbehi te bhūmaka-dhammehi ti attho. Idha *bhāvetabba*-pade maggo kathito, sesam purima-sadisam eva.

2. 1. (i) *Ādībrahmacariyakāya paṇṇāyā* ti sikkhattaya-saṅgahassa magga-brahmacariyassa ādibhūtāya pubba-bhāge

taruṇa-samatha-vipassanā-paññāya. Aṭṭhaṅgikassa vā mag-gassa ādi-bhūtāya sammādiṭṭhi-paññāya.

Tibban ti balavaṃ.

Hirottappan ti hirī ca ottappaṇ ca.

Peman ti geḥa-sita-pemaṃ.

Gāravo ti garu-citta-bhāvo. Garubhāvanīyaṃhi upanissāya viharato kilesā na uppajjanti, ovādānusāsaniṃ labhati, tasmā taṃ nissāya viharo paññā-paṭilābhassa paccayo hoti. Akkha-ṇesu yasmā petā asurānaṃ āvāhaṃ gacchanti, tasmā pittī-visayen' eva āsura-kāyo gahito ti veditabbo.

(viii) *App' icchassā* ti ettha paccaya-app' iccho adhigama-app' iccho pariyatti-app' iccho dhutaṅga-app' iccho ti cattāro app' icchā. Tattha paccaya-app' iccho bahuṃ dente appaṇaṃ gaṇhāti, appaṇaṃ dente appataraṃ vā gaṇhāti na vā gaṇhāti na anavasesa-gāhī hoti. Adhigama-app' iccho Majjhantikatthero viya attano adhigamaṃ aññesaṃ jānitum na deti. Pariyatti-app' iccho tepitako pi samāno na bahussuta-bhāvaṃ jānāpetu-kāmo hoti Sāketaka-Tissatthero viya. Dhutaṅga-app' iccho dhutaṅga-pariharāṇa-bhāvaṃ aññesaṃ jānitum na deti dve-bhātika-theresu Jeṭṭhatthero viya. Vatthum Visuddhimagge kathitaṃ.

Ayaṃ dhammo ti, evaṃ-santa-guṇa-nigūhanena ca patigga-haṇa-mattaññutāya ca app' icchassa puggalassa ayaṃ nava-lok' uttara-dhammo sampajjati no mah' icchassa. Evaṃ sabbattha yojetabbaṃ.

Santuṭṭhassā ti catusu paccayesu tīhi santosehi santuṭṭhassa.

Pavivittassā ti kāya-citt' upadhi-vivekehi vivittassa. Tattha kāya-viveko nāma gaṇa-saṅgaṇikaṃ vinodetvā aṭṭha-ārambha-vatthu-vasena ekibhāvo. Ekibhāvamattena pana kammaṃ na nippajjati ti kaṣiṇa-parikammaṃ katvā aṭṭha samāpattiyo nibatteti, ayaṃ citta-viveko nāma. Samāpattimatten' eva kammaṃ na nippajjati ti jhānaṃ pādakaṃ katvā saṅkhāre sammasitvā saha paṭisambhidāhi arahattaṃ pāpu-ṇāti, ayaṃ upadhi-viveko nāma. Ten' āha Bhagavā: " Kāya-viveko ca vavakaṭṭha-kāyānaṃ nekkhammābhiratānaṃ; citta-viveko ca parisuddha-cittānaṃ parama-vodāna-pattānaṃ; upadhi-viveko ca nirupadhīnaṃ puggalānaṃ visaṅkhāra-gatānaṃ " ti.

Sanṅaṇik' ārāmassā ti gaṇa-saṅgaṇikāya c' eva kilesa-saṅgaṇikāya ca ratassa.

Āraddha-viriyassā ti kāyika-cetasika-viriya-vasena āraddha-viriyassa.

Upaṭṭhita-satissā ti catu-satipaṭṭhāna-vasena upaṭṭhita-satissa.

Samāhitassā ti ekagga-cittassa.

Paññāvato ti kammassa kata-paññāya paññāvato.

Nippāpañcassā ti vigata-māna-taṇhā-diṭṭhi-papañcassa. Idha bhāvetabba-pade maggo kathito. Sesam purima-sadisam eva.

2. (ii) *Sīla-visuddhī* ti visuddhim pāpetum samattham catu-pārisuddhi-sīlam.

Pārisuddhi-padhāniy' aṅgan ti parisuddha-bhāvassa padhān' aṅgam.

Citta-visuddhī ti vipassanāya padaṭṭhānabhūtā atṭha paṇṇa-samāpattiyo.

Dīṭhi-visuddhī ti sappaccaya-nāmarūpa-dassanam.

Kaṅkhā-vitarana-visuddhī ti paccay' ākāra-ñānam. Addhattaye pi hi paccaya-vasen' eva dhammā pavattanti ti passanto kaṅkham vitarati.

Maggāmagga-ñāna-dassana-visuddhī ti obhās' ādayo na maggo, vīthi-paṭipannam udaya-bbaya-ñānam maggo ti evam maggāmagge ñānam.

Paṭipadā-ñāna-dassana-visuddhī ti Rathavinīte* vuṭṭhāna-gaṇiṇi vipassanā kathitā. Idha taruṇa-vipassanā.

Ñāna-dassana-visuddhī ti Rathavinīte maggo kathito. Idha vuṭṭhāna-gaṇiṇi vipassanā. Etā pana satta pi visuddhiyo vitthārena Visuddhimagge kathitā.

Paññā ti arahatta-phala-paññā. Vimuttī pi arahatta-phala-vimutti yeva.

Dhātu-nānattam paṭicca uppajjati phassa-nānattam ti cakkhādi-dhātu-nānattam paṭicca cakkhu-samphass' ādi-nānattam uppajjati ti attho.

Phassa-nānattam paṭiccā ti cakkhu-samphass' ādi-nānattam paṭicca.

Vedanā-nānattan ti cakkhu-samphassa' ādi-vedanā-nānattam.

Saññā-nānattam paṭicca ti kāma-saññādi-nānattam paṭicca.

Saṅkappa-nānattan ti kāma-saṅkapp' ādi-nānattam.

Saṅkappa-nānattam paṭicca uppajjati chanda-nānattan ti saṅkappa-nānattā rūpe chando sadde chando ti evaṃ chanda-nānattam uppajjati.

Parilāha-nānattan ti chanda-nānattatāya rūpa-parilāho sadda-parilāho ti evaṃ parilāha-nānattam uppajjati.

Pariyesanā-nānattan ti parilāha-nānattatāya rūpa-pariyesan' ādi-nānattam uppajjati.

Lābha-nānattan ti pariyesanā-nānattatāya rūpa-paṭilābh' ādi-nānattam uppajjati.

(viii) *Saññāsu maraṇa-saññā* ti maraṇānupassanā-ñāṇe saññā.

Āhāre paṭikkūla-saññā ti āhāram parigaṇhantassa uppanna-saññā.

Sabba-loke anabhirata-saññā ti sabbasmim vaṭṭe ukkaṇṭhan-tassa uppanna-saññā. Sesā heṭṭhā kathitā eva.

3. (i) *Idha bahukāra-pade maggo kathito*. Sesam purima-sadisam eva.

(ix) *Nijjara-vatthūnī* ti nijjara-kāraṇāni.

Micchā-ditṭhi nijjinṇā hotī ti ayaṃ heṭṭhā vipassanāya pi nijjinṇā eva pahinā. Kasmā puna gahitā ti? Asamucchinnattā. Vipassanāya hi kiñcāpi jinṇā, na pana samucchinnā. Maggo pana uppajjitvā taṃ samucchindati na puna vuṭṭhātuṃ deti, tasmā puna gahitā. Evaṃ sabba-padesu nayo netabbo.

Ettha ca sammāditṭhi-paccayā catu-satṭhi dhammā bhāvanā-pāripūrim gacchanti. Katame catu-satṭhi? Sot' āpatimagga-kkhaṇe adhimokkh' atṭhena saddh' indriyaṃ paripūreti. Paggah' atṭhena viriy' indriyaṃ paripūreti. Upaṭṭhān' atṭhena sat' indriyaṃ paripūreti. Avikkhep' atṭhena samādh' indriyaṃ paripūreti. Dassan' atṭhena paññ' indriyaṃ paripūreti. Vijānan' atṭhena man' indriyaṃ . . . abhisandahan' atṭhena somanass' indriyaṃ . . . pavatta-santati-adhipateyy' atṭhena jīvit' indriyaṃ paripūreti . . . pe . . . arahatta-phala-kkhaṇe . . . pe . . . pavatta-santati-adhipateyy' atṭhena jīvit' indriyaṃ paripūreti ti. Evaṃ

catusu maggesu catusu ca phalesu aṭṭha aṭṭha hutvā catu-
saṭṭhi dhammā pāripūriṃ gacchanti.

Idha abhiññeyya-pade maggo kathito. Sesam purima-
sadisam eva.

Idha ṭhatvā pañhā samodhānetabbā. Dasake sata-pañhā
kathitā: ekake ca navake ca satam; duke ca aṭṭhake ca satam;
tike ca sattake ca satam; catukke ca chakke ca satam; pañcake
paññāsan ti—aḍḍha-chaṭṭhāni pañha-satāni kathitāni honti.

*Idam avoca āyasmā Sāriputto. Attamanā te bhikkhū āyas-
mato Sāriputtassa bhāsitaṃ abhinandun ti: Sādhu sadhū ti,
abhinandantā sirasā sampaticchimsu. Tāya ca pana atta-
manatāya imam eva suttaṃ āvajjamānā pañca-satā pi te
bhikkhū saha paṭisambhidāhi agga-phale arahatte patiṭṭha-
himsū ti.*

Sumaṅgala-vilāsiniyā Dīgha-nikāy' aṭṭhakathāya
Dasuttara-sutta-vanānā niṭṭhitā.

INDEX

Akanitṭha, 739, 1030.
 akkharaññu, 714.
 akkhara-sonḍa, 946.
 aggañña, 818.
 aggika, 811.
 Aggivessana, 775.
 Aṅga-Magadhā, 961.
 Aṅgīrasī, 701.
 Aṅguttara-nikāya, 899.
 accharā, 750.
 acchariya-manussa, 900.
 ajagara, 1026.
 Ajita (Licchaviṇaṃ senā-
 pati), 825.
 ajjhupekkhanatā, 795.
 aṭavi, 801.
 aṭṭa-karaṇa, 705.
 aṭṭāla, 941.
 Aṭṭhakathā, 754, 760, 963,
 1001.
 aṭṭhi-puñja, 743.
 atippage, 816.
 aturibhūta-kāla, 789.
 attadīpa, 846.
 attabhāva, 739, 742, 799, 800,
 860, 869 (puris°).
 attamana, 813.
 addhā (3), 991.
 advejja-vacana, 821.
 Anāthapindika, 860, 953.
 Cp. Cūla° and Mahā°.
 aniyyānika-kathā, 914.
 anucārika, 823.
 anuttariya, 1003.
 anuthera, 807.
 Anurādhapura, 860.
 Anuruddha, 736, 961.

anusuyyaka, 745.
 anodhi-jina, 731.
 Anomadassi, 874.
 antaradhāna (3), 899.
 antāni (bowels), 719, 774.
 antevāsika-vatta, 954.
 apattika, 714.
 Aparagoyāna, 868.
 appatissa, 1034.
 Appamāda-vagga, 1056.
 abhabbatā, 739.
 Abhaya-thera, 786.
 Abhidhamma, 719, 883 (°pari-
 yāya), 898 (°piṭaka), 978,
 981, 988, 989, 991 (°pari-
 yāya), 1047.
 abhinivesa (threefold), 722.
 Abhivinaya, 1047.
 Amata, 751, 818.
 Amata-pāna, 858.
 Ambaṭṭha-sutta, 872.
 aya, 711.
 Ayyamitta-thera, 790.
 arati, 780.
 alaṃsātaka, 780.
 alaṃ-ariya, 863.
 alaṃpateyya, 853.
 alābu-valli, 801.
 Alāra, 898.
 Avihā, 740.
 Avīci, 802, 987.
 asurā, 1061.
 Asoka-rājā, 1056.
 ahe, 703.

Ākāsa-gaṅgā, 973.
 ācariya-paramparā, 878.

Ātanāṭā, 966.
 Ātanāṭiya, 897.
 āṇā-khetta, 897.
 āṇi, 715.
 ādeyya, 939.
 ādhāna, 839.
 ānantariya-kamma, 992.
 Ānanda-thera, 736, 846, 907,
 918, 922, 1039.
 ānisad-aṭṭhikā, 826.
 āpatti-parivāsa, 860.
 āya, 756.
 āyu, 771.
 ārakkha-devatā, 1035.
 ārāma, 1016.
 Ālavaka, 910.
 Ālavaka-pucchā, 899.
 āsabhi, 878.
 Āsāhi, 728, 867.
 Āhuneyya-sutta, 989.

itthatta, 706.
 iddhipādā (4), 884.
 indakhīla, 865.
 indriyāni (5), 884.
 ibbha, 862.
 Issara, 830.

ukkālōka, 781.
 uklāpa, 787.
 ucca (and avaca), 738.
 uccāleti, 711.
 utu, 868.
 utunī, 862.
 Uttamadevī, 860.
 Uttarakuru, 868, 965.
 uttāna-seyyaka, 773.
 Udaka, 898.
 udaka-sonḍi, 828.
 udara-chavi, 993.
 udara-mamsa, 772.
 Udāyi (3 of that name), 903.
 udāsīna, 796.
 uddhana, 821.
 uddhumāta-udara, 820.

Upananda, 1025.
 upanissaya, 699, 732.
 upamā, 881.
 upāyāsa, 799.
 Upāli gahapati, 906.
 Upāli-thera, 781, 808.
 upekhā (6 fold), 731.
 Uppalavanna-therī, 910.
 ubbālha, 832.
 urunda, 705.
 usmā, 771.

ūnatta, 878.

eka-laddhika, 737, 906.
 eḷa-mūga, 719.

Okkāka-rājā, 792.
 oghā, 1023.
 Ojasī, 967.
 otāra, 846.
 opapātika, 1024.
 opabhogga, 810.
 orabbhika, 1025.
 orasā, 861.
 osakkita, 848.

kakkāṭa-vijjhana-sūla, 716.
 kaṇikāra, 800, 866, 972.
 Kaṇnamuṇḍaka-daha, 996.
 kaṇṇikā, 714.
 Kattika, 867.
 kadali, 756.
 kanaka-vimāna, 867.
 kandara-pāda, 716.
 kapallaka, 924.
 kappiya-cīvara, 1010.
 kambala (simile), 752.
 kamma-kāraṇika, 809.
 kammaṭṭhāna (2 fold), 721.
 kamma-sarikkhaka, 925 sq.
 kammāra-bhastā, 771.
 karavika (matta°), 800.
 kalandaka, 919.
 kalla-sarīra, 741.

kaḷāra-maṭṭhuka, 822.
 kaḷevara, 799.
 Kassaka-leṇa, 790.
 Kassapa: see Mahā°.
 kāka, 786.
 kāka-māsaka, 780.
 kāka-ssara, 939.
 kāṇa, 871.
 kāya-yanta, 768.
 kāraaka-saṅgha, 1041.
 Kālakañjikā (Asurā), 789, 820.
 kāḷaka-vesa, 941.
 Kāludāyi, 903.
 Kālāhāla, 822, 888.
 kiṃsuka, 972.
 kiñcana, 994.
 kittima-nāma, 977.
 kiri, 742.
 Kilañjakā, 749.
 kukkuṭa, 886.
 kukkuṭa-patta, 919.
 kukkura-vatika, 819.
 Kukkuḷa-niraya, 719.
 kucchi-pūraṃ, 713, 821.
 kuṇapa, 730.
 kutta, 830.
 kuntha-kipillakā, 1027.
 kumbhakāra-sālā, 807.
 kumbhadāsī, 736.
 Kuvera, 966.
 kusala (5 fold), 883.
 Kusinātā, 966.
 kusīta, 790.
 kussubbha, 878.
 kūṭagoṇa, 762.
 Kūṭadanta, 922.
 Keniya-jaṭila, 896.
 kerāṭika-pakkha, 788.
 keḷāyana, 796.
 keḷāyita, 719.
 Kevaṭṭa-sutta, 1006.
 kevala, 961.
 Kokālika, 922.
 kojāva, 924.

Koṭigāma, 856.
 kotthu, 829.
 kopīna, 945.
 Kosambaka-sutta, 1035.
 Kosalaka, 997.
 Kosiya, 730.
 khaṇḍa-khaṇḍaso, 857.
 khaṇḍicca, 798.
 Khandhaka, 1047.
 Khiddā-padosikā, 994, 1024.
 Khujjuttara, 910.
 khura-vāhana, 966.
 Khulū, 819.
 khetta-maṇḍala, 1048.
 Khemā, 910.
 kheḷa-piṇḍa, 996.
 gaggara-nāli, 765.
 gaṇaka, 852.
 gadrabha-piṭṭha, 793.
 Gandhāraka, 752.
 gabbha-nimitta, 808.
 gabbhāvakkanti (4), 885.
 gambhīra-kathā, 741.
 gāma-jeṭṭhaka, 711.
 gihi-vinaya, 959.
 guḷa-vālaka, 814.
 Gūṭha-niraya, 719.
 gokanṇā, 834.
 goppaka, 730.
 ghana-vinibbhoga, 756.
 ca (=ce), 825.
 cakka (5 fold), 1058.
 cakka-yanta, 973.
 Cakkavāḷa, 867, 977.
 caṅgotaka, 741.
 Canda (devaputta), 710, 809.
 Canda (name of moon), 866.
 canda-bhāga, 877, 878.
 caṇḍa-maṇi, 1007.
 candima-suriya-upamā, 808.
 cātumeyyaka, 993.

Cātummahārājikā, 966, 1024.
 cāritta, 853.
 Citta, 967.
 Citta (gahapati), 910.
 Citta (māsa), 868.
 Cittala-pabbata, 774, 994.
 Cittā, 713.
 citrakathin, 807.
 cīna-piṭṭhi, 924.
 cīvara-khetta, 1010.
 cīvara-vamsa, 791.
 Cunda, 907.
 Cūla-Anāthapiṇḍika, 910.
 Cūla-Nāga-thera, 744.
 Cūla-Sīva-thera, 883.
 Cūla-Summa-thera, 744.
 cetiyaṅgana, 924.
 cetiya-ṭhāna, 823.
 Cetiya-pabbata-vihāra, 1011.
 cetiya-pūrā, 924.

 chandas (5 fold), 720.
 channa-paribbājaka, 816, 832.
 chambhitatta, 825.
 chāyā (candassa), 867.

 Jambuka, 827.
 Jambudipa, 907.
 jambunāda, 752.
 javana-paññā, 932.
 java-yogga, 764.
 Jātaka, 809.
 Jātaka-pariyāya, 883.
 jāti-thera, 999.
 Jina-sutta, 1052, 1057.
 jīva, 811.
 jīvaṃ-jīvaka, 967.
 Jivak' ambavana, 873.
 jivhā (baddha°, dvi°, guḷa°),
 938.
 Jetṭha-thera, 1061.
 Jetavana, 860.

 takkara, 817.
 Takkasilā, 807.
 takkika-vāda, 894.

tajja, 765.
 Tatojasi, 967.
 Tatolā, 967.
 Tathāgata, 914, 921.
 tad-aṅga-vinaya, 758.
 tandī, 780.
 Tambapaṇṇi-dīpa, 748, 899.
 tassa-pāpiyyasikā, 1042.
 Tārukkha, 935.
 tāva-kālīka, 720, 796.
 Tāvatisa-bhavana, 921.
 tikkha-paññā, 932.
 titthika, 1039.
 titthiya, 840.
 titthiya-parivāsa, 860.
 Tidasā-pura, 708.
 tinta-māsa, 1044.
 Tindukakhāṇu, 826.
 Tipiṭaka-Cūlanāga-thera, 744.
 tiracchāna-kathā, 914.
 ti-lakkhaṇa, 823.
 Tissa (as common name),
 799, 977. (See also Phussa.)
 Tissa-thera, 747, 778, 1061
 (Sāketaka°).
 Tissadatta-thera, 786.
 tūṅga-nāsā, 800.
 tutta, 702.
 Tejasī, 967.
 tetṭimsa, 715.
 tepiṭaka, 745, 898. (See also
 Buddhavacana.)
 tepiṭaka-dhamma, 1020.
 Tevijja-sutta, 860.
 tomara, 702.
 toraṇa, 880.

 therā (several kinds), 999.

 dakkha, 956.
 daṇḍaka-dīpikā, 972.
 daditvā, 857.
 Dalhanemi, 848.
 Dasuttara-sutta, 897, 1017,
 1057.

dāṭhā, 940.
 dāna-vatthu, 923 sq.
 dāyajja, 789, 791 (satthu°).
 dārucira, 808.
 Dārupattika, 827.
 dāru-menḍaka-yuddha, 738.
 ditta, 827.
 Dīghanakha, 882.
 Dīgha-nikāya, 899.
 Dīgha-bhāṇaka, 805, 881, 883.
 dīpa-kapalla, 787.
 dīpa-sikhā, 732, 879.
 dīpi-rājā, 763.
 duṭṭhu, 985.
 Dussa-Pāvārika, 873.
 deyyadhamma, 1015.
 Deva, 877.
 Devadatta, 735, 808, 922, 1025.
 Devadūta-sutta, 809.
 devadhītā, 729.
 devatā (rukka°), 791, 808.
 domanassa (6 fold), 725.
 dvidugama, 939.
 Dhajagga-paritta, 897.
 Dhajagga-sutta, 969.
 Dhataratṭha, 973.
 Dhanañjaya, 859.
 Dhanuggāhaka, 735.
 Dhamma, 865.
 Dhamma-kāya, 865.
 Dhammapada, 1056.
 Dhamma-bhaṇḍāgārika, 846.
 (See also Ānanda.)
 Dhamma-vinaya, 743, 909
 Dhamma-saṅgaha, 899
 dhamma-savana-geha, 924
 Dhammasenāpati, 735, 810, 876, 880, 881, 896, 907, 942, 977, 993, 1016, 1052, 1053.
 (See also Sāriputta-thera.)
 dhammatā, 923.
 dhātu-parinibbāna, 898.

dhātuyo, 899.
 dhūpana (loṇa°), 788.
 nakkhatta-tārakā, 867.
 nakha-pañjara, 742.
 naṇḍuṭṭha (maccha°), 717.
 nacca-dassana, 946.
 naṭa, 699, 704.
 naṭaka, 742.
 nattu-panattaka, 956.
 Nandamātā, 910.
 Nandā, 713.
 namakkāra, 740.
 Naḷakāra (devaputta), 856.
 Nāgadīpa, 899.
 Nāgasena-thera, 900.
 nāṭaka, 716.
 Nāṭapuriyā, 966.
 nāma (def.), 977.
 Nālaka, 736.
 Nālāndā, 873, 903.
 nikanti, 815.
 nigaṇṭha, 1039.
 niggaṇhanatā, 794.
 niggāthakatta, 904.
 Nigrodha (sāmaṇera), 833, 1010, 1056.
 niccatāḷisa, 1039.
 nittimsa 1039.
 nittejatā, 841.
 nidamsati, 930.
 Niddesa, 1039.
 Niddesa-pariyāya, 1017 sq.
 nippariyāya, 726.
 Nibbāna (simile of city), 755.
 Nibbāna (synonyms), 801.
 nibbedhika-paññā, 933.
 nimittāni (anecdote of), 886.
 Niruttipatha-sutta, 1006.
 nisseṇi, 807.
 necayika, 825.
 pamsu-kūlāni (20), 1010.
 Pakaraṇa, 754, 1027 (Vibhaṇ-
 ga°), 1047.

pakinnaka-kathā, 973.
 paggaṇhana, 794.
 pajasa, 937.
 Pajāpati, 709.
 pañjara, 742 (nakha°), 748.
 Paṭācāra, 746.
 paṭimalla, 826.
 paṭipakkha (nāma°), 801.
 paṭisaṅkhāna, 779.
 paṭisambhidā, 899.
 Paṭisambhidā-magga, 1017.
 Paṭṭhāna, 898.
 paṇḍu-kambala, 752.
 paṇhi-koṇaṭṭha, 925.
 pattakkhandha, 841.
 patti, 713, 970.
 Padumuttara, 859.
 papañca (various), 721.
 papaṭika, 839.
 pabbhāra-cittatā, 786.
 Payāga, 856.
 Parakusinātā, 966.
 paramattha-kathā, 798.
 parikamma (parittassa), 969.
 paritta, 968 sq.
 paritta-gāraṇa, 962.
 parinibbāna (3), 899.
 paripucchakatā, 787.
 pariyāya, 817.
 pariyāyāhāra (and nip°), 975.
 Parivāra, 1047.
 palibhaggaṭā, 798.
 paveṇi, 991.
 pasādaniyā suttantā, 793,
 1053
 Pasenadi-Kosala, 808.
 passāvamagga, 862.
 pahoṇaka, 779.
 Pāṭaliputta, 892.
 pāṭihārīka, 822, 938.
 pāṭibhoga, 747.
 Pātimokkha, 899.
 pādaka-jhāna, 804.
 pāmaṅga-sutta, 800.
 Pāricchattaka, 716.

pālicca, 798.
 pāli, 839, 841, 895, 925, 968,
 982, 989, 1032 sq.
 pāvalā, 826.
 Pāvā, 906, 971.
 pāsanda, 882.
 Pāsādika-sutta, 897.
 pāsānika, 926.
 piṭakāni (3), 897.
 piṭṭhi-kaṇṭaka, 993.
 piṭṭhi-pāsāna, 723.
 piṇḍapāta, 1014.
 piṇḍikata, 921.
 Pītamalla-thera, 748.
 pīthasappi, 871.
 Pukkusa-Candālā, 991.
 puṭoli, 769.
 Puṇṇavaḍḍhana, 859.
 puthujjana-bhikkhu, 898.
 puthu-paṇṇā, 931.
 pubbanimitta, 749.
 Pūbbavideha, 868.
 Pūbbārāma, 860.
 purisa-citta, 706.
 purisa-liṅga, 869.
 petā, 1061.
 Pettivisaya, 789.
 pokkhara (of vīṇā), 699.
 pokkhara-sātaka, 968.
 Pokkharasāti, 935.
 Poṭṭhapāda-sutta, 831, 832,
 897.
 potthaka-vācana-ṭhāna, 924.
 Porāṇaka-therā, 744, 922.
 Porāṇā, 757, 763, 764.
 posāvanika-putta, 808.

phaṇa-hatthaka, 926.
 phalika-ṭhāna, 729.
 phāliphulla, 922, 973.
 Phussa (as common name, to-
 gether with Tissa), 799, 977.

Baka, 922.
 Bakkula-thera, 736, 1025.

badālatā, 868.
 bandhana (5 fold), 789.
 balāni (5), 884.
 balikamma, 812.
 bāhiya-suttanta, 883.
 bīrana, 820.
 bilasa, 770.
 bujghanaka-satta, 904.
 Buddha, 803.
 Buddha-guṇā, 875, 883.
 Buddharakkhita-thera, 742.
 Buddha-rasmi, 860, 972.
 Buddha-rūpa, 864.
 Buddha - vacana (tepiṭaka),
 893, 898, 1002, 1031, 1037,
 1047, 1052, 1056.
 Buddha-sāsana, 791.
 Buddhā (pl.), 746, 881, 1009.
 buddhi (vuddhi ?), 743.
 beluva-panḍu, 699.
 bojja, 750.
 bojjaṅgā (7), 884.
 bodhi, 1029.
 bodhiya, 914.
 bodhi-pallaṅka, 898 sq.
 bodhiyaṅgana, 924.
 Bodhisatta, 870.
 Brahmajāla-sutta, 721, 830,
 865, 887, 892, 894, 915,
 946, 1048.
 Brahmaloaka, 987, 1045.
 Brahmā, 744 (Sahampati),
 830, 877, 903. (See also
 Mahā°.)
 bhakkhasa, 819.
 Bhaggava-gotta, 816.
 bhatta, 1014.
 bhatta-puta, 905.
 Bhaddaji, 856.
 Bhaddiya, 736.
 Bhaddiya-nagara, 859.
 bhavagga (otherwise Brahma-
 loka), 921.
 bhasta, 765.

Bhārata-yuddha, 914.
 bhāvanā-pāripurī, 789.
 bhikkhu (def.), 755.
 Bhuñjati, 705.
 bheka, 829.
 makkata, 879.
 Magadha, 710.
 maggaṅgāni, 804.
 Magha, 710 sq.
 maṅkubhūta, 841.
 Maṅgala-gāthā, 969.
 Macala, 710.
 maccu-maraṇa, 798.
 maccha-kacchapā, 1000.
 majjhataṭṭā, 795.
 Majjhantika-thera, 1061.
 Majjhima-nikāya, 860, 899.
 Majjhima-padesa, 880.
 maṇi (canda°), 1007.
 maṇi-vamsa, 800.
 maṇi-vimāna, 866.
 maṇi-vedikā, 697.
 maṇi-sihapañjara, 800.
 maṇḍuka, 829.
 matta-karavika, 800.
 Mano-padosikā, 994, 1024.
 manomaya, 865.
 mammanā, 938.
 marici, 757.
 malla (cp. paṭi°), 871.
 Malla, 816, 971.
 maha (festival), 860.
 Mahā-Anāthapiṇḍika, 910.
 Mahā-Udāyi, 903.
 Mahākassapa (thera), 736.
 781, 898, 942, 1025
 Mahāgovinda-sutta, 739.
 Mahācetiya, 899, 1011.
 mahāpaññā, 931.
 Mahāpadāna-sutta, 848, 879,
 918, 1029.
 Mahāpanāda, 856.
 Mahāparinibbāna-sutta, 910,
 1028.

Mahābodhi-maṇḍa, 976.
 Mahābrahmā, 698.
 Mahā-moggallāna, 735, 792,
 876, 910, 942, 993, 1054.
 mahālatā-pilāndhana, 859 sq.
 mahāvajira-ñāṇa, 875.
 Mahāvihāra, 749, 860, 1011.
 Mahāsatipatṭhāna-sutta, 846,
 891.
 mahāsamudda, 920.
 Mahāsammata, 792, 977.
 Mahāsīva-thera (also as °si-
 va°), 727, 729, 736, 805,
 881, 883, 892, 976, 1013.
 Mahāsudassana-sutta, 851.
 Māgadha-khetta, 845.
 mātikā, 749, 899, 943 sq.,
 1010, 1041, 1055.
 Mātulanagara, 845.
 Māyādevī, 792.
 Māra, 846, 858, 877, 922.
 mālāvaccha, 715.
 Mitta: see Ayyamitta.
 Mittavindaka, 995.
 milakkha, 965.
 Milinda-rājā, 900.
 missaka-magga, 744.
 missibhāva, 703.
 mucchanā, 699.
 muṭṭha-sati, 758, 786.
 muṇḍa-samaṇaka, 861.
 mūla (money), 714.
 Mūsikābhaya-thera, 1023.
 Meṇḍaka, 859.
 Mettasutta, 969.
 Meru, 842.
 Moggaliputta-Tissa-thera,
 898.
 Mora-paritta, 897.

 yakkha-cetiya, 823.
 yaṭṭhi-koti, 796.
 yanta (kāya°), 768.
 yanta (cakka°), 973.
 Yasa-thera, 898.

Yugandhara, 921, 970.
 yebhuyyasikā, 1041.
 yogāvacara, 763, 801.
 Yoṇa, 736.
 yotta, 876.
 yoniso, 1024.

 Raṭṭhapāla, 736.
 Rathavinīta-sutta, 1062.
 Ratana-paritta, 897.
 Ratana-sutta, 969.
 randha-gavesin, 933.
 rasaggasaggi, 936.
 rasa-haraṇī, 866.
 rahaseyyaka, 833.
 Rājāyatana-cetiya, 899.
 rājisi, 849.
 Rāhula, 736.
 Rāhulabhadda, 792.
 Revatī-vatthu, 997.

 lakkhaṇa-pāṭhaka, 923.
 laṭṭhaka, 1019.
 laddhi, 835, 839, 862.
 laddhika (eka°), 737, 906.
 lāpa, 846.
 Lāludāyi, 903.
 lekha-vācaka, 1057.
 lekhā, 867.
 leṇa, 697.
 lepa, 879.
 loka-khettāni (3), 897.
 loka-pitā, 698.
 loka-samudācāra, 817.

 vamsa (var. kinds), 1009.
 vakkala, 849.
 Vakkala, 1012.
 Vakkali-thera, 782, 787.
 vagguli-vata, 838.
 vaṅk' angulī, 926.
 vaṅkatā, 980.
 Vaṅgīsa-thera, 893.
 Vacchāyana, 878.
 vaṭṭa, 1020.

- vaṭṭagāmi-kamma, 984.
 vaṭṭagāmi-kusala, 857.
 vaṭṭani-aṭavi, 815.
 vaṭṭi, 924.
 vaḍḍhaki, 713.
 vatta, 727, 873.
 vatta-sīsa, 999.
 vatthu - vijjācariya (simile), 763.
 vatthu-visada-kiriyatā, 794.
 vatthu-visada-kiriyā, 787.
 vāya, 767.
 vāsi, 711.
 Vāsetṭha-sutta, 860.
 vicikicchā, 782.
 vijjā, 1006.
 viññatti, 767.
 viññāṇa, 771.
 vidugga, 829, 855.
 Videha-dīpa, 868.
 Vinaya-paṇṇatti, 781.
 Vinaya-piṭaka, 782, 899, 1017, 1047.
 vinīla, 771.
 vipassanā, 721, 723, 725, 729.
 vipassanā-gabbha, 1055.
 vipubbaka, 771.
 vippakirati, 743, 857.
 Vibhaṅga, 899, 1005, 1041, 1047.
 Vibhaṅga-pakaraṇa, 1027.
 vibhava-taṇhā, 800.
 Vimāna-vatthu, 997.
 vimokkha, 830.
 vivajjabhāva, 868.
 vivaṭṭa, 1020.
 visaya-khetta, 897.
 visavī, 938.
 Visākhā, 740, 808, 859.
 Visānā, 966.
 visikhā, 945.
 visīdana, 799.
 visuddhi-magga, 754.
 Visuddhimagga: very frequently.
 Vissakamma, 856.
 vissu-kammanta, 871.
 vīṇā (Pañcasikha's), 699.
 vītaccitaṅgāra, 779.
 vīthiyo (3, of sun and moon), 867.
 Vejayanta, 698, 716.
 veṭhakā, 699.
 veda (=tuṭṭhi), 738.
 vedikā (maṇi°), 697.
 Vepacitti, 717.
 veyyākaraṇa (=niggāthakatta), 904.
 velāmika, 811.
 vellita-kesin, 703.
 Veḷuvana, 962.
 Vesālī, 818, 823.
 Vessantara, 1024.
 Vessavana, 963, 965.
 vodāsa, 837.
 vyaggha (and the bhikkhu), 748.
 Saṃyutta-nikāya, 899, 1055.
 samsīdana, 799.
 sakata, 767.
 sakunagghi, 846.
 Sakka, 747.
 Sakkapañha-sutta, 724, 774 sq.
 sakkacca-dāna, 815.
 sakkāya, 991.
 Sakyaputta, 892.
 Sakyaputtiya, 820.
 saṅkutita-citta, 776.
 Saṅkha (rājā), 857.
 saṅkhāra-kelāyana, 796.
 saṅgītiyo (3), 898.
 Saṅgīti-sutta, 1057, 1059.
 saṅghāṭi-kanna, 875.
 saṅghāta, 813.
 saṅjāta-pupphā, 862.
 satipaṭṭhānā, 884.
 Satipaṭṭhāna-sutta, 1017 sq.
 (See also Mahā°.)

satta-kelāyana, 796.
 satt-ussada, 927
 Satth' antarakappa, 854.
 Satthā, 792.
 satthu-dāyajja, 791.
 satthu-mahatta, 789.
 saddhā, 875.
 Santati, 746.
 santosa, 1010, 1014.
 Sandhāna, 832.
 sappāyakathā, 778, 780.
 Sabhiya-pucchā, 899.
 samañchana, 767.
 samabhāva, 787.
 Samantapāsādikā, 981, 1000,
 1043.
 samasisin, 774.
 Sampasādaniya-sutta, 897.
 sampahamsanatā, 795.
 sambodhi, 786.
 sammā-ājīva, 803.
 sammā-kammanta, 803.
 sammā-padhāna (4), 884.
 sammā-vācā, 802.
 sammā-vāyāma, 803.
 sammā-sankappa, 802.
 sammā-sati, 803.
 sammā-samādhi, 804.
 Sammā-sambuddha, 742, 746.
 sammuti-kathā (4 fold), 797.
 sammuti-thera, 999.
 sarabū, 886.
 sākaccha, 834.
 Sāketaka (Tissa), 1061.
 Sāgata-thera, 945.
 sāṭheyyanaka, 831.
 Sāmaññaphala - sutta, 840,
 842, 1009.
 sārathi (=citta), 767.
 Sāriputta-thera, 736, 744,
 792, 876, 907, 910, 971,
 977, 993, 1016, 1052, 1054,
 1059. (See also Dhamma-
 senāpati.)
 sāsanāntaradhāna, 898 sq.

Sigālovāda-sutta, 942.
 Siddhattha, 993.
 Sineru, 867, 903, 921, 964,
 977.
 sippa (2 fold), 930.
 siloka, 837.
 Sītāharāṇa, 914.
 Sīva-sāmaṇera, 736.
 siha, 827.
 Sīhanāda-sutta, 836.
 siha-pañjara (maṇi°), 800.
 sucipāsa, 877.
 Sujātā, 713, 730.
 suññatā, 1003.
 suta-buddha, 745.
 Suttanta, 809.
 Suttanta-pariyāya, 883, 991.
 Suttanta-piṭaka, 899, 1047.
 suddakanta, 742.
 Sudassanā (pl.), 740.
 Suddā, 871.
 Suddhāvāsā, 1029, 1046.
 Suddhodana, 792.
 Sudhammā (deva-sabhā), 698.
 Sudhammā (wife of Magha),
 713.
 Sudhābhojaniya-jātaka, 809.
 Sunakkhatta, 817.
 Subrahmā, 750.
 Sumanā, 859.
 Sumāgadhā, 835.
 Sumedhā, 856.
 Summa-thera, 882, 888. (Cp.
 Cūla°.)
 Suriya-devaputta, 710, 809.
 Suriya (name of sun), 866.
 suriya-vaccasā, 701.
 Surūci, 856.
 suvaṇṇa-toraṇa, 800.
 suva-potaka, 742.
 Sūkarakhatta-leṇa, 882.
 sūkara-bhatta, 812.
 sūkara-maṃsa, 821.
 sūci-kamma, 787.
 sūnabhāva, 771.

Sūrambaṭṭha, 864.
 sedita-vettaṅkura, 921.
 sen' āsana, 1016.
 Serisaka, 814.
 Soṇa-thera, 788.
 Soṇadaṇḍa, 922.
 soṇḍā (4 kinds), 947.
 sopāna-phalaka, 729.

Soma, 1012.
 somanassa (6 fold), 724.
 soracca, 851.
 Hatthaka (gahapati), 892, 910.
 hadaya-rūpa, 748.
 hanuka, 939.
 hāsu-paññā, 931.

APPENDIX I.

*Some Readings of the Siamese edition (K)
and of DAṬ MSS.*

[DAṬ stands for " All DAṬ MSS."

699.34 K *mucchanāya muñcitvā*, DAṬ *mucchanā* ; 706.15 some DAṬ MSS. *dhi itthattam*, K omits *itthattena* ; 731.24 K, DAṬ *-pekkhanena asammuyhantassā ti* (K ending *-tassa*) ; 733.2 K, DAṬ *sakuṇikāya* ; 736.7 K, DAṬ give *dharmānissitam* before *kumbha-* ; 737.24 K, DAṬ *kittenti* ; 739.17 D also *issāmi*, K, DAṬ *essāmi* ; 792.32 K, DAṬ *tassā* ; 819.28 K, DAṬ *sundararūpo* ; 820.20 K *anarahante arahā ti*, DAṬ *na arahantam arahā ti* ; 825.3 K, DAṬ *odhāritā* ; 826.16 K, DAṬ *āvajjhivā* ; 831.4 K, DAṬ *mammam* ; 837.36 DAṬ *luh'* *ājivin* ; 840.8 K, DAṬ *etam* (for *evam*) ; 843.2 DAṬ *uddesena atthikā* ; 843.36 K, DAṬ *yesu* ; 844.10 K *cittānupphannam*, DAṬ *cittam nūppannam* ; 847.35 D, K, DAṬ *pavaḍḍhati* ; 860.3 K, DAṬ *-pāsādo va na* ; 864.5 K, DAṬ *anuyantā* ; 32 K, DAṬ *silāpaṭh-* ; 866.9 K *makkhikaṇḍakavirahitam*, DAṬ *-aṇḍakarahitam* ; 31 K, DAṬ *ñatvā va* ; 873.14 K, DAṬ *somanassapave-* ; 25 for *āharitvā* K and some DAṬ MSS. *ābhujitvā*, other DAṬ MSS. *ābhuñjitvā* ; 874.23 K *sārāṇīye* ; 881.27 K, DAṬ *hiri* for *samatho* ; 883.32 K, DAṬ *vattati* ; 896.31 K *paricārenti sampattam sampattam*, DAṬ *paricārenti ti attano paricārikam karonti* ; 912.32 K *aṭṭhitasabhāvā*, DAṬ *naṭṭhitasabhāvā* ; 913.4 DAṬ *tasmim anajjhācāro acalo asampavedhi* ; 914.18 K *kalaññū tathāgato hoti ti kalam jānāti sahetukam sakāraṇam katvā*, DAṬ *sakāraṇam* ; 915.29 K and two DAṬ MSS. *anuttaratam* ; 919.19 all DAṬ MSS. except one *sukham* ; 921.15 K, DAṬ *adhibhavati* ; 929.6 K *anamadenā ti pi pāṭho*, *na appamādena na dinnena* (DAṬ *dīnena*) *na vaṃbhitenā ti attho* ; 933.29 K, DAṬ *tattha tattha mammam* ; 947.33 K *pannasakhā* ; 948.4 K, DAṬ *sutṭhu kadariyatā* ; 954.19 DAṬ *paccupaṭṭhān'* ; 956.20 K *bhattavettanānuppadānenā ti as at* D. iii. 191, q.v. for v. 11, DAṬ *bhattavettanānu-* ; 963.1 K, DAṬ *-ppamaddino* ; 11 K, DAṬ *nissārādā* ; 975.22 K, DAṬ *pabbajitā vāyokasiṇe parikammam* ; 23 K *dhi cittam* ; 978.10

some DAT MSS. *balavacchando* ; 19 K *yaṃ na hiriyaṭi hiriyaṭtabbenā ti*, DAT *yaṃ na hiriyaṭi ti* ; 979.30 DAT *paṭivedhapac-cavekkhaṇapaññā ti* ; 982.14 K *pīlāpanatā pamussanatā*, DAT *pīlāpanatā* ; 983.15 K, DAT *-vināsikā* ; 18 K, DAT *sampādanato* ; 985.1 DAT *adhimuttiyo* ; 995.25 DAT *parato parato* ; 997.4 DAT *sajāti-* ; 1006.30 K, DAT *kusalo dhammacchando* ; 1007.15 K *-ādinam ālokaṃ āloko ti* ; 1009.31 K, DAT *paccayasantosavasena* ; 1016.32 K, DAT *abhiratī ti* ; 1020.3 K, DAT *paccakkhato* ; 1030.24 K, DAT *satatakiriya* ; 1031.30 DAT *-vipassanā-magga-phalavasena* ; 1032.17 D, K *vedeti*.

CONTRACTIONS USED IN APPENDIX II.

A.	Āṅuttara-nikāya	Pts.	Paṭisambhidāmagga
AA.	Commentary (Comy.) on A.	PtsA.	Comy. on Pts.
Asl.	Atthasālinī	Pug.	Puggalapaññatti
BuA.	Buddhavaṃsa Comy.	PugA.	Comy. on Pug.
D.	Dīgha-nikāya	Pv.	Petavatthu
DA.	Comy. on D.	PvA.	Comy. on Pv.
Dha.	Dhammapada Comy.	S.	Saṃyutta-nikāya
Dhs.	Dhammasaṅgī	SA.	Comy. on S.
It.	Itivuttaka	Sn.	Suttanipāta
ItA.	Comy. on It.	SnA.	Comy. on Sn.
Jā.	Jātaka	Sta.	Sutta
Kvu.	Kathāvatthu	Thag.	Theragāthā
M.	Majjhima-nikāya	ThagA.	Comy. on Thag.
MA.	Comy. on M.	UdA.	Comy. on Udāna
Miln.	Milindapañha	Vbh.	Vibhaṅga
Nd.	Niddesa	VbhA.	Comy. on Vbh.
Netti.	Nettipakarāṇa	Vin.	Vinaya
Peṭ.	Peṭakopadesa	Vism.	Visuddhimagga
		Vv.	Vimānavatthu

APPENDIX II.

Quotations and References traced.

Sakkapañña

700,	28	<i>Cf.</i> DhA. i. 230, ItA. ii. 67, 163
720,	36	<i>Cf.</i> DA. 499
721,	12	<i>Cf.</i> MA. i. 183
	35—	
724,	18 }	MA. i. 275—8
722,	31	D. i. 76
724,	24—	
726,	27 }	<i>Cf.</i> M. iii. 217 ff.
737,	29	<i>Cf.</i> MA. ii. 297, AA. iv. 42
	36	<i>Cf.</i> MA. ii. 203, AA. ii. 288

Mahāsatipaṭṭhāna

743,	11	Nd2. 485, MA. i. 229, SA. iii. 177, SnA. 34, BuA. 72
745,	27—	
747,	6 }	<i>Cf.</i> SA. iii. 177
747,	25	Vism. 48 f.
750,	21	S. i. 54
	30—	
751,	6 }	SA. iii. 177 f.
756,	10—17	SA. iii. 179
758,	1—	
761,	18 }	SA. iii. 179 ff.
761,	8	S. ii. 53
	9 f.	M. i. 303
767,	28 ff.	(?)
775,	5 ff.	M. i. 500
800,	5 ff.	<i>Cf.</i> ItA. ii. 18
	35—	
801,	26 }	VbhA. 113
801,	29—	
802,	29 }	VbhA. 116 f.

Pāyāsi

807,	3—	MA. ii. 120 f., AA. i. 284, ThagA. ii.
808,	20 }	68

Pāṭika

816,	6	<i>Cf.</i> UdA. 161
	10	<i>Cf.</i> SA. ii. 56
825,	36	<i>Cf.</i> BuA. 39
827,	8	<i>Cf.</i> AA. iii. 65, SnA. 125
	13	<i>Cf.</i> AA. iii. 67
830,	18	<i>Cf.</i> MA. ii. 117

Udumbarika

836,	38	<i>Cf.</i> MA. i. 116, SA. ii. 206
838,	31	<i>Cf.</i> AA. iii. 364
841,	35	AA. ii. 302
842,	1	<i>Cf.</i> MA. ii. 282

Cakkavatti

846,	10	SA. ii. 268
849,	7	<i>Cf.</i> MA. iii. 311
	27- }	
850,	33 }	AA. ii. 178 <i>f.</i>
850,	13	S. v. 169
852,	8	AA. iii. 402, SnA. 204, ThagA. i. 33
	27	AA. iii. 216
	34	<i>Cf.</i> DA. i. 296
853,	13	<i>Cf.</i> AA. ii. 228
855,	27	<i>Cf.</i> AA. ii. 256 <i>f.</i>
856,	20-24	<i>Also at</i> Thag. 163-4; <i>cf.</i> ThagA. ii. 40

Aggañña

859,	3- }	
860,	17 }	<i>Cf.</i> MA. ii. 296 <i>f.</i>
861,	30- }	
862,	3 }	<i>Cf.</i> MA. iii. 319 <i>f.</i>
865,	35	<i>Cf.</i> AA. iii. 126

Sampasādanīya

873,	4	<i>Cf.</i> MA. iii. 52, SA. iii. 207
877,	17	(?)
878,	17- }	
881.	35 }	SA. iii. 208 <i>ff.</i>

878,	30	(?)
	31	(?)
	33	M. iii. 123, S. v. 424
882,	19—	Cf. MA. ii. 388
883,	16 }	
883,	28	Cf. Asl. 62 f., PtsA. 271
885,	34—	Cf. MA. iv. 176
886,	23 }	
889,	18—	Cf. MA. iii. 189 ff.
891,	7 }	
889,	23	Pug. 14, 72, 73
	27	PugA. 191
	30	Pug. 14, 73 ; <i>quoted</i> DA. 512
	34	Cf. PugA. 191
890,	2	Pug. 14, 73
	5	AA. ii. 190
	6	PugA. 192
	9	M. ii. 38, Pug. 15, 43
	11	Pug. 15 ; <i>cf.</i> PugA. 194
	15	Pug. 15
	20	PugA. 193—4
	35	Pug. 15
895,	16, 21	Pts. ii. 212 ; <i>quoted</i> MA. v. 108, SA. iii. 171, <i>Vism.</i> 382
896,	27—	Cf. SA. iii. 297
897,	8 }	
897,	11 f.	Cf. MA. i. 161, iv. 158, AA. ii. 293, iii. 29
	22—	MA. iv. 113 ff., VbhA. 430 ff.
902,	20 }	
897,	30	Pts. ii. 195
900,	13 ff.	AA. ii. 10 ff.
	14	A. i. 22
	31	M. i. 65, A. i. 27
904,	9	Vin. i. 8

Pāsādika

905,	7—	MA. iv. 32 ff.
907.	2 }	

907,	3-}	<i>Cf.</i> MA. iv. 36 <i>f.</i>
908,	33 }	
908,	13	<i>Cf.</i> Vin. iii. 196
	24	Jā. i. 122
	26	MA. iv. 36
909,	28, 36	<i>Cf.</i> A. i. 34
912,	27	<i>Cf.</i> Vism. 30 <i>f.</i>
913,	12	<i>Cf.</i> Miln. 264
914,	23-}	
915,	28 }	AA. iii. 31-3
916,	35	Pug. 1 ; <i>cf.</i> Kvu. 315

Lakkhaṇa

921,	36	<i>Cf.</i> Pṭs. i. 103
922,	9, 10	<i>Cf.</i> A. iii. 305, iv. 151
	11, 12	<i>Cf.</i> PvA. 250
923,	3, 4	<i>Cf.</i> DA. i. 160
	6	A. i. 271
931,	12-}	
933,	14 }	MA. iv. 82 <i>ff.</i> , SA. i. 119-122

Sigālaka

941,	3	MA. ii. 134, SnA. 419, UdA. 59
944,	30	Vin. iv. 110

Ātānāṭiya

960,	16 <i>ff.</i> }	<i>Cf.</i> MA. ii. 124 <i>ff.</i> , SA. i. 14 <i>ff.</i>
-962,	8 }	
960,	18	Vin. ii. 236, A. iv. 204
	20	A. ii. 101
961,	1	Vv. li. 1
	3	D. i. 110, M. i. 24
	9	Sn. 548
	10	D. i. 91, M. i. 386
	12	D. i. 91
	13	S. i. 204, Jā. iii. 308
	14	S. i. 104
	16	Vin. iv. 243
	17	(?)

	22	D. i. 62, M. i. 401
	23	Vin. i. 27
	25	A. i. 177
	27	A. iii. 376
	28	A. ii. 239
	30	A. v. 16
	35	M. i. 249
	37	Vin. ii. 109
962,	1	M. i. 249
	2	Sn. 1092
	3	Jā. vi. 268
	4	Vin. ii. 294
	5	A. iv. 333
	6	S. i. 52
	11	MA. ii. 126, SA. i. 16
965,	13	Cf. DA. iii. 869
<i>Saṅgīti</i>		
975,	5	M. i. 48, 261, S. ii. 11, 98, Vbh. 403 ; cf. Dhs. 70-73, Vism. 341 ; and see PED and PTC s.v. āhāra.
	14	A. v. 113
976,	4	M. iii. 166
977,	2	Cf. A. v. 50, 55
978,	9, 12, 16	Vbh. 358
	19, 21, 33	Vbh. 359
979,	3	Vbh. 359
	11	Dhs. 1329
	14	Dhs. 1330
	17	Dhs. 1331
	21	Dhs. 1332
	26	Dhs. 1333
	31	Dhs. 1334
	34	Dhs. 1335
980,	5	Dhs. 1336
	9	Dhs. 1337
	15	Dhs. 1338
	21	M. iii. 64
	28	Cf. Asl. 151

- 981, 2 Dhs. 1339 ; *cf.* Vbh. 359
8 Dhs. 1341 ; *cf.* Vbh. 360
11 Dhs. 1342 ; *cf.* Vbh. 360
15 Dhs. 1343 ; *cf.* Vbh. 360
23 *ff.* *Cf.* Asl. 397 *ff.*
26 Dhs. 1344 ; *cf.* Vbh. 360
36 (?)
- 982, 4 *Cf.* DA. 456, AA. iii. 371
5 *Cf.* Vbh. 87, 273, 278
9 *Cf.* Vbh. 86, 273, 277
12 Dhs. 1349, Vbh. 360
16 Dhs. 1350, Vbh. 361
19 Dhs. 1345, Vbh. 360
22 Dhs. 1346, Vbh. 360
28 Dhs. 1353
33 Dhs. 1354
- 983, 11 Dhs. 1361, Vbh. 361
14 Dhs. 1362, Vbh. 361
17 Dhs. 1363
22 Dhs. 1364
27 Dhs. 1365
31 Dhs. 1366
- 984, 10, 14, 21 Dhs. 1366
25, 30, 36, 37 Dhs. 1367
- 985, 6, 7 Dhs. 1367
13 *Cf.* MA. i. 203
- 986, 3 *Cf.* MA. ii. 79
- 988, 35 A. v. 113
- 989, 1 A. v. 116
8 *Cf.* Vin. iii. 21, v. 223 *etc.* *To end of para. cf.* MA. i. 62, Asl. 369
9 S. v. 56, 189, A. iii. 414, It. 49 ;
cf. M. i. 55, S. iv. 256, Vbh. 264
11 Dhs. 1096, 1448, Vbh. 373
12 A. iii. 414
20 M. i. 6 *ff.*
29 *Cf.* Dhs. 1097, Vbh. 366
32 *Cf.* Dhs. 1098, Vbh. 366
35 M. i. 484, A. v. 31 ; *cf.* Dhs. 1099,
Vbh. 366

990,	5	Vbh. 366 <i>f</i> .
	16	S. iii. 48, v. 56, Vbh. 367
991,	21	<i>Cf.</i> It. 53, ItA. ii. 30 ; <i>cf.</i> Nd1. 33
	32 (1)	<i>Cf.</i> A. iii. 401, SA. iii. 75
	32 (2)	Vin. ii. 136
	33	(?)
	34	S. iii. 93, It. 89
	35	<i>Cf.</i> Nd2. 169
	38- }	<i>Cf.</i> M. i. 299, S. iii. 159
992,	4	
992,	5	<i>Cf.</i> S. iv. 259, v. 56
	17, 20, 22	<i>Cf.</i> Netti. 96, Peṭ. 32 <i>f</i> .
993,	2	A. iv. 82; <i>quoted</i> MA. ii. 381, SnA. 37
	15	M. Sta. 67
	18, 22, 26	M. i. 459.
	33	<i>Cf.</i> M. i. 80, 246
	38	<i>Cf.</i> SnA. 393
	6	<i>Cf.</i> A. iv. 82 ; <i>referred to at</i> Miln. 105, 216, 285 ¹
	17	S. iv. 297, Vbh. 368, VbhA. 498
	20	<i>Cf.</i> Vin. i. 34, S. iv. 19, Vbh. 368, VbhA. 498
	34	<i>Cf.</i> A. iv. 41
995,	4	Jā. No. 439, VbhA. 471
996,	1	<i>Quoted</i> VbhA. 472
	4	AA. iv. 30
	29	AA. iv. 30
997,	4	<i>Cf.</i> MA. ii. 218
	5	(?)
	6 (1)	(?)
	6 (2)	(?)
	7	Kvu. 335
	23	<i>Cf.</i> S. ii. 83, Nd1. 90, Pṭs. ii. 178, Vbh. 135, 340
	25	<i>Cf.</i> PṭsA. ii. 401
	26	Vbh. 135 ; <i>cf.</i> Vism. 530
	35	(?) <i>cf.</i> Vism 530
	36	(?)

¹ Also *cf.* Śatasahāsrika ix, 1449-50 ; transln. at *Bud. Texts through the Ages*, ed. E. Conze. 1954, p. 145.

- 998, 16 (?)
 24 *Cf.* PtsA. ii. 401
 26 Vbh. 135 ; *cf.* Vism. 530
 30 *Cf.* PtsA. ii. 401
 32 Vbh. 135 ; *cf.* Vism. 530
 34 Vism. 659 ; *cf.* M. i. 477 *f.*, A. i. 118,
 Pug. 14 *f.*
 35 *Cf.* A. i. 231
 999, 1 A. ii. 22
 11 A. iv. 241, It. 51, Netti. 50
 1000, 23 VA. 604
 25, 26, 27 *Cf.* ItA. ii. 121
 36 *Cf.* ItA. ii. 122
 1001, 2 *Cf.* A. iv. 262
 3, 5 *Cf.* ItA. ii. 122
 18 Vbh. 423
 35 *Cf.* DA. 998
 1002, 1 *Cf.* Vbh. 324 ; *quoted* Vism. 439
 17 A. iv. 110
 30, 33, 36 *Cf.* SA. iii. 237, ItA. ii. 28
 1003, 1 *Cf.* Vism. 446
 1, 2, 3 *Cf.* BuA. 33
 6 *Cf.* AA. ii. 345
 1004, 22 *Cf.* AA. ii. 371 *f.*
 1005, 8 Vbh. 325 ; *quoted* Vism. 439
 26 *Cf.* AA. ii. 242
 36 *Cf.* AA. ii. 243
 1006, 21 D. i. 211
 1007, 1 Vbh. 208 *f.*
 8 Vbh. 216, Vism. 679
 11 *ff.* *Cf.* AA. iii. 357 *f.*
 1008, 21 Vism. Ch. ix.
 22 Vism. Ch. x.
 26 M. i. 10 ; *cf.* A. iii. 388, Nd1. 496
 29, 33 M. i. 10, A. iii. 389
 1009, 1 M. i. 11, 223, A. ii. 117, 153
 3- }
 1019, 2 } AA. iii. 44 *ff.*
 1013, 16 Vism. 62 *ff.*

- 1015, 34 Vism. 66
 1016, 2 Vbh. 251 ; *quoted* AA. iii. 200
 13 Vism. 59
 21 (?)
 32 (pahāna : 5 kinds Asl. 351 ; *cf.* MA. ii. 67, 71)
 1019, 33 Vism. 178 *ff.*
 1020, 1, 7, 11 Vbh. 329
 15 *Cf.* Vbh. 330
 1021, 1 Vism. 198 *ff.* ; *cf.* MA. i. 172
 25 *See* DA. 944
 1023, 8 *ff.* MA. iii. 103
 28 *Cf.* SA. i. 17, iii. 137
 1024, 4 Ud. 67, 69
 12 *Cf.* MA. ii. 35 *f.*
 20 S. iii. 247
 25 D. Sta. 28
 26 *Cf.* AA. iii. 147
 33— }
 1025, 6 } *Cf.* MA. v. 76
 7 A. ii. 32
 1025, 32 *Cf.* Pug. 63, AA. iii. 113
 37 Pug. 63
 1026, 1, 6, 10 Pug. 63
 23 Vism. Ch. xiv.
 24 DA. 403
 28 *Cf.* Dhs. 1122, Nd1. 37, 128, 134,
 Vism. 683, AA. iii. 281, Asl. 373
 1027, 13 DA. 211
 28 VA. 517 *ff.*
 37 *Cf.* AA. iii. 173
 1028, 18 *Cf.* Vin. ii. 248, M. i. 126, A. iii. 196
 21 *Cf.* AA. v. 36
 32— }
 1029, 28 } AA. iii. 257 *f.*
 1028, 35 *Cf.* DA. 529
 1029, 32 DA. 480
 34 *Cf.* AA. ii. 350, iv. 7, 39
 1030, 5 *Cf.* AA. ii. 349

1031,	15- 26	} AA. iii. 324 <i>ff.</i>
1031,	31- 1032, 36	} AA. iii. 321 <i>f.</i>
1032,	27- 1033, 20	} AA. iii. 230 <i>f.</i>
1033,	23-29	AA. iii. 363
1034,	2	Vism. Ch. xv.
	4	<i>Cf.</i> MA. v. 21
	15-37	<i>Cf.</i> VA. 1315
	36	<i>Cf.</i> AA. iii. 362
1035,	3	<i>Cf.</i> MA. v. 22
	7	<i>Cf.</i> DA. 533
	8	M.Sta. 48
	32- 1036, 1	} <i>Cf.</i> MA. i. 106, 169
1036,	7-12	MA. iv. 93, VbhA. 55
	14-38	AA. iii. 347 <i>f.</i>
1037,	2-19	AA. iii. 336
	25	Vism. Ch. vii.
	26	<i>Cf.</i> AA. iii. 176
	35	<i>Cf.</i> AA. v. 8
1038,	10	<i>Cf.</i> MA. iii. 103, AA. iii. 212, Netti. 158
	36	D. ii. 79, 303, DA. 531, 785
1039,	10	<i>Cf.</i> AA. iii. 283
	12	A. iv. 114 (<i>reading ettako</i>)
	14	A. iv. 114
	21- 1040, 18	} AA. iv. 7
1040,	27- 1043, 22	} MA. iv. 42-6
1040,	27	Vin. iv. 207, v. 93, M. ii. 247, A. iv. 144
	30	Vin. ii. 88, iii. 164, iv. 126, 238, v. 93
	32	<i>Cf.</i> Vin. ii. 88
1041,	1	<i>Cf.</i> Vin. ii. 88
	8, 15, 33	Vin. ii. 93
	12	Vin. ii. 97

	28	<i>Cf.</i> Vin. ii. 98-99
	37	Vin. ii. 99 ; <i>cf.</i> Vin. iv. 207, 351
1042,	7	Vin. ii. 79 <i>f.</i> , 99
	17	Vin. ii. 100
	25	Vin. ii. 101 <i>f.</i>
	27	Vin. ii. 99
	28, 32, 38	Vin. ii. 102 <i>f.</i>
1043,	10	Vin. ii. 103
	14	Vin. ii. 87
	15	Vin. ii. 102
	16	Vin. ii. 104
	18	Vin. iv. 207-351
	21	Vin. ii. 73-104 ; <i>cf.</i> Vin. v. 101-113
	22	VA. 1191 <i>ff.</i>
	31- }	
1044,	12 }	AA. iv. 157
1044,	13	AA. iv. 123
	14- }	
1045,	2 }	AA. iv. 122 <i>f.</i>
1045,	3-17	AA. iv. 126
	20-25	<i>Cf.</i> AA. iv. 72
	22	A. iv. 157 ; <i>cf.</i> A. ii. 188
	26	DA. 561
	33	AA. iv. 192
	35- }	
1046,	7 }	AA. iv. 193
1046,	8	<i>Cf.</i> AA. iv. 190
	13	DA. 1029 (?)
	20-22	AA. iv. 193
	29- }	
1047,	32 }	AA. v. 5-7
1047,	33- }	
1048,	20 }	AA. v. 19-20
1048,	20	Vism. 118-177
	23	DA. 69-73
	24- }	
1049,	4 }	SA. ii. 145 <i>f.</i> , Asl. 98
1048,	29	Vin. iii. 139
	32	Vin. iii. 140

1049,	5-	}	MA. i. 201 <i>ff.</i> ; <i>cf.</i> SA. ii. 148 <i>f.</i>
1050,	18		
1049,	19	}	D. i. 55
1050,	21-		
1051,	2	}	MA. i. 204 <i>f.</i>
1051,	3-		
1052,	1	}	AA. v. 7 <i>ff.</i>

Dasuttara

1054,	9		M. iii. 248 ; <i>cf.</i> S. iii. 5
1055,	3		M. i. 55 ; <i>quoted</i> Kvu. 158
1056,	6		Dhp. 21
	25		<i>Cf.</i> AA. i. 32
1057,	21		DA. 983
	35		<i>Cf.</i> MA. iii. 106
1058,	3		It. 61
	21		(?)
	22		Sn. 557
	23		S. i. 16, 63
	24		A. ii. 32 ; <i>quoted</i> Asl. 58
1059,	15		Vism. 88
	26		Vbh. 334
1060,	36		<i>Cf.</i> AA. iv. 71, 73
1061,	11-	}	<i>Cf.</i> MA. ii. 140, AA. i. 76, iv. 118, SnA. 494
1062,	8		
1061,	20		<i>Cf.</i> Vism. 292
	34		<i>Cf.</i> DhA. ii. 103, Nd1. 27, 141, 157
1062,	32-	}	<i>Cf.</i> Pts. i. 87, PtsA. 303 <i>f.</i>
1063,	13		

